

Peraimeri 4

Tusi a Mamona
Tausaga 8–11

Peraimeri 4

Tusi a Mamona

Mo le aoaoina o fanau ua ta'ivalu tausaga e oo i le sefulutasi

Peraimeri 4 Tusi a Mamona
© 1994, 1997 e le Ekalesia a Iesu Keriso o le Au Paia o Aso e Gata Ai
Ua taofia aia uma
Lomia i le lunaite Setete o Amerika
Faamaonia le faa-Peretania: 9/96
Faamaonia le faaliliuina: 9/96

Faasino Mataupu

Numera o le Lesona ma le Ulutala	Itulau
O Fesoasoaniga mo le Faiaoga	v
1 O Le Tusi a Mamona, O Se Meaalofa Mai Se Tama Faalelagi Amaalofa	1
2 Ua Mulimuli Nifae i Lona Tama; o le Perofeta	6
3 O le Aumaia o Papatusi Apamemea	9
4 O le Laau o le Ola	13
5 Ua Taitaiina Atu Liae Ma Lona Aiga i le Vao	18
6 Ua Poloaiina Nifae e le Tama Faalelagi e Fausia se Vaa	21
7 Sopoiaina o le Sami	24
8 Ua Teena e Serema le Perofeta o Iakopo	27
9 Ua Tatalo Enosa	30
10 Ua Aoao Atu e le Tupu o Peniamina Ona Tagata	34
11 O Apinati ma le Tupu o Noa	37
12 Ua Papatiso Atu Alema i le Vai o Mamona	41
13 O Tagata o le Tupu o Limae ma Tagata o Alema	46
14 Ua Salamō Alema le Itiiti ma Atalii o Mosaea	49
15 O Le Misiona a Alema ma Amoleka i Amonaea	52
16 O Alema ma Amoleka i le Falepuipui	56
17 O Amona, O Se Auauna Maoa'e	60
18 Ua Liua le Tamā o le Tupu o Lamonae	63
19 O Aneti-Nifae-Liae	68
20 O Kori'oa, le Aneti-Keriso	71
21 O Sā Soramā ma le Rameutoma	75
22 Ua Aoao Atu Alema e Uiga i le Faatuatua	78
23 Ua Aoaiina e Alema Ona Atalii o Helamana ma Sepulona	83
24 Ua Aoaiina e Alema Lona Atalii o Korianetona	88
25 Ua Faatoilaloina e Kapeteni Moronae Sera'emina	92
26 O Kapeteni Moronae ma le Tagavai o le Saolotoga	97
27 O Helamana ma Toa e Lua Afe	102
28 O Nifae ma Liae i le Falepuipui	106

29	Ua Vavalo Nifae	109
30	Ua Maua e Nifae le Mana Uiga Ese	113
31	O Samuelu le Sa Lamanā	117
32	O Faailoga Vaaia i Amerika o le Fanau Mai o Iesu Keriso	120
33	Ua Faaali le Faaola i Tagata Sa Nifaē	124
34	Ua Aoao Atu e Iesu Keriso ia Sa Nifaē le Lauga Faa-Amuia	127
35	Ua Faamaloloina e Iesu Keriso ē Mamai ma Faamanuiaina Tamaiti	133
36	Ua Tuuina Atu e Iesu Keriso le Faamanatuga i Sa Nifaē	136
37	Ua Aoao Atu e Iesu i Sa Nifaē Ina ia Tatalo	139
38	O Le Filemu i Sa Nifaē	143
39	Ua Molimauina e Mamona le Faatafunaina o Sa Nifaē	147
40	Ua Taitaiina Sa Iaretō i le Laueleele o le Folafolaga	150
41	Ua Teena e Sa Iaretō Perofeta	153
42	O Moronae ma Ana Tusitusiga	157
43	Ua Aoao Atu e Moronae ia Faatuatua ia Iesu Keriso	161
44	Moronae ma le Folafolaga o le Tusi a Mamona	166
45	O Le Tusi a Mamona O Se Molimau I Le Toetu O Iesu Keriso (Eseta)	170
46	O Le Tusi a Mamona: O Se Tasi Molimau Ia Iesu Keriso (Kerisimasi)	173
47	E Mafai e le Perisitua Ona Faamanuiaina o Tatou Olaga	177

O Fesoasoaniga mo le Faiaoga

Sa aoao atu e le Faaola le taua o le usiusitai ma le aoaoina atu o poloaiga ina ua ia fetalai, “O sē anaana ma a’oa’o ai, e ta’ua ia e sili i le malo o le lagi” (Mataio 5:19). Ua tuuina atu ia te outou le faatuatuaga paia e fesoasoani ai i fanau e aoao le ala e tausia ai a latou feagaiga o le papatisoga ma auauna atu. A o sauniuni teine taitoatasi e avea ma tamaitai talavou ma tama taitoatasi e avea ma alii talavou ma maua le perisitua, e mafai ona avea outou ma faatosinaga taua i o latou olaga.

I le 1831, ina ua faatoa uma ona faatulaga le Ekalesia, sa aoao atu e le Faaola e faapea o a’oa’o “o le a a’oa’o atu mataupu faavae o la’u talalelei, o i ai i le Tusi Paia ma le Tusi a Mamona” (MFF 42:12), ona pau ia o tusitusiga paia sa i ai. O aso nei, ua i ai i faiaoga le tiutetauave e aoao atu ai upu moni paia mai tusitusiga faavae, e aofia ai le Mataupu Faavae ma Feagaiga ma le Penina Tautele, lea e fesoasoani i tamaiti e faatupuina le faatuatua i le Atua ma Iona Alo o Iesu Keriso.

Vaega o Aoaoga

O tamaiti uma e taivalu tausaga e oo i le sefulutasi tausaga le matutua i le aso 1 Ianuari e aoaoina mai se tasi o tusi lesona 4, 5, 6, ma le 7 a le Peraimeri. E na o le tasi lava le vaega o aoaoga e faaoga i tausaga taitasi mo tamaiti uma o lenei vaega faatulagaina o le matutua. O vaega taitasi o aoaoga ua faavae i luga o se tusi faapitoa o tusitusiga paia. O le Peraimeri 4 i luga o le Tusi a Mamona, Peraimeri 5 i luga o le Mataupu Faavae ma Feagaiga, Peraimeri 6 i luga o le Feagaiga Tuai, ma le Peraimeri 7 i luga o le Feagaiga Fou. E uma tausaga e fa ae ua tatau ona aoaoina e tamaiti tusitusiga faavae taitasi.

E fuafua lava i manaoga ma le aofai o tamaiti e taivalu tausaga e oo i le sefulutasi tausaga le matutua, e mafai lava ona faatulaga vasega i tausaga eseese, tuufaatasi ni tausaga, po o le tuu eseese foi o vasega mo tama ma teine. Peitai, a fuafua lau vasega, e tatau ona e mautinoa lelei e lava lou taimi mo tamaiti taitoatasi.

A atoa le sefululua tausaga o tamaiti, ua amata loa ona auai i Tamaitai Talavou po o le Perisitua Arona. Peitai, e faaauau lava lo latou auai ia latou vasega o le Peraimeri i le taimi o le Aoga Sa seia aulia le vaiaso muamua o Ianuari, pe a amata ona latou auai i le Aoga Sa.

O Le Aoao Atu Faatasi ma Lenei Tusi Lesona

O lenei vaega o le aoaoga ua faaautu i aoaoga mai le Tusi a Mamona. A o e faamatala atu ma talanoaina nei aoaoga, e tatau ona malamalama atili tamaiti i le misiona ma le togiola a Iesu Keriso ma faatupuina le faatuatua tele ma se molimau ia te ia. E tatau ona latou aoao le faaogaina o aoaoga a Iesu Keriso i o latou lava olaga ma maua se manaoga malosī e tausia ana poloaiga.

Ia faamalosiā atu i tamaiti e faitau mai le Tusi a Mamona i le aiga e aoao ai e uiga i perofeta sa galulue i Amerika ma le galuega a le Faaola i tagata o Sa

Nifaē. Afai e aoao tamaiti e uiga i nei perofeta ma le Faaola, o le a mananao foi i latou e mulimuli ia latou faataitaiga ma aoaoga musuia ma mananao ia avea e faapei o i latou. O mea moni taua e aoao mai e tamaiti mai aoaoga a le Faaola ma ana perofeta, o le a fesoasoani e saunia ai i latou e tausia a latou feagaiga ma auauna atu i le Ekalesia i o latou olaga atoa. O nei mea moni o le a tuuina atu ai le malosi ia te i latou e teena faasoosoga o le lalolagi i ona po nei.

O le Sauniuniga
o Oe Lava Ia e
Aoa Atua

Ina ia faataunuina lou valaauga paia e aoao tamaiti, e tatau ona e saunia faalematafaufau ma faaleagaga. O se vaega o lenei sauniuniga o le malamalama lea ma i ai se molimau o mataupu faavae o lo o e aoaoina atu. O le Faaola, o le faiaoga silisili o faiaoga uma, sa ia aoao mai mea e tele e mafai ona tatou faaaogaina a o tatou sauniuni e aoao atu lana talalelei i isi.

- Ia saili ma le lotomaulalo le Agaga e ala i le tatalo. Ua fetalai mai le Alii, “Ia e lotomaulalo; ona taitaiina ai lea o oe e le Alii lou Atua, ma tali atu i au talosaga” (MFF 112:10). Afai tatou te lotomaulalo, ua ia te i tatou le aia tatau tatou te iloa ai le auala e finagalo le Alii tatou te aoao atu ai ana fanau.
- Ia aoao tusitusiga paia ma saunoaga a perofeta soifua. O lo o i ai le mana tele i le aoao ma manatunatu loloto i fetalaiaga a le Alii. Sa ia poloaiina i tatou, “Ia mua’i saili ia maua la’u upu, ona matala ai lea o lou laulaufaiva; o lea, afai e te manao ai, o le a e maua lo’u Agaga ma la’u upu, ioe, o le mana lea o le Atua i le faatalitonuina o tagata” (MFF 11:21).

Sa faamautuina e se perofeta o aso e gata ai, o Peresitene Ezra Taft Benson, le manaomia ona tatou aoaoina o fetalaiaga a le Alii: “Ou te uuna’ia outou ia toe punoua’i outou lava i le aoaoina o tusitusiga paia. Ia faatofuina outou i ai i aso taitasi ina ia i ai le mana o le Agaga i o outou valaauga” (*Ensign*, Me 1986, p.82).

- Ia tausia a outou feagaiga. O lo outou agavaa e taitaiina ai e le Agaga, e faalagolago i lo outou faatuatua i le tausiga o feagaiga ua uma ona outou osia ma le Tama Faalelagi. O le a outou tuuina atu se faataitaiga lelei pe a outou “tausii foi feagaiga . . . ia i latou” (MFF 42:13). A vaai e tamaiti lo outou alolofa i le Faaola ma tautinoga e ola i le talalelei, o le a sili atu foi le uunaia o i latou e mulimuli ia te ia.
- Saili mo auala e fesoasoani ai ia lagona e tamaiti le alofa o le Faaola. Ta’uta’u soo atu i ai le tele o lo outou alofa mo i latou, ma faailoa atu i ai lo latou taua ma lo latou agavaa tele. O lo outou alolofa ma le agalelei o le a fesoasoani i tamaiti e malamalama ai i le alofa o le Tama Faalelagi ma lesu Keriso mo i latou. O le a fesoasoani foi lena ia i latou e aoao ai e alolofa i isi.

Sauniaina
O Au Lesona

O le a fesoasoani lenei tusi lesona ia te outou e faatulaga lesona e taulai atu i tusitusiga paia. O lo o faaaogaina i lesona faamatalaga ma tusi sii mai le Tusi a Mamona e fesoasoani ai i tamaiti ia malamalama i mataupu faavae o le talalelei. E le o faailoa tonu mai i lesona le ala e aoao ai mau faatonuina. Afai ua outou saunia ma aoao i le Agaga, o le a outou fesoasoani i tamaiti e sili atu lo latou malamalama i mau faatonuina, mataupu faavae o lo o ta’ua ai, ma le ala e faaaogaina ai e tamaiti nei mataupu faavae i o latou olaga. A lelei ona saunia a outou lesona ma matagofie, o le a sili atu ona tinou tamaiti e faalogo ma aoao.

O faasologa o lo o ta’ua i lalo o le a fesoasoani ia te outou e faaleleia atili sauniuniga e aoao ai i le atoatoa tamaiti i a outou vasega:

1. Ia suesue ma le agaga tatalo le faamoemoega o le lesona ma fuaitau o mau o lo o lisiina i le vaega o “Sauniuniga” i se vaiaso se tasi pe lua a o lumanai le aoaoina atu o le lesona. Toe faitau le faamoemoega o le lesona ma fuaitau o mau, ma fuafua pe faapefea ona faaoga i tamaiti o lau vasega. Fesili ifo ia te oe lava: “O le a se mea e finagalo le Tama Faalelagi e aoaoina ma fai e tamaiti taitoatasi e mafua mai i lenei lesona? E mafai faapefea ona fesoasoani lenei lesona i tamaiti e faatupuina le faatuatua ia lesu Keriso, faamalosi a latou molimau, ma mafai ai ona latou lavātia faosoosoga leaga latou te fetaiā?” Tusitusi i lalo manatu e oo atu.

O le tusi *O Aoaoga Faavae o le Talalelei* (31110) sa saunia e avea ma tiala faaletagata i aoaoga faavae o le talalelei ma talitonuga. O mataupu patino mai le *Aoaoga Faavae* ua lisiina i le vaega o “Sauniuniga” o nisi lesona. O nei mataupu e mafai ona fesoasoani ia te outou i le saunia e aoao atu mataupu faavae taua po o talitonuga o lo o i ai i lesona. Atonu o lo o i ai se kopi o lenei tusi i le potutusi o la outou falelotu po o le faatau mai foi i la outou faletusi tutotonu.

2. Filifili pe faaoga gaoioiga e faatosina mai ai o lo o fautuaina e faatomua ai le lesona pe fai lava e oe ia, ma ia mautinoa e talafeagai ma fetai lelei e aoaoina atu ai mau tusia.

3. E le o faamatalaina atu i le lesona pe faapefea ona aoaoina atu mau tusia; e tatau ona e sailia le Agaga e fesoasoani ia te oe i le fuafuaina po o le a ma pe faapefea foi ona aoao atu. Faaoga ni metotia eseese o le aoao atu mai lea vaiaso i lea vaiaso (tagai “Aoao Atu mai i Tusitusiga Paia” i le itulau lava lenei). Fuafua e faaafia ai tamaiti o le vasega i le tele o taimi i le aoaoina o gaoioiga, ma aoao atu lau lesona ina ia mafai ona toe faamatala e tamaiti mau tusia i isi.

4. Filifili mai “Talanoaga ma Fesili e Faatatau I Ai” fesili e sili ona fesoasoani i tamaiti ia malamalama i mau ma faaoga i o latou olaga. E mafai ona e faaogaina fesili i soo se taimi a o faia le lesona. E te le tau faaogaina uma.

5. Faitau le “Gaoioiga E Faamauoa Mai Ai” ma fuafua po o afea ma pe faapefea foi ona faaoga mea ua e lagona o le a sili ona fesoasoani i tamaiti i lau vasega e malamalama ai i mau ma le faamoemoega o le lesona. O le a eseese vasega uma, ma o nisi gaoioiga o le a lelei mo le tasi vaega o le a le lelei mo le isi.

6. Fuafua e fetufaai mea na oo i ai le tagata lava ia e lagolagoina ai le faamoemoega o le lesona. Ia taitaiina oe e le Agaga a o e faamatalaina atu mea na e oo i ai ma a o faamatalaina foi e tamaiti mea na oo latou i ai. E i ai nisi mea faaletagata pe faaleaiga e paia pe patino foi ma e le tatau ona talanoaina faalauaitete.

Aoao Atu mai
Tusitusiga Paia

E tatau ona e sailiili pea le Agaga pe a e sauniuni ma aoao atu au lesona (tagai Alema 17:2–4; MFF 42:12–14; 50:17–22). O le a fesoasoani le Agaga e te iloa ai le ala e faamālie ai au lesona ma aoga mo tamaiti.

Atonu e le masani nisi tamaiti o lau vasega ma tusitusiga paia. A outou faitau faatasi, ia manatua tamaiti o le vasega, o i latou e manaomia le fesoasoani e aoao le sueina o tusitusiga paia. Atonu e te manaomia le faaaluina o ni nai taimi i le amataga o le tausaga, aemaise lava pe afai o lo o e aoaoina tamaiti laiti, e faaali i tamaiti le ala e sue ai mau.

Taumafai ala eseese o le tuuina atu o le lesona ina ia faatumauina le fiafia mai o tamaiti. O fautuaga o lo o i lalo e mafai ona fesoasoani ia te oe i ala eseese e aoao atu ai mai i tusitusiga paia.

1. Faamatala atu le mau tusia i au lava upu. Taumafai e fesoasoani i tamaiti latou te vaavaai faalemafaufau i mea o lo o tutupu ma tagata o lo o ta'ua ai. Fesoasoani i tamaiti ia malamalama o tagata o lo o e ta'ua, sa soifua ma na tutupu moni foi mea o lo o ta'ua.
2. Ia faitau sa'o mai e tamaiti faamatalaga po o fuaitau filifilia mai i tusitusiga paia. Ia manatua e le lelei uma le faitau a tamaiti ma o le tomai e faitau e le fuafuaina i tausaga. Afai e mafai uma e tamaiti ona faitau, e mafai ona e tuu atu i ai ni nai minute e faitau ai e aunoa ma se leo. Mulimuli ane, e mafai ona outou talanoaina mea sa latou faitauina. Faaoga le taimi o talanoaga pe a maea ona faitau tamaiti e fesoasoani ai ia te i latou ia malamalama i upu ma fuaitau faigata.
3. Faaoga ata fautuaina o mau tusia e fesoasoani ai i tamaiti e vaai faalemafaufau ai i le mea na tupu. O le tele lava o lesona o lo o i ai ata fautuaina i le vaega "O Mea e Faaoga." O ata o lo o faanumeraina ma o lo o aofia ai ma le tusi lesona. O nisi o ata o lo o i ai i le "Taga Ata O Le Talalelei" ma atonu o lo o i ai i le potutusi o le falelotu (o numera o ata o lo o lisiina i le vaega o "O Mea E Faaoga"). O nei ata o lo o i ai se oototoga o faamatalaga ua lomina i tua. E mafai foi ona e faaaogaina isi ata e talafeagai.
4. Ia faatino e tamaiti i taga mau tusia. (Ia tautuana ia aua ne'i taitaieseina e taga faatino ia le paia o tusitusiga paia.) E mafai ona e aumaia ni mea faigofie e faatino ai, e pei o se ofutalaloga, sikafu, ma isi mea faapena, ma faataga tamaiti e faia taga o vaega uma po o ni nai vaega foi o faamatalaga. Fesiligia i latou pe o le a so latou lagona pe ana fai o latou moni lava o tagata ia latou te sui ai.
5. Ia tusia ni faataitaiga faigofie po o ni ata i luga o le laupapa, pe faaaoga ata po o ata tipi, a o e faamatalaina pe faitauina mau tusia.
6. Ia faia se potu faitautusi e faia ai e ni tamaiti vaega a tagata o lo o i ai i le faamatalaga. O vaega e talafeagai, ia faitau sa'o mai e tamaiti talanoaga mai i tusitusiga paia.
7. Valaaulia se matua, se tagata o le uarota po o le paranesi, po o se tamaitiiti o le vasega e faamatala le tala. Tuu i le tagata se vaiaso se tasi po o se lua e sauniuni ai, ma ia mautinoa ua tuuina atu i ai ia te ia le umi o se taimi mo le faamoemoe.
8. Tuu atu i tamaiti se suega faigofie muamua, e pei o se suega sa'o-sese po o se suega o tali pupuu, a o le i aoaoina atu faamatalaga o tusitusiga paia. Faamalalama i le vasega o lo o e manao e iloa po o le a le tele o lo latou iloa e uiga i le faamatalaga. Ona toe ave lea i ai o lea lava suega e tasi pe a maea, ina ia latou iloa ai mea ua latou aoaoina.
9. Tusi i luga o le laupapa upu po o igoa o tagata mai tala o tusitusiga paia. Ia faalogologo tamaiti mo nei upu po o igoa a o e faamatalaina le tala. Fesoasoani i tamaiti ia aoaoina nei upu fou ina ia sili atu lo latou malamalama i tusitusiga paia ma fiafia e faitau i le fale.
10. A o le i tuuina atu le lesona, ia tusia ni fesili e uiga i le tala i luga o le laupapa. A faalogo tamaiti i tali i le taimi o le tala, taofi ae talanoaina.

11. Faamatala le tala, ona ofo mai lea o tamaiti e toe faamatala vaega e fiafia i ai. E mafai ona e fesili i se tagata se toatasi o le vasega e amata le tala ona tofi lea o isi tamaiti e faaauau.
12. Ia ta se lipine na pueina o fuaiupu filifilia mai tusitusiga paia.
13. Fai se taaloga faafetaui. Sauni ni seti se fa pe oo foi i le valu o ni pepa malo po o ni laupepa ta'i 3" x 5". I le faataitaiga o lo o i lalo, e te tago e tuu le vaega o le miti a Liae i le isi pepa a o lona faamatalaga i le isi pepa o le seti. Faafefilo'i pepa ona faafaō lea i luga o le laulau po o le fola o le fale. Feaua'i mai tamaiti i luga e liliu i luga pepa ta'ilua. Faitau leotele mea o lo o tusia i pepa taitasi. Afai e fetau'i pepa, ona faasaga pea lea i luga. Afai e le fetau'i, ona toe faafaō lea i lalo ae alu ane le isi tamaitiiti. Ia faaauau pea seia faafetaui lelei pepa uma.

Mo se faataitaiga, e mafai ona e faia ni seti faafetaui se lima e faatatau i le miti a Liae (1 Nifae 8; 11). Faaaoga i si seti e tolu e faaopoopo atu ai le fiafia mo tamaiti.

Seti 1: Laau—O Le Alofa o le Atua

Seti 2: Ai Uamea—Afioga a le Atua

Seti 3: Fua—Ola Faavavau

Seti 4: Puao o le Pogisa—Tofotofoga

Seti 5: Fale Tele ma le Vateatea—Faamaualuga o le lalolagi

Seti 6: Fetu—Fetu

Seti 7: Masina—Masina

Seti 8: La—La

14. Fai se taaloga e fesili ai ni fesili. Tuu ni fesili i totonu o se fagu po o se atigipusa, ma feaua'i le vasega e piki mai fesili taitasi ma tali i ai.

Faafoeina o
Talanoaga i
le Vasega

O le auai i talanoaga ma isi gaoioiga o le aoaoina o le a fesoasoani i tamaiti e aoao mataupu faavae o le talalelei. O taiala o lo o mulimuli mai o le a mafai ona fesoasoani ia te oe e te fesili atu ai ni fesili aoga ma uunaia ai talanoaga i le vasega:

1. Fai fesili ma ta'u i le vasega mau ina ia mafai e tamaiti ona sue tali i tusitusiga paia.
2. Fai fesili e le mafai ona taliina i le "ioe" po o le "leai" ae manaomia ai le mafaufau ma talanoaga. O fesili e amata i le *aisea, pe faapefea, o ai, o le a, o anafea, ma po o fea* e masani ona sili atu le lelei.
3. Faaaofia ai tamaiti o le vasega e masani ona le auai i talanoaga i lou valaauina lea o o latou igoa ma fai atu i ai fesili e te lagona latou te mafai ona tali. Tuu i ai se taimi e tali atu ai. Fesoasoani i ai pe a latou moomia, pe a faapea ua lava se taimi e mafaufau ai ma tali mai.
4. Uunai tamaiti e faamatala o latou lagona e uiga i mea ua latou aoaoina mai i tusitusiga paia. Tali lelei atu i mea ua latou fai mai ai.
5. Tali fiafia i tamaiti pe a latou taliina fesili. Fesoasoani ina ia latou iloa e taua o latou manatu ma lagona. Tautuana e fesoasoani i tamaiti e matamumuli e talanoa.

Fesoasoani i
Tamaiti Ina
la Faaoga
Tusitusiga Paia

Fesoasoani i tamaiti e faaoga mea ua latou aoaoina i o latou olaga. Na fautua mai Nifae e tatau ona tatou "faatatau tusi paia uma ia te i matou, ina ia aoga e aoaoina ai i matou" (1 Nifae 19:23). O manatu o lo o ta'ua i lalo o le a fesoasoani ia te oe e faataunuuina ai lenei galuega:

1. Afai e uunaia oe e le Agaga, ia tuuina atu lau molimau i le moni o mea o lo o e aoaoina atu. O le a sili atu le mamana o au lesona pe a e aoao atu ma le loto atoa ma le talitonuga maumaututu.
2. Faamalosi tamaiti e faitau tusitusiga paia i le fale e i latou lava ma faatasi foi ma o latou aiga. Faamalosi tamaiti e aumai a latou kopi o tusitusiga paia i le vasega. Afai e leai ni tusi a tamaiti pe ua galo foi ona aumai, vaai ni kopi faagagaga mo tamaiti e faaoga i le vasega. Afai e i ai se potutusi o le uarota po o le paranesi, e mafai ona e maua mai ai iina.
3. Faatonu tamaiti e faamatala mea ua latou aoaoina. Fesili i ai pe faapefea ona latou faaogaina mataupu faavae o le talalelei sa aoaoina i le lesona i o latou lava olaga.
4. Faapea o oe o se tusitala. Faatalanoa tamaiti faapea o latou o tagata ia sa faitau i ai i tusitusiga paia. Fai i ai e faamatala atu auiliiliga o le tala i le tusitusiga paia ma pe o a ni o latou lagona i le mea na tupu.
5. Vaevae le vasega i ni vaega se lua po o le sili atu foi. A uma ona faamatala le tala, ia tusia i lalo e vaega taitasi mataupu faavae taua. Ona tofu lea o vaega taitasi o le vasega ma le avanoa e faamatala ai pe faapefea ona faaoga nei mataupu faavae i o latou olaga.
6. Fai se suega mau: la faamalosiaiu i tamaiti i le tausaga atoa e maka fuaiupu patino o mea e aoga i o latou olaga. Mo se faataitaiga, e mafai ona latou makaina le 1 Nifae 2: 16, 1 Nifae 3: 7, po o le 1 Nifae 4:6. Fai i ai se faailo, e pei o se mea na tupu, tulaga, po o se faafitauli; ona tuu lea i ai o se lu'i e su'e se mau e fetau i ai. Vaai tamaiti e muamua ona maua mau e fesoasoani i le isi vaega o le vasega e su'e. Ona latou faamatalaina mai lea pe aisea ua fetau ai lea mau ma le faailo.
7. Faamatala atu foi ni mea patino na e vaaia ai tamaiti o usita'ia mataupu faavae sa talanoaina. Mo se faataitaiga, afai o e aoaoina atu se lesona e uiga i le agalelei, e mafai ona e faailoa atu ni mea na e vaaia ai tamaiti o agalelei atu i isi.
8. Tulituliloa mea na faatonuina e fai. Soo se taimi e te tuuina atu ai se mea e fai po o se lu'i, ia mautinoa ua e toe fesili i tamaiti i le amataga o le vasega i le Aso Sa e sosoo ai e uiga i mea na latou fai.

Fesoasoani
i Tamaiti e
Tauloto Mau

E mafai ona avea le taulotoina o mau ma auala lelei e aoao atu ai mea moni o le talalelei. O le tele o tamaiti e fiafia i le taulotoina o mau pe a e faaogaina auala malie eseese. O fautuaga o lo o ta'ua i lalo o ni auala malie e fesoasoani ai i tamaiti i le taulotoina:

1. Tusi i luga o le laupapa pe fai se siata o mataitusi muamua o upu e taulotoina. Mo se faataitaiga, fai le siata o lo o i lalo mo upu i le uluai mataupu faavae o le faatuatua:

M t t i | A | T F m L A o | K m | A P

Faasino mataitusi a o e faia upu taitasi. Toe fai faatele ma ia faataitai e tamaiti pe a mafai. O le a le pine ae latou te le toe moomia le siata.

2. Vaevae le mau i ni fasi fuaitau pupuu. Faitau leotele fasi fuaitau taitasi e amata mai i le faaiuga ina ia muamua ona faitau ma toe faitau e tamaiti le vaega aupito le masani i ai. Mo se faataitaiga, i le Alema 37:35 ia fai faatele e tamaiti le “e tausī i poloaiga a le Atua”. Ona latou faaopoopo atu lea i ai o le isi fasi fuaitau, “loe, a o e taulealea, ia e aoao.” E mafai ona latou faia faatele le fuaiupu atoa.
3. Afai e lelei le faitautusi a tamaiti, ia saunia se kopi o mau mo tamaiti taitoatasi uma. ‘Oti’oti kopi taitasi i ni fasipepa o i ai upu taitasi po o fasi fuaitau foi. A uma ona fai faatasi uma le fuaiupu mo sina taimi, ona tufa atu lea i tamaiti se seti o fasipepa ua faafefiloi ma faatonu e tago le tagata po o le vasega foi e tuufaatasi fasipepa o upu i le faasologa sa’o.
4. Toe fai faatele le mau, ma taofi ae fai i se tamaitiiti e ta’u atu le isi upu po o le fasi fuaitau e sosoo ai. Ona tofi lea o se isi tamaitiiti e faaopoopo nai nisi upu. Ia faaauau pea seia tofi uma tamaiti ma le avanoa.
5. Faaaoga musika e fesoasoani ai i tamaiti e taulotoina.
6. Vavae le vasega i ni vaega se lua. Ia feauauai vaega e faia upu po o fasi fuaitau i le faasologa. E mafai foi ona fai i le isi vaega e ta’u mai le upu muamua, ae ta’u mai e le isi vaega le lona lua, ma faapena lava i le fuaiupu atoa.
7. Filifili se mau e te manao i tamaiti e tauloto. Tusi le mau i luga o le laupapa po o se pepa tele malo. Fai faatele le mau, ona faasolosolo pupuni loa lea pe tapē upu seia taulotoina e tamaiti le mau atoa.

O Le Faaaogaina
Ma le Poto O Taimi
O Lo o Totoe

Afai e uma lau lesona sa saunia a o le i uma le taimi o le vasega, atonu e te manao e faatupuina i lena lava taimi se gaoioiga e faaoga ai le taimi o lo o totoe. O fautuaga o lo o ta’ua i lalo o le a mafai ona fesoasoani ia te oe e faaoga lelei ai lena taimi:

1. Vaai nisi tamaiti e faamatala ni a latou tala o tusitusiga paia e fiafia i ai.
2. Faafae se suega mau i lou tuuina atu lea i tamaiti o ni faailo i ni mau taua ua uma ona latou makaina. Faataga i latou e galulue taitoalua po o ni vaega laiti foi e sue ia mau sa’o.
3. Fesoasoani i tamaiti e tauloto se mau mai lesona po o mataupu faavae o le faatuatua e fetau ma le lesona.
4. Ia faamatala e tamaiti ni manatu e uiga i auala e mafai ai ona latou faaaogaina mataupu faavae mai lesona i o latou aiga, i le aoga, ma a latou uo.
5. Vavae le vasega i ni vaega, ona feauauai lea o tamaiti e fesili atu i isi ni fesili e uiga i le lesona.
6. Ia tusia e tamaiti taitoatasi se ata e faatatau i le lesona pe tusi lolomiina se upusii e ave e faapipii i o latou fale e faamanatu ai le faamoemoega o le lesona.
7. Fai i tamaiti e maka mau mo a latou aoaoga i le lumanai. E mafai foi ona e fai atu i tamaiti e maka fuaiupu mai lesona e faapitoa lo latou fiafia i ai, pe fautua atu foi i ai fuaiupu e te manatu o le a faamanatu ai i tamaiti le faamoemoega o le lesona.
8. Fesoasoani i tamaiti e tauloto le faasologa o tusi i tusitusiga paia.
9. Toe faamanatu mataupu faavae po o tala o tusitusiga paia mai lesona faatoa mavae.

**Musika i
le Potu Aoga**

E mafai ona faalateleina aoaoga o le talalelei ma faamalosia e ala i musika. E masani ona sili atu ona manatua e tamaiti ma aoao e ala i musika.

E le tau aveva oe ma tagata fai musika e faaaoga ai musika talafeagai e fesoasoani ai i tamaiti ina ia lagona le Agaga ma aoao le talalelei. O musika i le vasega e mafai ona aofia ai kaseti faalogologo po o se vaega e pesepese i le taimi o le lesona po o le amataga foi o le lesona ina ia faamamafaina ai se mataupu faavae. E mafai foi ona outou usuina pe faitauina faatasi upu o se pese ina ia faaaui tamaiti i le lesona.

Taimi o Fetufaaiga E i ai nisi taimi o le a valaaulia ai le vasega e faia se faatinoga faigofie o le talalelei i le Taimi o Fetufaaiga a le Peraimeri. O nei faatinoga e mafai ona fai mai i lesona, o le a manaomia ai sina faataitaiga itiiti, ma o le a fesoasoani e faamalosia ai mataupu faavae sa e aoaoina atu. E mafai ona e faaaogaina fautuaga o lo o ta'ua i lalo mo le taimi o fetufaaiga:

1. Faatino se tala o tusitusiga paia.
2. Fai faatasi mau tauloto.
3. Fai faatasi se mataupu faavae o le faatuatua ma faamatala lona uiga.
4. Fai taga o le faaaogaina o se mataupu faavae o le talalelei i aso nei.

**Mataupu Faavae
o le Faatuatua**

E tatau ona e faaaogaina Mataupu Faavae o le Faatuatua i au lesona ma faamalosia tamaiti taitoatasi e tauloto Mataupu Faavae o le Faatuatua a o le i siitia mai le Peraimeri. Ia faaaogaina avanoa uma e fesoasoani ai i tamaiti e tauloto ma malamalama i Mataupu Faavae o le Faatuatua.

**O Le Malamalama
i Tamaiti Ua
Taivalu E Oo I
Le Taisefulutasi
Tausaga
Le Matutua**

Ina ia fesoasoani i tamaiti e aoao ma maua le talitonuina o ia lava, e tatau ona e malamalama i manaoga ma uiga ma fuafua gaoioiga talafeagai ma vasega. Mo nisi faamatalaga faaopoopo e faatatau i uiga o nei tamaiti, tagai i le *O Le Aoao Atu-E Leai Se Isi Valaauga E Sili Atu* (33043 890), itulau 37–38.

O Uiga

Itu i le Tino

E i ai vaitaimi o le tuputupu ae vave ma le faifaimalie
Atonu e faaletonu
E fiafia e taaalo faatasi ma isi

Mafaufau

E fiafia e aoao
E mafaufau i mea na tutupu i aso ua mavae
E manao e iloa pe aisea

E anoanoa soo se mea
E faamama'i e fia pei o isi
Ua faapoopo lona tali atu mo ia lava
E fiafia i galuega tauloto

Va Fealoai

Ua amata ona uma le lē fiafia i tama/teine a e ua manao ia tele
fegalegaleaiga ile va o tama ma teine.
E fiafia i ituaiga uma e lua ma taimi taitoatasi
Maua se lagona malosi mo le tutoatasi
Faatupuina se lagona faateleina o le malie
Maua le fiafia i isi

Lagona Ootia

E le fiafia i faitioga
Atonu o le a faia ni amioga le tusa ai pe afai e tulai mai faafitauli i isi
o lana tupulaga
Ua sili atu le faatuatuaina ma le talitonuina
E mafaufau lava ia tonu se mea
Ua amata ona fesiligia lona ia lava agavaa
Ua amata ona faaitiitia lona fiapule ma faaitiitia lona taumafai e fai e tagata
feau manao i ai

Faaleagaga

E fiafia e aoao ma faataitai mataupu faavae o le talalelei
E ta'a'ina i molimau a isi
E tuputupu a'e le saunia e malamalama i mataupu faavae o le talalelei
E malosi lona lagona o le mea sa'o ma le sese

Taiala Faapitoa Mo le Aofia ai O Tamaiti e Iai Mea e Faaletonu i o Latou Tino Poo Maufaufau

Ua uma ona faailoa mai e le Faaola i ai tatou le faataitaiga, i le lagonaina o le alofa mo tagata e i ai mea o faaletonu. Ina ua mavae lona toetu mai, sa asiasi atu o la i Sa Nifaē, ma faapea atu:

“Po ua ia te outou nisi ua mama'i? Au mai ia i latou iinei. Po ua ia te outou ea nisi ua pipili, pe tauaso, pe setu, pe manu'a, pe lepela, pe mamae, pe tutuli, pe puapuagatia i se tasi mea? Ina aumai ia i latou iinei, ou te faamaloloina i latou, aua ua mutimutivale lo'u alofa ia te outou” (3 Nifae 17:7).

O lo o faapea ona i ai oe le faiaoga o le Peraimer i se tulaga sili ona lelei, e faaalua ai le alofa. Atonu lava e le i aoaoina oe i tomai ma le malamalama mo le tuuina atu o le fesoasoani faapitoa, ae i le aveva o oe ma faiaoga, o le a mafai ona e malamalama ai ma tausia tamaiti e i ai mea o faaletonu. O le popole, loto malamalama, ma le naunau ina ia aofia ai tamaiti taitoatasi o le vasega i gaioioiga e aoaoina ai, e matua manomia lava.

E mafai e tamaiti e i ai mea o faaletonu i o latou tino poo mafaufau ona pai iai le Agaga e tusa lava pe o le a le tulaga o le malamalama o lo o ia te i latou. E ui lava ina e iai nisi tamaiti atonu o le a le mafai ona auai i le taimi atoa o le Peraimer, ae e tatau lava ona maua e i latou le avanoa e auai tusa lava pe na

o sina taimi puupuu, ina ia latou lagonaina le Agaga. Atonu e moomia le iai o se soa e faigofie ona iloa ma lagona e ia mea e manaomia e lea tamaititi, ina ia la faatasi i le taimi o le Peraimeri, ina ne'i manaomia e le tamaititi se taimi e alu ese ai o ia mai le vaega atoa.

Atonu o nisi tamaiti o le vasega o lo o faafeagai ma tulaga faaletonu i o latou tino poo mafaufau e faafaigata ai ona aoao i latou, e pei o le tauaso poo le logonoa, vaivai le mafaufau, faafitauli i le gagana poo le gūgū, faafitauli tau le amio poo le vafealoai, ma'i le mafaufau, feminoia'i poo le tafitifiti solo, poo faafitauli tumau tau le soifua maloloina. O nisi tamaiti atonu e faafaigata i ai latou le gagana poo tulaga o le aganuu ona e le masani. E tusa lava la pe o le a le tulaga e iai tamaiti taitoatasi, ae o lo o iai i tamaiti taitoatasi le manao ia alofagia, ma ia taliaina, ia aoao i le talalelei, lagona le Agaga, auai atoatoa, atoa ma le auauna atu i isi.

O taiala nei e mafai ona fesoasoani ia te oe i le aoaoina o se tamaititi e i ai ni mea o faaletonu i o latou tino poo mafaufau: Aua le manatu mamafa fua i mea o faletonu, ae ia matua malamalama lelei i le tamaititi. Ia onosai, faaalua le agaga faauo, ma le alofa. Ia aoao ia iloa mea faapitoa e malosai ai le tamaititi atoa foi ma mea e faafaigata ia te ia. Ia faia taumafaiga uma e aoao ma faamanatu atu ai i tagata o le vasega lo latou tiutetauave, ina ia faaloalo i tagata uma o le vasega. O le fesoasoani i se tamaititi e iai se mea o faaletonu i lona tino poo lona mafaufau, e mafai ona avea o se tulaga faaleaoaoga faaKeriso mo le vasega atoa. Ia saili le auala sili e aoaoina ai le tamaititi e ala lea i le talatalanoa muamua ma matua, isi tagata o le aiga, atoa foi ma le tamaititi pe a talafeagai ai. A'o le'i valaauina se tamaititi e iai mea o faaletonu i lona tino poo le mafaufau e faitau, tatalo, poo le auai i gaoioiga fai a le vasega, ia fesiligia muamua poo le a sona lagona e tusa ai ma lona auai i mea fai a le vasega. Ia faamamafaina atu le tomai ma taleni a tamaiti taitoatasi, ma ia silasila totoa i auala e mafai ai e tamaiti taitoatasi ona auai atoatoa ma le fiafia i gaoioiga fai a le vasega. Ia fetuutuunai ma suia tulaga o lesona ma mea o lo o siosiomia ai, ina ia faamalieina ai tulaga manaomia mo tamaiti e iai mea o faaletonu.

O Le Taulimaina o Faafitauli o le Faasaunoa

I le avea ai o oe ma se faiaoga, atonu e te iloa tamaiti o lo o pologa i lagona mafatia po o le tino foi ona o le faasaunoa. Afai e te popole i se tamaititi i lau vasega, faamolemole talanoa ma lau epikopo. Afai e te sauniuni ma tuuina atu au lesona, ia e tatalo mo le taitaiga ma le faatonuga a le Alii. Fesoasoani i tamaiti taitasi o lau vasega ina ia lagona o ia o se atalii/afafine faapelepele a le Tama Faalelagi ma e alolofa le Tama Faalelagi ma Iesu Keriso ia i tatou uma lava taitoatasi ma e finagalo i la'ua ina ia tatou fiafia ma saogalemu.

Mataupu e Aoaoina

O se lesona faapitoa, "E Mafai e le Perisitua Ona Faamanuiaina o Tatou Olaga," o loo aofia ai i totonu o lenei tusi lesona. E tatau ona faaaogaina lenei lesona e faiaoga o tamaiti ua tai sefulutasi tausaga le matutua a o sauniuni tama e avea ma tiakono ae siitia teine i Tamaitai Talavou. Ia aoao atu lenei lesona a o le'i aulia le sefululua tausaga o le uluai tamaititi o lau vasega. Ia tatalo mo le taitaiga a le Alii a o e sauni e tuuina atu le lesona ina ia malamalama tamaiti i le perisitua, pe faapefea ona faamanuiaina ai o latou olaga, ma pe mafai foi faapefea ona latou faataunuuna o latou tiutetauave e faamamalu ai le perisitua.

O Le Tusi a Mamona, O Se Meaalofa Mai Se Tama Faalelagi Amaalofa

Faamoemoega Ina ia fesoasoani i tamaiti ia alolofa ma faatauaina le Tusi a Mamona.

Sauniuniga

1. Suesue ma le agaga tatalo le faatomuaga ma le Molimau a le Perofeta o Iosefa Samita, o lo o tusia i luma o le Tusi a Mamona (po o le Iosefa Samita–Talafaasolopito 1:29–35, 42–54, 59–60). Ona suesue lea o le lesona ma fuafua pe faapefea ona e aoaoina atu nei mau i tamaiti. (Tagai i le “Sauniaina o Au Lesona.” itulau vi, ma le “Aoa mai i Tusitusiga Paia,” itulau vii.)
2. Faitauga Tusi Faaopoopo: Itulau taiulu o le Tusi a Mamona. O Le Mau a Molimau e Toatolu, Le Mau a Molimau e Toavalu, Mamona 6–7.
3. Filifili fesili talanoaina ma gaoioiga e faamau’oa mai ai o le a aofia ai tamaiti ma sili ona fesoasoani mo i latou ina ia ‘ausia le faamoemoega o le lesona.
4. O Mea e Faaaoga:
 - a. Ia tofu tamaiti ma se Tusi a Mamona.
 - e. Se Tusi a Mamona ua afifi faameaalofa.
 - i. Ia tofu tamaiti ma se faailogatusi, a mafai (tagai i le faataitaiga o lo o i le faaiuga o le lesona).
 - o. Ata 4–1, O Mamona o lo o Ootootina Papatusi (Taga Ata o le Talalelei 306; 62520); 4–2, O lo o Natia e Moronae Papatusi i le Mauga o Kumora (Taga Ata o le Talalelei 320; 62462); ma le 4–3, Ua Maua e Iosefa Samita Papatusi Auro (Taga Ata o le Talalelei 406; 62012).

**Faalautelega
Fautuaina
o le Lesona**

Gaoioiga e
Faatosina Mai Ai

Tofi se tamaitiiti e faia le tatalo amata.

Faali atu i tamaiti le Tusi a Mamona o lo o afifi faameaalofa.

- Aisea tatou te tuuina atu ai ni meaalofa?
- O le a sou lagona pe a fiafia se tagata i se meaalofa na e tuuina i ai?

Ia faamalamalama atu, ona o le tele o le alofa o le Tama Faalelagi mo i tatou, na ia tuuina mai ai ia te i tatou se meaalofa e fesoasoani ina ia tatou ‘ausia le ola e faavavau. Ua i ai i lenei meaalofa se savali taua mo i tatou uma taitoatasi. O lo o aoa mai ai ia te i tatou e uiga i le Faaola, o Iesu Keriso, ma le ala tatou te ola ai ina ia mafai ona tatou toe foi atu i le Tama Faalelagi. Na saunoa mai le Susuga a Ezra Taft Benson, le Peresitene lona sefulutolu o le Ekalesia e faapea: “O lenei meaalofa ua sili atu lona taua i tagata nai lo mea matagofie maoae ua tatou vaaia i vailaau faaneionapo. E sili atu lona taua i tagata nai lo le atinae o vaalele po o femalagaiga i le vateatea” (*Liahona*, Ianuari 1987, para. 1)

- E te manatu o le a lea meaalofa?

Fai i tamaiti e fesoasoani i le tatalaina o le meaalofa. Ia molimau atu pe na faapefea ona faamanuiaina lou olaga i le aoaoina o le Tusi a Mamona ma fesoasoani ia te oe ina ia avea atili e faapei o le Faaola.

Tala O Tusitusiga
Paia

Aoao atu tala o le oo mai o le Tusi a Mamona mai le Molimau a le Perofeta o Iosefa Samita. (Mo auala fautuaina e aoao atu ai tala o tusitusiga paia, tagai i le “Aoaoga Mai i Tusitusiga Paia,” i.vii.) Faaaoga le faatomuaga i le Tusi a Mamona e fesoasoani ai i tamaiti ia malamalama i le taua o leni tusi o tusitusiga paia mo i tatou i aso nei. Faaaoga ata i taimi talafeagai.

Talanoaga ma Fesili
E Faatatau I Ai

Suesue i fesili o lo o i lalo ma tusi o mau pe a sauni lau lesona. Faaaoga fesili e te manatu o le a sili ona fesoasoani i tamaiti latou te malamalama ai i tusitusiga paia ma faaaoga mataupu faavae i o latou olaga. O le faitauina o mau ma tamaiti i le vasega o le a fesoasoani latou te maua ai le malamalama i tusitusiga paia.

- O le a le Tusi a Mamona? O ai na ia tusia? (Faatomuaga, parakarafa 1–2. Perofeta Anamua i Amerika.)
- Aisea ua ta’ua ai o le Tusi a Mamona ae le o le Tusi a Moronae po o le Tusi a Iosefa Samita? (Faatomuaga, parakarafa 2. O le perofeta o Mamona na ia tusia le tele o mea sa i papatusi auro, o lo o tusia ma ootoo ai mea na tusia e isi perofeta.)
- O le a le mea aupito taua na tupu i le Tusi a Mamona? Aisea? (Faatomuaga, parakarafa 3. O le asiasiga a Iesu Keriso i tagata Sa Nifaē.)
- O le a le saunoaga a Iosefa Samita e uiga i le Tusi a Mamona? (Faatomuaga, parakarafa 6.) (Tagai i le gaioioiga e faamau’oa mai ai lona 3) pe faapefea ona fesoasoani le faitau ma aoao o le Tusi a Mamona ia te oe?
- E toatele perofeta (Nifae, Mamona, Moronae, Iosefa Samita) sa feagai ma le tele o puapuaga ma faigata ina ia mafai ona tatou maua le Tusi a Mamona. O a mea e tolu e tatau ona e faia ina ia e iloa ai e moni le Tusi a Mamona? (Faatomuaga, parakarafa 8. Faitau i ai, mafaufau loloto i lana savali, fesili i le Atua pe moni.)
- O le a se isi mea o le a tatou iloa pe a tatou maua se molimau i le Tusi a Mamona? (Faatomuaga, parakarafa 9. O Iesu Keriso o le Faaola, Iosefa Samita o se perofeta, ma e moni le Ekalesia.)
- O a mea a Iosefa Samita sa faia i le taimi muamua na faatoa faaali atu i ai le agelu o Moronae? (Molimau a le Perofeta o Iosefa Samita, parakarafa 2–3; Iosefa Samita—Talafaasolopito 1:29–30.)
- O le a le mea na ta’u atu e le agelu o Moronae ia Iosefa Samita? (Molimau a le Perofeta o Iosefa Samita, parakarafa 6–9; Iosefa Samita—Talafaasolopito 1:34–35, 42.)
- O le a le mea na tupu ia Iosefa i le aso na sosoo ai a o la galulue ma lona tama? (Molimau a le Perofeta o Iosefa Samita, parakarafa 15–16; Iosefa Samita—Talafaasolopito 1:48–49.)
- Sa valaauina e le agelu o Moronae Iosefa Samita i lona igoa ina ua ia asiasi atu ia te ia. O le a sou lagona ina ua e iloa e silafia e le Tama Faalelagi lou igoa?
- Sa faatonuina e le agelu o Moronae ia Iosefa e ta’u i lona tama le faaaliga.

Mata o ai e te ta'ua i ai pe a faapea e te oo i se tulaga faapena pei o Iosefa? Aisea?

- O le a le mea sa faia e Iosefa ina ua uma ona ia ta'uina i lona tama? (Molimau a le Perofeta o Iosefa Samita, parakarafa 17–19; Iosefa Samita—Talafaasolopito 1:50–52.)
- Aisea na faatoa maua ai e Iosefa Samita papatusi auro ina ua atoa le fa o tausaga? (Molimau a le Perofeta o Iosefa Samita, parakarafa 20, Iosefa Samita—Talafaasolopito 1:54.)
- O le a se lapataiga na maua e Iosefa ina ua uma ona tuuina atu i ai papatusi auro? (Molimau a le Perofeta o Iosefa Samita, parakarafa 22; Iosefa Samita—Talafaasolopito 1:59.)

Gaoioiga e Faama'uoa Mai Ai

Atonu e te manao e faaoga se gaoioiga se tasi poo le sili atu foi o gaoioiga nei i le taimi o le lesona poo le avea ma iloiloga, aotelega, poo se lu'i.

1. Fai i tamaiti e faitau le itulau faaulutala o le Tusi a Mamona. Fautua i ai latou te faailogaina ia latou lava kopi o le Tusi a Mamona ia faamoemoega o le tusi o lo o ta'ua mai i le itulau faaulutala ma le Faatomuaga.
2. Fesoasoani i tamaiti e tauloto le Moronae 10:4.
3. Talanoaina ma fesoasoani i tamaiti e tauloto le saunoaga a le Perofeta o Iosefa Samita o lo o ta'ua i lalo. "Sa ou ta'uina i le au uso o le Tusi a Mamona o le tusi e aupito sili lea ona sa'o nai lo se isi lava tusi i le lalolagi, ma o le ma'a 'au'au o lo tatou talitonuga faalelotu, ma o le a latalata atu se tagata i le Atua e ala i le ola ai i ona aoaoga, nai lo se isi lava tusi" (Faatomuaga, parakarafa 6).
4. Fesoasoani ia malamalama tamaiti ma tauloto le mataupu faavae lona valu o le faatuatua.
5. Faatino nisi o mea na tutupu e tau atu ai i le oo mai o le Tusi a Mamona.
6. Usu pe faitau upu o le "O Tusi i le Tusi a Mamona" (*Children's Songbook*, p. 119), "Tala o le Tusi a Mamona" (*Children's Songbook*, p. 118), "O Papatusi Auro" (*Children's Songbook*, p. 86), po o le "Search, Ponder, and Pray" (*Children's Songbook*, p. 109)

Faaiuga

Molimau

Tuuina atu lau molimau o Iosefa Samita o se perofeta moni ma e moni le Tusi a Mamona.

(Pule oe pe fai.) Afai e talafeagai, tufatufa ia tofu tamaiti ma se faailogatusi (bookmark) o lo o tusia ai le molimau a Peresitene Ezra Taft Benson (tagai i le faaitaiga o lo o i le faaiuga o le lesona).

Tusi Fautuaina
e Faitau i le Aiga

la fautuaina tamaiti e suesue le Molimau a le Perofeta o Iosefa Samita i le fale e toe iloilo ai lenei lesona. Faasino i ai le mea latou te maua ai lenei faamatalaga i le amataga o le Tusi a Mamona po o le Iosefa Samita—Talafaasolopito 1:29–35, 42–54, 59–60.

U'unai tamaiti e tofu mai ma le kopi o le Tusi a Mamona e aumai i le vasega i Aso Sa taitasi.

Tofi se tamaitiiti e faia le tatalo faaii.

“E finagalo le Tama Faalelagi ina ia outou faaauau ona aoao mai le Tusi a Mamona i aso uma. O le meaalofa faapitoa a le Tama Faalelagi ia te outou. O le a outou aoao e faia le finagalo o lo tatou Tama oi le Lagi e ala i lo tatou mulimuli i ana aoaoga.” *Ezra Taft Benson*

“E finagalo
le Tama
Faalelagi ina
ia outou faaaauau
ona aoao mai
le Tusi
a Mamona
i aso uma.
O le meaalofo
faapitoa a le
Tama Faalelagi
ia te outou.
O le a outou
aoao e faia
le finagalo
o lo tatou
Tama oi
le Lagi e ala
i lo tatou
mulimuli i ana
aoaoga.”

Ezra Taft Benson

“E finagalo
le Tama
Faalelagi ina
ia outou faaaauau
ona aoao mai
le Tusi
a Mamona
i aso uma.
O le meaalofo
faapitoa a le
Tama Faalelagi
ia te outou.
O le a outou
aoao e faia
le finagalo
o lo tatou
Tama oi
le Lagi e ala
i lo tatou
mulimuli i ana
aoaoga.”

Ezra Taft Benson

“E finagalo
le Tama
Faalelagi ina
ia outou faaaauau
ona aoao mai
le Tusi
a Mamona
i aso uma.
O le meaalofo
faapitoa a le
Tama Faalelagi
ia te outou.
O le a outou
aoao e faia
le finagalo
o lo tatou
Tama oi
le Lagi e ala
i lo tatou
mulimuli i ana
aoaoga.”

Ezra Taft Benson

“E finagalo
le Tama
Faalelagi ina
ia outou faaaauau
ona aoao mai
le Tusi
a Mamona
i aso uma.
O le meaalofo
faapitoa a le
Tama Faalelagi
ia te outou.
O le a outou
aoao e faia
le finagalo
o lo tatou
Tama oi
le Lagi e ala
i lo tatou
mulimuli i ana
aoaoga.”

Ezra Taft Benson

Ua Mulimuli Nifae i Lona Tama; o le Perofeta

Faamoemoega

Ina ia faamalosia manaoga o tamaiti taitoatasi e mulimuli i le perofeta soifua.

Sauniuniga

1. Suesue ma le agaga tatalo le 1 Nifae 1–2. Ona suesue lea o le lesona ma fuafua pe faapefea ona e aoaoina atu nei mau i tamaiti. (Tagai i le “Sauniaina o Au Lesona.” itulau vi, ma le “Aoa mai i Tusitusiga Paia,” itulau vii.)
 2. Filifili fesili talanoaina ma gaoioiga e faamau’oa mai ai o le a aofia ai tamaiti ina ia sili ona fesoasoani mo i latou ina ia ‘ausia le faamoemoega o le lesona.
 3. O Mea e Faaaoga:
 - a. Ia tofu tamaiti ma se Tusi a Mamona.
 - e. Le siata o le Mataupu Faavae Lona Ono o le Faatuatua (65006). Ufiufi le upu perofeta i se fasipepa ua gaugau. Tusia i le pito i totonu o le pepa upu ia, “O se perofeta o se tagata na valaauina e le Atua e tautala mo la. A tautala se perofeta mo le Atua, e pei lava o le Atua o lo o saunoa.” Afai e leai se siata o le mataupu faavae lona ono o le faatuatua, tago oe e fai pe tusia foi i luga o le laupapa.
 - i. Ata 4–4, O Liae o Lo o Vavalo i Tagata o Ierusalem (Taga Ata o le Talalelei 300;62517), ma le 4–5, O Le Aiga o Liae Ua Tuua Ierusalem (Taga Ata o le Talalelei 301;62238), ma se ata o le perofeta soifua po o Iosefa Samita (Taga Atao le Talalelei 401;62002).
-

Faalautelega

Fautuaina

o le Lesona

Tofi se tamaitiiti e faia le tatalo amata.

Gaoioiga e
Faatosina Mai Ai

Faaali atu le mataupu faavae lona ono o le faatuatua ma le upu *perofeta* o lo o ufiufi. Fai i tamaiti e sii i luga o latou lima pe afai latou te iloa le upu o lo o ufiufi. Tofi se tamaitiiti e aveese le pepa ma avatu ia te oe. Fai i tamaiti e fai faatasi le mataupu faavae lona ono o le faatuatua.

Faaali atu le ata o le perofeta soifua po o le Perofeta o Iosefa Samita, ma fesili i tamaiti po o ai lenei taga.

- O le a le uiga o le perofeta?

A maea le talanoaga, fai i se tasi o tamaiti e faitau le mea o lo o tusia i le fasipepa gaugau (tagai i le “Sauniuniga”).

Molimau atu o perofeta latou te ta’u atu pea lava pea i tagata mea e finagalo le Tama Faalelagi ma Iesu Keriso latou te faia. Faamalamalama o le a manuia i tatou pe a tatou mulimuli i le perofeta.

Tala o Tusitusiga
Paia

Aoa atu le tala i le perofeta o Liae ma lona aiga ina ua tuua Ierusalem mai le 1 Nifae 1–2. Mo auala fautuaina e aoa atu ai tala o tusitusiga paia, tagai i le “Aoaoga Mai i Tusitusiga Paia,” itulau vii.) Faaaoga ata i taimi e talafeagai ai. Faamamafa atu e tatau ona tatou taumafai uma ia faapei o Nifae ma mulimuli i perofeta soifua.

Suesue i fesili o lo o i lalo ma tusi o mau pe a sauni lau lesona. Faaoga fesili e te manatu o le a sili ona fesoasoani i tamaiti latou te malamalama ai i tusitusiga paia ma faaoga mataupu faavae i o latou olaga. O le faitauina o mau ma tamaiti i le vasega o le a fesoasoani latou te maua ai le malamalama i tusitusiga paia.

- O le a le mea na faia e Liae mo ona tagata? (1 Nifae 1:5) O le a le mea na faaali e le Alii ia Liae i le faaaliga? (1 Nifae 1:6–13.)
- O le a le mea na faia e Liae ina ua maea ona ia mauaina le faaaliga? (1 Nifae 1:18.)
- O ai lea na valoia e Liae? (1 Nifae 1:9, 19. Faamatala o le Mesia, o lesu Keriso.) Fesoasoani ia malamalama tamaiti o perofeta latou te molimau pea lava pea ia lesu Keriso. E mafai faapefea ona e maua se molimau ia lesu Keriso? Molimau atu e mafai e tamaiti taitoatasi ona iloa o lesu o le Faaola e ala i le suesue ma le agaga tatalo i le Tusi a Mamona ma le usitai i poloaiga.
- O le a le mea na fai e tagata ina ua faalogo i upu a le perofeta o Liae? (1 Nifae 1:19–20.) Mata o le a sau mea e fai pe a faapea e faalili oe pe toē atu ia te oe ona o lou talitonu ia lesu Keriso ma lana ekalesia?
- Ina ua maea le taumafaiga a tagata e fasioti Liae, o le a le mea na poloaiina o ia e le Alii e fai? (1 Nifae 2:1–3.)
- O a mea na ave e le aiga o Liae ina ua latou tuua Ierusalem? (1 Nifae 2:4.) O a o latou faaoso? (Meaai, lavalava, fale'ie, meafaigaluega, ma isi mea.) O a mea na tuua e Liae ma lona aiga?
- O le a le mea na fai e Lamana ma Lemuelu ina ua tataua ona latou tuua o latou fale ma a latou auro ma siliva? (1 Nifae 2:11–13.) O le a le uiga o le *muimui*? (O le faitio.) O le a le uiga o le ua ma'a'a? (Lē fautuaina, faamaualuga.) Afai e faatonuina oe e tuua lou aiga ma au meatotino, mata o le a sou lagona?
- Aisea na le faatautee ai Nifae i lona tama? (1 Nifae 2:16.) Faamatala o le *tagi atu i le Alii* o lona uiga o le tatalo ma le loto atoa ma le *faamaluluina* o (*lou*) *loto* o lona uiga ia faalogo ma usitai. E mafai faapefea e le tatalo ona faamalulu lou loto ma fesoasoani ia te oe e mulimuli i le perofeta?
- Na faapefea ona faaali e Nifae le alofa mo Lamana ma Lemuelu pe a le talitonu ia te ia? (1 Nifae 2:18.) Ua e tatalo ea mo se tasi ua le tausia poloaiga?
- O le a se mea na folafola e le Alii ia Nifae ona o lona faatuatua? (1 Nifae 2:19–22.) O le a le uiga o le faatuatua ia te oe?
- O le a le mea na tupu i Ierusalem ina ua o ese le aiga o Liae? (2 Nifae 1:4.) E tutupu pea mea ua valoia e perofeta? (MFF 1:37–38.)
- O anafea na tuua ai e le aiga o Liae Ierusalem? (O le a le uiga o le T.L.M? (Lumanai Keriso)
- O ai le perofeta o lo o i ai nei? (Faaali lona ata pe afai o i ai.) O le a se mea ua ia saunoa mai tatou te faia? Atonu e te manao e ta'u atu pe faitau atu i tamaiti ni nai vaega mai saunoaga lata mai nei. E faapefea ona faamanuiaina i tatou pe a tatou mulimuli i le perofeta soifua?

**Gaoioiga e
Faamau'oa
Mai Ai**

Atonu e te manao e faaaoaga se gaoioiga se tasi poo le sili atu foi o gaoioiga nei i le taimi o le lesona poo le avea ma iloiloga, aotelega, poo se lu'i.

1. Aumai ni nai mea po o ni ata o mea na faaono ave e Liae ma lona aiga i le vao, e pei o se fale'ie, ulo, naifi, 'aū ma 'aufana, maea, po o fatulaau. U'unai tamaiti e mafaufau ma ta'u mai isi mea na faaono ave e le aiga o Liae.
 - O le a sou manatu i le ala o le a manaomia ai e le aiga o Liae nei mea?
O a nisimea faamata e te manaomia e ave pe a e alu i se malaga e pei o Liae?
 - O a ni mea faamata o le a faigata ia oe ona tuu?
2. Faaali atu se ata o Peresitene o le Ekalesia (Taga Ata o le Talalelei 506; 62575), ma fai i tamaiti e tauloto o latou suafa ma le faasologa na auauna ai.
3. Faitau atu i tamaiti le saunoaga lea a Ezra Taft Benson, le Peresitene lona sefulutolu o le Ekalesia. "Ua ou manao nei e tautala atu i fanau a le Ekalesia. . . . "Ou te alofa tele ia te outou! E alofa tele lo outou Tama Faalelagi ia te outou!" O le asō ua ou manao e aoao atu ia te outou mea o lo o finagalo lo tatou Tama Faalelagi ina ia outou iloa ina ia mafai ai ona outou aoao e faia Lona finagalo ma olioli i le fiafia moni. O le a fesoasoani ia te outou i le taimi nei ma o outou olaga atoa. . . . "Ua ou fiafia lava ina ua ou faalogo i lo outou fiafia i le Tusi a Mamona. Ou te fiafia lava foi i ai, ma e finagalo le Tama Faalelagi ina ia faaauau pea lo outou aoao mai i le Tusi a Mamona i aso uma. O le meaalofa faapitoa a le Tama Faalelagi ia te outou. O le a outou aoaoina e faia le finagalo o le Tama Faalelagi pe a outou mulimuli i ona aoaoga" (Lipoti o le Konafesi, Aperila 1989, itulau 102; po o le *Ensign* Me 1989, itulau 81–82.)
4. Ia tusia i nisi fasipepa ni oototoga pupuu mai i lauga o konafesi e le i leva a le perofeta soifua (tagai i mekasini a le Ekalesia mo konafesi). Tuu faamatalaga i se atigipusa po o se tagapepa, ma auaua'i ane tamaiti e piki mai se saunoaga se tasi. A maea ona faitauina e le tamaitiiti le saunoaga, ona fai lea i ai e faamatala mai pe faapefea ona mulimuli i le fautuaga a le perofeta.
5. Talanoaina le mataupu faavae lona ono o le faatuatua, ma fesoasoani ina ia taulotoina e tamaiti.
6. Usu pe faitau upu o le "Ia Viia Oe le Atua, mo le Perofeta" (Pese, Nu. 129). "Tausi Poloaga" (*Children's Songbook*, p. 146), po o le "Mulimuli i le Perofeta" (*Children's Songbook*, p. 110.)

Faaiuga

Molimau

Tuuina atu lau molimau e talu ai e alofa le Tama Faalelagi ia te i tatou, ua ia aumaia ai se perofeta soifua. Molimau atu o le a faamanuiaina tamaiti pe afai e mulimuli i le perofeta soifua.

Tusi Fautuaina e
Faitau i le Aiga

Ia fautuaina tamaiti e suesue le 1 Nifae 2 i le fale e toe faamanatu ai lenei lesona.

Tofi se tamaitiiti e faia le tatalo faai.

O le Aumaia o Papatusi Apamemea

Lesona
3

Faamoemoega la fesoasoani i tamaiti ina ia malamalama lelei, o le Tama Faalelagi e fesoasoani i ai latou e talitonu atoatoa ia te ia ma ususitai i ana poloaiga.

- Sauniuniga**
1. Suesue ma le agaga tatalo le 1 Nifae 3–5. Ona suesue lea o le lesona ma fuafua pe faapefea ona e aoaoina atu nei mau i tamaiti. (Tagai i le “Sauniaina o Au Lesona” itulau vi, ma le “Aoa mai i Tusitusiga Paia,” itulau vii.)
 2. Filifili fesili talanoaina ma gaoioiga e faamau’oa mai ai o le a aofia ai tamaiti ina ia sili ona fesoasoani mo i latou ina ia ‘ausia le faamoemoega o le lesona.
 3. Afai e talafeagai ai, ia saunia se kopi o le faamatalaga, “O le a ou alu ma faataunuu mea uma lava e pei ona poloaiina ai au e le Alii (1 Nifae 3:7) mo tamaiti taitoatasi faapea ai ma o latou igoa ia tusia ai i luga (tagai i le faataitaiga o lo o i le faaiuga o lenei lesona).
 4. O Mea e Faaoga.
 - a. Ia tofi tamaiti ma se Tusi a Mamona.
 - e. O se laupepa o lo o iai se feau faapoloaiga ua faailogaina o lo o i le iuga o le lesona (faatasi ai ma faailoga ua aafia) E tatau lava ona tusia i se laupepa po o luga o le laupapa.
 - i. Ata 4–6, O le ofoina atu e fanau a Liae o oloa ia Lapana, 4–7, Ua vaoia e le Agelu Lamana ma Lemuelu ma le 4–8. O le toe foi atu o Nifae ia Liae ma Papatusi Apamemea.

**Faalautelega
Fautuaina mo
le Lesona**

Gaoioiga e
Faatosina Mai Ai

Tofi se tamaitiiti e faia le tatalo amata.

Faaali le savali faapoloaiga (faatasi ai ma ona faailoga o lo o ufiufi pea) ma fesili pe iai se isi na te mafai ona faitauina. Faamalamalama foi iai, o nisi o poloaiga a le Tama Faalelagi e foliga mai e faigata ona usitaia, e pei lava foi ona faigata ia te oe ona faitauina le savali e pei ona faaalia. E mafai ona tatou faitauina pe a iai se fesoasoani. I le ala lava lea e tasi, i le fesoasoani mai o le Tama Faalelagi, ua mafai ai ona tatou usitaia poloaiga uma.

- Po o a nisi mea ua poloaiina ai i tatou e le Tama Faalelagi e faia?
- O lea sou manatu, e faapefea ona fesoasoani mai le Tama Faalelagi ina ia tatou tausia ana poloaiga?

Faamatala lelei i ai, o le Tama Faalelagi o le a ia fesoasoani mai pe afai tatou te faatuatua ia te ia. Ia faamatala foi i tamaiti, o le lesona lenei o lea aoao atu ai, pe na faapefea ona fesoasoani atu le Tama Faalelagi i fanau a Liae ina ia usitaia se poloaiga sa faafaigata i ai latou ona faataunuuina muamua.

Tala o Tusingisiga Paia.	Faaaoga ata ua fautuaina ma aoao faamatalaga mai le 1 Nifae 3–5 e faatatau i le toe foi atu o Nifae ma ona uso i Ierusalem ina ia aumaia papatusi apamemea. (Mo auala ua fautuaina e aoao atu ai faamatalaga o Tusingisiga Paia, tagai “Aoaoga mai i Tusingisiga Paia” itulau vii) Fesoasoani i tamaiti ina ia malamalama lelei, faapei o Nifae, e mafai foi ona latou maua le fesoasoani mai i le Tama Faalelagi e tausia ai poloaiga pe a tumau lo latou faatuatua.
Talanoaga ma Fesili e Faatatau I Ai	<p>Suesue i fesili o lo o i lalo ma tusi o mau pe a sauni lau lesona. Faaaoga fesili e te manatu o le a sili ona fesoasoani i tamaiti latou te malamalama ai i tusingisiga paia ma faaaoga mataupu faavae i o latou olaga. O le faitauina o mau ma tamaiti i le vasega o le a fesoasoani latou te maua ai le malamalama i tusingisiga paia.</p> <ul style="list-style-type: none"> • O le a le poloaiga a le Tama Faalelagi ia Liae i lana miti? (1 Nifae 3:2–4) Aisea na moomia ai e le aiga o Liae ia Papatusi Apamemea? (1 Nifae 3:19–21) Pe faapefea ona avea Papatusi Apamemea ma faamanuiaga ia Liae ma ona aiga? (1 Nifae 5:21–22) • O le a se mea na faia e Lamana ma Lemuelu ina ua poloaiina i la’ua e toe foi atu i Ierusalem ina ia maua mai Papatusi Apamemea? (1 Nifae 3:5, 28, 31) • O le a se mea na faia e Nifae ina ua poloaiina o ia ina ia maua mai Papatusi Apamemea? (1 Nifae 3:5–7, 15, 21.) Aisea lava na naunau ai Nifae e faataunuuina mea uma na poloaiina ai o ia e le Alii ia faataunuuina? E faapefea ona ia iloa o le a fesoasoani mai le Alii ia te ia mo le mauaina mai o Papatusi Apamemea? Toe foi i faailoga, ma tuu le avanoa i le vasega mo le toe faamatalaina ma tuu faatasi le savali. Faatalatalanoa le uiga o le tusi 1 Nifae 3:7. • O ai sa fesoasoani ia Nifae mo le mauaina mai o Papatusi Apamemea? (1 Nifae 4:6) E faapefea ona tauaogaina i tatou ma agavaa mo le mauaina o le fesoasoani ma letaitaiga a le Agaga Paia? • Aisea e faigata ai i nisi taimi ona tatou usiusitai i poloaiga a le Tama Faalelagi? E faapefea ona avea Nifae ma faaitaiga e fesoasoani i ai tatou mo le usitaia o poloaiga uma? (1 Nifae 7:12) • E faapefea ona tatou aoao e mulimuli atu ia Iesu, e pei o Nifae?

**Gaoioiga E
Faamauoa Mai Ai**

Atonu e te manao e faaaoga se gaoioiga se tasi poo le sili atu foi o gaoioiga nei i le taimi o le lesona poo le avea ma iloiloga, aotelega, poo se lu'i.

1. Fesoasoani i tamaiti ina ia tauloto le 1 Nifae 3:7. Fautua foi i ai i tamaiti e faailoga le fuaiupu lea i totonu o a latou lava tusi o Mamona.
2. Tauloto ma faatalatalanoa le mataupu e tolu o le faatuatua faatasi ma le vasega. Faamamafa atu i ai e tatau lava ona usitaia poloaiga uma a le Tama Faalelagi ma o le a ia faamanuia mai pe a tatou usiusitai.
3. Tofia ni tamaiti latou te faaumaina le faamatalaga, “Ou te faaalua lou faatuatua i le Tama Faalelagi ma Iesu Keriso pe a ou _____.”
4. Usu pe faitau upu “Nephi’s Courage” (*Children’s Songbook*, p. 120) po o le “Keep the Commandments” (*Children’s Songbook*, p. 146).

5. Faaali ni nai ata poo nisi mea e pei ona o le a faaalina ina ia faamanatu mai ai i ai tatou mea ua poloaiina ai i tatou e le Tama Faalelagi (fale mo fonotaga, faletusi ma le tele o ata o lo o lisiina i puipui) Faatalatalanoa poloaiga uma ma o latou faamanuiaga.

Tatalo (62217)

Talai le misiona (62611)

la faia ma le alofa atoa ma le faaaloalo (62316)

Auai i sauniga o Malumalu Sa (62559)

Auai i sauniga o le faamanatuga (62021)

Totogi sefuluai (faaali se teutusi o le sefuluai)Faitau Tususiga Paia (62373)

Tausi le Upu o le Poto (faaali ni ata o mea taumafa manaomia atoa ai ma faamalositino)

la faia ma faataunuu afiafi faaleaiga (62521)

Faaiuga

Molimau

la tuuina atu lau molimau, o le Tama Faalelagi o le a ia fesoasoani mai i ai tatou mo le usitaia o ana poloaiga. E mafai ona e fetuفاai atu se mea lelei na tupu ia te oe na e faaaogaina ai lou faatuatua e tausia ai poloaiga e pei o le tausia o le Sapati, alofa atu i isi, ma nisi auala ua mafai ona e maua ai faamanuiaga.

Afai e talafeagai ai ave i tamaiti ni kopi o le Savali,” O le a ou alu ma faia mea uma ua poloaiina ai au e le Alii,” (1 Nifae 3:7) Tusi igoa o tamaiti i luga o nei kopi ma ia avea ma luitau ia i latou atoa ai ma folafolaga.

Tusi Fautuaina e
Faitau i le Aiga.

la fautuaina tamaiti ina ia suesue le 1 Nifae 3:1–8 4 i le fale e toe iloilo ai lenei lesona.

Tofi se tamaititi e faia le tatalo faaiiu.

$\overline{35}$	$\overline{8}$	$\overline{35}$	$\overline{66}$	$\overline{66}$	$\overline{3}$	$\overline{7}$	$\overline{19}$	$\overline{2}$	$\overline{42}$	$\overline{42}$	$\overline{7}$					
$\overline{5}$	$\overline{75}$	$\overline{1}$	$\overline{5}$	$\overline{75}$	$\overline{35}$	$\overline{2}$	$\overline{3}$	$\overline{82}$	$\overline{8}$	$\overline{75}$	$\overline{35}$	$\overline{16}$	$\overline{75}$	$\overline{5}$	$\overline{75}$	$\overline{1}$
$\overline{66}$	$\overline{7}$	$\overline{50}$	$\overline{42}$	$\overline{75}$	$\overline{19}$	$\overline{5}$	$\overline{75}$	$\overline{16}$	$\overline{7}$	$\overline{88}$	$\overline{88}$	$\overline{19}$	$\overline{2}$	$\overline{42}$	$\overline{1}$	$\overline{42}$
Faailoga: 35=I 8=W 66=L 3=G 7=O 19=A 2=N 42=D 5=T																
75=H 1=E 82=S 16=C 50=R 88=M																

O le a ou alu
ma faia mea uma
ua poloaiina ai au
e le Alii.

1 Nifae 3:7

O le a ou alu
ma faia mea uma
ua poloaiina ai au
e le Alii.

1 Nifae 3:7

O le a ou alu
ma faia mea uma
ua poloaiina ai au
e le Alii.

1 Nifae 3:7

O le a ou alu
ma faia mea uma
ua poloaiina ai au
e le Alii.

1 Nifae 3:7

Faamoemoega

Ina ia faamalosia tamaiti taitoatasi i o latou manaoga ia ia usiusitai i le Afioga a le Atua ma ia agavaa mo le olaga e faavavau.

Sauniuniga

1. Suesue ma le agaga tatalo le 1 Nifae 8, 11, ma 15:21–36. Ona suesue lea o le lesona ma fuafua pe faapefea ona e aoaoina atu nei mau i tamaiti. (Tagai i le “Sauniaina o Au Lesona” itulau vi, ma le “Aoa mai i Tusitusiga Paia,” itulau vii.)
2. Filifili fesili talanoaina ma gaoioiga e faamau’oa mai ai o le a aofia ai tamaiti ina ia sili ona fesoasoani mo i latou ina ia ‘ausia le faamoemoega o le lesona.
3. Afai e talafeagai ia saunia lelei se kopi ua faaupuina mo le laau o le ola e fai ma vaaiga mo tamaiti taitoatasi (tagai i le faataitaiga o lo o i le faaiuga o le lesona).
4. O Mea e Faaaoga.
 - a. la tofu tamaiti ma se Tusi a Mamona.
 - e. O se maea, tuaina, po o se manoa e tusa ma le sefululima futu (5 mita) le umi, o se pupuni ma ni pepa malo se lua o lo o tusia ai ni upu o le tasi o lo o tusia ai le upu Fofoaga ao le isi o lo o tusia le upu o le Ola e Faavavau.
 - i. O faailoga ma uiga o le pepa o lo o faamatala mai ai le laau o le ola atoa ai ma uiga o lo o ufitia i fasipepa. o. O ata 4–9, O Iesu le Keriso (Taga Ata o le Talalelei 240; 62572); 4–10. O le Fanau mai o Iesu (Taga Ata o le Talalelei 200; 62116); 411 O Le Faasatauroga o Iesu (Taga Ata o le Talalelei 230; 62505) 4–12 O le Miti a Liae i le Laau o le Ola (62620); 4–13. O le laau o le Ola ma le Ai Uamea; ma le 4–14, O Le Pa’i Atu o Liae i Ona Fua

**Faalautelega
Fautuaina o
le Lesona**

Gaoioiga e
Faatosina Mai Ai

Tofi se tamaititi e faia le tatalo amata.

1. Ia tulai mai ni tamaiti se toalua i luma o le vasega, o le tasi i le isi itu o le potu, ma le isi i le isi itu. Ia tuuina atu le pepa o lo o tusia ai le igoa Fofoaga i le tamaititi muamua, ae tuuina atu le isi pepa o lo o tusia ai le igoa Ola e Faavavau i le tamaititi lona lua. Ia fusi mata o le tamaititi lona tolu. A maea ona faataamilo mo sina taimi le tamaititi lea ona tuu lea e savali, ma vaai pe savali agai mai i le tamaiti muamua ma agai atu i le tamaititi lona lua e aunoa ma se fesoasoani. Ona faatonuina lea o le tamaititi muamua ma le lua ina ia faaloloa le maea po o le manoa o lo o la uuina i o la lima. Faatonu le tamaititi o lo o fusiina ona mata, ina ia toe taumafai e savali ma pipii atu i le maea seia mafai ai ona oo atu mai i le tamaititi lona lua. Faatalatalanoa pe aisea ua faigofie ai le taimi lona lua, nai lo le taimi muamua. Faamatala i ai, ao tatou nonofo ai i lenei lalolagi o lo o tatou taumafai malosi e toe foi atu i le Tama Faalelagi. O lo o ia tuuina mai ia i tatou avanoa lelei, ina ia mafai ai ona toe maua le ala e foi atu ai ia te ia.

- O le a se mea ua tuuina mai e le Tama Faalelagi ina ia toe taitaiina atu ai i tatou i lona afioaga? (Tusitusiga Paia, perofeta, Agaga Paia.)

Faaali atu le ata o Iesu Keriso ma ta'u atu i tamaiti o le lesona lenei o le a faamatala atu ai le auala e mulimuli ai i aoaoga a le Keriso ina ia mafai ai ona tatou toe foi atu ai i le faatasiga ma le Tama Faalelagi.

Tala o
Tusitusiga Paia

Faaaoga ata ua fautuaina faatasi ai ma le Tusi a Mamona, aoao atu le tala i le miti a Liae mai le 1 Nifae 8 ma le faamatalaina o le miti o lo o i le 1 Nifae 11 ma le 15:21–36. (Mo auala fautuaina e aoao ai tala mai Tusitusiga Paia, tagai i "Aoaoga mai i Tusitusiga Paia" itulau vii). Ia faamalamalama atu o Tusitusiga Paia e masani ona faaaogaina faailoga. O se faailoga e masani lava ona foliga i se mea ua faaaoga e sui ai se faavae o se mea po o se aoaoga. Mo se faaitaiga, o le tamai mamoe o se faailoga o le ola mama, o lona uiga la o Iesu Keriso ua taua o le tamai mamoe a le Alii. Faamatala atu i tamaiti o le lesona lenei o le a aoao atili ai i faailoga e pei ona iloa e Liae i lana miti atoa ma o latou uiga.

Talanoaga ma
Fesili e Faatatau
I Ai

Suesue i fesili o lo o i lalo ma tusi o mau pe a sauni lau lesona. Faaaoga fesili e te manatu o le a sili ona fesoasoani i tamaiti latou te malamalama ai i tusitusiga paia ma faaaoga mataupu faavae i o latou olaga. O le faitauina o mau ma tamaiti i le vasega o le a fesoasoani latou te maua ai le malamalama i tusitusiga paia.

- Aisea na manao ai Liae i lona aiga ina ia aai i le fua o le laau o le ola. (1 Nifae 8:10–12) O le a se mea o lo o finagalo iai le Tama Faalelagi mo lana fanau uma?
- O lea sou manatu, aisea na aai ai nisi o le fanau a Liae i le fua o le laau ao isi e leai? (1 Nifae 8:13–17) O a nisi o mafuaaga e masani ai ona tatou le usitaia poloaiga a le Tama Faalelagi?
- O a uiga o faailoga e pei ona iloa i le miti a Liae? Faaali atu faailoga o le laau o le ola ma pepa o faamalamalamaga ma faailoa mai uiga taitasi ao talanoaina.

Faailoga:	O Uiga:
1. O le laau (1 Nifae 8:10)	1. O le alofa tele o le Atua i le lalolagi ua la aumaia ai lona Alo Pele e toatasi (1 Nifae 11:21-22, Ioane 3:16)
2. O le fua (1 Nifae 8:11)	2. O le ola e faavavau (1 Nifae 15:36; MFF 14:7)
3. O le ai uamea (1 Nifae 8:19)	3. O le afioga a le Atua (1 Nifae 15:23-24)
4. O le pogisa (1 Nifae 8:23)	4. Faasoosoga a le tiapolo (1 Nifae 12:17)
5. O le fale tele ma le vateatea (1 Nifae 8:26-27)	5. O manatu faamauualuga o le lalolagi (1 Nifae 11:36)

- Ina ua fesili Nifae i le agelu e faamatala mai le uiga o le laau, sa ia vaia se faaaliga o le fanau mai ma le galuega faamisiona a le Faaola. E faapefea ona faaaliga le alofa o le Atua i ai tatou e auala mai i le fanau mai ma le galuega faamisiona a Iesu Keriso?
- O le a le fua o le laau? (O le meaalofa o le Ola e Faavavau.) Na iloa e Nifae, o Iesu Keriso, ona o lona alofa mo i tatou, o le a faasatauroina mo a tatou agasala, ina ia tatou salamo ma toe maua le Ola e Faavavau. Ia faamalamalama atu, o le ola e faavavau, o le ola faatasi lea ma le Tama Faalelagi o ni aiga i le malo selesitila. O le a le mea e tatau ona faia ina ia maua ai le ola e faavavau?
- O le a le ai uamea? (O le a fioga a le Atua) E faapefea ona fesoasoani le faitauina o le Tusi a Mamona i aso uma mo le faatumauina o i tatou i le Tama Faalelagi? (1 Nifae 15:24) E faapefea ona faamanuiaina oe i le faitauina o le Tusi a Mamona?
- O le a le mea o lo o faatusaina iai le pogisa tele? (O faaososoga a le tiapolo, e faavevesi ai tatou ma taitaiina ai i tatou i ala sese.) O a ala ua taumafai ai Satani e faaososo i tatou ina ia aua nei o tatou toe ui i le ala sa'o ma le va apiapi? O le a le mea e ao ona fai e tetee atu ai i ana faaososoga? Aisea tatou te fiafia ai pe a tatou tumau pea i le ala sao ma le va apiapi?
- O le a le fale tele ma le vateatea? (O le faamaualuga o le lalolagi) O a ni ala ua latou faatauemu ai ia te oe ao e taumafai e fai le mea sao? O ai e faatosinaina tagata ina ia faatauemu mai ia i tatou?

Afai e talafeagai ia tuuina atu se ata o le miti a Liae i tamaiti taitoatasi e ave i o latou aiga. Ia tuuina atu le avanoa i tamaiti e mafai ai ona faia a latou lava filifiliga i le vaiaso a sau e fesoasoani ai ina ia latou tumau ai pea i le ai uamea. (O tali e tatau ona aofia i le faitauina i aso uma o le Tusi a Mamona, usiusitai i matua, tatalo, faamaoni, filifilia o uo lelei, filifilia o fiafiaga lelei, ma isi tulaga uma faapena.

Gaoioiga e

Faamauoa Mai Ai

Atonu e te manao e faaoga se gaoioiga se tasi poo le sili atu foi o gaoioiga nei i le taimi o le lesona poo le avea ma iloiloga, aotelega, poo se lu'i.


1. Faia se taaloga faatusatusa. Faaoga faamatalaga mai i faailoga ma pepa o uiga o le laau o le ola, tusi faailoga taitasi mai i le miti a Liae, ma uiga o faailoga taitasi i nisi pepa e tusa ma le 3" x 5". Faaoga nisi pepa e ono 3" x 5" e fai ai ni seti o ata faatusatusa po o faailoga e pei o le mata fiafia, o fetu, o fatu. Faafefiloi pepa uma ma faafaō i lalo i ni laina se fa i le fola o le fale po o le laulau. Ona valaau lea o tamaiti e o mai taitoatasi ma fuli i luga ni pepa se lua. Faitau leotele mea o lo o i pepa taitasi. Afai e talafeagai le faatusatusaga, ona tuu ai lea faapena i luga o le laulau. O le iuga o le taaloga faatoa maua pe a uma i luga pepa o lo o faafaō.
2. Fesoasoani i tamaiti e tauloto le 1 Nifae 15:23–24.
3. Usu pe faitau upu o le "He Sent His Son" (Children's Songbook, p. 34), "I Will Follow God's Plan" (Children's Songbook, p. 164), "O au o se Atalii o le Atua" (Pese Faatasi Ma A'u itulau B-76).

Faaiuga

Molimau la tuuina atu lau molimau e faapea, o le usiusitai i poloaiga e mafai ai ona tatou foi atu nonofo faatasi ai ma le Tama Faalelagi.

Tusi Fautuaina e faitau i le Aiga la fautuaina tamaiti e suesue le 1 Nifae 8:5–34 i le fale e toe iloilo ai lenei lesona.

Tofi se tamaititi e faia le tatalo faaiu.



1 O le laau
(1 Nifae 8:10)

O le alofa o le Tama
Faalelagi i le
lalolagi, ua ia
tuuina mai ai lona
Atalii pele e toatasi.
(1 Nifae 11:21-22 :
Ioane 3:16)

2 Fua o le laau
(1 Nifae 8:11)

Ola e Faavavau.
(1 Nifae 15:36
MFF 14:7)

3 Ai uamea
(1 Nifae 8:19)

Afioga a le Atua
(1 Nifae 15:23-24)

4 O le pogisa tele
(1 Nifae 8:23)

Tofotofoga
(1 Nifae 12:17)

5 Fale tele ma
le Vateatea
(1 Nifae 8:26-27)

Faamaualuga o
le lalolagi (
1 Nifae 11:36)

Ua Taitaiina Atu Liae Ma Lona Aiga i le Vao

Faamoemoega

Ina ia fesoasoani atu ina ia malamalama tamaiti afai latou faia mea uma ma talitonu i le Tama Faalelagi o le a faapea ona la taitaiina i latou.

Sauniuniga

1. Suesue ma le agaga tatalo le 1 Nifae 16, Alema 37:38–46 ma le Faataoto 3:5–6. Ona suesue lea o le lesona ma fuafua pe faapefea ona e aoaoina atu nei mau i tamaiti. (Tagai i le “Sauniaina o Au Lesona” itulau vi, ma le “Aoa mai i Tusitusiga Paia,” itulau vii.)
2. Filifili fesili talanoaina ma gaoioiga e faamau’oa mai ai o le a aofia ai tamaiti ina ia sili ona fesoasoani mo i latou ina ia ‘ausia le faamoemoega o le lesona.
3. Ao lei aoaoina atu le lesona, ia taumafai se gaoioiga faatosina ina ia e iloa ai le auala e fai ai.
4. O Mea e Faaoga:
 - a. la tofu tamaiti ma se Tusi a Mamona.
 - e. la tofu tamaiti ma se Tusi Paia.
 - i. la tofu tamaiti ma se fasi manoa e tusa ma le 20 inisi le umi.
 - o. Ata 4–15, O le Liahona, (Taga Ata o le Talalelei 302; 62041), ma le 4–16 Nifaema le Aufana ua Gau.

Faalautelega Fautuaina o le Lesona

Tofi se tamaititi e faia le tatalo amata.

Gaoioiga e Faatosina Mai Ai

Tuu atu i tamaiti taitoatasi se fasi manoa e 20 inisi le umi. Uu e le lima taumatau le isi pito o le manoa, ae o le lima tauagavale le isi pito. Ia faia se faapona i le manoa e aunoa ma le faamamuluina o pito o le manoa. Afai e le lava le manoa tofi se tamaititi na te faia le gaoioiga lea i luma o le vasega.

- Pe faamata e faigata, pe le mafaia foi ona faia lea mea?

Toe taumafai tamaiti e toe nonoa se faapona, ia piilima muamua, ona taumafai lea e tago i le isi pito o le manoa i le lima taumatau, ma le isi pito i le lima tauagavale. Taofi pito o le manoa ao faamatala lima, o le a vaaia le manoa ua iai se faapona. Ao mai manoa mai i tamaiti. E mafai ona faia se faapona e tamaiti pe a e fesoasoani i ai. Tau atu i tamaiti e faapena le tele o luitau o o tatou olaga e foliga mai e faigata ona foia. Ae afai tatou te talitonu i le Tama Faalelagi, o le a ia fesoasoani mai.

Tala o Tusitusiga Paia

Ia faaali atu ata i le taimi e talafeagai ai ao faamatalaina atu le tala o le aiga o Liae ao taitaiina e le Liahona ma le aufana gau a Liae o lo o i le 1 Nifae 16:17–32. (Mo auala fautuaina e aoao ai tala mai Tusitusiga Paia, tagai i “Aoaoga mai i Tusitusiga Paia” itulau vii). Ia uunaiina tamaiti ina ia latou faia mea silisili ma talitonu i le Faaola e tusa poo a mea e oo mai.

Talanoaga ma
Fesili E Faatatau
I Ai

Suesue i fesili o lo o i lalo ma tusi o mau pe a sauni lau lesona. Faaaoga fesili e te manatu o le a sili ona fesoasoani i tamaiti latou te malamalama ai i tusitusiga paia ma faaaoga mataupu faavae i o latou olaga. O le faitauina o mau ma tamaiti i le vasega o le a fesoasoani latou te maua ai le malamalama i tusitusiga paia.

- Pe na faapefea ona faamanuiaina Liae i lona faatuatua ma lona usitai ao malaga atu i le vao? (1 Nifae 16:10)
- Po o le a se mea na faia e le tama o Nifae ma ona uso ina ua gau le aufana? (1 Nifae 16:17–21) Aisea ua faigofie ai ona faitio pe a le tulaga lelei mea i le mea e te manatu e tatau ona iai?
- E ui lava ina vaivai ma fia 'ai Nifae, ae le i faitio. Na faapefea ona ia fesoasani e foia le faafitauli? (1 Nifae 16:22–32)
- Aisea na fesili ai Nifae i lona tama mo se fesoasoani? (1 Nifae 16:23–24) E faapefea ona fesoasoani mai ou matua ia te oe pe a i ai sou faafitauli?
- E faapefea ona e faapei o Nifae, i le tuuina atu o faataitaiga lelei i ou matua, o ou uso ma ou tuafafine?
- Na faapefea ona galue le Liahona? (polo apamemea) (1 Nifae 16:26–30)
- O le a le taiala ua faasino mai e le Tama Faalelagi e toe foi atu ai ia te ia? (Alema 37:44–45) O fea tatou te maua ai afioga a Keriso? (Tusitusiga Paia) O le a le mea e tatau ona tatou faia ina ia maua ai afioga a Keriso e taitaiina ai i tatou? (Alema 37:46)
- O le a le mea e tatau ona tatou faia pe a tatou moomia le fesoasoani a le Tama Faalelagi?
- O le a se mea o le a faia e le Tama Faalelagi pe a tatou faatuatua ma talitonu ia te ia? (Faataoto 3:5–6.) Pe faapefea ona faaali atu lou talitonu i le Tama Faalelagi? O le a sou manatu aisea ua manao ai le Tama Faalelagi tatou te talitonu ia te ia ma faia mea uma tatou te mafaia?

Gaoioiga e Faamauoa Mai Ai

Atonu e te manao e faaaoga se gaoioiga se tasi poo le sili atu foi o gaoioiga nei i le taimi o le lesona poo le avefa ma iloiloga, aotelega, poo se lu'i.

1. Ia toe faamatala e tamaiti le tala ia Nifae ma le aufana gau. Talanoa poo ai o le aiga o Liae e sili atu ona latou mananao iai pe a tupu mai ia faafitauli i ai latou.
2. Faatino mai i taga a tamaiti le tala o le aufana gau, ma faailoa manino mai i taga ia le mea semanu e tupu pe ana talitonu Lamana ma Lemuelu i le Tama Faalelagi.
3. Fesili i tamaiti, po o le a le uluai mataupu faavae o le talalelei. Faamamafa atu i ai e tatau lava ona faatuatua ia lesu Keriso. Fesoasoani ina ia latou taulotoina le mataupu e fa o le faatuatua.
4. Toe iloilo le tala o Nifae ma le mauaina o papatusi apamemea e pei ona taua i le 1 Nifae 3–5. Faatusatusa i le mea na faia e Nifae ma le mea na ia faia ina ua gau le aufana. Fesoasoani i tamaiti ina ia malamalama, ina ua tutupu ia mea i taimi eseese, sa matua taumafai malosi Nifae i le mea e gata mai ai lona malosi atoa ai ma lona faatuatua i le Tama Faalelagi.

5. Usu pe faitau upu o le “Faatuatua” (*Liahona*, Setema 1995) po o le “Seek The Lord Early” (*Children’s Songbook*, p. 108).
-

Faaiuga

- Molimau ma Lu'i Fetufaa'i ma tamaiti le taimi na e talitonu atoatoa ai i le Tama Faalelagi ina ia fesoasoani mai e maua se mea faigata sa e naunau i ai. Ia tuuina atu lau molimau i le taua o le faia o mea uma tatou te mafaia ma le tuuina atu o lo tatou talitonuga atoatoa i le Tama Faalelagi. O se luitau mo tamaiti e mafaufau ai i le vaiaso a sau ma taumafai ia pei o Nifae pe a oo mai faafitauli.
- Tusi Fautuaina e
Faitau i le Aiga Ia fautuaina tamaiti e suesue le 1 Nifae 16:18–32 i le fale e toe iloilo ai lenei lesona.
- Tofi se tamaititi e faia le tatalo faaiu.

Ua Poloaiina Nifae e le Tama Faalelagi e Fausia se Vaa

Lesona
6

Faamoemoega Ina ia fesoasoani i tamaiti ia latou mananao e avea i latou ma faataitaiga lelei ma maua le aafiaga faaleagaga i o latou aiga e ala i le ususitai i poloaiga a le Tama Faalelagi.

Sauniuniga

1. Suesue ma le agaga tatalo 1 Nifae 17. Ona suesue lea o le lesona ma fuafua pe faapefea ona e aoaoina atu nei mau i tamaiti. (Tagai i le “Sauniaina o au lesona.” itulau vi ma le “Aoa mai i Tusitusiga Paia,” itulau vii).
2. Filifili fesili talanoaina ma gaoioiga e faamau’oa mai ai o le a aofia ai tamaiti ina ia sili ona fesoasoani mo i latou ina ia ‘ausia le faamoemoega o le lesona.
3. O Mea e Faaaoga:
 - a. la tofu tamaiti ma se Tusi a Mamona.
 - e. la tofu tamaiti ma se penitala ma se fasi pepa.
 - i. O ata 4–17, Ua Faaliusuavaiina e Nifae Uamea ma Gaosia ai Mea Faigaluega, ma le 4–18, Ua Faamaluluina e Nifae Loto o Ona Uso Faatautee (Taga Ata o le Talalelei 303,(62044)

**Faalautelega
Fautuaina o
le Lesona.**

Gaoioiga e
Faatosina Mai Ai

Tofi se tamaititi e faia le tatalo amata.

Tofi se isi o le vasega na te toe iloiloina le lesona o le vaiaso ua tea, Nifae ma le aufana gau ma pe na faapefea foi ona maua e Nifae meaai mo lona aiga (tagai i le 1 Nifae 16:17–32).

Faaali se ata o se vaa, ave ni fasi pepa i tamaiti ma ni penitala, ona latou tusi mai ai lea o se ata o se vaa. Ona fai atu lea o fesili nei o lo o i lalo:

- O a mea e te manatu e tatau ona saili e fausia ai se vaa ina ia malosi ma telē e ave ai lou aiga i le vasa?
- O le a se ituaiga fesoasoani e te moomia?
- O fea e tatau ona e alu i ai e aoao ai le fausiaina o le vaa?

la faamalamalama atu i tamaiti o le a latou aoaoina ala na fesoasoani ai le Tama Faalelagi ia Nifae mo le fauina o le vaa.

Tala o
Tusitusiga Paia

Aoa atu le tala mai le 1 Nifae 17, o Nifae ma ona uso ua sauni e fausia le vaa. (Mo auala fautuaina e aoao ai tala mai Tusitusiga Paia, tagai i “Aoaoga mai i Tusitusiga Paia” itulau vii). Faaaoga ata i le taimi e talafeagai ai. (E mafai ona tofi tamaiti e faailoa mai i ata nei tagata o lo o i ai ma faamatala mea o loo fai.)

Talanoaga ma Fesili
e Faatatau I Ai

Suesue i fesili o loo i lalo ma tusi i mau pe a sauni lau lesona. Faaaoga fesili e te manatu o le a sili ona fesoasoani i tamaiti latou te malamalama ai i tusitusiga paia ma faaoga mataupu faavae i o latou olaga. O le faitauina o mau ma tamaiti i le vasega o le a fesoasoani latou te maua ai le malamalama i Tusitusiga Paia.

- O le a le folafolaga a le Tama Faalelagi i ai tatou pe a tatou usiusitai i ana poloaiga? (1 Nifae 17:3) Na faapefea ona faamanuiaina oe ma lou aiga ona o lou usiusitai?
- Aisea na poloaiina ai Nifae e le Tama Faalelagi e fausia se vaa? (1 Nifae 17:8.) Na faapefea ona tali atu Nifae i lea poloaiga? (1 Nifae 17:9.) O le a se talitonuga maumau tutu o Nifae i lea mea? (1 Nifae 17:14–15.)
- Aisea e te manatu ai sa le na o se vaa na tuuina atu e le Atua ia te i laua?
- Aisea na le mananao ai Lamana ma Lemuelu e fesoasoani atu ia Nifae mo le fausiaina o se vaa? (1 Nifae 17:17–19, 45–46.) Aisea e faigofie ai ona fausia se vaa, pe a galulue faatasi?
- O lea sou lagona pe afai e ulagia oe e ou uso matutua, ona o lou tausia o poloaiga a le Tama Faalelagi? Faapefea ona e fesoasoani atu i lou aiga? O lea sou lagona, pe a e fesoasoani atu i lou aiga po o le le fesoasoani atu foi i lou aiga?
- O le a se mea na tuuina atu ai e le Tama Faalelagi ia Nifae le mana e ao ona ia faia, ina ua taumafai ona uso e fasioti ia te ia? (1 Nifae 17:48, 54.)
- Na faapefea ona faaalua le faatuatua o Nifae ia Iesu Keriso? (1 Nifae 17:50–51.) E faapefea ona e pei o Nifae i Iona lototele ma le faatuatua ia Iesu Keriso?

Gaoioiga e

Faamauoa Mai Ai

Atonu e te manao e faaaoga se gaoioiga se tasi poo le sili atu foi o gaoioiga nei i le taimi o le lesona poo le avea ma iloiloga, aotelega, poo se lu'i.

1. Vaevae le vasega i ni vaega se lua. Faalogo i folafolaga a le Tama Faalelagi pe a tatou usiusitai. Faitau faatasi e le isi vaega 1 Nifae 17:3 ona faitau faatasi foi lea e le isi vaega le 1 Nifae 3:7. Fesoasoani i tamaiti ina ia malamalama, o le a faamanuiaina i latou pe a tausia lelei poloaiga ma fesili i le Tama Faalelagi mo le taitaiga.
2. Fesoasoani i tamaiti e tauloto le 1 Nifae 17:3. Amata mai i le “Afai e tusa ai” ma faai”Ua ia poloaiina ai i latou.” Tauloto foi le 1 Nifae 17:50 “Ana poloai mai le Atua ia te au ia faia mea uma, ua ou mafai lava.”
3. Tuu se fagu e iai se tapuni i luga o le laulau, ma fai i se tamaititi e susue le tapuni o le fagu, ae faaaoga le lima e tasi. (Tuu le isi lima o le tamaititi lea i tua.) A maea ni taumafaiga, ona tofi lea o se isi tamaititi e faaaoga lava le lima e tasi. Faamalamalama e faigofie se galuega pe a galulue faatasi. Talatalanoa i sini ua faatutu mo aiga, e pei o le faia o afiafi faaleaiga i vaiaso taitasi, tatalo faaleaiga, suesuega i tusitusi paia a le aiga, atoa ai ma fesoasoani e mafai ona faia e tamaiti mo aiga ina ia faataunuuna sini.
4. Tufa atu pepa ma penitala, fai i tamaiti e lisi mai mea e tatau ona fai mo le fesoasoani i aiga ina ia aoao atili i le talalelei ma tausia poloaiga e pei o le faamalosia atu i le aoao i tusitusiga paia i aso uma, auai i tatalo faaleaiga, fesoasoani i le faatulagaina ma auai i afiafi faaleaiga, usiusitai i matua, fesoasoani e faamama le fale, tatalo mo le aiga, alofa le isi i le isi, fetufaai i mea ua aoaoina i le Peraimeri, atoa ma isi. Fai atu i tamaiti e filifili se mea se tasi latou te mananao e faaleleia atili i le vaiaso a sau.

5. Lisi i luga o le laupapa mea uma ua tutusa lelei ai le faigamalaga a Liae ma lona aiga ma le malaga a le fanauga a Isaraelu i le vaomatua (tagai 1 Nifae 17:22–46). Fesili i tamaiti po o a ni mea e mafai ona tatou aoaoina mai nei mea na tutupu.
6. Usu pe faitau upu o le “Nephi Courage” (*Children’s Songbook*, p. 120) “ Keep the Commandments” (*Children’s Songbook*, p. 146) po o “Filifili le ala sao” (*Liahona*, Iuni 1995).

Faaiuga

Molimau	la molimau atu e mafai e tamaiti taitoatasi ona faia ni faataitaiga lelei i o latou aiga. Faailoa foi i ai o i tatou ma o tatou aiga e faamanuiaina pe a tatou tausia lelei poloaiga.
Tusi Fautuaina e Faitau i le Aiga	la fautuaina tamaiti e suesue le 1 Nifae 17:3–22, 45–55 i le fale e toe iloilo ai lenei lesona. Tofi se tamaititi e faia le tatalo faaiu.

Faamoemoega Ina ia fesoasoani i tamaiti ina ia agavaa ma fesoatai pea lava pea ma le Agaga Paia.

Sauniuniga

1. Suesue ma le agaga tatalo le 1 Nifae 18. Ona suesue lea o le lesona ma fuafua pe faapefea ona e aoaoina atu nei mau i tamaiti. (Tagai i le “Sauniaina o au lesona.” itulau vi ma le “Aoa mai i Tusitusiga Paia,” itulau vii).
2. Faitauga Tusi Faaopoopo: *Aoaoga Faavae o le Talalelei*, mataupu 7
3. Filifili fesili talanoaina ma gaoioiga e faamau’oa mai ai o le a aofia ai tamaiti ina ia sili ona fesoasoani mo i latou ina ia ‘ausia le faamoemoega o le lesona.
4. O Mea e Faaaoga:
 - a. la tofu tamaiti ma se Tusi a Mamona.
 - e. O se ieie e fusi ai mata.
 - i. Ata 4–15, O le Liahona, (Taga Ata o le Talalelei 302, 62041) 4–19, Ua Saisaitia Nifae; ma le 4–20, Ua Taunuu Liae ma Ona Tagata i le Nuu na Folafolaina (TagaAta o le Talalelei 304, 62045).

**Faalautelega
Fautuaina o
le Lesona**

Gaoioiga e
Faatosina Mai Ai

Tofi se tamaititi e faia le tatalo amata.

Faaaoga ni nofoa po o nisi mea e avea o se faafitauli i luma o le vasega. Saili se tamaititi e ofo mai o le a fusi ona mata i le ie. Faataamilo le tamaititi mo sina taimi puupuu, ona faamatala lea i ai o le a taitaiina o ia e le isi tamaititi mai le faafitauli e ala lea i le taumusumusu atu ia te ia, po o le tautala leo laititi atu iai ia itu e tatau ona agai i ai. Toe fai le gaoioiga lenei, ae toe tofi se isi tamaititi, ma tuuina atu i le ua fusi mata ni faasinoga sese, ma leotele ina ia taumafai ai lē o lo o fusi mata e tau faalogo le leo laititi.

Tuu le avanoa i le tamaititi sa fusi mata e faaali mai ai le eseese o mea sa ia faalogo i ai.

- O ai le Agaga Paia? E faapefea ona ia fesoasoani mai ia i tatou? (Tagai i le *Aoaoga Faavae o le Talalelei*, mataupu 7.)
- O le a se faalogona masani sa maua ao taitaiina atu i faafitauli o le olaga ao faalogologo atu i le Agaga Paia?
- O a aafiaga leaga, “poo leo tetele,” o lo o siomia ai i tatou e mafai ona faaletonu ai tatou ma taumafai e taitai atu tatou i ala sese?

Tala o
Tusitusiga Paia

Aoa atu le tala o Liae ma lona aiga ao sopoi le vasa mai le 1 Nifae 18. Faaaoga ata i taimi e talafeagai ai. Mo auala fautuaina e aoao atu ai tala o Tusitusiga Paia, tagai i le “Aoa mai i Tusitusiga Paia,” itulau vii.)

Suesue i fesili o loo i lalo ma tusi o mau pe a sauni lau lesona. Faaaoga fesili e te manatu o le a sili ona fesoasoani i tamaiti latou te malamalama ai i tusitusiga paia na faaoga mataupu faavae i o latou olaga. O le faitauina o mau ma tamaiti i le vasega o le a fesoasoani latou te maua ai le malamalama i tusitusiga paia.

- Na faapefea ona mafai e Nifae ona fausia le vaa na mafai ai ona ave lona aiga ma sopoia le vasa ma le saogalemu? (1 Nifae 18:1–3.)
- O a mea na faia e Lamana, Lemuelu, o atalii o Isamaeli, ma a latou ava na mafua ai ona nofo le Liahona ua le toe gaoioi? (1 Nifae 18:9–12.) O le a se mea ua aumaia e le Tama Faalelagi ia i tatou mo le taitaiina o i tatou e pei o le Liahona? (O le Agaga Paia) O a ni mea e mafua ai ona le maua le taitaiga a le Agaga Paia e i tatou ma o tatou aiga?
- Na faapefea ona aafia matua o Lamana ma Lemuelu ma le toatele o le aiga ona o lo la le usiusitai? (1 Nifae 18:12–19.) E faapefea ona aafia o tatou matua ma tagata o o tatou aiga i lo tatou usiusitai poo lo tatou lē usiusitai?
- O le a se tali atu a Nifae ina ua lē fiafia ona uso ia te ia? (1 Nifae 18:16.) Aisea ua e manatu ai, na viia e Nifae le Alii ae le o le faitio ina ua puapuagatia o ia?
- O a ni auala e te manao ai ia e faapei o Nifae?
- O a ni auala e mafai ai ona oo mai musumusuga a le Agaga Paia ia i tatou? (E mafai ona oo mai e pei o se faalogona o le filemu po o le faamafanafana, o se musumusuga ina ia faia le mea sao, o se leo laititi e faatonutonu mai, o se faalogona e lapatai mai mo puapuaga, ma nisi lava mea faapena.)
- Ia valaaulia tagata o le vasega e fetufaai mai ni mea na tutupu ia i latou ina ua latou lagonaina le aafiaga a le Agaga Paia. O le a se mea e mafai ona tatou faia e saunia ai i tatou ina mafai ona tatou iloaina le oo mai o le Agaga Paia?
- O a filifiliga na faia e Nifae ina ia agavaa ai o ia mo le avea o le Agaga Paia ma ana soa? (1 Nifae 18:3, 10, 16) O a filifiliga tou te faia i aso uma ina ia agavaa ai outou mo le avea o le Agaga Paia ma a outou soa?

Gaoioiga e Faamaua Mai Ai

Atonu e te manao e faaoga se gaoioiga se tasi poo le sili atu foi o gaoioiga nei i le taimi o le lesona poo le avea ma iloiloga, aotelega, poo se lu'i.

1. Tusi upu po o ni fuaiupu e pei o se *tatalo*, *filifiliga o uo*, *upu tatou te faaoga*, *faaaliga i le televise*, *polokalama o le vitio*, *musika*, *ata tifaga*, *usiusitai i matua*, *tausia o poloaiga*, *agalelei i uso ma tuafafine*, *faaloalo i isi tagata*, *auauna atu*, po o nisi gaoioiga e talafeagai ai i luga o nisi fasipepa. Tuu uma pepa i se fagu laititi. Ao seiina pepa taitasi e tamaiti, ia faitau ma faamatala mai pe mafai faapefea e nei mea ua tusia ona aafia ai o tatou agavaa mo le i ai o le Agaga Paia i o tatou olaga.
2. Toe fai pe usu mai le mataupu faavae muamua ma le fa o le faatuatua.
3. Talatalanoa ma tamaiti pe faapefea ona fesoasoani lo tatou mulimuli i aoaoga a lesu ina ia iai le taitaiga a le Agaga Paia i o tatou olaga. Tuu i tamaiti e filifili mai se tasi o aoaoga a lesu, lea latou te mananao e ola ai i le vaiaso a sau ma tusi i luga o pepa ma ave i aiga e fai ma faamanatu.
4. Usu pe faitau upu o le “Agaga Paia” (*Liahona*, Me 1991).

Faaiuga

Molimau	Atonu e te manao e fetufaai atu se mea na tupu ia te oe ina ua e maua le Agaga Paia. Ia tuuina atu lau molimau i le taua o le i ai o le Agaga Paia i lou olaga atoa ai ma le tatau ona faaauau pea lea sootaga vavalalata.
Tusi Fautuaina e Faitau i le Aiga	Ia fautuaina tamaiti e suesue le 1 Nifae 18:5–25 i le fale e toe iloilo ai lenei lesona. Tofi se tamaititi e faia le tatalo faaiu.

Ua Teena e Serema le Perofeta o Iakopo

Lesona
8

Faamoemoega

Ina ia faamalosia molimau a tamaiti ia Iesu Keriso ina ia latou maua le malosiaga e tetee atu ai i aafiaga leaga.

Sauniuniga

1. Suesue ma le Agaga tatalo le Iakopo 7:1–23. Ona aoao ai lea o le lesona ma fuafua pe faapefea ona e aoaoina i tamaiti faamatalaga o Tusitusiga Paia. (Tagai i le “Sauniaina o Au Lesona,” itulau vi ma le “Aoa mai i Tusitusiga Paia” itulau vii.)
2. Faitauga Tusi Faaopoopo: 1 Nifae 18:7, 2 Nifae 2:1–4, 11:2–3, Iakopo 1:17–19 ma le Faasino Upu o le Tusi a Mamona: Iakopo – atalii o Liae.
3. Filifili fesili talanoaina ma gaoioiga e faamau'oa mai ai o le a aofia ai tamaiti ina ia sili ona fesoasoani mo i latou ina ia 'ausia le faamoemoega o le lesona.
4. O Mea e Faaaoga:
 - a. Ia tofu tamaiti ma se Tusi a Mamona.
 - e. O se fasi manoa e momotu gofie, 2 futu le umi ma se fasi maea malosi e 2 futu le umi.
 - i. Ia tofu tamaiti ma ni fasi pepa ma ni penitala.
 - o. Ata 4–9, Iesu le Keriso (Taga Ata o le Talalelei 240, 62575).

Faalautelega Fautuaina o le Lesona

Tofi se tamaititi na te faia le tatalo amata.

Gaoioiga e
Faatosina Mai Ai

Tuu i se tamaititi le manoa e 2 futu le umi. Fai iai e momotu le manoa. Ona fai lea i ai e momotu le maea. Tofi nisi tamaiti e momotu le maea. Faamatala i ai, o a tatou molimau e amata mai e pei o le fasi manoa, ae mafai ona faamalosia ina ia le mafai ona momotuina. E mafai ona malosi a tatou molimau, pea luita i tatou e nisi i o tatou talitonuga pe taumafai foi e faasese tatou. Tau i tamaiti o le lesona lenei e faatatau ia Iakopo ma lana molimau e le mafai ona motusia.

Tala o Tusitusiga
Paia

Faamatala atu le tala ia Iakopo ma Serema mai le Iakopo 7:1–23. Faaaoga ata i taimi e talafeagai ai. Mo auala fautuaina e aoao atu ai tala o Tusitusiga Paia, tagai i le “Aoa mai i Tusitusiga Paia,” itulau vii.)

Talanoaga ma Fesili
e Faatatau I Ai

Suesue i fesili o loo i lalo ma tusi o mau pe a sauni lau lesona. Faaaoga fesili e te manatu o le a sili ona fesoasoani i tamaiti latou te malamalama ai i tusitusiga paia ma faaaoga mataupu faavae i o latou olaga. O le faitauina o mau ma tamaiti i le vasega o le a fesoasoani latou te maua ai le malamalama i tusitusiga paia.

- O ai Iakopo? (O se tasi o uso laitiiti o Nifae.) Pe tusa e fia tausaga a o lei fanau mai le Keriso sa soifua ai Iakopo ma Serema? (Tagai i le pito i lalo o le itulau e 7 o le Iakopo.)
- Na faapefea ona iloa e Iakopo ia Iesu Keriso ae le i fanau mai o ia? (Iakopo 7:5, 10–12.)

- O le a le mea na taumafai Serema e faia ina ia faatalitonu ai tagata i le afio mai lesu Keriso? (Iakopo 7:2–4.) O le a le uiga o le faaogaina o upu faaviivii? (O le tuuina atu o upu faaviivii i se auala le lelei, o se faailoga o le lē faamaoni.)
- O ai na faatosinaina ia Serema? (Iakopo 7: 4, 18.) E faapefea ona taumafai Satani e faatosina atu i tatou?
- O a nisi pepelo a Serema? (Iakopo 7:7,9–10, 19.)
- Aisea na mafai ai e Iakopo ona tetee atu i faatosinaga a Serema? (Iakopo 7: 5, 8, 10–12.) E ui lava e faamata tatou te le mafai ona iloa atu agelu pe faalogo foi i le siufofoga o le Atua, ae o le a se mea e mafai ona tatou faia ina ia tatou le malolosi ai pe a taumafai tagata e faaosooso i tatou e faia le mea sese? Fetufaai se mea na tupu ia te oe, poo le valaaulia foi o se tamaititi e fetufaai mai se mea na tupu ia te ia ina ua ia tetee atu i taaiga leaga a se isi.
- Aisea na le manao ai Iakopo e faailoa atu se faailoga ia Serema? (Iakopo 7:13–14.) Aisea ua le o se mea lelei ai le sailia o faailoga e maua ai le molimau ia Keriso? (M.F.F. 63:7–12.) Ia faamalamalama atu o faailoga e oo mai pe a uma ona tatou faaali le faatuatua ma le usiusitai ae peitai e le tatau ona tatou sailia i latou. Toe iloilo mai i lesona ua tuanai le leai o se faatuatua o Lamana ma Lemuelu e ui lava na latou iloa faailoga. (Iloiloga a le Faiaoga: 1 Nifae 3:29–31; 16:39, 17:45, 18:20.)
- O le a se taunuuga o le tautinoga ma le maliu o Serema i tagata? (Iakopo 7:21–23.)
- Aisea e manaomia ai ona iai ni a tatou molimau malolosi ia lesu Keriso? Pe faapefea ona maua ma faamalosia a tatou molimau i le Faaola? (Tagai i le gaoioiga e faamauoa mai ai lona 2.) E faapefea ona fetufaai a tatou molimau ma isi? Aisea e tupu ai pea le malolosi o a tatou molimau pe a tatou tuuina atu i isi tagata?

Gaoioiga E

Faamauoa Mai Ai

Atonu e te manao e faaoga se gaoioiga se tasi poo le sili atu foi o gaoioiga nei i le taimi o le lesona poo le avea ma iloiloga, aotelega, poo se lu'i.

1. Tusi i luga o fasipepa se tulaga e pei o se tasi e taumafai e faatalitonu se tamaititi ina ia faia se mea sese ma se faamatalaga e fetau tonu ma poloaiga mai tusitusiga paia. Pei o se faataitaiga, o oe ma lau uo, ua lua o atu i se faleoloa ma taumafai e uunai oe ina ia gaoi mai se lole (Esoto 20:15 poo le Mosaea 13:22), ua ofoina atu e se tasi se ipu ava oona e te tofo ai (MFF 89:7), po o le faaosoosoina oe e te nofo i le fale ae aua le alu i le lotu (MFF 59:9). Fai i tamaiti e sue ma faitau mau taitasi. Faatalatalanoa le taua o le iloa o mea o lo o aoao mai e tusitusiga paia, ina ia malosai ai la tatou molimau ia lesu Keriso ma fesoasoani foi e tetee atu ai i taaiga a le tiapolo. Atonu e te manao e faatino e tamaiti taga e aunoa ma se leo o tulaga ia e pei ona taua, ma tofi nisi tamaiti e mate mai po o a taga o lo o faia.
2. Vaevae le vasega i ni vaega se lua. Tuu le Alema 5:46 i le isi vaega ma le Alema 37:35 i le isi vaega. Tuu i tamaiti le avanoa e sue mai ai i nei mau ni auala e mafai ai ona latou faamalosia a latou molimau ia lesu Keriso. Ia fai se aotelega o a latou tali i luga o le laupapa.
3. Usu pe faitau upu “E Mafai Ona Avea A'u Ma Valiana “ (*Tusi Lesona a le Valiana A*) po o le “Fai le Mea Tonu” (Pese Faatasi Ma A'u, itulau B–81).

Faiiuga

Molimau

Tau i tamaiti le taua o le maua ma le faamalosia o a tatou molimau ia Iesu Keriso, ina ia mafai ona tetee atu ai i aafiaga leaga o lo o siomia ai tatou. Ia tuuina lau molimau i le paia o le Faaola. Ia e luita tamaiti ina ia filifili se auala se tasi e faamalosia ai a latou molimau ma tusi i fasipepa e faamanatu mo i latou ma ave i aiga ma faaoga i le vaiaso.

Tusi Fautuaina e
Faitau i le Aiga

Ia fautuaina tamaiti e suesue le lakopo 7:1–23 i le fale e toe iloilo ai lena lesona.

Tofi se tamaititi e faia le tatalo faai.

Faamoemoega

Ina ia faamalosia tamaiti e saili faamanuiaga e oo mai i le tatalo ma le loto faamaoni i le Tama Faalelagi.

Sauniuniga

1. Suesue ma le agaga tatalo le tusi a Enosa. Ona aoao ai lea o le lesona ma fuafua pe faapefea ona e aoaoina i tamaiti faamatalaga o tusitusiga paia. (Tagai i le “Sauniaina o Au Lesona,” itulau vi ma le “Aoa mai i Tusitusiga Paia,” itulau vii.)
2. Faitauga Tusi faaopoopo – *Aoaoga Faavae o le Talalelei*, Mataupu e 8
3. Filifili fesili talanoaina ma gaoioiga e faamauoa mai ai o le a aofia ai tamaiti ma sili ona fesoasoani mo i latou ina ia ausia le faamoemoega o le lesona.
4. O Mea e Faaoga: la tofu tamaiti ma se Tusi a Mamona.

**Faalautelega
Fautuaina o
le Lesona**

Gaoioiga e
Faatosina Mai Ai

Tofi se tamaititi e faia le tatalo amata.

Faamatala atu le tala taumate lena ma fesili i tamaiti e sii o latou lima pe afai ua latou iloa le tali.

E le o au o se tagata, nofoaga, po o se mea.

E mafai ona ou filemu ina ia le lagona mai au e se isi, pe leo tele foi ina ia lagona atu e tagata uma i totonu o le potu.

E mafai ona ou aoga pe afai ua e toatasi po o le i ai foi i se vaega o tagata.

Ou te aoga i soo se taimi, i soo se nofoaga i soo se tulaga lava.

E faaoga au mo se loto faafetai, taitaiga, faamafanafanaga, faamagaloga, puipuiga, fesoasoani, soifua maloloina lelei, po o se isi faamanuiaga e te moomia po o mo se isi lava.

E te faaoga au e te talanoa ai i le Tama Faalelagi.

O ai au?

Tusi tali a tamaiti i luga o le laupapa. Afai loa latou te iloa o le tali o le tatalo, ona fesili lea i ai pe iai ni fesili e uiga i le tatalo. Ia tusi se aotelega o a latou fesili i luga o le laupapa, ma fai i tamaiti e faalogologo i tali ao e faamatalaina atu le tala ia Enosa. I le iuga o le tala, toe foi i fesili ma faatalatalanoa.

Tala o Tusitusiga
Paia

Aoao atu tala o lo o i le tusi a Enosa. Ia faamalamalama atu o Enosa o le atalii o lakopo lea sa outou aoaoina i lesona 8. (Mo auala fautuaina e aoao atu ai tala o tusitusiga paia, tagai i le “Aoaoga mai i Tusitusiga Paia, itulau vii.)

Suesue i fesili o lo o i lalo ma tusi o mau pe a sauni lau lesona. Faaoga fesili e te manatu o le a sili ona fesoasoani i tamaiti latou te malamalama ai i tusitusiga paia ma faaoga mataupu faavae i o latou olaga, o le faitauina o mau ma tamaiti i le vasega o le a fesoasoani latou te maua ai le malamalama i tusitusiga paia.

- Aisea na alu ai Enosa e tatalo? (Enosa 1:1–4) O ai na aoaoina o ia e uiga ia lesu Keriso? Na faapefea ona fesoasoani ou matua ia te oe i lou aoao atili e uiga i le Tama Faalelagi ma lesu Keriso?
- O le a le “tatalo malosi ma le aioiga”? O le a sou manatu o le a se eseese o le tatalo lea ma isi tatalo? Na faapefea ona tali mai le Tama Faalelagi i le tatalo a Enosa? (Enosa 1:5.)
- Na faapefea ona iloa e Enosa ua faamagaloina ana agasala? (Enosa 1:5–6.)
- Aisea na faapea mai ai le Tama Faalelagi ua faamagaloina agasala a Enosa? (Enosa 1:8) Ia faamalamalama atu o lesu Keriso na mafatia ona o a tatou agasala, e mafai ona faamagaloina i tatou pe a tatou salamo.
- O ai na tatalo i ai Enosa ina ua uma ona faamagaloina ana agasala? (Enosa 1:9.) O le a le tali a le Alii ia Enosa e faatatau i Sa Nifaē? (Enosa 1:10.)
- O le a sou manatu aisea na tatalo ai Enosa mo Sa Lamanā a o latou o fili o Sa Nifaē? (Enosa 1:11.) O a faamanuiaga faamata e te ole atu ai i le Tama Faalelagi e tuuina atu i se tasi sa agaleaga ia te oe? O le a se mea sa naunau i ai Enosa mo Sa Lamanā? (Enosa 1:13)
- Sa tatalo Enosa mo le saogalemu o faamaumauga o ona tagata. Aisea e taua tele ai nei faamaumauga? O le a le folafolaga a le Alii ia Enosa? (Enosa 1:15–18) O le a le uiga o le ole atu i le faatuatua?
- O a folafolaga na tuu atu ia Enosa? (Enosa 1:8, 12, 15.) E mafai faapefea ona tatou maua foi nei folafolaga?
- O le a se aafiaga na i ai aoaoga ma galuega a Sa Nifaē i tagata au Sa Lamanā? (Enosa 1:20.)
- O le a se mea ua outou aoao mai e uiga i tatalo mai le tala ia Enosa?
- A outou tatalo e faapefea ona outou talanoa i le Tama Faalelagi? E mafai faapefea ona faia ia faamaoni atili a tatou tatalo?
- Sa faalogoina e Enosa i lona mafaufau le siufofoga o le Alii o lo o tali mai i lana tatalo. O a nisi auata tatou te maua ai tali o tatalo? (O se faalogona o le filemu; se faalogona e le o sa’o se mea; faamafanafanaina; manatu e oo mai i o tatou mafaufau; o mau e maua ai le malamalama i se tulaga patino; timaiga mai taitai o le Ekalesia; matua, ma isi ua auina mai le Alii; miti poo faaaliga.) Ia valaaulia nisi o le vasega e faamatala mai mea na oo i ai i le mauaina o tali o a latou tatalo.
- Aisea e ono tali mai ai le Tama Faalelagi “leai” i a tatou tatalo? E faapefea ona tatou iloa pe afai o le tali a le Tama Faalelagi o le “leai”?
- Aisea e tatau ai ona i ai se taimi tatou te faalogologo ai pe a uma ona tatou tatalo, e pei lava ona faia e Enosa?
- Aisea ua iloa ai e Enosa le olaga pe a mavae le oti? (Enosa 1:27) E mafai ona e faitauina le fuaiupu lenei pe fai foi i le vasega e faitau faatasi.

Toe vaai i le lisi o lo o i le laupapa pe ua tali uma fesili a tamaiti.

Gaoioiga e

Faamauoa Mai Ai

Atonu e te manao e faaaoga se gaoioiga se tasi poo le sili atu foi o gaoioiga nei i le taimi o le lesona poo le avea ma iloiloga, aotelega, poo se lu'i.

1. Tuu atu i tamaiti taitoatasi se fasipepa ma se penitala, ma tusi le fesili, *O le a le taimi e tatalo ai? O fea e tatalo ai? ma O le a se mea tatou te tatalo atu ai?*, faavāvā fesili e tusi ai tali o fesili. Tusi tali ao talatalanoa i fesili.
2. Toe iloilo le faasologa o le tatalo:
 - a. Amata i le taua o le Tama oi le Lagi
 - e. O mea ua e faafetai atu ai ia te ia.
 - i. Ta'u atu mea o lo o e naunau iai.
 - o. Ia faaiuina i lou faapea atu, "I le suafa o Iesu Keriso, amene."
3. Toe iloilo le gagana e faaaoga i le tatalo. Fesoasoani i tamaiti ina ia malamalama, e tatau ona faaaloalo pe a faaaoga upu nei, afio, afioga, nai lo le faaaogaina o le o oe, o lau, o au, (tagai i le *Liahona*, Iulai 1993).
4. Kopi le fuaitau lenei a Elder Boyd Packer (i le *Liahona*, Ianuari 1980) i luga o le laupapa ma tuu pea avanoa aua nei tuuina iai se mea. Fai i tamaiti o le a latou aoao nisi auala e maua ai tali o fesili ma faatutumu ai avanoa o le faamatalaga a Elder Packer.

O nisi e o le a maua mai i le faitauina o a o nisi pe a faalogologo atu i u . Ma i nisi aso, pe a taua, o nisi o le a maua sao mai lava ma o ma f . O musumusuga o le a i ma e le sese lava."

Faaaoga upu ia e faatutumu ai avanoa

- a. Tusitusiga Paia
- e. tali
- i. manino
- o. malosi
- u. ē o lo o lauga
- f. musuia

5. Ia faamalamalama atu pe na faapefea ona talia le tatalo a Enosa mo le faasaoina o faamaumauga (Enosa 1: 14–16) i le fia selau tausaga na lumanai ai e oo mai i le Tusi a Mamona. E pei lava ona folafola mai e le Alii ia Enosa, o aso nei ua mafai ona maua se molimau a tagata ia Iesu Keriso i le faaaogaina o le Tusi a Mamona. E mafai foi ona e valaaulia se isi ua uma sana misiona e sau i le vasega ma fetufaai atu lona iloa o se tagata ua maua lana molimau ia Iesu Keriso i le tatalo ma le Tusi a Mamona. Pe o le valaaulia foi o se matua po o se isi sui o le uarota e fetufaai atu le aoga o le tatalo na fesoasoani ia te ia i le mauaina o se molimau i le Tusi a Mamona.
6. Toe iloilo le ulua'i faaaliga a Iosefa Samita, ina ua ia tuuina atu lana tatalo faamaoni ma le faatuatua (Iosefa Samita –Talafaasolopito 1:14–16) Atonu e te manao e faaaoga le ata o le Uluai Faaaliga (Taga Ata o le Talalelei 403; 62470).
7. Toe iloilo le mataupu faavae o le faatuatua lona 7 ma le 9. Ia faamalasia tamaiti e filifili se mataupu faavae o le faatuatua se tasi e tauloto i le vasega po o le aiga i le vaiaso a sau.
8. Usu pe faitau upu "A Child's Prayer" (Children's Songbook, p. 12) "Ta'u Mai Ia Te Au Le Alii e" (Pese Faatasi Ma A'u, itulau A–17).

Faiuga

Molimau	la fetufaai atu lau molimau i le malosi o le tatalo i lou olaga. Atonu e te manao e faamatala atu se mea na e oo iai na faamalosia ai lou faatuatua ma lau molimau i le tatalo. Ia valaaulia foi tamaiti e fetufaai mai ni mea na latou oo iai ina ua latou tatalo.
Tusi Fautuaina e Faitau i le Aiga	la fautuaina tamaiti e suesue le tusi o Enosa 1:1–8, 21–27 i le fale e toe iloilo ai lenei lesona. Tofi se tamaititi e faia le tatalo faai.

Ua Aoao Atu e le Tupu o Peniamina Ona Tagata

Faamoemoega

Ina ia faamalosia tamaiti i a latou tautinoga ma le tausia o feagaiga o le papatisoga ma mulimuli ia Iesu Keriso.

Sauniuniga

1. Suesue ma le agaga tatalo le 2 Nifae 31:5–12 ma le Mosaea 2:1–22, 3:2–19; 4:11–16; 5:5–8, 13–16. Ona aoao ai lea o le lesona ma fuafua pe faapefea ona e aoaoina i tamaiti faamatalaga o tusitusiga paia. (Tagai i le “Sauniaina o Au Lesona,” itulau vi ma le “Aoao mai i Tusitusiga Paia,” itulau vii.)
 2. Filifili fesili talanoaina ma gaoioiga e faamauoa mai ai o le a aofia ai tamaiti ma sili ona fesoasoani mo i latou ina ia ausia le faamoemoega o le lesona.
 3. O Mea e Faaaoga:
 - a. la tofu tamaiti ma se Tusi a Mamona.
 - e. Ata 4–21 Ua Lauga Atu le Tupu o Peniamina i Ona Tagata (Taga Ata o leTalalelei 307:62298).
-

**Faalautelega
Fautuaina o
le Lesona**

Tofi se tamaititi e faia le tatalo amata.

Gaoioiga e
Faatosina Mai Ai

Tusi igoa o aiga o tamaiti o lau vasega i luga o le laupapa. Fesili i tamaiti e faamatala pe aisea ua latou maua ai nei igoa.

- O lea se uiga o le faaogaina o le faaiu ia te oe?

Ia faamalamalama atu, ina ua tatou ola mai i o tatou aiga, ua tatou tauaveina le faaiu o le aiga. O lenei igoa o le a fai ma sui o le tele o mea taua, e pei o o tatou tupuaga, talitonuga, ala tatou te faia ai mea, ma isi. Ina ua papatisoina i tatou ua avea i tatou ma tagata o le Ekalesia a Iesu Keriso o le Au Paia o Aso e Gata ai ma tauave i o tatou luga le suafa o Iesu Keriso. Pe a tatou tauaveina i o tatou luga le suafa o Iesu Keriso, ua tatou faailoa atu lo tatou talitonu atoatoa ia te ia ma naunau e mulimuli i ana aoaoga. Ia faamalamalama atu o le Tupu o Peniamina o se perofeta sa ia aoaoina atu le taua o le tauaveina i o tatou luga o le suafa o Iesu Keriso.

Tala o Tusitusiga
Paia

Aoao atu i tamaiti le tala i le Tupu o Peniamina ma lona aoaoina o ona tagata mai le tusi a Mosaea 2:1–22; 3:2–19; 4:11–16; 5:5–8, 13–16. Faaaoga ata i taimi ua talafeagai ai. (Mo auala ua fautuaina e aoao ai faamatalaga o Tusitusiga Paia, tagai “Aoaoga mai i Tusitusiga Paia, itulau vii)

Talanoaga ma
Fesili e Faatatau
I Ai

Suesue i fesili o lo o i lalo ma tusi o mau pe a sauni lau lesona. Faaaoga fesili e te manatu o le a sili ona fesoasoani i tamaiti latou te malamalama ai i tusitusiga paia ma faaoga mataupu faavae i o latou olaga. O le faitauina o mau ma tamaiti i le vasega o le a fesoasoani latou te maua ai le malamalama i tusitusiga paia.

- Aisea na faapotopoto ai e le Tupu o Peniamina ona tagata? (Mosaea 1:10.) O le a se tali atu a tagata o Saraemila i le valaau mai ina ia potopoto i le malumalu ma faalogologo i lo latou perofeta ma o ia foi o le tupu? (Mosaea 2:1–6.) Pe faapefea ona tatou maua fautuaga mai i perofeta soifua? (Konafesi aoao, lomiga a le Ekalesia, sauniga lotu, ma isi.) E faapefea ona saunia tatou mo le faalogologo atu i fautuaga a o tatou taitai? (Mosaea 2:9.)
- Na faapefea ona auauna atu le tupu o Peniamina i ona tagata? (Mosaea 2:12–15.) O le a le uiga o le upu a le Tupu o Peniamina, e mafai ona tatou auauna atu i le Tama Faalelagi? (Mosaea 2:16–19). E faapefea ona e manatu, o le auauna atu i isi e faaalua ai lo tatou agaga faafetai ma le alofa i le Tama Faalelagi?
- O le a le folafolaga ua aumai, pe a tatou usiusitai i poloaiga a le Tama Faalelagi? (Mosaea 2:22.)
- O le a se aoaoga a le Tupu o Peniamina i ona tagata e faatatau ia lesu Keriso? (Mosaea 3:5–7, 9–10.) O le a se faatinoga sili o le auauna atu sa faia e Keriso mo i tatou? (Mosaea 3:11–13.) Faamatala atu i tamaiti, o lesu Keriso na mafatia ma maliu ma le faamoemoe o le a tatou salamō mai agasala, ma ia papatiso, ia toe tutu, ma nonofo faatasi ma le Tama Faalelagi e faavavau. O lana taulaga mo i tatou ua taua o le Togiola.
- Aisea e taua ai ona tatou ave i o tatou luga le suafa o lesu Keriso? (Mosaea 3:17.) O le a le fautuaga a lesu Keriso i le mea e ao ona faia mo le faaogaina o lona suafa? (2 Nifae 31:5–12; Mosaea 2:22. Ia papatiso ma tausii poloaiga. Mosaea 3:19. Gauai atu o tatou manao i le finagalo o le Faaola.)
- O a poloaiga na tauina atu e le Tupu o Peniamina i ona tagata e tataua ona usitaia? (Mosaea 3:21; 4:11–15; 5:5. E mafai ona e faaogaina upu o lo o i le gaioiga e faamauoa mai ai e tusa o se vaega o le talanoaga.) O le a se upu a le Tupu o Peniamina i le mea o le a tupu pe a tatou tausii poloaiga uma? (Mosaea 2:41.)
- O le a se tali atu a tagata i aoaoga a le tupu o Peniamina? (Mosaea 5:2.) O le a se mea e tataua ona fai e faamasani ai tatou i lea suiga tele? (Mosaea 3:19.)
- O le a le feagaiga sa tuuina atu e le tupu o Peniamina i ona tagata? (Mosaea 5:5–9.)

Gaioiga e

Faamauoa Mai Ai

Atonu e te manao e faaoga se gaioiga se tasi poo le sili atu foi o gaioiga nei i le taimi o le lesona poo le avea ma iloiloga, aotelega, poo se lu'i.

1. Ia saunia ma faaali atu lisi o upu nei. Tusi se faailoga o le olo lea e masani ona aoao atu ai e le Tupu o Peniamina ona tagata. Ia faapipii upu ia i le ata a'o talatalanoa i auala e mafai ai ona tauaveina i o tatou luga le suafa o lesu Keriso. Ia tuu atu i tamaiti e mafaufau i auala e mafai ona usitaia ai poloaiga e pei ona tusia i le lisi o upu.

Ia faatuatua ia lesu Keriso (Mosaea 3:21)

Salamō (Mosaea 3:21)

Faia ma tausii feagaiga o le papatisoga (Mosaea 5:5)

Tatalo i aso uma (Mosaea 4:11)

Agalelei i isi (Mosaea 4:13)
Aua le tauaimisa pe feinauui (Mosaea 4:14)
Auauna atu i isi (Mosaea 4:15)
Fesoasoani i e matitiva (Mosaea 4:16)
Ola i le Talalelei (Mosaea 4:15)

2. Faaaoga ofu faigofie poo ni faaitaiga, ia fai taga o le lauga atu o le Tupu o Peniamina i ona tagata. Faavasega e tamaiti o latou nofoa e pei o se fale ie ma le faitotoa agai atu i luma o le potu. E mafai ona nonofo tamaiti i luga o le fola i totonu o le fale ie ma faasaga i luma. O le tamaititi o lo o faia taga a le Tupu o Peniamina o lo o tautala atu ma tu i luga o le nofoa i luma o le potu. Faitau upu a le Tupu o Peniamina mai le tusi o Mosaea 2:9.
3. Faamatala atu i tamaiti le konafesi aoao a le Ekalesia talu ai nei. Afai e talafeagai ai, faaali i ai se kopi o le konafesi mai i le Liahona. Faatusatusa le konafesi lea ma le fono a le Tupu o Peniamina sa faia ma ona tagata. Faamatala pe faapefea ona fesoasoani le Ekalesia i le tuuina atu o le savali mai le Peresitene o le Ekalesia, ma isi o le Au Pulega Aoao i tagata i le leitio, televise, satellite ma isi tusitusiga. Faatalanoa nisi o ulutala mai le konafesi faatoa uma atu nei. Faamalosi atu i tamaiti e faitau pe faalogologo i savali mai i le konafesi aoao ma mulimuli i lapataiga a o tatou perofeta ma taitai.
4. Fesoasoani i tamaiti ia malamalama ma tauloto le fuaiupu mulimuli o le Mosaea 2:17 “Pe a iai outou i le galuega a o outou uso, ua na ona iai outou i le galuega a le Atua.”
5. Ia talanoaina pe faapefea ona talafeagai tonu le mataupu faavae o le faatuatua e 13 ma le lauga a le Tupu o Peniamina. Fesoasoani i tamaiti e tauloto le mataupu faavae lea o le faatuatua.
6. Usu pe faitau upu o le “Love One Another” (*Children’s Songbook*, p. 136) po o le I’m Trying to Be Like Jesus (*Children’s Songbook*, p. 78).

Faaiuga

Molimau	Ia tuuina atu lau molimau i le togiola a Iesu Keriso ma pe faapefea ona faamanuina ai o tatou olaga. Faamamafa atu le taua o le tausia o poloaiga ao tatou tauaveina i o tatou luga le suafa o Iesu Keriso.
Tusi Fautuaina e faitau i le aiga	Ia fautuaina tamaiti e suesue le Mosaea 2:1–18 i le fale e toe iloilo ai lenei lesona. Tofi se tamaititi e faia le tatalo faaiu.

Faamoemoega Ina ia faamalosia tamaiti ia totoa e laulaututu atu e avea ma molimau ia Iesu Keriso.

Sauniuniga


1. Suesue ma le agaga tatalo le Mosaea 11–13; 15:1, 6–8; 16:14–15; 17; ma le 19:4–20. Ona aoao ai lea o lesona ma fuafua pe faapefea ona e aoaoina i tamaiti faamatalaga o tusitusiga paia (Tagai i le "Sauniaina o Au Lesona," itulau vi ma le "Aoao mai Tusitusiga Paia," itulau vii)
2. Faitauga Tusi Faaopoopo : Mosaea 14–16.
3. Filifili fesili talanoaina ma gaoioiga e faamauoa mai ai o le a aofia ai tamaiti ma sili ona fesoasoani mo i latou ina ia ausia le faamoemoega o le lesona.
4. O Mea e Faaoga:
 - a. Ia tofi tamaiti ma se Tusi a Mamona.
 - Se 'avaaluga e faia i le pepa (tagai i le faataitaiga o lo o i le faaiuga o le lesona)
 - O se moliuila po o se matauila
 - O se pepa o tulafono e sefulu (tagai i le faataitaiga o lo o i le faaiuga o le lesona)
 - O se ata o Keriso
 - O se fasi maea po o se manoa
 - O se afitusi
 - i. Ata 4–22, Apinati i luma o le tupu o Noa. (Taga Ata o le Talalelei 308; 62024)

**Faalautelega
Fautuaina o
le Lesona**

Gaoioiga e
Faatosina Mai Ai

Tofi se tamaititi e faia le tatalo amata.

Ia tuu atu i tamaiti taitoatasi se kopi o se ata ma togitogi e iva, pe tusia i luga o le laupapa. Fai i tamaiti e faafesootai uma togitogi ia e iva i le tusia o ni laina sasao, e aunoa ma le siiina o le penitala mai le pepa po o le penisina mai le laupapa. A maea ni taumafaiga a le vasega, ona faaali lea o le tali sao i se tamaititi e aunoa ma le tauina atu i se isi. Fai i le tamaititi na iloa le tali e tau i le isi tamaititi, ma alu ai pea seia mafai e tamaiti uma ona faafesootai togitogi uma. Faamalamalama i ai, a tatou aoaoina se mea, ua tatou fesoasoani i isi tagata pe a tatou aoao mea ua tatou iloa. A tatou aoao i le Tama Faalelagi, ua mafai ona tatou fesoasoani i isi tagata i le tauina atu ia i latou e uiga ia te ia.



Gaoioiga Fesuisui ai e Faatosina Mai Ai

Tuu avanoa i tamaiti taitasi e auauai eseese ai mea mai le taga. Fesili i tamaiti taitoatasi e faamatala se mea e tasi pe lua e faatatau i lana mea na aumaia i fafo mai le taga. Ia faamalamalama atu, a'o suesue tamaiti e uiga i se perofeta loto tele ma amiotonu e igoa ia Apinati, o le a latou vaai pe faapefea ona faatusatusa mea uma na aumaia i fafo i lona olaga.

Tala o Tusitusiga Paia

Faaali atu le ata o Apinati i luma o le tupu o Noa, ma aoao atu le tala ia Apinati mai i le Mosaea 11–13; 15;1, 6–8; 16:14–15; 17; ma le 19:4–20. (Mo auala fautuaina mo le aoaoina o faamatalaga o tusitusiga paia, tagai i le "Aoa mai i Tusitusiga Paia" itulau vii.) Faamamafa atu o Apinati o se molimau lototele a lesu Keriso, e ui lava na maumau ai lona ola. Ao e faaogaina le gaoioiga fesuisui ai e faatosina mai ai, ia faamalamalama atu mea taitasi o lo o i le taga e faatatau i le olaga o Apinati.

- O le 'avaaluga : Apinati ua faafoligaese ina ua toe foi mai (Mosaea 12:1).
- Matauila poo le moliuila: Ua pupula mata o Apinati ma le po o le pupula tele (Mosaea 13:5).
- Tulafono e 10 : Ua aoaoina e Apinati tulafono e sefulu (Mosaea 13:11–14).
- Ata o Keriso : O le matuai molimau atu o Apinati ia lesu Keriso Keriso (Mosaea 15:16; 17:8).
- Maea poo le manoa : Ua saisaia Apinati (Mosaea 17:13).
- Afitusi : Na fasiotia Apinati i le afi (Mosaea 17:20)

Talanoaga ma Fesili E Faatatau I Ai

Suesue i fesili o lo o i lalo ma tusi o mau pe a sauni lau lesona. Faaaoga fesili e te manatu o le a sili ona fesoasoani i tamaiti latou te malamalama ai i tusitusiga paia ma faaoga mataupu faavae i o latou olaga. O le faitauina o mau ma tamaiti i le vasega o le a fesoasoani latou te maua ai le malamalama i tusitusiga paia.

- O le a le poloaiga muamua na fai atu ai le Alii ia Apinati e ta'u atu ia Noa ma ona tagata? (Mosaea 11:20–21.)
- O le a le ituaiga olaga na ola ai le tupu o Noa ma ona tagata? (Mosaea 11:1–7, 14–14, 19.)

- Na faapefea ona tali atu le Tupu o Noa ma ona tagata i le upu a Apinati? (Mosaea 11:26–29.) O le a sou manatu, aisea e feita ai tagata ia i latou o ē poloaia i latou e salamō?
- O le a se vaega na matuai molimau atu ai Apinati i le Tupu leaga o Noa ma ana ositaulaga e uiga i tulafono? (Mosaea 12:33–36; 13:11–24.) Aisea e taua ai ona tatou usiusitai i tulafono a le Tama Faalelagi?
- Aisea na fefefe ai tagata a le Tupu o Noa e pa'i atu o latou lima ia Apinati? (Mosaea 13:3–5.)
- O le a le mea na molimau atu ai Apinati ia Iesu Keriso? (Mosaea 15:1, 6–8; 16:14–15.)
- Na faapefea ona faaalua le lototele o Apinati? (Mosaea 17:7–10.) Aisea e faigata ai i nisi taimi ona tū atu mo le mea sao? E faapefea ona tatou tutū atu e lagolago le mea sao?
- Aisea na susunuina ai Apinati seia oo ina oti? (Mosaea 17:20.) O le a sou manatu aisea na tuu ai pea e le Alii Ienei mea ia faataunuuna pea? (Alema 60:13.)
- O le a se mea na taua i le Tupu o Noa? (Mosaea 11:14; 19:7–8.) O le a se mea na taua ia Apinati? (Mosaea 13:4; 17:7–10.) O le a se mea e tatau ona taua ia i tatou?
- O ai na aafia i le molimau a Apinati ao lei oti? (Mosaea 17:1–4.)
- Na faapefea ona faataunuuna le valoaga a Apinati o lo o i le Mosaea 12:3? (Mosaea 19:19–20.)
- O ai se tasi tou te manatu o lo o mafai ona tu atu ma le lotoa i aso nei e avea ma molimau a Iesu Keriso?

Gaoioiga e

Faamauoa Mai Ai

Atonu e te manao e faaoga se gaoioiga se tasi poo le sili atu foi o gaoioiga nei i le taimi o le lesona poo le avea ma iloiloga, aotelega, poo se lu'i.

1. Tofi tamaiti latou te faia taga ma vaega o le tala ia Apinati ma le Tupu o Noa, ma ia iai se tusitala e faatalanoaina tamaiti. Fai se lisi o fesili a le tusi tala e tatau ona faaoga, e pei o:

Tusitala mo Noa :	E faapefea ona totogi ou fale mananaia?
Tusitala mo ositaulaga:	Aisea tou te faapagotaina ai Apinati?
Tusitala mo Alema:	O le a sou manatu i aoaoga a Apinati?
Tusitala mo Apinati :	Aisea ua mananao ai nei tagata e fasioti ia te oe? Aisea ua e le faafitia ai nei mea ua e aoaoina atu i nei tagata?

2. Lūlū sina pepa (fai meaai) i totonu o se apa vai. Tuu le apavai i se mea e iloa uma mai ai e tamaiti. Faamatala atu i ai o le pepa o le faailoga lea o ē ua filifili e avea ma toa. Fai atu i ai e vaai poo le a se mea e tupu pe a sosoo ma le ua tumu i le agasala. Tuu se mataua o se fasimoli fuluipu, e fai ma sui o le agasala, i le ogatotonu o le apa vai. O le a vave ona alu ese le pepa. Ina ua talitonu Alema i le molimau a Apinati, sa ia filifilia e lototele ma usiusitai i perofeta ma alo ese mai i ala leaga a le Tupu o Noa. Fai atu i tamaiti, poo a mea e tatau ona latou liliuese mai ai ina ia mafai ona latou totoā.

3. Talatalanoa i tulafono e sefulu o lo o i le Mosaea 12:34–36, 13:12–24.
4. Faatusatusa le uiga toa o le Tupu amiotonu o Peniamina ma uiga o le Tupu o Noa.
 Tupu o Peniamina : Mosaea 2:10–14, 4:9–10.
 Tupu o Noa : Mosaea 11:2, 6–7, 27; 19:18.
5. Ia talanoaina vaega e tutusa ai mea na faia ia Apinati e le Tupu leaga o Noa ma ona tagata ma mea na faia i le Keriso?
 Keriso : Mosaea 15:5, Mataio 26:66, Luka 24:20.
 Apinati : Mosaea 13:1, 17:7, 10, 13.
6. Usu pe faitau upu o le “E Mafai Ona Avea Au Ma Valiana” (*Tusi Lesona a le Valiana A*), “Fai Le Mea Tonu” (*Pese Faatasi Ma Au*, itulau B–81), poo le “Ekalesia a Iesu Keriso” (*Liahona*, Fepuari 1990).

Faaiuga



Molimau

Ia molimau atu e tusa lava po o le a le amiotonu, ae o le a le saoloto mai ai i tatou i tiga ma faaososoga, afai tatou te totoia i a tatou molimau ia Iesu Keriso, o le a faamanuiaina i tatou e le Tama Faalelagi e ala i le filemu i lenei olaga ma mea uma o lo o ia te ia i le olaga a sau.

Tusi Fautuaina e
Faitau i le Aiga

Ia fautuaina tamaiti e susesue le Mosaea 11:1–2, 20–21, 26–29; 12:1–9; ma le 17 i le fale e iloilo ai lenei lesona.

Tofi se tamaititi e faia le tatalo faaii.



Ua Papatiso Atu Alema i le Vai o Mamona

Lesona
12

Faamoemoega Ina ia aoaoina atu i tamaiti le uiga o a latou feagaiga o le papatisoga ma le taua o lo latou tausaiaina.

- Sauniuniga**
1. Suesue ma le agaga tatalo le Mosaea 17:2–4; 18. Ona aoao ai lea o le lesona ma fuafua pe faapefea ona e aoaoina i tamaiti faamatalaga o tusitusiga paia. (Tagai i le “Sauniaina o Au lesona,” itulau vi, ma le “Aoa mai i Tusitusiga Paia,” itulau vii)
 2. Filifili fesili talanoaina ma gaoioiga e faamauoa mai ai o le a aofia ai tamaiti ma sili ona fesoasoani mo i latou ina ia ausia le faamoemoega o le lesona.
 3. O Mea e Faaoga:
 - a. Ia tofi tamaiti ma se Tusi a Mamona.
 - e. Pule oe pe fai : O se loka ma se ki mo le gaoioiga e faatosina mai ai (faataitaiga o se loka, tusi e faamaumau ai mea o aso uma e iai se loka, o se pusa mo maa taua e iai se loka, po o se atopau e iai sona loka).
 - i. O se kopi o se ki na tipi mai se pepa o lo o iai le upu *Feagaiga* o lo o tusia ai i luga (tagai i le faaiuga o le lesona).
 - o. O se kopi o pepa e tufatufaina atu “O A’u Feagaiga o le Papatiso” mo tamaiti taitoatasi (tagai i le faaiuga o le lesona).
 - u. Ata 4–23 Ua Papatiso Atu Alema i le Vai o Mamona (Taga Ata o le Talalelei 309; 62332).
-

**Faalautelega
Fautuaina o
le Lesona**

Gaoioiga e
Faatosina Mai Ai

Tofi se tamaititi e faia le tatalo amata

Faaali atu se ki. Fesili atu i tamaiti poo le a le aoga o le ki. E mafai ona e tofia se tamaititi e faaoga le ki e tatala ai se loka. Taofi le ki pepa ina ia le iloa atu e tamaiti le upu *Feagaiga*, ona saelua lea. Ia faamalamalama atu e le aoga le ki pe afai na o le afa o le ki o lo o ia te oe. Faailoa fasi vaega o le ki pepa i tamaiti ma faailoa i ai le upu *Feagaiga*. Fesili i tamaiti pe latou te iloa le uiga o le upu. Ia faamalamalama atu i ai i totonu o le talalelei, o le feagaiga o se maliliega paia po o se folafolaga lea i le va o le Tama Faalelagi ma lana fanau. Afai tatou te tausia a tatou feagaiga ma le Tama Faalelagi, o le a ia faataunuuina lana vaega. Ae afai tatou te le tausia a tatou feagaiga ua folafolaina, o le a solia loa a tatou feagaiga. O le tausia o a tatou feagaiga o le papatisoga o le ki lea i faamanuiaga ma le ola e faavavau. Ia faamalamalama atu o le ola e faavavau o le avea lea e faapei o le Tama Faalelagi, ma nofo mau ma ia e faavavau. Ia faamalamalama atu, ao aoaoina e tamaiti Alema ma ona tagata, o le a faamanatu atu ai ia te i latou a latou feagaiga o le papatisoga ma auala e mafai ona latou tausia lelei ai.

Tala o Tusitusiga Paia Aoa o atu i tamaiti le tala ia Alema ma lana papatisoga i Vai o Mamona mai le Mosaea 17:2–4 18. (Mo auala ua fautuaina e aoao ai tala o Tusitusiga Paia, tagai i le “Aoaoga mai i Tusitusiga Paia itulau vii) la faamamafa atu le taua o feagaiga na tatou faia i le papatisoga ma le taua o le tausiana. Faaaoga i taimi e talafeagai ai.

Talanoaga ma Fesili e Faatatau I Ai Suesue i fesili o lo o i lalo ma tusi o mau pe a sauni lau lesona. Faaaoga fesili e te manatu o le a sili ona fesoasoani i tamaiti latou te malamalama ai i tusitusiga paia ma faaoga mataupu faavae i o latou olaga. O le faitauina o mau ma tamaiti i le vasega o le a fesoasoani latou te maua ai le malamalama i tusitusiga paia.

- O le a se mea na faia e Alema e saunia ai o ia mo le papatisoga? (Mosaea 17:2–4;18:1) Na faapefea ona e saunia mo lou papatisoga?
- Aisea ua avea ai le nofoaga ua taua o Mamona e faia ma lafitaga lelei mo Alema e aoao atu ai i tagata? (Mosaea 18:4–5.) Aisea na moomia ai ona latou lalafi?
- O le a se lagona na oo i tagata o Alema ina ua latou aoaoina e mafai ona papatisoina i latou? (Mosaea 18:11.) O le a sou lagona ina ua papatisoina oe? O le a se mea o e manatua e uiga i lena aso?
- O a folafolaga sa faia e i tatou uma taitoatasi ina ua papatisoina i tatou? O lea le folafolaga a le Tama Faalelagi i ai tatou? (Mosaea 18:8–10.) Faaali le pepa e tufatufaina atu “O A'u Feagaiga o le Papatisoga,” ma talanoaina folafolaga taitasi. la faamalamalama atu e leai se isi o tatou e atoatoa, ae tatau ona tatou faia le mea sili e tausia ai a tatou feagaiga o le papatisoga.
- E mafai faapefea ona tatou faaali atu ua tatou tauaveina i o tatou luga le suafa o Iesu Keriso ma o lo o tatou tutū atu e avea o ni ana molimau?
- O le a le uiga o le tauave faatasi ma isi a latou avega ma fetagisi faatasi ma e o fetagisi? O a ni auala na auaina mai ai le Keriso iai tatou ma isi ao i ai i le fogaeleele? E faapefea ona tatou mulimuli atu i faaitaiga a Iesu Keriso ma auaina atu i nisi?
- O a tulafono ua tuuina atu e Alema i ona tagata e fesoasoani ai i le tausiana o a latou feagaiga o le papatisoga? (Mosaea 18:21–23, 27–29.) E mafai faapefea ona tatou ola e pei o tagata o Alema?
- O le a le sauniga e mafai ai ona toe faafouina a tatou feagaiga o le papatisoga i Aso Sa taitasi? la faamalamalama atu i ai o le faafouina o lona uiga o le toe faafou po o le toe amata. Toe iloilo tatalo o le sauniga faamanatuga faatasi ma tamaiti ma fesoasoani i ai e sailia feagaiga o lo o iai i tatalo (tagai i le Moronae 4:3; 5:2.) Ave kopi taitasi i tamaiti o pepa e tufatufaina atu ma toe iloilo a latou feagaiga o le papatisoga.

Gaoioiga e Faamauoa Mai Ai

Atonu e te manao e faaoga se gaoioiga se tasi poo le sili atu foi o gaoioiga nei i le taimi o le lesona poo le avea ma iloilo, aotelega, poo se lu'i.

1. Fai i se tamaiti e uu sao i le lima e tasi se tusi e faafeololo le mamafa ao e tautala atu i le vasega e uiga i feagaiga o le papatisoga. Fai i le tamaiti o lo o uuina le tusi po o ua vaivai lona lima. Tofi se isi tamaiti e fesoasoani e uu le tusi. Faamalamalama i ai o se tasi o folafolaga na tatou faia ina ua tatou

papatiso, o le faamama avega i lou uso a tagata, ina ia mama ai le avega. Talatalanoa i nisi o avega o lo o feagai ma tamaiti e faatatau i o latou tausaga, e pei o le ulagiaina, ma'i, i ai ni faafitauli ma nisi o o latou aiga, fia auai, po o faafitauli i le aoga. Fai i tamaiti pe mafai faapefea ona latou fesoasoani e faamama avega a isi.


2. Ao le i amataina le vasega, ia fesili muamua atu i matua o tamaiti e faamatala mai se taimi na auauna atu ai le la tama i se isi. Ia fetufaai atu nei tulaga i le vasega ma faamalo atu i tamaiti mo ia auaunaga. Ia faamanino atu, o nei ituaiga uiga o le auauna atu ua avea ma faamama avega i nisi o lo o latou auauna atu i ai.
3. Faamatala i tamaiti o se vaega o le feagaiga ua tatou faia ina ua tatou papatiso, o le naunau lea e tauave le suafa o lesu Keriso i o tatou luga ma avea ma Kerisiano moni, po o se soo o Keriso. E tataua ona ola agavaa mo lona suafa. Fai i tamaiti e mafaufau pe faapefea ona latou faamamaluina le suafa o lesu Keriso ao e tuuina atu le tala lenei mai ia Peresitene Siaosi Alapati Samita, le Peresitene lona valu o le Ekalesia. "I le tele o tausaga ua mavae, sa ou matua ma'i ai lava . . . Sa ou matua vaivai lava ma ua tau le mafai ona ou gaoioi." I se tasi aso . . . Sa ou matapogia ai ma na ou manatu o au ua oti . . . "Sa amata ona ou toe fealualuai ma vaavaai solo i mea o lo o siomiaina ai au, ma ina ua maea lau savaliga mo sina taimi . . . agai i le vaomatua, sa ou vaaia se tamaloa o sau agai mai ia te au. Sa ou iloa o se tagata tino ese ma sa ou faanatinati atu e oo atu ia te ia aua ua ou iloa atu o ia o le tamā o lou tamā . . . Sa ou manatua lou matua fiafia e vaai atu ia te ia o sau. Sa faaigoaina au i lona igoa ma o se mea ou te matua fiafia lava i ai." Ina ua oo mai le tamā o lou tamā pe tusa o nai futu lo ma va, sa ia tu . . . Sa ia vaai mai ma le faanaunau ma faapea mai: " 'Ou te manao ou te fia iloa po o le a se mea o e faia i lou igoa.' " O mea uma sa ou faia sa oo mai ia te au e pei o le emo o se ata faasolo o le tifaga . . . O lo'u olaga atoa ua tu mai i o'u luma. Sa ou ataata ma vaai atu i le tamā o lou tamā ma faapea atu: "Ou te le i faia lava se mea e tasi e faalumaina ai lou igoa." Sa ia savali mai ma tago mai ma fusi atu a'u i ona lima, ao ia faia ia mea, sa ou toe malamalama i ou siosiomaga i lalolagi. O lo'u aluga ua susū uma e pei ua masaa i ai se vai - ua susū uma i o'u loimata o le agaga faafetai ona ua mafai ona ou tali atu ma le lē maasiasi" ("Your Good Name," *Improvement Era*, Mar. 1947 p. 139).

Ia faamalamalama atu i tamaiti ao latou naunau e tausia poloaiga ma auauna atu i isi, o lo o latou faamamaluina le suafa o lesu Keriso.

4. Usu pe faitau upu o le "Papatisoga" (*Pese Faatasi Ma A'u*, B-4).

Faaiuga

Molimau	Ia tuuina atu lau molimau, ao tatou tausia feagaiga o le papatisoga o le a tatou aoao e auauna faalelei atu i isi ma avea faapei o lesu Keriso.
Tusi Fautuaina e Faitau i le Aiga	Ia fautuaina tamaiti e suesue le Mosaea 18:1-11, 30-35 i le fale e toe iloilo ai lenei lesona. Tofi se tamaititi e faia le tatalo faaiu. Faaaliga: Afai ua e filifili e faaoga le gaoioiga e faamauoa mai ai 1 i le lesona e sosoo ai, ia faia tofiga ae toe tasi le vaiaso.



FEAGAIGA



O A'u Feagaiga o le Papatisoga

(Faafouina i Taimi Uma Ou te Tago Atu ai i le Faamanatuga.)

O le Papatisoga Sa Ou Osia ai le Feagaiga ma le Atua o le:

1. Sau i le lafumamoe a le Atua (ia avea ma tagata o le Ekalesia a Iesu Keriso).
2. Ia taua o sona atalii poo sona afafine (ia tauave i o'u luga le suafoa o Keriso).
3. Tauave avega a isi, ina ia mama ai; fetagisi ma ē o fetagisi; ma faamafanafana atu i e o lo o moomia le faamafanafanaga (fesoasoani i isi).
4. Avea ma molimau a le Atua i taimi uma ma mea uma ma nofoaga uma (avea ma molimau ia Keriso ma faia faataitaiga lelei i taimi uma).
5. Auauna i le Atua ma tausia ana poloaiga.

Pe a Ou Tausia A'u Feagaiga o le Papatisoga, ua Osi Feagaiga mai le Atua o le:

1. A faamagaloina a'u agasala.
2. A tuuina mai lona Agaga i o'u luga (tuuina mai ia te a'u le soa o le Agaga Paia).
3. A togiolaina a'u ina ia faitauina faatasi ma i latou i le uluai toetutu ma maua le ola e faavavau. (faatagaina a'u e ulufale atu i le malo selesitila ina ia mau faatasi ma le Tama Faalelagi ma Iesu Keriso).

O Tagata o le Tupu o Lima ma Tagata o Alema

Faamoemoega

Ina ia aoaina tamaiti o le lotomauualalo ma le faatuatua ia Iesu Keriso e mafai ai ona aumai ia te i tatou le malosi e faafetaui ai le fili.

Sauniuniga

1. Suesue ma le agaga tatalo le Mosaea 21:1–16; 22; 23:1–6, 29–39; ma le 24 ma toe faamanatu le Mosaea e 12:2, 4–5. Ona aoao lea o le lesona ma fuafua pe faapefea ona aoao atu faamatalaga o tusitusiga paia. (Tagai i le “Sauniaina o Au Lesona,” itulau vi, ma le “Aoao Atu mai Tusitusiga Paia,” itulau vii.)
2. Faitauga Tusi Faaopoopo: Mosaea 20–25 (mo le faamatalaga atoa).
3. Filifili fesili talanoaina ma gaoioiga e faamauoa mai ai e aofia ai tamaiti ma sili ona fesoasoani mo i latou e ausia ai le faamoemoega o le lesona.
4. Afai ua e filifili e faaoga le gaoioiga e faamauoa mai ai 1 i le lesona e sosoo ai, ia faia tofiga ae toe tasi le vaiaso.
5. O Mea e Faaoga:
 - a. Ia tofi tamaiti ma se Tusi a Mamona.
 - e. Ata 4–24, O Tagata Sa Nifaē i Lalo o le Vaavaaiga a Sa Lamanā, ma le 4–25, O Le Solaaga a Tagata o le Tupu o Lima.

**Faalautelega
Fautuaina
O le Lesona**

Tofi se tamaitiiti e faia le tatalo amata.

Gaoioiga e
Faatosina Mai Ai

Tusi upu o lo o i lalo i luga o le laupapa po o se pepa tele. Faamatala i tamaiti o le a latou aoaina ni upu taua mai tala o tusitusiga paia. Ia ofo mai tamaiti e fai mai se upu ma filifili mai lona uiga.

Puapuaga	a. O se avega o le faanoanoa e faigata ona gafatia
Pologa	e. Naunau e aoao; aunoa ma le faamauualuga
Lotomauualalo	i. Le manuia, mafatiaga, po o faigata
Faasaua	o. Leai se saolotoga; pologa
Faatuatua	u. Maasiasi, puapuagatia, po o le osofaia
Avega	f. Talitonu e aunoa ma le vaai

Tali: puapuaga; *i*; pologa: *o*; lotomauualalo: *e*; faasaua: *u*; faatuatua: *f*; avega: *a*

Tala o Tusitusiga Paia Toe iloilo valoaga a Apinati e uiga ia Sa Nifaē mai le Mosaea e 12:2, 4–5. O nei valoaga na taunuu e ui lava ina sa vaeluaina Sa Nifaē i ni vaega eseese se lua. Aoao atu tala o tagata o le Tupu o Limae ma tagata o Alema mai le Mosaea e 21:1–16; 22; 23:1–6, 29–39; ma le 24. Faaoga ata i taimi talafeagai. (Mo auala fautuaina e aoao atu ai faamatalaga o tusitusiga paia, tagai i le “Aoaoga mai Tusitusiga paia,” itulau vii.)

Talanoaga ma Fesili e Faatatau I Ai Suesue i fesili o lo o i lalo ma tusi o mau pe a sauni lau lesona. Faaoga fesili e te manatu o le a sili ona fesoasoani i tamaiti latou te malamalama ai i tusitusiga paia ma faaoga mataupu faavae i o latou olaga. O le faitauina o mau ma tamaiti i le vasega o le a fesoasoani latou te maua ai le malamalama i tusitusiga paia.

O Tagata o le Tupu o Limae

- O a auala na faasauaina ai e Sa Lamanā ia tagata o Limae? (Mosaea 21:3.) Aisea na tupu ai lenei mea? (Mosaea 21:4; 12:2, 4–5.)
- O le a se aafiaga o tagata o le Tupu o Limae ina ua faiaina faatolu i le taua? (Mosaea 21:13–14.) O le a le uiga o le lotomauualalo? E te manatu, aisea na i'u ai ina faamaualaloina e Sa Nifaē i latou lava?
- Aisea na faatuai ai ona faafogaina e le Tama Faalelagi le tagi atu o tagata o Limae? (Mosaea 21:15.) Na faapefea ona ia tali mulimuli ane i a latou talosaga mo se fesoasoani? (Mosaea 21:15–16.) O le a se mea na aoaoina mai e tagata o Limae mai le ola pologa? E mafai faapefea ona fesoasoani mafatiaga i o tatou olaga e avea ai ma tagata lotomauualalo, usiusitai, ma tatalo?
- Ina ua uma ona osia e le Tupu o Limae ma ona tagata se feagaiga po o se folafolaga i le Atua, o le a le mea na latou faia e faaalai ai lo latou faamamaluina o la latou feagaiga ma la? (Mosaea 21:35.) E faapefea ona tatou faaali atu i le Tama Faalelagi lo tatou faamamaluina o a tatou feagaiga o le papatisoga?

O Tagata o Alema

- O a ni mafuaaga na tofotofoina ai le faatuatua ma le onosai o tagata o Alema? (Mosaea 23:21.) O le a le folafolaga a le Alii na ia tuuina mai ia te i tatou pe a tatou tuu atu lo tatou talitonuga ia te ia pe a tofotofoina lo tatou onosai ma le faatuatua? (Mosaea 23:22.) Na faapefea ona faamanuiaina oe i lou talitonu i le Alii?
- Aisea na faapea mai ai Alema e le tataua ona fefefe ona tagata? (Mosaea 23:27.) Na faapefea ona tali atu tagata i lana fautuaga? (Mosaea 23:28.) Na faapefea ona fesoasoani le Alii ia te i latou? (Mosaea 23:29.) Na faapefea ona fesoasoani le Alii ia te oe ina ia e maua lou lototele?
- O le a se mea e mafai ona e faia e faamalosi atili ai oe i taimi o puapuaga? Na faapefea ona faamanuiaina oe po o lou aiga e le Tama Faalelagi i taimi o puapuaga?
- Na faapefea ona ta'u atu e Alema ma ona tagata i le Tama Faalelagi mea latou te manaomia a o faasaina e le taitai amioleaga o Amulona ona latou tatalo leotetele? (Mosaea 24:12.) Na faapefea ona talia e le Tama Faalelagi a latou tatalo ma tausia lana folafolaga ia te i latou? (Mosaea 24:13–16.) Na faapefea ona tausia e le Tama Faalelagi ana folafolaga ia te i oe?

- O le a le mea na manatua e Alema ma ona tagata e fai ina ua faasaoina mai i latou mai ia Sa Lamanā? (Mosaea 24:21–22.) Aisea e taua ai le faaali atu o le agaga faafetai, e tusa lava po o a puapuaga? E mafai faapefea ona faaali atu le agaga faafetai i le Tama Faalelagi mo o tatou faamanuiaga?
- E faapefea ona faamanuiaina tagata i le faaleagaga e ala i o latou puapuaga?

Gaoioiga e

Faamauoa Mai Ai

Atonu e te manao e faaaoga se gaoioiga se tasi poo le sili atu foi o gaoioiga nei i le taimi o le lesona poo le avea ma iloiloga, aotelega, poo se lu'i.

1. Ia valaaulia ni tagata matutua se toalua e teu pei o le Tupu o Limae ma Alema. E mafai e le Tupu o Limae ona faamatala atu le tala i ona tagata mai le Mosaea e 21 ma le 22. E mafai e Alema ona faamatala atu le tala i ona tagata mai le Mosaea e 23 ma le 24. Tuu tamaiti e fai ni fesili e uiga i mea na tutupu i tala. O talanoaga ma fesili talafeagai e mafai ona faaoga i le taimi o faamatalaga o tala po o le faaiuga o tala.
2. Vaevae le vasega i ni 'au se lua pe fa, fuafua lava i le toatele o le vasega. Ia auauai 'au e fai taga ae leai ni leo o vaega e aupito fiafia i ai o le tala ae mate mai e isi 'au a latou taga o lo o latou faia.
3. Tauloto le mataupu lona fa o le faatuatua.
4. Usu pe faitau upu o le "Faatuatua" (*Liahona*, Setema 1995).
5. Valaaulia tamaiti e faitau lemu nisi o mau o lo o i lalo ma maka mau e i ai ni uiga taua mo i latou:
 Mosaea 23:7, 15, 21–22
 Mosaea 24:12–16, 21–22
 Mosaea 25:10, 15–16, 22–24

Faaiuga

Molimau

Ia faaali atu lou agaga faafetai ma lau molimau mo faamanuiaga a le Alii ia te oe i taimi o puapuaga.

Tusi Fautuaina e
Faitau i le Aiga

Ia fautuaina tamaiti e suesue le Mosaea 21: 6–16 ma le 24: 10–15 i le fale e toe iloilo ai lenei lesona.

Tofi se tamaititi e faia le tatalo faaiu.

Ua Salamō Alema le Itiiti ma Atalii o Mosaea

Lesona
14

Faamoemoega Ina ia aoaoina tamaiti e tatau le salamō mo le fiafia faalelalolagi ma le ola e faavavau.

Sauniuniga

1. Suesue ma le agaga tatalo le Mosaea 27; 28:1–9 ma le Alema 36:11–24. Ona aoao lea o le lesona ma filifili pe faapefea ona e manao e aoao atu i tamaiti tala o tusitusiga paia. (Tagai i le “Sauniaina o Au Lesona,” itulau vi, ma le “Aoao Atu Mai Tusitusiga paia,” itulau vii.)
2. Filifili fesili talanoaina ma gaoioiga e faamauoa mai ai e aofia ai tamaiti ma sili ona fesoasoani mo i latou ina ia ausia le faamoemoega o le lesona.
3. O Mea e Faaaoga:
 - a. la tofu tamaiti ma se Tusi a Mamona.
 - e. O se ato faafafa po o se taga ma ni mea mamafa se fa pe lima e pei o tusi, maa, po o ni piliki. la faaigoaina mea taitasi i se igoa o se agasala e pei o le pepelo, tauemu i isi, ulaula tapaa, ma isi.
 - i. Ata 4–26, Agelu na Faaali ia Alema ma Atalii o Mosaea.

**Faalautelega
Fautuaina
o le Lesona**

Gaioiga e
Faatosina Mai Ai

Tofi se tamaitiiti e faia le tatalo amata.

Aumai se ato faafafa po o se taga ua tumu i mea mamafa i le vasega. (Atonu e te iloa mea patino e ono faaosoosoina ai le matutua o tamaiti o lau vasega. la faaaoga vaega na e faaigoa ai.) la auauai tamaiti e sii i luga le ato. Ona alu ane lea o se tamaitiiti e la’u taitasi i fafo mea.

A uma ona la’u ese “agasala”, o le a mama le “avega,” po o le amoga mamafa a le tamaitiiti. (Atonu e te manao e teu pe faaaliali pea nei mea i le taimi atoa o le lesona ina ia mafai ona toe tepa i ai.) Faatusatusa le mamafa o le ato o mea mamafa ma le ato mama. Sa ta’u mai e lesu ia te i tatou afai tatou te o atu ia te ia e ala i le faatuatua, salamō, ma le papatisoga, o le a mama a tatou avega. O le salamō o le lē fiafia lea i le faia o se agasala, e le toe faia, ma taumafai loa e ola atili faapei o le Faaola. I lenei lesona, o le a aoao ai e tamaiti le ala na iloa ai e Alema le Itiiti ma atalii o Mosaea le mamafa o le agasala ma le fiafia e maua mai pe a sii ese atu le avega e ala i le faatuatua ia lesu Keriso ma le salamo.

Tala o Tusitusiga
Paia

I le faaaogaina o le ata i se taimi e tatau ai, aoao atu le tala i le suiga tele na oo i olaga o Alema le Itiiti ma atalii o Mosaea e pei ona tusia i le Mosaea e 27 ma le 28:1–9. (Mo auala fautuaina e aoao atu ai tala o tusitusiga paia, tagai i le “Aoao Atu Mai i Tusitusiga Paia,” itulau vii.) Fesoasoani i tamaiti ia malamalama o lenei lesona e uiga ia Alema le Itiiti (o lona tama, Alema le Matua, o le Alema lea na liliu ona o le talaiga a Apinati). Talanoaina le faasologa o le salamō na oo i ai Alema le Itiiti, o le ala lava foi lea e tasi e tatau ona tatou faia a o tatou salamō (tagai i le Alema 36:16–21):

1. Ia iloa le agasala.
2. Ta'uta'u atu le agasala ma tatalo mo le faamagaloga.
3. Faia le mea silisili tatou te mafaia e faasa'o ai le sese.
4. Lafoai le agasala.
5. Usiusitai i poloaiga ma ola atili faapei o le Faaola.

Talanoaga ma Fesili
e Faatatau I Ai

Suesue i fesili o lo o i lalo ma tusi o mau pe a sauni lau lesona. Faaaoga fesili e te manatu o le a sili ona fesoasoani i tamaiti latou te malamalama ai i tusitusiga paia ma faaaoga mataupu faavae i o latou olaga. O le faitauina o mau ma tamaiti i le vasega o le a fesoasoani latou te maua ai le malamalama i tusitusiga paia.

- O a mea a i latou e le talitonu na faia i le Ekalesia? O le a le uiga o le sauaina? Tou te manatu aisea na sauaina ai e nei tagata uso o le Ekalesia? (Mosaea 27:1, 8–10.) O a ni auala e faaono sauaina ai tagata o le Ekalesia i aso nei?
- O ai na tatalo mo Alema le Itiiti ma atalii o Mosaea? O le a le mea sa latou tatalo ai? (Mosaea 27:14.) Tou te manatu o le a le mea e tatalo ai o outou matua mo outou?
- E faapefea ona tatou tatalo ina ia tatou maua ni tali? (Mosaea 27:14.) Tofi ni tamaiti o le vasega e faamatala mea na oo i ai i latou ina ua latou maua tali o a latou tatalo. Atonu e te manao foi e faamatala atu se mea na e oo i ai.
- Na faapefea ona iloa e Alema ma ana uo e toafa le mana o le Tama Faalelagi? (Mosaea 27:11, 15, 18.)
- O le a le mea na tupu ia Alema ona o lenei tulaga faaleagaga na oo i ai? (Mosaea 27:19.) Na avea faapefea lenei mea ma faamanuiaga tele i le olaga o Alema?
- O le a le mea na faia e Alema le Matua ina ua ia faalogo i le mea na tupu i lona atalii? (Mosaea 27:20–23.) Aisea e mananao ai o tatou matua tatou te usiusitai i poloaiga a le Tama Faalelagi?
- O le a se lagona na oo ia Alema ina ua uma ona fetalai atu i ai le agelu ia te ia? (Alema 36:11–17.) Aisea e taua ai lo tatou lagonaina le faanoanoa mo a tatou agasala?
- Na avea faapefea le malamalama o Alema i le togiola a Iesu Keriso e fesoasoani ai ia te ia e salamō? (Alema 36:17–18.) O le a le mea na faia e Alema ina ua ia manatua le Faaola? (Alema 36:18.) Aisea e taua ai lo tatou ta'uta'u atu o a tatou agasala ma tatalo mo se faamagaloga pe a tatou salamō?
- Na faapefea ona taumafai Alema e faaleleia le sese na ia faia? (Alema 36:24.) Ina ia avea o se vaega o le salamō, aisea e taua ai le suia o i tatou ma taumafai e faaleleia mea sese sa tatou faia?
- Ina ua salamō ma suia Alema le Itiiti ma atalii o Mosaea mai o latou ala leaga, o le a se mea na latou mananao e fai ina ia fesoasoani ai i isi? (Mosaea 27:32, 35; 28:1.) E mafai faapefea ona avea i tatou ma faataitaiga mo le lelei i o tatou aiga ma uo?

Gaoioiga e**Faamauoa Mai Ai**

Atonu e te manao e faaaoga se gaoioiga se tasi poo le sili atu foi o gaoioiga nei i le taimi o le lesona poo le avea ma iloiloga, aotelega, poo se lu'i.

1. Faaaoga se ata o se pepe, pe valaaulia se tasi e i ai se pepe ina ia aumaia lana pepe i le vasega. Faatusatusa le mama atoatoa o le pepe ma le mama atoatoa o se tagata ua salamō.
2. Valaaulia se tagata faatoa liliu mai e faamatala ni nai auala ua aafia ai lona olaga ma le fiafia ona o le salamō ma le papatisoga.
3. Faaaoga se faguvaia manino e fai ma faatusa o se tagata ua saoloto mai le agasala. Faatulutulu i ai sina mataua o se vai lanu, ona faamatala atu lea o le sosolo o le lanu i le vai atoa. Faatusatusa lenei mea i le agasala. Ona faaopoopo atu lea i ai o ni nai mataua o le vailaau faipisia e faamama ai le lanu, ona faatusatusa lea i le ala e faamamaina ai e le salamō i tatou mai agasala. (Atonu e te manao e taumafai muamua lenei faataitaiga a o le i faia le vasega ina ia iloa ai le tele o le vai lanu ma le vailaau pisia e faaaoga.)
4. Usu pe faitau upu o le "Faamagalo Atu" (Pese Faatasi Ma A'u, itulau B-35).

Faaiuga

Molimau

Ia tuuina atu lau molimau e na o le salamō lava ma le togiola a Iesu Keriso e mafai ai ona māmā a tatou avega o agasala ma maua ai le faamagaloga ma le faaatoatoaina o le fiafia.

Tusi Fautuaina e
Faitau i le Aiga

Ia fautuaina tamaiti e suesue le Mosaea e 27:10–24 i le fale e toe iloilo ai lenei lesona.

Tofi se tamaitiiti e faia le tatalo faaiu.

O Le Misiona a Alema ma Amoleka i Amonaea

Faamoemoega

Ina ia aoaina tamaiti i le taua o le usiusitai ma le faatuatua i poloaiga a le Tama Faalelagi.

Sauniuniga


1. Suesue ma le agaga tatalo le Alema 8:8–9:34 ma le 11:21–12:19. Ona aoao lea o le lesona ma filifili pe faapefea ona e manao e aoao tala o tusitusiga paia i tamaiti. (Tagai i le “Sauniuniga o Au Lesona,” itulau vi, ma le “Aoao Atu Mai Tusitusiga Paia,” itulau vii.)
 2. Faitauga Tusi Faaopoopo: Alema 10.
 3. Filifili fesili talanoaina ma gaoioiga e faamauoa mai ai e aofia ai tamaiti ma sili ona fesoasoani mo i latou ina ia ausia le faamoemoega o le lesona.
 4. O Mea e Faaoga:
 - a. Ia tofi tamaiti ma se Tusi a Mamona.
 - e. Ata 4–27, Alema O Lo o Aoao Atu Tagata o Amonaea
-

**Faalautelega
Fautuaina
o le Lesona**

Gaoioiga e
Faatosina Mai Ai

Tofi se tamaitiiti e faia le tatalo amata.

Tusi le ata lea i luga o le laupapa:



Ia tuu e se tamaitiiti le penisina i le togi ma mulimuli i faatonuga nei ma tusia se laina.

1. Alu i le taumatau i sikuea e tolu.
2. Alu i lalo i sikea e lua.
3. Alu i le tauagavale i le sikuea e tasi.
4. Alu i luga i le sikuea e tasi.
5. Alu i le tauagavale i sikuea e lua.
6. Alu i lalo i le sikuea e tasi.
7. Alu i le taumatau i le sikuea e tasi.
8. Alu i lalo i le sikuea e tasi.
9. Alu i le taumatau i sikuea e lua.

- Afai o (igoa o le tamaitiiti) e le i mulimuli i a'u faatonuga, mata e taunuu le laina i le fetu?

Faafetai atu i le tamaitiiti ona o le usiusitai e mulimuli i faatonuga taitasi. Ta'u atu i tamaiti i lenei lesona, o le a latou aoao e uiga i faifeautal'ai e toalua sa usiusitai i mea uma lava sa faatonuina ai i laua.

Tala o Tusinga Paia

Aoao atu le tala ia Alema ma Amuleka ma la laua misiona i Amonaea mai le Alema e 8:8–9:34 ma le 11:21–12:19. (Mo auala fautuaina e aoao atu ai faamatalaga o tusinga paia, tagai i le "Aoao Atu Mai Tusinga Paia," itulau vii.) Faaoga le ata i se taimi e tatau ai.

Talanoaga ma Fesili e Faatatau I Ai

Suesue i fesili o lo o i lalo ma tusi o mau pe a sauni lau lesona. Faaoga fesili e te manatu o le a sili ona fesoasoani i tamaiti latou te malamalama ai i tusinga paia ma faaoga mataupu faavae i o latou olaga. O le faitauina o mau ma tamaiti i le vasega o le a fesoasoani latou te maua ai le malamalama i tusinga paia.

- Aisea e le fia faalogo ai tagata o Amonaea ia Alema? (Alema 8:9.) O le a le mea na faia e Alema e fesoasoani ina ia faamaluluina ai loto o tagata? (Alema 8:10.)
- O le a so outou manatu, mata o le a se mea tou te faia pe ana faapea tou te oo i le mea na faia e Alema i le taimi muamua na alu atu ai i Amonaea? (Alema 8:13–14.) Aisea na ta'u atu ai e le agelu ia Alema ina ia olioli? (Alema 8:15.) O a ni lagona e oo ia te outou pe a outou usiusitai i poloaiga a le Tama Faalelagi?
- O le a le uluai taimi na auina atu ai lenei agelu ma se savali mo Alema? (Faamanino atu le uiga o le upu *avatu* i le Alema 8:15, ona faitau lea e se isi le Mosaea e 27:11–16.) Ia faamanatu faapuupuu le ala na salamō ai Alema ma avea o se auauna usiusitai a le Tama Faalelagi (tagai i le lesona 14.)
- O le a se mea e mafai ona tatou aoaoina mai le ala na tali atu ai Alema i le faatonuga a le agelu? (Alema 8:18.)
- Aisea na naunau tele ai Amoleka e fesoasoani ia Alema? (Alema 8:20.) O le a le mea na faatonuina ai Alema ma Amoleka e fai? (Alema 8:29.)
- Na faapefea ona fesoasoani le Tama Faalelagi ia Alema ma Amoleka e fetai ai ma tagata leaga o Amonaea? (Alema 8:30–32.) O le a se mea e mafai ona tatou faia ina ia tatou agavaa ai mo le fesoasoani a le Tama Faalelagi i mea faigata?
- O le a le valoaga a Alema i mea e tupu i tagata o Amonaea pe afai latou te le salamō ma usiusitai i poloaiga? (Alema 9:18.)
- O le a le valoaga a Alema ma Amoleka e uiga ia Iesu Keriso? (Alema 9:26–28.)
- O le a le uiga o le anapogi? Aisea na anapogi ai Alema mo tagata o Amonaea? (Alema 10:7.) E mafai faapefea ona avea le anapogi ma faamanuiaga ia te outou?
- Na taumafai faapefea Seseroma e faasoosoina Amoleka? (Alema 11:22.) Na faapefea ona tali atu Amoleka i lenei faasoosoga? (Alema 11:23–25.) Ua i ai se tasi na taumafai e faasee pe faasooso oe e fai se mea sese? E mafai faapefea ona outou tetee atu na faasoosoga?

- Na faamanuiaina faapefea Sesaroma i le usiusitai o Alema ma Amoleka? Na mafua i se a ona salamō Sesaroma? (Alema 12:7–8.) E mafai faapefea ona fesoasoani le tuuina atu o lau molimau e maua ai molimau a isi? O le a le mea na aoao atu e Alema ia Sesaroma e uiga i le ala o le a faamasinoina ai i tatou e le Atua? (Alema 12:12–15.)

Gaoioiga e

Faamauoa Mai Ai

Atonu e te manao e faaoga se gaoioiga se tasi poo le sili atu foi o gaoioiga nei i le taimi o le lesona poo le avea ma iloiloga, aotelega, poo se lu'i.

1. Ia valaaulia se faifeautalai ua foi mai le misiona e asiasi atu i le vasega ma faamatala atu le taua ia te ia o lona usiusitai i tulafono o le misiona ma aoaoga a lesu Keriso. Faamatala atu o taeao uma lava e faamalosia ai e faifeautalai i latou lava i suesuega o tusitusiga paia ma tatalo a o le i malaga atu e talai le talalelei a lesu Keriso. Aoao tamaiti o le usiusitai i poloaiga o le a fesoasoani ia te i latou e maua ai le faatuatua, lototele, ma le puipuiga mai ia Satani.

2. Aumai ni mea e teu ai se tamaitiiti e pei o Alema. Vaai ni nai tamaiti e faatinoina i tagata le misiona a Alema ia Amonaea. Tuu atu i le tamaitiiti o lo o fai ma Alema se fasipepa o lo o tusia ai le savali lea: “O au o Alema. Ua ou sau e aoao outou e uiga i lo tatou Faaola, o lesu Keriso, ma le ala e usiusitai ai i ana poloaiga. E mafai ona ou alu atu i totonu?” Tuu atu i isi tamaiti fasipepa o lo o i ai savali nei:

E le o toe ta'ua i matou o ni tagata o le Ekalesia, Alema. Matou te le talitonu i se mea e tasi e te fai mai ai.

E le mafai ona e sau i totonu, Alema. Ia e tuua nei lo matou fale ma le aai. Susu mai i totonu. Ou te fia manao e faalogo i lau savali. E leai! Ua matou manatua lou faatuputupu leaga, Alema. Matou te le fia faalogo i se tagata taufa'alata.

Talanoa e uiga i le lototele e tataua ona i ai i faifeautalai ma le faatuatua ia lesu Keriso ma le usiusitai i ana poloaiga e maua mai ai le lototele.

3. Tofi se tamaitiiti e faatinoina i taga ia Amoleka. Tofi se isi tamaitiiti e faatinoina i taga ia Sesaroma ma faatagā faapea o lo o i ai i lona lima ni oneti ario e ono. Tuu i le tamaitiiti lenei se fasipepa o lo o tusia ai le savali lenei: “Faauta, o iinei oneti ario e ono, ou te avatu foi nei mea uma ia te oe, pe afai e te faafiti ua i ai Lē soifua e pule aoao.

Taofi le faatinoga i taga ae fesili i tamaiti pe mata o le a se tala e tataua ona fai atu e Amoleka i lenei faalata. Faamamafa atu le lototele o Amoleka i le faia o le mea sa'o. Talanoa e uiga i le lototele e finagalo ai le Tama Faalelagi tatou te maua ina ia usiusitai.

4. Fesili i tamaiti pe o a poloaiga ua latou usita'ia pe o le a usita'ia i le asō, e pei o le faia o tatalo, o mai i le lotu, usuina o pese, tuuina atu o molimau, aai i le faamanatuga, mafaufau ia lesu Keriso i le taimi o le faamanatuga, faia o galuega agalelei, ma le totogiina o sefuluai. Uunai tamaiti ina ia latou iloa a latou amio, upu, ma o latou mafaufauga i le vaiaso a sau ma ia i ai le lototele e usiusitai ai i poloaiga a le Tama Faalelagi.

5. Usu pe faitau upu o le “Fai Le Mea Tonu” (*Pese Faatasi Ma A’u*, itulau B–81), “Finau Mo Le Mea Tonu” (*Pese Faatasi Ma A’u*, itulau B–37), po o le “Filifili Le Ala Sa’o” (*Liahona*, Iuni 1995).

Faaiuga

- Molimau Molimau atu e finagalo le Tama Faalelagi ina ia tatou usiusitai i ana poloaiga ina ia tatou agavaa mo lona Agaga, o lē o le a faatasi ma i tatou ma fesoasoani ina ia tatou toe foi atu ia te ia.
- Tusi Fautuaina e Faitau i le Aiga Ia fautuaina tamaiti e suesue le Alema e 8:14–20 i le fale e toe iloilo ai lenei lesona.
- Tofi se tamaitiiti e faia le tatalo faaiu.

Faamoemoega Ina ia fesoasoani i tamaiti ina ia faalateleina le faatuatua ia Iesu Keriso, ina ia latou lagolago le mea moni.

- Sauniuniga**
1. Suesue ma le agaga tatalo le tusi o Alema 14:1–16:10. Ona aoao ai lea o le lesona ma fuafua pe faapefea ona e aoaoina i tamaiti faamatalaga o tusitusiga paia, (Tagai i le “Sauniaina o Au Lesona,” itulau vi ma le “Aoaao mai i Tusitusiga Paia,” itulau vii).
 2. Faitauga Tusi Faaopoopo : Alema 60:13.
 3. Filifili fesili talanoaina ma gaoioiga e faumauoa mai ai o le a aofia ai tamaiti ma sili ona fesoasoani mo i latou ina ia ausia le faamoemoega o le lesona.
 4. O Mea e Faaaoga:
 - a. Ia tofi tamaititi ma se Tusi a Mamona.
 - e. O se faamalu.
 - i. Ata 4–28, Alema ma Amoleka i Amonaea, ma le 4–29, Alema ma Amoleka ua Savavali Ese Mai le Falepuipui ua Faaleagaina.
-

**Faalateleaga
Fautuaina
o le Lesona**

- Tofi se tamaititi e faia le tatalo amata.
- Gaoioiga e Faatosina Mai Ai Faaali atu i tamaiti le faamalu (pe faafoliga o i ai se faamalu) ma se Tusi a Mamona. Fesili foi pe faapefea ona fesoatani mea e lua. Fesoasoani i tamaiti o le a le mafai ona puipui i tatou e le faamalu mai i le timu, seiloga ua tatala ma tu ai i lalo. E faapena foi le tusi a Mamona, e le faateleina ai lo tatou faatuatua ia Iesu Keriso seiloga ua tatala, aoao ma le agaga tatalo ma ola ai i ana aoaoga.
- Faatonu tamaiti e vaai i le Tusi a Mamona ma aoao pe na faapefea e faifeautalai e toalua ona tele le faatuatua na mafua ai ona soloia pa puipui o le falepuipui i le elele.
- Tala o Tusitusiga Paia Aoaao le tala ia Alema ma Amoleka i le falepuipui mai le tusi o Alema 14:1–16:10. (Mo auala fautuaina mo le aoaoina o tala o Tusitusiga Paia tagai i le “Aoaao mai i Tusitusiga Paia” itulau vii) Faaaoga ata i taimi e talafeagai ai.
- Talanoaga ma Fesili e Faatatau I Ai Suesue i fesili o lo o i lalo ma tusi o mau pe a sauni lau lesona. Faaaoga fesili e te manatu o le a sili ona fesoasoani i tamaiti latou te malamalama i tusitusiga paia ma faaaoga Mataupu Faavae i o latou olaga. O le faitauina o mau ma tamaiti i le vasega o le a fesoasoani latou te maua ai le malamalama i tusitusiga paia.
- Oototoga ma le toe iloilo o le tala ia Sesaroma mai i le lesona talu ai. Po o le a se faalogona a Sesaroma ina ua ia iloa ua na faatauasoina mafauaoga o tagata? (Alema 14:6)

- Faapefea ona iloa ua salamō Seseroma mai ana agasala? (Alema 14:7) Na faapefea ona tali mai tagata ia te ia? Aisea e faasaua ai tagata ia i latou o ē talitonu i le Tama Faalelagi i nisi taimi?
- O a mea na faia e tagata o Amonaea ia Seseroma ma e ua talitonu ia Alema ma Amoleka? (Alema 14:7,9) O le a sou lagona pe a faapea e tupu lea mea ia te oe?
- Ao vaai ma le faanoanoa tele Alema ma Amoleka i tusitusiga paia atoa ai ma le susunuina o tamaiti ma fafine ua tauamionuina, o le a se musumusuga a le Agaga Paia ia Alema? (Alema 14:11) Aisea na le faatagaina ai e le Tama Faalelagi Alema e laveai tagata mai i le afi?
- O le a se taunuuga o e ua oti i le taumafai e puipui le mea moni? (Alema 60:13.) Fesoasoani i tamaiti ina ia malamalama o nisi taimi o tagata amiotonu e oti mo le puipuiga o le mea sao.
- O le a sou manatu, aisea na mafai ai e Alema ma Amoleka ona lavatia o la faasalaga matautia? O le a se mea e tatau ona e faia e maua ai le faatuatua ia lesu Keriso e pei ona faia e Alema ma Amoleka? E faapefea ona manaomia le lototele e tu atu ai mo le mea sa'o?
- Ao i ai Alema ma Amoleka i le falepuipui, o le a se mea na tuuina atu ai le mana ia te i laua e faia? (Alema 14:25–28.) O ai na ia avea i ai lea mana? O le a sou iloa aisea na sosola ese ai tagata o le aai mai ia Alema ma Amoleka? (Alema 14:29.)
- Aisea ua ma'i ai Seseroma i le ma'i vevela? (Alema 15:3.) O le a se mafuaaga lelei o le toe malosi o Seseroma i le tino ma le agaga? (Alema 15:6–8.) O le a sou lagona pe a e faia se mea sese? O le a sou lagona pe a e salamō? (Faateete aua le talanoa i mea e ono afaina ai tamaiti)
- O le a se mea na faia e Seseroma, ina ua malosi ma papatiso? (Alema 15:12.) O le a sau mea o fai nei e fetufaai atu ai le talalelei i isi? E faapefea ona e sauniuni atu e faia se misiona? O le a se mea na tupu ia Amoleka ona o ia o se faifeautalai?
- O le a le valoaga a Alema i tagata o Amonaea pe a le salamō? (Alema 9:18.) Pe na faapefea ona faataunuuna lea folafolaga? (Alema 15:15; 16:2–3, 9–10.)
- O le a se mea na e aoaoina mai le tala ia Alema ma Amoleka e fesoasoani ai ia te oe ina ia e faatuatua ia lesu Keriso ma tu mo le mea sao?


Gaoioiga e

Faamauoa Mai Ai

Atonu e te manao e faaaoga se gaoioiga se tasi poo le sili atu foi o gaoioiga nei i le taimi o le lesona poo le avea ma iloiloga, aotelega, poo se lu'i.

1. Ia faia ni kopi o le pepa Faia le Mea Sa'o o lo o i le faaiuga o le lesona, ma tufa atu i tamaiti. Fai i tamaiti e tusi ni laina ina ia fesootai ai upu taitasi o i le itu tauagavale ma upu i le itu taumatau, ina ia fetau faamatalaga ma maua le lototele e faia ai. Fai i tamaiti e tutu i luga pe a maea. A tutu uma loa i luga tamaiti, fai i ai e nonofo i lalo ma filifili se faamatalaga latou te mananao e talanoa agai i ai. Tuu le avanoa i tamaiti taitoatasi e o mai ai i luma ma toe fai a latou sini ma le leo tele ao tatala ia le faamalu ma tu ai

i lalo. Faataitaiga: “Ou te folafola atu ou te toe faaoleole!” (E leai lava se mea e afaina ai le filifilia o se sini e tasi.) la faamalamalama atu o le faamalu o le faailoga o aoaoga a Iesu Keriso, e puipuia mai ai i tatou mai ia Satani pe a tatou tutū ai lalo.



2. Faatasi ai ma tamaiti, ia fai se lisi i luga o le laupapa o mea e mafai ona faia e tamaiti e faamalosia ai o latou faatuatua ia Iesu Keriso. Fai i tamaiti e filifili mai i le lisi se mea e tasi e fai i le vaiaso a sau. Ia moeiini tamaiti ma faafoliga ua maea ona faataunuu sini. Fai i tamaiti e faamatala mai i le vaiaso a sau pe na faapefea ona latou faataunuuina.
3. Faitau le mataupu faavae e 4 o le faatuatua ma fai i tamaiti e tau mai pe na faapefea ona faataunuuina e Sesaroma e pei ona taua e le lisi.
4. Usu pe faitau upu “Finau Mo Le Mea Tonu” (*Pese Faatasi Ma A'u*, itulau B-37). Faatutu tamaiti i luga pe a usu le fuaiupu mulimuli, “Ma tulai mai mo le mea sao.”

Faaiuga

Molimau

la molimau atu, afai tatou te usiusitai i poloaiga e pei o le mea na faia e Alema ma Amoleka, o lo tatou faatuatua ia Iesu Keriso o le a faateleina ma o le a maua foi le lototele e tulai ai mo le mea sao.

Tusi Fautuaina e
Faitau i le Aiga

la fautuaina tamaiti e suesue le Alema 14:23–29 ma le 15:1–13 i le fale e toe iloilo ai lenei lesona.

Tofi se tamaititi e faia le tatalo faaii.

FAI LE MEA SAO

Filifili Tatalo
Ta'u atu Meatotino
Aua lava nei Alofa atu
Usiusitai Faa'ole'ole
Faaaloalo O le mea moni
la Laulauvavale
Alo ese Sao
Fai atu Poloaiga
Mulimuli Tusitusiga Paia
Suesue Iesu

FAI LE MEA SAO

Filifili Tatalo
Ta'u atu Meatotino
Aua lava nei Alofa atu
Usiusitai Faa'ole'ole
Faaaloalo O le mea moni
la Laulauvavale
Alo ese Sao
Fai atu Poloaiga
Mulimuli TUSITUSIGA PAIA
Suesue Iesu

Faamoemoega

Ina ia faamalosia tamaiti taitoatasi e fetufaai le talalelei i le tuuina atu o faataitaiga lelei ma tuuina atu le molimau ia Iesu Keriso.

Sauniuniga

1. Suesue ma le agaga tatalo le Alema 17–19. Ona aoao ai lea o le lesona ma fuafua pe faapefea ona e aoaoina i tamaiti faamatalaga o tusitusiga paia. (Tagai i le “Sauniaina o Au Lesona,” itulau vi, ma le “Aoao mai i Tusitusiga Paia,” itulau vii).
2. Filifili fesili talanoaina ma gaoioiga e faamauoa mai ai o le a aofia ai tamaiti ma sili ona fesoasoani mo i latou ina ia ausia le faamoemoega o le lesona.
3. O Mea e Faaaoga:
 - a. la tofu tamaiti ma se Tusi a Mamona.
 - e. Ata 4–30, Ua Puipuia e Amona le Lafu a le Tupu o Lamona (Taga Ata o le Talalelei 310; 62535).

Faalautelega

Fautuaina

O le Lesona

Tofi se tamaititi e faia le tatalo amata.

Gaoioiga e
Faatosina Mai Ai

la faaaoga se tamaititi e pei o se tagata e le auai i le talalelei. Tofi nisi tamaiti se toalua e avea ma faifeautalai. (E mafai ona fai ni igoa i ni pepa mo faifeau pe a e manao ai.) Ia saunia faifeautalai mo le tali atu i fesili e tasi pe lua a le tagata sailiili e mafai ona faapei o fesili nei:

- E faapefea ona oulua iloa o lo o soifua le Tama Faalelagi?
- E faapei lo oulua Tama Faalelagi?
- O ai Iesu Keriso?
- O le a se mea na faia e Iesu Keriso mo i tatou?
- O ai le Agaga Paia?
- E faapefea ona fesoasoani mai le Agaga Paia ia i tatou?

O le a se faalogona o tamaiti pe a tau atu i se isi le Tama Faalelagi, Iesu Keriso ma le Agaga Paia. Fai atu i tamaiti pe o le a so latou lagona pe a latou ta'u atu i se tasi e uiga i le Tama Faalelagi, Iesu Keriso ma le Agaga Paia. Fesoasoani i tamaiti ia latou iloa e fetufaai atu a latou molimau pe a latou faamatala atu mea latou te iloa e uiga i le Tama Faalelagi, Iesu Keriso ma le Agaga Paia.

E mafai ona faaaoga le gaoioiga e faamauoa mai ai muamua e avea ma gaoioiga e faatosina mai ai.

Ia faamalamalama atu o le lesona leni e faatatau i se faifeautalai maoa'e sa sili ona malosi lana molimau.

Tala o Tusitusiga
Paia

I le faaaogaina o ata i taimi e talafeagai ai, ia aoao atu i tamaiti le tala ia Amona ma le Tupu o Lamona mai le Alema 17–19. Ia faamalamalama atu o Amona na tuuina atu lana molimau i le Tupu o Lamona e tusa ai ma lona iloa o

le Tama Faalelagi. (Mo auala fautuaina mo le aoaoina o tala o Tusitusiga Paia, tagai i le “Aoa mai i Tusitusiga Paia, itulau vii).

Talanoaga ma Fesili e Faatatau I Ai

Suesue i fesili o lo o i lalo ma tusi o mau pe a sauni lau lesona. Faaaoga fesili e te manatu o le a sili ona fesoasoani i tamaiti latou te malamalama ai i tusitusiga paia ma faaaoga mataupu faavae i o latou olaga. O le faitauina o mau ma tamaiti i le vasega o le a fesoasoani latou te maua ai le malamalama i tusitusiga paia.

- O le a le uiga “o le avea ma tufuga-aa o le Atua”? (Alema 17:9.) Ia faamalamalama atu o le *tufuga-aa* o se mea faigaluega. Ina ua salamō fanau a Mosaea, na faapefea ona saunia i latou mo le talaiga? (Alema 17:2–3.) O le a se mea o lo o e faia nei e ta’u atu ai le talalelei i isi? O le a se mea e mafai ona e faia e saunia ai oe e avea o se faifeautalai faamaoni?
- Aisea ua mananao ai fanau a Mosaea e o e faamisiona i tagata Sa Lamanā? (Alema 17:16.) Aisea e taua ai ona faalogo ma malamalama uma fanau a le Tama Faalelagi i le talalelei a Iesu Keriso?
- O le a le mea sa faamoemoe iai Amona pe a tau ma tagata agasala o Sa Lamanā? (Alema 17:29.)
- O le a se mea na folafola atu e le Atua ia Mosaea e tusa ma ona atalii? (Alema 17:35.) Na faapefea ona faataunuaina e le Atua lana folafolaga i lea taimi? (Alema 19:22–23.)
- O le a se aafiaga o faataitaiga a Amona i le Tupu o Lamonae? (Alema 18:9–11.) O ai sa ia faia se faataitaiga lelei mo oe? O ai e tatau ona e faia atu iai se faataitaiga lelei?
- Na faapefea ona aafia le tupu o Lamonae i le molimau a Amona ma le Agaga o le Atua? (Alema 18:40–43.) E faapefea ona fesoasoani molimau a nisi ia te oe? O a ni auala e mafai ai ona e fetufaai atu ai sau molimau i isi?
- Na faapefea ona faaalua le faatuatua tele o le masiofo ma lana auauna o Apiso? (Alema 19:8–12,17.)
- O le a se mea sa mafai ona molimauina uma e le Tupu o Lamonae ma lana masiofo? (Alema 19:12–13, 29–30.) O le a sou manatu o le a se lagona o le tupu o Lamonae ina ua mavae ona ia vaai ia Iesu Keriso? (Alema 19:12–13.)
- Aisea e taua ai ona tatou fesoasoani i isi e aoao ina ia iloa Iesu Keriso e pei o Amona ma le Tupu o Lamonae?

Gaoioiga e Faamauoa Mai Ai

Atonu e te manao e faaaoga se gaoioiga se tasi poo le sili atu foi o gaoioiga nei i le taimi o le lesona poo le avea ma iloiloga, aotelega, poo se lu’i.

1. Faaali atu i tamaiti ni mea faigaluega e masani ona faaaoga e le au kamuta, fomai, faitogalaau, o le au vali ma isi. Fai atu i tamaiti e faamatala le mea latou te iloa i mea taitasi, o ai e faaaogaina ma e faapefea ona faaaoga.

Talatalanoa i le taua o mea faigaluega. Faamalamalama pe faapefea ona avea mea foliga tamaiti i se aupega o lo o i aao o le Atua.

2. Ave i tamaiti taitoatasi fasi pepa ma se penitala ma tusia ai a latou molimau poo lagona agai i le Ekalesia ma le talalelei a Iesu Keriso. E mafai ona faaali

i ai ni mafaufauga ma faalogona e latalata ai o latou lagona i le Tama Faalelagi. Mafaufau i nisi e fetufaai i ai a latou molimau.

3. Ia faia e tamaiti taitoatasi ni pepa faapenei e ave i o latou aiga:

E mafai ona avea nei au ma faifeautalai e ala i _____

(Faatumu e latou le avanoa.)

4. Usu pe faitau upu “E Mafai Ona Avea Au Ma Valiana” (Tusi Lesona a le Valiana A) “Ou Te Fia Faifeautalai Nei” (Liahona, Aokuso/Setema 1986), poo le “Tala o le Tusi a Mamona,” (Childrens Songbook, itulau 118) na o le Tusi Pese Faaperetania e maua ai le fuaiupu 5.

Faaiuga

Molimau

Ia molimau atu o le a faamanuiaina i tatou e le Alii pe a tatou molimau atu ia te ia ma lana talalelei. E mafai ona o tatou fetufaai atu le talalelei i isi e ala i a tatou faataitaiga a o tatou ola ai i le talalelei a Iesu Keriso.

Tusi Fautuaina e
Faitau i le Aiga

Ia fautuaina tamaiti e suesue le Alema 17:19–25, 18:8–40 i le fale e toe iloilo ai lenei lesona.

Tofi se tamaititi e faia le tatalo faaiu.

Ua Liua le Tamā o le Tupu o Lamonaē

Lesona
18

Faamoemoega Ina ia fesoasoani i tamaiti taitoatasi ia malamalama e mafai ona faamagaloina a tatou agasala e ala i le ata o le faaolataga.

- Sauniuniga**
1. Suesue ma le agaga tatalo le Alema 20:1–22:26 ma le 23:1,4–5. Ona aoao lea o le lesona ma filifili pe faapefea ona e manao e aoao tala o tusitusiga paia i tamaiti. (Tagai i le “Sauniaina o Au Lesona,” itulau vi, ma le “Aoao Atu Mai Tusitusiga paia.” itulau vii.)
 2. Filifili fesili talanoaina ma gaoioiga e faamauoa mai ai e aofia ai tamaiti ma sili ona fesoasoani mo i latou ina ia ausia le faamoemoega o le lesona.
 3. Saunia ni fasipepa se valu e tusia ai upu (po o le fuafua e tusi upu i luga o le laupapa):
 - Fofoaga
 - Atamu ma Eva—Pa’ū
 - Agasala
 - Oti Faaletino
 - Iesu Keriso—Togiola
 - Toetu
 - Salamō
 - Ata o le Faaolataga
 4. O Mea e Faaaoga:
 - a. Ia tofi tamaiti ma se Tusi a Mamona.
 - e. Ata 4–9, Iesu le Keriso (Taga Ata o le Talalelei 240; 62572); 4–31, Ua Feiloai Amona ma Lamonaē ma le Tamā o Lamonaē, ma le 4–32, O Arona O lo o Faitauina Atu Tusitusiga Paia i le Tama o Lamonaē.
-

**Faalautelega
Fautuaina
o le Lesona**

Tofi se tamaitiiti e faia le tatalo amata.

Gaoioiga e Faatosina Mai Ai Fesili i tamaiti e mafaufau pe o a ni lagona ina ua faia se miti taufaafefe. Tofi se tamaitiiti po o se toalua e faamatala ni lagona. Ona fesili lea e manatu i le taimi na ala ai i luga ma lagona le mama o tino ina ua mautinoa e le o se mea moni ae ua na o se miti.

Ia faamalamalama atu o le le usiusitai i poloaiga a le Tama Faalelagi e mafua mai ai le le fiafia, tiga, ma le faanoanoa. O i latou e lagona le nofosala i le le usitai atonu latou te moomoo, maimau pe ana faapea e ala atu i luga ua leai ni a latou agasala. O le faamagaloga o agasala e le faapena le faigofie, peitai ua saunia e le Tama Faalelagi se ala mo i tatou e faamagaloina ai a tatou agasala.

la faaali atu fasipepa ia e fa o upu: “Fofofoaga,” Atamu ma Eva–Pa’ū,” ma le “Oti Faaletino.” Faamatala puupuu atu le (fuafuaga mo se lua minute) a o le i fofofoaina le lalolagi, sa tatou nonofo uma lava o ni fanau agaga a lo tatou Tama Faalelagi. O Iesu Keriso, i lalo o le taitaiga a le Tama Faalelagi, na ia fofofoaina lenei lalolagi ma mea uma o i ai. Sa tuuina i ai Atamu ma Eva i le Faatoaga o Etena, lea na la filifili ai e aai i le fua o le laau sa faasaina e le Tama Faalelagi ona la aai ai. O le le usitai o Atamu ma Eva i le ‘aina o le fua ua taua o le Pa’ū. Faamatala atu tatou te faafetai ia Atamu ma Eva aua ua la saunia le ala mo i tatou e fananau mai ai i le lalolagi. E tatau le Pa’ū, peitai e lua mea tetele e mulimuli mai ai mo i tatou uma: O le a tatou agasala, faia filifiliga le lelei i le va o le lelei ma le leaga. O le a tatou pologa uma lava i le oti faaletino.

Faamatala atu a o le i fofofoaina le lalolagi, ua uma ona i ai se fuafuaga a le Tama Faalelagi e mafai ai ona faaolaina pe faasaoina i tatou pe a tatou salamō. (Alema 12:22–25.) Ia faamalamalama atu o lenei lesona o le a aoao ai e tamaiti e uiga i se tupu Sa Lamanā sa na ia iloa ua ia faia se agasala matuia ma le ala na te maua ai le faamagaloga mo ana agasala.

Tala o Tusitusiga Paia

Aoao le tala o le liua o le tama o le Tupu o Lamona e lo o tusia i le Alema e 20:1–22;26. Ia aofia ai i a outou talanoaga mea na aoaoina e le tama o le tupu o Lamona e uiga i le ata o le faaolataga. (Mo auala fautuaina e aoao ai le tala o le tusitusiga paia, tagai i le “Aoao Atu Mai Tusitusiga Paia,” itulau. vii.) Faaaoga ata i taimi e tatau ai.

Talanoaga ma Fesili e Faatatau I Ai

Suesue i fesili o lo o i lalo ma tusi o mau pe a sauni lau lesona. Faaaoga fesili e te manatu o le a sili ona fesoasoani i tamaiti latou te malamalama ai i tusitusiga paia ma faaoga mataupu faavae i o latou olaga. O le faitauina o mau ma tamaiti i le vasega o le a fesoasoani latou te maua ai le malamalama i tusitusiga paia.

- Aisea na malaga ai le Tupu o Lamona ma Amona i le nuu o Mitona? (Alema 20:1–5.) Faamatala o Arona o se tasi o uso faifeautalai o Amona na faafalepuipuiina.
- E faapefea ona tatou iloa e le i saunia le tama o Lamona e talia le talalelei ina ua ia faatoa feiloai ma Amona? (Alema 20:10, 13–14.)
- O le a le mea na fesoasoani e faamaluluina ai le loto o le tama o Lamona ina ia mafai ona ia talia le savali o le talalelei mulimuli ane? (Alema 20:26–27.) O le a so outou lagona e uiga i tagata sa latou faaalua le alofa ia te outou? E mafai faapefea ona outou faaalua lo outou alofa i isi?
- Na iloa faapefea e Arona e tatau ona asiasi atu i le tama o Lamona? (Alema 22:1.)
- O le a le mea na faapopoleina ai le tama o Lamona? (Alema 22:4–6.)
- Aisea na amata ai ona fiafia le tama o Lamona i le talalelei ina ua faapea atu Amona: “Afai e te salamō, e faaolaina oe, a e afai e te le salamō, e vavaeeseina oe i le aso gataaga”? (Alema 22:6.)
- O le a le mea na faaogaina e Amona a o ia aoaoina le tama o le Tupu o Lamona? (Alema 22:12.) E mafai faapefea ona fesoasoani le faitauina o tusitusiga paia ia te i tatou?

- O le a le mea na uluai talanoaina e Arona ma le tama o Lamonae? (Alema 22:7–8.) Aisea e taua ai le talitonu i le Tama Faalelagi?
- O le a le mea na aoao atu e Arona i le tama o Lamonae e uiga i le Fofofoaga? (Alema 22:10.)
- O foliga o ai na fofofoaina ai i tatou? (Alema 22:12.) Aisea e taua ai lo outou iloa na fofofoaina outou i foliga o le Tama Faalelagi?
- O a mea na aoao atu e Arona i le tama o Lamonae e uiga i le Pa'ū ma le Togiola? (Alema 22:12–14.)

Fesoasoani i tamaiti ina ia malamalama talu ai le puapuagatia mo a tatou agasala, tuuina mai lona ola mo i tatou, ma toetu, sa manumalo ai Iesu Keriso i aafiaga o le Pa'ū. Tuu le fasipepa o lo o i ai upu “Iesu Keriso—Togiola” i luga o le fasipepa o le upu “Atamu ma Eva–Pa'ū.”

Talu ai le toetu o Iesu, o i tatou uma lava o le a toetutu. Tuu le fasipepa o le upu “Toetu” i luga o le fasipepa o le upu “Oti Faaletino.”

Sa puapuagatia Iesu mo a tatou agasala, ma toe mafai ai e i tatou ona salamō ma faamagaloina. Tuu le fasipepa o le upu “Salamō” i luga o le fasipepa o le upu “Agasala.”

Tuu le fasipepa o le upu “Ata o le Faaolataga” i luga o isi upu, ma faamatala o le fuafuaga lenei a le Tama Faalelagi e fesoasoani ai ia te i tatou ia faapei o ia.

- Ina ua uma ona faamalamalama e Arona le ata o le faaolataga, o le a le mea na manao le tama o Lamonae na te fia iloa? (Alema 22:15.)
- O le a le mea na ta'u atu e Lamonae i lona tama e fai? (Alema 22:16.) O le a se mea e tatau ona tatou faia ina ia maua ai le faamagaloga o a tatou agasala ma agavaa e maua le ola e faavavau?
- O le a le mea na faia e le tama o Lamonae na iloa ai ua manao o ia e salamō? (Alema 22:17–18.) O le a le mea na tupu ina ua liua le tupu? (Alema 22:22–23, 25–26; 23:1, 4– 5.)

Gaoioiga e Faamauoa Mai Ai

Atonu e te manao e faaoga se gaoioiga se tasi poo le sili atu foi o gaoioiga nei i le taimi o le lesona poo le avea ma iloiloga, aotelega, poo se lu'i.

1. Faatonu tamaiti e maka ia latou tusitusiga paia soo se fuaitau lava sa latou faitauina latou te lagona e taua e pei o mea o lo o i lalo: “Afai e te salamō, e faaolaina oe, ae afai e te le salamō, e vavaeeseina oe i le aso gataaga” (Alema 22:6). “Ou te lafoaiina a'u agasala uma ina ia ou iloa ai lau afio” (Alema 22:18).
2. Toe faamanatu ia mataupu faavae o le faatuatua, e lua ma le tolu, ma fesoasoani i tamaiti ina ia malamalama ma taulotoina.
3. Tusi se sikuea tele i luga o le laupapa po o se pepa, ona vaevae lea i ni sikuea tutusa se iva. Faanumera sikuea mai le tasi e oo i le iva e pei ona faaalua:

1	2	3
4	5	6
7	8	9

Vaelua le vasega i ni au se lua. Tofu le au ma se maka, e pei o se X ma se O. Fesili atu i se tasi mai le au muamua e filifili mai se numera mai le tasi i le iva; on faitau lea o le fesili e feagai o lo o i lalo. Soo se tasi lava o le au e mafai ona tali i le fesili. Afai e sa'o le tali a le tagata o le au, e mafai ona latou tuuina le maka a le latou au i le sikuea lena e tutusa le numera ma le fesili sa taliina. Afai e sese le tali, faaavanoa pea lea o le sikuea. Ia feauauai au e lua. E uma le taaloga pe afai e tolu maka o se au i se laina sa'o faalava i luga poo lalo, pe faasasa foi.

- 1) O le a le ta'u o le fuafuaga sili a le Tama Faalelagi mo i tatou? (O le ata o le faaolataga, po o le fuafuaga o le fiafia.)
- 2) O le a le uiga o le upu *faaola*? (Faasao i tatou mai le noataga o le agasala.)
- 3) O ai na foafoaina le lalolagi? (Iesu Keriso, i lalo o le taitaiga a le Tama Faalelagi.)
- 4) O ai uluai tagata i le lalolagi? (Atamu ma Eva.)
- 5) O le a le mea na tupu ina ua 'ai e Atamu ma Eva le fua o le laau na faasaina? (Na tutuli ese i laua mai le Faatoaga o Etena, ua mafai ona maua a la fanau, ua maua o la tino faitino, ma ua mafai ona la filifili le lelei mai le leaga [tagai i le Mose 5:11].)
- 6) Na aoaoina e Arona le tupu mai tusitusiga paia po o papatusi apamemea. O a tusi e fa o tusitusiga paia o lo o tatou faaaogaina e aoao ai le talalelei, po o le ata o le faaolataga? (O le Tusi Paia, Tusi a Mamona, Mataupu Faavae ma Feagaiga, ma le Penina Tautele.)⁷ O le a le mea na uluai aoao e Arona i le tama o le Tupu o Lamonae? (E i ai se Atua.)
- 8) Na faapefea ona faaavanoaina e Iesu i tatou e toe foi atu i le Tama Faalelagi? (Na ia maliu mo a tatou agasala.)
- 9) O le a le mea e tatau ona tatou faia tatou te toe foi atu ai i lo tatou Tama Faalelagi? (Salamō mai a tatou agasala, tausia o a tatou feagaiga, fai galuega lelei.)

Ina ia toe faia le taaloga, toe fai nisi fesili mai le lesona.

4. Usu pe faitau upu o le "E Mafai na Faavavau Aiga" (*Viiga*, nu.183), "Na ia Auina Mai Lona Alo" (*Liahona*, Aperila 1992,), po o le "O Au O Se Atalii o le Atua" (*Pese Faatasi Ma A'u*, B-76).

Faaiuga

Molimau

Molimau atu e alofa lo tatou Tama Faalelagi ia te i tatou ma ua ia faia se ata o le faaolataga ina ia mafai ona tatou salamō i a tatou agasala ma avea e faapei o ia.

Tusi Fautuaina e
Faitau i le Aiga

Ia fautuaina tamaiti e suesue le Alema 22:1–16 i le fale e toe iloilo ai lenei lesona.

Tofi se tamaitiiti e faia le tatalo faaiu.

Faaaliga: Afai e te filifili e faaoga le gaoiga e faamauoa ai 1 i le lesona o le vaiaso a sau, e tatau ona e tuuina atu mea e fai pe tasi i le lua vaiaso a o lumanai ai.

Faamoemoega Ina ia faamalosia le manao o tamaiti taitoatasi e tausia feagaiga paia.

- Sauniuniga**
1. Suesue ma le agaga tatalo le Alema 23–24; 26:23–33; ma le 27. Ona aoao ai lea o le lesona ma filifili pe faapefea ona e manao e aoao tala o tusitusiga paia i tamaiti. (Tagai i le “Sauniaina o Au Lesona,” itulau vi ma le “Aoao Atu Mai Tusitusiga paia,” itulau vii.)
 2. Faitauga Tusi Faaopoopo: Alema 25:1–26:22.
 3. Filifili fesili talanoaina ma gaoioiga e faamauoa mai ai e aofia ai tamaiti ma sili ona fesoasoani mo i latou ina ia ausia le faamoemoega o le lesona.
 4. O Mea e Faaaoga:
 - a. la tofu tamaiti ma se Tusi a Mamona.
 - e. Mo le suiga o le gaoioiga e faatosina mai ai: se pusa papa’u poo se falai, sina masima poo ni oneone e sasaa e fola faamanifinifi i le pusa, se peni maka poo se valiga’o, ma se maa.
 - i. Ata 4–33, “O Aneti-Nifae-Liae O Lo o Tatanu a Latou Pelu” (Taga Ata o le Talalelei 311; 62565).

**Faalautelega
Fautuaina
o le Lesona**

Tofi se tamaitiiti e faia le tatalo amata.

Gaoioiga e
Faatosina Mai Ai

Faaali atu le ata o Aneti-Nifae-Liae o lo o tatanu a latou pelu. Fesili i tamaiti pe mata e mananao e tanu a latou auupega pe afai ua latou iloa o lo o lamatia i latou. Sa iloa e tagata o Aneti-Nifae-Liae o lo o fuafua o latou fili e fasioti i latou, peitai sa latou faia se feagaiga paia ma le Tama Faalelagi o le a latou le tau. Ia faamalamalama atu, o se feagaiga o le talalelei o se maliega fusifusia lea po o se folafolaga i le va o le Tama Faalelagi ma lana fanau. Fai i tamaiti e faalogo a o e faamatalaina le tala ia Aneti-Nifae-Liae ina ia latou iloa ai pe aisea na latou faia ai lenei feagaiga ma pe faapefea foi ona latou tausia la latou folafolaga.

Gaoioiga e sui ai
le Gaoioiga e
Faatosina Mai Ai

Faatoulu masima poo oneone i le fola o le pusa. Faaaoga lou limatusi e tusi ai le upu *Folafola* i le oneone poo le masima. Fai fesili nei i tamaiti:

- Ua e faia se folafolaga po o se feagaiga ma se tagata na ia le tausia lana vaega o le folafolaga? (Ia faamatala mai e tamaiti o latou lagona ina ua le tausia le folafolaga a o e feulaina lemu masima po o oneone e tapē ai le upu.)
- O le a le ta’u o se folafolaga ua tatou faia ma le Tama Faalelagi? (O se feagaiga.)
- O anafea na tatou faia ai ni folafolaga i le Tama Faalelagi? (Ina ua tatou papatiso.)

Faamanatu i tamaiti o se folafolaga e le tatau ona faamamasagiaina. Faamamafa atu le taua o le tausia o au upu. Tusi le upu *Feagaiga* i luga o le

maa i se maka po o se valiga'ō. Faamalamalama atu, o se feagaiga o le talalelei o se folafolaga lea i le va o le Tama Faalelagi ma lana fanau. Feula le maa e faailoa ai e le faigofie ona tape le upu. A o tatou faia feagaiga, e tatau ona tatou manatua e paia, ma e tatau ona tatou taumafai malosi e tausia.

Tala o Tusitusiga Paia

Aoao i tamaiti le tala i le ala na faamamaluina ai e Aneti-Nifae-Liae a latou feagaiga mai le Alema e 23–24; 26:23–33; ma le 27. (Mo auala fautuaina e aoao ai tala o tusitusiga paia, tagai i le “Aoao Atu Mai Tusitusiga paia,” itulau vii.) Faaoga le ata i le taimi e tatau ai.

Talanoaga ma Fesili e Faatatau I Ai

Suesue i fesili o lo o i lalo ma tusi o mau pe a sauni lau lesona. Faaoga fesili e te manatu o le a sili ona fesoasoani i tamaiti latou te malamalama ai i tusitusiga paia ma faaoga mataupu faavae i o latou olaga. O le faitauina o mau ma tamaiti i le vasega o le a fesoasoani latou te maua ai le malamalama i tusitusiga paia.

- O ai igoa o atalii e toafa o Mosaea? (Alema 23:1.)
- Aisea na mananao ai atalii o Mosaea e talai atu le talalelei i tagata Sa Lamanā? (Mosaea 28:3.) Aisea na talie ai tagata Sa Nifaē i Saraemila ina ua faamatala atu e atalii o Mosaea la latou fuafuaga? (Alema 26:23–25.)
- Na faapefea ona liliu tagata Sa Lamanā ia Iesu Keriso? (Alema 23:5–6.) E toafia i latou na liliu na tumau le malosi o le faatuatua ia Iesu Keriso? O le a se mea e mafai ona tatou faia e faatumaui ai le malosi o lo tatou faatuatua ia Iesu Keriso?
- Aisea na suia ai le igoa o tagata liliu o Sa Lamanā? (Alema 23:16–17.) Mulimuli ane, ina ua o atu nei tagata liliu i le nuu o Seasona, o le a le igoa sa iloa ai i latou? (Alema 27:26.) O le a le igoa ua e osi feagaiga o le a e tauaveina i ou luga? (Mosaea 5:7–8.)
- Aisea na naunau ai Aneti-Nifae-Liae e le toe tau lava ma o latou fili? (Alema 24:10–13, 16.)
- O le a le feagaiga na osia e Aneti-Nifae-Liae ma le Alii a o latou tatanuina a latou auupega? (Alema 24:17–18.) O le a le malosi o le faamaoni o Aneti-Nifae-Liae i le tausiga o lenei feagaiga? (Alema 24:19–22.) O a poloaiga ua tatou osi feagaiga e usitaia? (O le Upu o le Poto, sefuluai, tausia o le paia o le Aso Sapati, ma le faamamaina o mafauauga ma amioga.)
- O le a le mea na tupu i le tele o tagata Sa Lamanā ina ua latou vaaia e le tau tagata o le Atua ae ua tuu lava ia fasiotia i latou? (Alema 24:24–27.) E mafai faapefea ia tatou faataitaiga ona fesoasoani i isi e fia auai i le Ekalesia? E mafai faapefea e a tatou faataitaiga i le tausia o a tatou feagaiga ona fesoasoani i isi e mananao foi e tausia a latou feagaiga?
- O a uiga na faaalua e Aneti-Nifae-Liae i o latou fili e ala i le tatanuina o a latou auupega? (Alema 26:32–33.) Tou te manatu aisea e i ai le alofa ma le naunau o tagata ua liua faamaoni i le talalelei a Iesu Keriso mo tagata uma, e aofia ai ma o latou fili?
- Aisea na le fefefe ai Aneti-Nifae-Liae i le oti? (Alema 27:28.)
- Aisea na faapea mai ai le tupu o Aneti-Nifae-Liae ma ona tagata o le a avea i latou ma pologa ia Sa Nifaē? (Alema 27:4–8.)
- O a ni mea e mafai ona tatou faia ina ia avea atili e faapei o Aneti-Nifae-Liae i le faamamaluina o a tatou feagaiga?

Gaoioiga e

Faamauoa Mai Ai Atonu e te manao e faaaoga se gaoioiga se tasi poo le sili atu foi o gaoioiga nei i le taimi o le lesona poo le avea ma iloiloga, aotelega, poo se lu'i.

1. Vaai se tagata matua e faatinoina i taga le tupu o Sa Lamanā a o ia ta'u atu le mafuaaga o le a latou le faaaogaina ai pelu e tau ai ma o latou uso. Toe faamanatu le feagaiga na ia faia a o ia tanuina lana pelu. (Tagai i le Alema 24:6–13, 16–18.)
2. Toe faamanatu le mataupu o le faatuatua e sefulutolu. Fesili i tamaiti pe na ola tagata o Amona i nei mataupu faavae. Fesili i ai pe mafai faapefea ona avea le ola i nei mataupu faavae e fesoasoani ai ia te i tatou e tausia a tatou feagaiga.
3. Usu pe faitau upu o le "I Feel My Savior's Love" (*Children's Songbook*, p. 74) po o le "Love One Another" (*Children's Songbook*, p. 136).

Faaiuga

Molimau

Molimau atu i le avea ai ma tagata o le ekalesia a Keriso, ua tatou osia ni feagaiga paia. E tatau ona tatou faamamaluina a tatou feagaiga pe afai tatou te mananao e maua faamanuiaga folafolaina.

Tusi Fautuaina e
Faitau i le Aiga

Ia fautuaina tamaiti e suesue le Alema e 24:6–27 i le fale e toe iloilo ai lenei lesona.

Tofi se tamaitiiti e faia le tatalo faaiu.

Faamoemoega Ina ia fesoasoani i tamaiti e malamalama, afai latou te mulimuli ia Iesu Keriso, o le a mafai ona o latou tetee atu Satani ma ana faaososoga.

- Sauniuniga**
1. Suesue ma le agaga tatalo le Alema 30 ma le Moroni 7:15–17. Ona aoao ai lea o le lesona ma fuafua pe faapefea ona e aoaoina i tamaiti faamatalaga o tusitusiga paia (Tagai i le “Sauniaina o Au Lesona,” itulau vi, ma le Aoao mai i Tusitusiga Paia,” itulau vii.)
 2. Filifili fesili talanoaina ma gaoioiga e faamauoa mai ai o le a aofia ai tamaiti ma sili ona fesoasoani mo i latou ina ia ausia le faamoemoega o le lesona.
 3. O Mea e Faaoga:
 - a. Ia tofi tamaiti ma se Tusi a Mamona.
 - e. Fasi pepa ma upu lelei o lo o tusia ai ma faapipii.
 - i. Ata4–9. Iesu le Keriso (Taga Ata o le Talalelei 240. 62572); 4–34, Alema ma lana Tautinoga ia Kori'oa E iai le Atua; ma le 4–35, Tusitusiga a Kori'oa e Faatatau Na te Iloa e Iai le Atua.
-

**Faalautelega
Fautuaina
o le Lesona**

Gaoioiga e
Faatosina Mai Ai

Tofi se tamaititi e faia le tatalo amata.

Ao le i amata le vasega, tusi upu lelei po o le upu muamua o pea taitasi o loo i lalo) i luga o fasi pepa, ma faapipii upu taitasi i lalo o nofoa taitasi o tamaiti (pe o le tuuina atu foi i tamaiti pe a o mai i le vasega). Fai i tamaiti e sue upu i lalo o latou nofoa. Fesili i tamaiti e mafaufau i se upu e faafeagai lona uiga ma upu o lo o i lana pepa. Tuu le avanoa i tamaiti taitoatasi e fai mai ai upu faaPeretnia o lo o ia mafaufau i ai ao alo atu le isi vaega o le vasega e taumate upu sao o lo o i le pepa a le tamaititi.

Upu Faataitai:

malamalama/pouliuli	sao/sese	mamā/palapalā
ola/oti	tonu/le tonu	fiafia/faanoanoa
lelei/leaga	filemu/taua	malosi/mai
alofa/ita	moni/pepelo	alofa/uiga
manumalo/le taulau	mama/le mama	olioli/faavauvau

A tofi uma tamaiti ma avanoa, faamatala i ai o upu uma o lo o i le gaoioiga lenei, e iai lona faafeagai, e iai ala sese a Satani e faafeagai ma aoaoga uma lava a Iesu Keriso. O le mulimuli i le Tama Faalelagi e maua mai ai le fiafia; o le mulimuli ia Satani e maua mai ai le faanoanoa. Fai i tamaiti i le eseese o le faalogona pe a tau le mea sese ma le faalogona pe a tau le mea sao.

Aoao ia tamaiti, o le tele o le aoao i se mea, o le tele foi lena o le iloa i le eseese o mea ma o latou faafeagai. O le tele o le iloa ma mulimuli ia lesu Keriso, o le tele foi lena o le mafai ona tetee atu i faaososoga a Satani.

Ia faamalamalama atu o le a aoao e tamaiti le faafeagai ia lesu Keriso - o se aneti-Keriso. Po o so o se mea poo se isi e malosi lona tetee ia lesu Keriso (pe o le faailoa atu po o le faalilolilo o le aneti-Keriso).

Tala o Tusitusiga Paia

Aoao atu le tala ia Kori'oa mai le Alema 30. (Mo auala fautuaina e aoao ai tala o Tusitusiga Paia, tagai i le "Aoaoga mai i Tusitusiga Paia, itulau vii). E tatau ona i ai sau tamaititi na te faia le vaega a Alema ma le isi e faia le vaega a Kori'oa ao faitau fesili ma tali i le Alema 30:37–45. Faaoga ata i taimi e talafeagai ai.

Talanoaga ma Fesili e Faatatau I Ai

Suesue i fesili o lo o i lalo ma tusi o mau pe a sauni lau lesona. Faaoga fesili e te manatu o le a sili ona fesoasoani i tamaiti latou te malamalama ai i tusitusiga paia ma faaoga mataupu faavae i o latou olaga. O le faitauina o mau ma tamaiti i le vasega o le a fesoasoani latou te maua ai le malamalama i tusitusiga paia.

- Aisea na fai mai ai Kori'oa o tagata e valea? (Alema 30:12–16.) E faapefea ona tatou iloa e i tatou lava o lo o soifua le Alii o lesu Keriso? (I le mauaina o le molimau ia lesu Keriso) E faapefea ona maua le molimau? (I le suesue i tusitusiga paia, tatalo, ma faalogo i perofeta, atoa ai ma isi).
- Aisea ua fai mai ai Kori'oa e moomia le togiola a lesu Keriso? (Alema 30:17.) Aisea e le mafai ai ona faatoilalo e i tatou lava le agasala? Na faapefea ona mafai e lesu Keriso le faatoilaloina agasala mo i tatou?
- O le a se mea lelei i le molimau a Alema i le Keriso? (Alema 30:39–41.) Ana faapea o oe o Alema, o le a se mea e te ta'uina atu ia Kori'oa e uiga ia lesu Keriso?
- Ina ua fesili Kori'oa ia Alema mo faaaliga e faamautu ai ia te ia, e iai le Atua, o le a se faaitaiga na ave iai e Alema? (Alema 30:44.) O le a se mea o e iloa i aso uma o lo o siomia ai oe e fesoasoani ai ia te oe e te iloa ai o lo o soifua le Alii? O le a se mea na oo ia te oe na fesoasoani ai ia te oe i lou iloa o lo o soifua le Tama Faalelagi?
- O le a se faailoga na maua e Kori'oa? (Alema 30:48–50.) O le a se mea na tusia e Kori'oa e faatatau i le Atua ma Satani ina ua gūgū o ia? (Alema 30:52–53.)
- E faapefea ona lagolago e Satani i latou o ē auauna atu ia te ia? (Alema 30:60.) E faapefea ona tau atu e le Tama Faalelagi i latou o ē auauna atu ia te ia? (Mosaea 2:41.) Tofi nisi o le vasega e fetufaai atu ni mea na oo ia te i latou na faamanuiaina ai i latou ona o le tausiga o poloaiga.
- O e iloa ni aafiaga o lo o tetee atu i aoaoga a lesu Keriso? O a mea e tatau ona tuu ese ona ua e iloa e le o mea a Keriso? O a mea e ao ona faamalositia pe uunai oe e te talitonu ia Keriso? (Moronae 7:15–17)
- E faapefea ona puipuia oe mai le olegia o oe e Satani? (O le tausia lea o poloaiga, faalogologo i le Agaga Paia, aoao i Tusitusiga Paia, ma mulimuli i Perofeta soifua.

Gaoioiga e

Faamauoa Mai Ai

Atonu e te manao e faaaoga se gaoioiga se tasi poo le sili atu foi o gaoioiga nei i le taimi o le lesona poo le avea ma iloiloga, aotelega, poo se lu'i.

1. Ave i tamaiti ni kopi o pepa e tufaina atu “Pe ua uunaiina ea au e talitonu ia Iesu Keriso ona o lenei mea?” o lo o i le faaiuga o le lesona. Faamalamalama atu o le *uunai* atu o le taumafai lea e faatalitonu se tagata pe o le faia o se mea. Fai i ai o le taiala lea ua aumai mai i le Perofeta o Moronae e faamasino ai le lelei ma le leaga. (tagai i le Moronae 7:15–17.) Ia mautinoa lelei ua malamalama tamaiti, afai e uunaiina i latou e faia le mea lelei ma talitonu ia Iesu o se mea lelei, afai e leai, o se mea leaga. Ave pepa a tamaiti i o latou aiga e fai ma faamanatu.
2. Fesoasoani i tamaiti e tauloto le mataupu faavae o le faatuatua e 13 ma talatalanoa pe faapefea ona fesoasoani e avea ma taiala i le faia o le mea sao.
3. Faaali ata o mea i o latou natura e avea ma molimau o lo o soifua le Tama Faalelagi. E tataua ona maua ata nei i le potutusi o le falelotu; Fofoaga - Meaola (62483) O le Lalolagi (62196), Tamaiti o Lo o Matamata i Fugalaau (62270), Aiga ma se Pepe (62307) ma faapena ai lava. Ia valaaulia tamaiti e faamatala mai o latou lagona pe a vaai i nei ata ma faapefea foi ona avea ata ma molimau o le Atua.
4. Faitau ma talanoaina le faamatalaga lenei mai ia Peresitene Ezra Taft Benson, le peresitene 13 o le Ekalesia. Faamamafa atu i ai pe faapefea ona avea le Tusi a Mamona o se aupega malosi e aloese mai ai i le taufaasese. “E i ai se mana o lo o i le Tusi a Mamona ma o le a oo atu i o outou olaga i le taimi lava e amata ai ona outou suesue iai ma le faamaoni. O le a outou maua se malosi ese e tetee atu ai i faaososoga. O le a outou maua le malosi e aloese mai ai i mea taufaasese. O le a e maua le malosi e tumau ai i le ala sao ma le vaapiapi” (*A Witness and a Warning*, pp. 21–22).
5. Usu pe faitau upu o le “E Alofa Mai Lo’u Tama Faalelagi” (*Pese Faatasi Ma Au*, B–59).

Faaiuga

Molimau

Ia tuuina atu lau molimau o le a le olegiaina i tatou pe a tatou taumafai e tausi poloaiga, mulimuli i musumusuga a le Agaga Paia, aoao i Tusitusiga Paia, ma mulimuli i perofeta soifua.

Tusi Fautuaina e
Faitau i le Aiga

Ia fautuaina tamaiti e suesue le Alema 30:12–18, 37–56, 60 i le fale e toe iloilo ai lenei lesona.

Tofi se tamaiti e faia le tatalo faaiu.

**Pe ua uunaiina ea au e
talitonu ia Iesu Keriso
ona o lenei mea?**

tagai i le Moronae 7: 15-17

**Pe ua uunaiina ea au e
talitonu ia Iesu Keriso
ona o lenei mea?**

tagai i le Moronae 7: 15-17

**Pe ua uunaiina ea au e
talitonu ia Iesu Keriso
ona o lenei mea?**

tagai i le Moronae 7: 15-17

**Pe ua uunaiina ea au e
talitonu ia Iesu Keriso
ona o lenei mea?**

tagai i le Moronae 7: 15-17

**Pe ua uunaiina ea au e
talitonu ia Iesu Keriso
ona o lenei mea?**

tagai i le Moronae 7: 15-17

O Sa Soramā ma le Rameutoma

Lesona
21

Faamoemoega Ina ia aoaoina tamaiti e tapuai atu i le Tama Faalelagi i le loto maualalo ma le faamaoni.

Sauniuniga

1. Suesue ma le agaga tatalo le tusi o Alema 31; 34:1–30, 38–41, ma le 35:1–9. Ona aoao ai lea o le lesona ma fuafua pe faapefea ona e aoaoina i tamaiti faamatalaga o tusitusiga paia, (Tagai i le “Sauniaina o Au Lesona,” itulau vi, ma le “Aoa mai Tusitusiga Paia” itulau vii.)
2. Filifili fesili talanoaina ma gaoioiga e faamauoa mai ai o le a aofia ai tamaiti ma sili ona fesoasoani mo i latou ina ia ausia le faamoemoega o le lesona.
3. O Mea e Faaaoga:
 - a. la tofu tamaiti ma se Tusi a Mamona.
 - e. Ni seti se lua o mea e faaaoga pe a taumafa.
 - i. Ata 4–36, O Sa Soramā ma le Rameutoma.

Faalautelega Fautuaina o le Lesona

Tofi se tamaiti e faia le tatalo amata.

Gaoioiga e Faatosina Mai Ai la faafoliga e pei lava o loo fai se 'aiga. Ia iai ni ipu 'ai se lua, lua ipu inu, lua seti o mea e faaaoga pe a 'ai, ae leai ni meaai. Faafoliga o lo o 'ai, ma naunau i ai e faapea e matua manaia meaai. Valaaulia mai se isi tamaiti e faatasi ma oe i le 'aiga. O le 'ai i ipu ae leai ni mea ai e mafai ona faatusa i le sese ma le lē talafeagai o tapuaiga a Sa Soramā o lo o faamatala mai le lesona. O tapuaiga le faavaea faapenei e le maua ai se fafagaina lelei o le agaga nai lo le 'ai mo le faamalosiina o o tatou tino. O le lesona lenei, o le a aoaoina ai e tamaiti auala sao ma le talafeagai e tapuai atu ai i le Atua.

Tala o Tusitusiga Paia Fetufaai le tala o tagata Sa Soramā ma o latou talitonuga sese e pei ona taua i le Alema 31. (Mo auala ua fautuaina e aoao ai tala o Tusitusiga Paia, tagai “Aoaoga mai i Tusitusiga Paia, itulau vii.) la faaaoga ata i taimi e talafeagai ai.

Talanoaga ma Fesili e Faataua I Ai Suesue i fesili o lo o i lalo ma tusi o mau pe a sauni lau lesona. Faaaoga fesili e te manatu o le a sili ona fesoasoani i tamaiti latou te malamalama ai i tusitusiga paia ma faaaoga mataupu faavae i o latou olaga. O le faitauina o mau ma tamaiti i le vasega o le a fesoasoani latou te maua ai le malamalama i tusitusiga paia.

- O ai tagata Sa Soramā? (Alema 31:1–3,8.) E faapefea ona latou pa'ūū ese mai aoaoga o le Ekalesia? (Alema 31:8–11.)
- E faapefea, o a foi taimi, ma o fea foi e tapuai ai tagata Sa Soramā? (Alema 31:13–18, 21–23.) E faapefea ona tatou tapuai atu i le Tama Faalelagi ma Iesu Keriso?
- O a nisi o mea na talitonu tagata Sa Soramā e sese? (Alema 31:15–17, 20.) Aisea e taua ai ona tatou iloa le Tama Faalelagi ma Iesu Keriso ma e faapei foi o laua foliga?

- Faapefea ona tatou iloa o tatalo a tagata Sa Soramā e le faamaoni? (Alema 31:23, 27.) E faapefea ona faaleleia a tatou talosaga?
- Aisea na manatu ai tagata Sa Soramā e sili atu latou nai lo isi? (Alema 31:24–25, 27–28.) I le a le itu tatou te manatu ai o nisi taimi ua sili atu tatou nai lo isi? Aisea ua avea ai le faamaualuga o se agasala matautia? (E na te taitaiina ese i tatou mai le Atua.)
- O le a se faalogona a Alema ma isi taitai pea vaai atu i tagata ua pauu ese mai le upu moni? (Alema 31:19, 24, 30–31.) E faapefea ona tatou fesoasoani atu i e ua latou leiloa le mea moni? E faapefea ona tatou fesoasoani atu i tagata lē toaaga?
- O a mea sa taulai atu iai agaga o tagata Sa Soramā? (Alema 31:28.) O a nisi mea faalelalogagi e faia e tamaiti e pei o outou ua taulai i ai o latou agaga i aso nei? Aisea e sese ai ona tuu o tatou agaga i mea faalelalogagi?
- O a mea sa tatalo atu ai Alema mo ia ma ana uo? (Alema 31:31–35.) E faapefea ona fesoasoani ia le tatalo atu mo mea faapitoa e fai ma mea e faamaoni ai a tatou talosaga? Na faapefea ona fesoasoani le tatalo i sou faafitauli?
- O le a se molimau a Amoleka e uiga ia Iesu Keriso? (Alema 34:8.) Na faapefea ona maua se molimau a tagata Sa Soramā ia Iesu Keriso? (Alema 34:17.)
- E faapefea ona tatou tatalo, ae o le a foi le taimi e tatau ona tatou tatalo ai? O le a le mea e tatau ona tatou tatalo atu ai? (Alema 34:18–27.) E faapefea ona tatou tapuai atu i le Tama Faalelagi i aso uma o le vaiaso?
- O le a le mea e tatou ona faia pe a uma ona tatalo ina ia aoga a tatou tatalo? (Alema 34:28.)
- Na faapefea ona tausia e tagata o Amona (Aneti-Nifae-Liae) ia tagata Sa Soramā ia faatasi atu ia i latou? (Alema 35:9.) E faapefea ona tatou tausia se tagata ese po o se tagata matitiva e faatasi ma i tatou? E faapefea ona faaali atu ai lo tatou alofa i le Tama Faalelagi ona o lea mea? (Mataio 25:40; Mosaea 2:17.)

Gaoioiga e

Faamauoa Mai Ai

Atonu e te manao e faaoga se gaoioiga se tasi poo le sili atu foi o gaoioiga nei i le taimi o le lesona poo le avea ma iloiloga, aotelega, poo se lu'i.

1. Tusi mau nei i luga o le laupapa. Fai i tamaiti e faafetaui lelei fuaiupu o lo o faamatala mai ai talitonuga sese o tagata Sa Soramā ma fuaiupu o lo o i ai aoaoga sao a Alema ma Amoleka:

Alema 31:16 (O le talitonuga o tagata Sa Soramā e leai se Keriso.)

Alema 31:20–23 (E tutusa le tatalo e tasi e tuuina uma atu e tagata Sa Soramā ona lē toe tapuai foi lea i le vaiaso atoa.)

Alema 31:24 (O agaga o tagata Sa Soramā o lo o taula'i i 'oa o le lalolagi.)

Alema 34: 8 (Ua molimau Amoleka ia Keriso.)

Alema 34:19–27 (Ua aoao mai Amoleka e tatou ona tatalo soo i mea uma lava.)

Alema 34:28–29 (Ua aoao mai Amoleka e tatau ona foai atu a tatou 'oa i ē matitiva.)

2. Fai i tamaiti, po o le a so latou lagona pe a tauemu atu nisi ia latou? Talanoa i auala e mafua ai ona faamaualuluga tagata. Faamanatu atu i tamaiti o le fale tele ma le vateatea lea na taua i le miti a Liae, o le faatusa o le faamaualuga o le lalolagi. Ia faamalamalama atu o le lotomaulalo o le faafeagai lea o le faamaualuga. Fai i tamaiti e tusi i pepa se auala se tasi o le a latou taumafaia ina ia avea ai ma tagata lotomaulalo.
3. Fai i tamaiti e faitau ma faailoga fuaiupu po o nisi fuaiupu taua mai le lesona (Atonu e mananao tamaiti e tauloto uma po o ni vaega e taua ia i latou:
 - Alema 31:34–35
 - Alema 34:8
 - Alema 34:26–28
 - Alema 34:38
4. Usu pe faitau upu “A Child’s Prayer” (*Children’s Songbook*, p. 12), “Ou Te Iloa O Loo Soifua Lou Tama” (*Pese Faatasi Ma A’u*, B–39).

Faiiuga

Molimau	Ia tuuina atu lau molimau, afai tatou te lotomaulalo ma tapuai ma le faamaoni i le Tama Faalelagi, o le a ia faamanuia mai tatou, o le a tatou maua foi tali o a tatou talosaga.
Tusi Fautuaina e Faitau i le Aiga	Ia fautuaina tamaiti e suesue le Alema 31:8–25 ma le 34:17–29 i le fale e toe iloilo ai lenei lesona. Tofi se tamaititi e faia le tatalo faaii.

Ua Aoao Atu Alema e Uiga i le Faatuatua

Faamoemoega

Ina ia aoaoina tamaiti o le afioga a le Atua, a faatupuina e le faatuatua, o le a ola pea i o tatou loto o se molimau ia Iesu Keriso

Sauniuniga

1. Suesue ma le agaga tatalo le Alema 32–33. Ona aoao ai lea o le lesona ma fuafua pe faapefea ona e aoaoina i tamaiti faamatalaga o tusitusiga paia (Tagai i le “Sauniaina o Au Lesona,” itulau vi ma le “Aoao mai i Tusitusiga Paia,” itulau vii.)
 2. Filifili fesili talanoaina ma gaoioiga e faamauoa mai ai o le a aofia ai tamaiti ma sili ona fesoasoani mo i latou ina ia ausia le faamoemoega o le lesona.
 3. Suesue le fesoasoani vaaia o lo o i le faaiuga o le lesona ma filifili mai po o le a le auala e te manao e faaali atu ai ao faia le lesona. E mafai ona e faia ni kopi o faataitaiga taitasi i luga o ni pepa tusi ata o fale, po o le sauniuni foi e tusia ata i luga o le laupapa.
 4. O Mea e Faaaoga:
 - a. la tofu tamaiti ma se Tusi a Mamona.
 - e. O se fatu laau pe a talafeagai ai mo tamaiti taitoatasi.
 - i. O se pepa kopi o le fesoasoani vaaia o lo o i le faaiuga o le lesona (fatu laau, fatu ua tatupu mai, tamai laau, laau, timu, la, eleele, ma le faalelei eleele).
-

**Faalautelega
Fautuaina
o le Lesona**

Gaoioiga e
Faatosina Mai Ai

Tofi se tamaititi e faia le tatalo amata.

Tuu atu i tamaiti taitoatasi se fatu laau, faaali le ata o se fatu laau, pe tusi foi se ata o se fatu laau i luga o le laupapa.

- O le a se mea e tupu mai i le fatu? (O se laau, e fuafua i le ituaiga fatu.)
- O le a se mea e tupu ao lei amata ona ola le fatu? (Faaali le ata o le fatu ua tatupu po o le tusia o se ata i luga o le laupapa.)
- O a foliga o le laau ao laititi? (Faaali le ata o le tamai laau pe tusi foi se ata i luga o le laupapa.) O a foliga pe a matua? (Faaali le ata o le laau pe tusi foi se ata i luga o le laupapa.)
- O a meaai e moomia e le fatu ina ia ola ai ma tupu seia avea ma laau tele? (Faamatala o mea ai, o mea ia e fesoasoani e ola ai ma tuputupu pea, e pei o le vai, faalelei eleele, susulu mai o le la, ma le eleele. Tuu ata o le la, timu, eleele ma le faalelei eleele i tafatafa o le ata o le fatu.)

la faamalamalama atu i tamaiti o le lesona lenei, o le a latou aoaoina ai pe faapefea ona mauaina se molimau malosi. E mafai ona e faaaogaina le lisi o upu mai i le gaoioiga e faamauoa mai ai 1 ao e talatalanoa i vaega taitasi o le lesona.

Tala o Tusinga Paia

Aoao atu le tala mai i le Alema 32–33 ia Alema o lo o aoaoina tagata Sa Soramā. (Mo auala fautuaina e aoao ai tala o tusinga paia, tagai “Aoaoga mai i Tusinga Paia, itulau vii.) Faamamafa atu e pei o le lelei o le fatu i lona tausiga lelei ma fafagaina o le a mulimuli ane avea ma laau fua tele, o le a fioga a le Atua, o lo o toto i o tatou loto ma fafagaina faalelei, o le a tupu mai ai se molimau malosi.

Talanoaga ma Fesili e Faatatau I Ai

Suesue i fesili o lo o i lalo ma tusi o mau pe a sauni lau lesona. Faaoga fesili e te manatu o le a sili ona fesoasoani i tamaiti latou te malamalama ai i tusinga paia ma faaoga mataupu faavae i o latou olaga. O le faitauina o mau ma tamaiti i le vasega o le a fesoasoani latou te maua ai le malamalama i tusinga paia.

la faamalamalama atu o le lesona talu ai sa latou aoao e uiga i tagata mauoa ma le femitai o Sa Soramā.

- Aisea na lotomauualalo ai tagata matitiva o Sa Soramā? (Alema 32:2–3.) O a nisi o puapuaga e oo mai e avea ma mea o le a lotomauualalo ai tagata ina ia faalogo atu i le talalelei?
- O le a le uiga o le mativa i le agaga? (Lotomauualalo, talia aoaoga, salamō faamaoni, ma saoloto mai le faamaualuga.)
- Na faapefea ona avea le matitiva ma faamanuiaga i nei tagata? (Alema 32:12–13.) Faamatala atu e mafai ona lotomauualalo tagata e tusa lava pe le mafatia mai i puapuaga po o le mativa, ae peitai o nisi taimi e mitamita ai tagata mauoa. Aisea e manaomia ai ona tatou lotomauualalo pe a tatou aoao atu le talalelei?
- O le a le faatuatua? (Alema 32:21.) Aisea e tatau ai ona iai le faatuatua pe a faatupuina se molimau i le talalelei? (Alema 32:26.) Faamatala atu e tele se taimi e faaalu ina ia maua ai se molimau. O le tausia o poloaiga e fesoasoani tele ia tei tatou mo le mauaina o se molimau moni.
- O le a se na ta’u mai e Alema ia i tatou e faia ina ia faatupuina ai pea le faatuatua? (Alema 32:27.) O le a se mea e mafai ona tatou faia e faateleina ai lo tatou manao e talitonu?
- E faapefea ona avea le usiusitai i poloaiga ma faataitaiga o le a fioga a le Atua? (Faamatala atu o le *faataitai* o le taumafai lea i se mea e te le mautinoa i ai? Afai tatou te faataitai, po o le tausia o poloaiga, e pei o le Upu o le Poto, ua tatou mauaina faamanuiaga mo le usiusitai ma o le a malolosi foi a tatou molimau.) Na faapefea ona faateleina lou faatuatua ona o lou usiusitai i poloaiga?
- E mafai faapefea ona tatou totoina le a fioga a le Atua i o tatou loto ina ia tupu ai a tatou molimau? (I le aoaoina o tusinga paia i aso uma; faalogo i le Peraimeri, sauniga faamanatuga, ma afiafi faaleaiga, tatalo ma le faaogaina o aoaoga o le talalelei i o tatou olaga.)
- E faapefea ona tatou iloa ua amata ona tupu le fatu lelei po o se molimau o le talalelei i totonu ia te i tatou? (Alema 32:28, 34.) Ia valaaulia tamaiti o le vasega e fetufaai mai a latou molimau ma faamatala mai pe na faapefea ona latou mauaina. Faamalosi i tamaiti ina ia maua ma faamalosi a latou molimau. Faamautinoa ia i afai e iai le faatuatua e mafai ona latou maua ni molimau malolosi i le talalelei.

- O le a le uiga o le fafagaina o se fatu laau? (Ia faamalamalama atu o le *fafagaina* o le fafaga po o le tausia lea.) O a ni uiga lelei na aumaia e Alema iai tatou e tatau ona fafaga ai a tatou molimau o le talalelei? (Alema 32:41–42.) Aisea tou manatu ai e manaomia le onosai ma le filigā i le faatupuina o le faatuatua ma le molimau?
- E mafai faapefea e le suesue i tusitusiga paia ona faamalosia lo tatou faatuatua ma le molimau? (Alema 33:14.)
- O le a le aoaoga taua e tatau ona avea ma vaega o a tatou molimau? (Alema 33:22.)
- E faapefea ona faatusa se molimau malosi i se laau? (Alema 33:23.) E faapefea ona avea le iai o se molimau ma fesoasoani ia te oe i le mauaina o le ola e faavavau? Atonu e te manao e faamatala atu pe na faapefea ona e mauaina le fiafia ma faigofie ona e taulimaina ni ou faafitauli ona o lau molimau.

Gaoioiga e

Faamauoa Mai Ai

Atonu e te manao e faaaoga se gaoioiga se tasi poo le sili atu foi o gaoioiga nei i le taimi o le lesona poo le avea ma iloiloga, aotelega, poo se lu'i.

1. Ia faia se lisi o upu nei i luga o ni pepa: Afioga a le Atua, Molimau ia lesu Keriso, Tatalo, Suesue Tusitusiga Paia, Usiusitai i Poloaiga, Auauna atu, Ao e aoaoina atu i tamaiti tala o Tusitusiga Paia, ia faamalamalama atu i ai o le afioga a le Atua o lo o i le Alema 32, o lo o faatusatusa i le fatu. Tuu fasipepa o lo o tusia ai upu “Afioga a le Atua” i le ata o le fatu (Ia faamalamalama atu o le mau lenei o lo o ta'u mai ai o le Afioga a le Atua, o lona uiga o le talalelei po o aoaoga a lesu Keriso) E pei lava o le tupu a'e o le fatu ma avea ma laau, afai tatou te aoao ma usiusitai i le Afioga a le Atua, o le a tatou maua se molimau malosi o le talalelei. Tuu le fasi pepa o lo o tusia ai upu “Molimau ia lesu Keriso” i le ata o le laau. E pei lava ona moomia e le fatu le vaaiga lelei ma fafaga lelei ina ia tupu mai ai se laau, o la tatou molimau o le talalelei e moomia le faatuatua ma le vaaia lelei ina ia ola malosi. Fai i tamaiti po o le a le mea e faamalosi ai le molimau. Ao tali mai tamaiti, tuu fasi pepa o lo o tusia ai upu “Tatalo,” “Suesue i tusitusiga paia,” “Usitai i poloaiga,” ma “Auauna atu” i ata o mea e fafagaina ai se laau.
2. Fai ni paso ma ni upu e faatatau i le lesona, i le tusia lea o upu i fasi pepa ma tusi pepa i vaega e lua. O upu e aofia ai *lotomaulalo*, *faanaauga*, *fafagaina*, *usiusitai*, ma isi. Vaevae le vasega i ni vaega se tele e fuafua i upu. A tuufaatasi loa e se vaega upu, tofi se tamaititi mai i le vaega e toe ilolo le faamoemoega e pei ona aoao i le lesona.
3. Sauni ni fasi pepa faatasi ai ma aoaoga o le talalelei, e pei o le anapogi, sefuluai, poo le Upu o le Poto, ia tusia i fasi pepa taitasi. Faapiii le fasi pepa i tua o tamaiti taitoatasi, e aunoa ma le iloa e le tamaititi. Fai i isi tamaiti e fesili i isi tamaiti ma taumafai e mate po o le a le aoaoga poo le fai i le vasega e tuu mai ni mea e iloa ai tali sao. A sao le mate a le tamaititi, ona fesili lea pe faapefea e se tasi ona maua se molimau o lena aoaoga. I tali taitasi, e tatau ona aofia ai le tatalo ma le ola i le aoaoga.
4. Usu pe faitau upu - “Faatuatua” (*Liahona*, Setema 1995).

Faiuga






Molimau

la tuuina atu lau molimau afai o le a aoao e tamaiti le afioga a le Atua ma usiusitai i poloaiga ao iti i latou, o le a latou maua ni molimau malolosi i le moni o le talalelei a Iesu Keriso. Fetufaai atu ou lagona e uiga i lou faatuatua i le Faaola ma lana talalelei.

Tusi Fautuaina e
Faitau i le Aiga

la fautuaina tamaiti e suesue le Alema 32:21–22, 26–28, 40–43, ma le 33:14–23 i le fale e toe iloilo ai lenei lesona.

Tofi se tamaititi e faia le tatalo faai.



Ua Aoaiina e Alema Ona Atalii o Helamana ma Sepulona

Lesona
23

Faamoemoega

Ina ia aoaoina tamaiti, o tusitusiga paia ua tuuina mai iai tatou o se pogai o le fiafia i le olaga nei ma o se taiala iai tatou mo le toe foi atu i le Tama Faalelagi ma maua le ola e faavavau.

Sauniuniga

1. Suesue ma le agaga tatalo le Alema 37–38. Ona aoao ai lea o le lesona ma fuafua pe faapefea ona e aoaoina i tamaiti faamatalaga o tusitusiga paia. (Tagai i le “Sauniaina o Au lesona.” itulau vi ma le “Aoao mai i Tusitusiga Paia,” itulau vii.)
2. Filifili fesili talanoaina ma gaoioiga e faamauoa mai ai o le a aofia ai tamaiti ma sili ona fesoasoani mo i latou ina ia ausia le faamoemoega o le lesona.
3. Saunia se kopi o pepa e tufatufaina atu “O Tusitusiga Paia” O lo o i le faaiuga o le lesona) mo tamaiti taitoatasi. (Pule oe pe fai)
4. Saunia fasi pepa o lo o tusia ai le “Ola e Faavavau.”
5. O Mea e Faaaoga:
 - a. Ia tofi le tamaiti ma se Tusi a Mamona.
 - e. O se ata laititi o Iesu Keriso po o se fasi pepa o lo o tusia ai “Iesu Keriso.”
 - i. Ata 4–9. Iesu le Keriso (Taga Ata o le Talalelei 240; 62572) ma le 4–15, O le Liahona (Taga Ata o le Talalelei 302; 62041).

Faalautelega

Faatuaina

o le Lesona

Tofi se tamaititi e faia le tatalo amata.

Gaoioiga e Faatosina Mai Ai

Ia nana se tamai ata o Iesu Keriso po o se fasi pepa o lo o tusia ai, “Iesu Keriso” i soo se mea lava o le potu aoga ao lei amataina le vasega. Faaali le fasi pepa o lo o tusia ai le upu “Ola e Faavavau.” Ia faamalamalama, o tatou o tagata o le Ekalesia tatou te mananao e sili le fiafia i leni olaga, ma toe foi atu i lo tatou Tama Faalelagi, ma maua le ola e faavavau, o le ola ai lea e faavavau ma o tatou aiga i le afioaga o le Atua. Fesoasoani i tamaiti ina ia malamalama o le ola e faavavau o le meaalofa sili lea a le Atua i lana fanau. O le Tama Faalelagi e finagalo ina ia agavaa tatou e ola ma ia e faavavau. Tau i tamaiti, o lo o nana i totonu o le potu se tamai ata (po o le fasi pepa o lo o tusia ai se igoa) o se tasi o lo o manao e fesoasoani mai ia te outou ina ia maua le ola e faavavau. Tuu se tolusefulu sekone i tamaiti e sue ai le ata (poo le fasi pepa). Faamanatu i ai o le Tama Faalelagi ua ia aumaia se taiala e taitai ai tatou i le ola e faavavau. Ta’u ni mea e iloa gofie ai pe a talafeagai ai.

A maua loa e tamaiti le ata sa nana o Iesu (poo o le fasi pepa) faaali iai le ata lapoa o le Keriso ma au tusitusiga paia. Faamalamalama atu, ua tuuina mai tusitusiga paia e fai ma taiala e fesoasoani iai tatou i lo tatou aoao e uiga ia Iesu Keriso ma ia avefaapei o ia ina ia mafai ona tatou toe foi atu ai i le Tama Faalelagi.

Tala o Tusitusiga Paia	Faaaoga ata ua fautuaina, aoao le aoaiina e Alema o ona atalii o Helamana ma Sepulona, o lo o maua i le Alema 37–38. Ia faamamafa atu aoaoga a Alema e uiga i tusitusiga paia ma pe faapefea ona avea ma taiala i o tatou olaga. (Mo auala fautuaina e aoao ai tala o tusitusiga paia, tagai “Aoaoga mai i tusitusiga paia” itulau vii.)
Talanoaga ma Fesili e Faatatau I Ai	<p>Suesue i fesili o lo o i lalo ma tusi o mau pe a sauni lau lesona. Faaaoga fesili e te manatu o le a sili ona fesoasoani i tamaiti latou te malamalama ai i tusitusiga paia ma faaaoga mataupu faavae i o latou olaga. O le faitauina o mau ma tamaiti i le vasega o le a fesoasoani latou te maua ai le malamalama i tusitusiga paia.</p> <ul style="list-style-type: none"> • Aisea ua taua ai i perofeta o le Tusi a Mamona le tausiiaina ma le faasaoina o papatusi apamemea? (Alema 37:4, 8; tagai i le lesona 3.) • Aisea na tuu atu ai le Liahona ia Liae? Na faapefea ona galue le Liahona? (1 Nifae 16:10, 28) • O le a le mea e tutusa ai tusitusiga paia ma le Liahona? (Alema 37:44–45) E faapefea ona fesoasoani tusitusiga paia ia i tatou mo le toe foi atu e faatasi ma le Tama Faalelagi? • O le a se aoaoga a tusitusiga paia i tagata Sa Lamanā na mafua ai ona latou salamō? (Alema 37:9.) • O le a le mea na faia atu ai Alema i lona atalii o Helamana e aoaoina atu i tagata? (Alema 37:32–34.) E mafai faapefea ona tatou manumalo i faaososoga? • O le a le uiga o upu a Alema i lana lapataiga i lona atalii o Helamana - “Aoao le poto ina o e taulealea”? (Alema 37:35.) Aisea e taua tele ai le ola i le talalelei ao laititi? • O le a se aoaoga a Alema ia Helamana i le tatalo? (Alema 37:36–37.) E faapefea ae o le a foi le taimi e tatau ona tatalo ai? O le a le uiga o le - “e faaeaina oe i le aso gataaga”? Fesoasoani i tamaiti ina ia malamalama e faatatau lenei mea i le faamasinoga mulimuli pe afai o tagata uma na usiusitai i poloaiga o le a ulufale atu i le afioaga o le Tama Faalelagi ma ola faatasi ai ma ia e faavavau. • Na faapefea ona aumaia e Sepulona le fiafia tele i lona tama o Alema? (Alema 38:2–4.) Na faapefea ona avea lou usiusitai i poloaiga ma auala o lou aumaia o le fiafia i ou matua? • O le a le faamaualuga? (Alema 38:11.) O le lē lotomauualalo ma le lē aoaoina. O tagata mimita e manatu e taua atu i latou i lo isi. O tagata mimita e faia lava o latou loto ae le o le finagalo o le Tama Faalelagi.) E faapefea ona tatou latalata atu i le Tama Faalelagi i le aoaoina lea e ta’u atu ma faasao mea sese? O le a le uiga o le mimita? • Na faapefea ona iloa e Alema mea sa ia aoaoina i lona atalii? (Alema 38:6–8.) O le a le mea e tatau ona tatou faia ina ia aoaoina ai i tatou e le Agaga Paia ma fesoasoani mai e pei ona faia ia Alema? E faapefea ona fesoasoani atu le Agaga Paia e aoao oe ina ia faia le mea sao?

- O le a le molimau a Alema ia Sepulona e uiga ia Iesu Keriso? (Alema 38:9.) E faapefea ona tatou faaaogaina tusitusiga paia e fesoasoani ai ina ia maua se molimau faapea? (Faitau ma vaai totoa iai i aso uma, saili le fesoasoani a le Agaga e malamalama ai, ma faamasani ai i o tatou olaga ma tulaga e pei ona masani ai).

Gaoioiga e

Faamauoa Mai Ai

Atonu e te manao e faaaoga se gaoioiga se tasi poo le sili atu foi o gaoioiga nei i le taimi o le lesona poo le avea ma iloiloga, aotelega, poo se lu'i.

1. Ia faamalamalama atu o le tasi mafuaaga ua tuuina mai ai tusitusiga paia o le fesoasoani lea e faatoilalo ma foia ai faafitauli. Ave se kopi o tusitusiga i tulaga ia i le vasega. Fai i tamaiti, e galulue taitoalua ma filifili pe faapefea ona fesoasoani tusitusiga paia e pei ona lisiina i tulaga taitasi. O tulaga e fa o lo o taua i lalo ua na o ni faataitaiga. E mafai ona e faaaoga nisi e faatatau lelei i tamaiti o le vasega. (E sili atu i le tasi tusitusiga paia e faatatau i tulaga taitasi.) Ina ua papatisoina Simi, sa le fiafia lona aiga ia te ia. Ina ua valaaulia Simi e le Epikopo e faia sana misiona, sa le lava se tupe a Simi. Sa iai se filifiliga taua a Shelly sa tatau ona fai, ae ui lava sa ia talanoa i ni tagata e toatele, sa le mafai ona filifili e ia le mea e tatau ona fai. Sa taumafai uo a Heather e o faatasi ma i latou i le faleoloa ma gaioi ai. Ae ina ua ia teena, sa latou faatauemu ia te ia. Sa le mafai e Doug ona faaumaina se galuega na tuuina atu i le aoga, ua le faia i le taimi fuafuaina. Alema 26:12; 1 Nifae 3:7; Alema 37:37; 1 Nifae 17:3
2. Kopi upu nei mai le Alema 37 i ni pepa se lua. "Ia e aoao i le poto ina o e taulealea; ioe, a o e taulealea, ia e aoao e tausi i poloaiga a le Atua" (Alema 37:35) "Ia oulua filifili ma le Atua i au mea uma e te fai, na te faatonu foi ia te oe i mea lelei" (Alema 37:37). Vaevae mau i upu taitasi. Tuu le mau muamua i se pusa, ma lona lua i le isi pusa, ma tuu i luma o le vasega. Vaevae le vasega i vaega e lua. Ave i vaega taitasi se fasi pepa ma se penitala. Auauai mai taitoatasi tagata o vaega taitasi i le pusa ma tago i le upu ona aumai lea i le latou vaega. E faapena foi ona fai e le isi; ma faapena ai lava ona fai. O vaega taitasi e tatau ona faapotopoto upu i le tulaga e tatau ona iai. A moomia e tamaiti se fesoasoani, ta'u iai le tusi o lo o iai le mau. A maea ona faatulagaina a latou mau, ona tusi lea ma tauloto. I le faaiuga e tatau ona mafai e vaega taitasi ona tauloto faatasi le latou mau.
3. Faitau le 1 Nifae 16:28 faatasi ma le vasega. "Ua oo foi ina iloa e au, o Nifae, o vae na i le polo ua galue e tusa ma le faatuatua, ma le filiga, ma le usiusitai na matou avatu i ai." Ia talanoaina pe na faapefea ona galue le Liahona mo Liae ma lona aiga. Vaevae le vasega i vaega e tolu, ma ave i vaega taitasi upu ia e tolu (*faatuatua*, *filiga*, poo le *faalogo*) faatasi ai ma o latou uiga. Faatuatua: o le talitonu i mea e le o vaai. Filiga: tuuina atu o taumafaiga uma ina ia faataunuuina ai se mea. Faalogo: gauai mai; faatosina mai. Ia talanoaina e vaega taitasi uiga o upu, ma pe faapefea ona mafai ona fesoasoani lo latou faaaogaina o tusitusiga paia e avea o se taiala mo le toe foi atu i le Tama Faalelagi. Ia latou mafaufau i se faataitaiga lelei e tuuina mai. A maea le lua poo le tolu minute ona tofi lea o se sui mai vaega taitasi e faamatala mai pe faapefea ona fesoasoani lena aoaoga ina ia latou faaaogaina ai tusitusiga paia e pei o se Liahona.

4. Valaaulia se isi mai le uarota e sau i le vasega ma fetufaai atu i tamaiti se mea na oo ia te ia sa avea ai tusinga paia ma taiala atoa ai ma tali o talosaga.
5. Faitau ma talanoaina le mataupu e valu o le faatuatua. Ia faamamafa atu iai pe faapefea ona fesoasoani tusinga paia ia i tatou ina ia tatou toe foi atu ai i lo tatou Tama Faalelagi. Atonu e te manao e faaoga le siata o le Mataupu e Valu o le Faatuatua (65008).
6. Usu pe faitau upu - "Search, Ponder, and Pray" (*Children's Songbook*, p. 109) "Seek the Lord Early" (*Children's Songbook*, p. 108) po o le "A Ou susesue i Mau Paia" (*Viiga*, itulau 174).

Faaiuga

Molimau

Ia tuuina atu lau molimau, o le aoaoina o tusinga paia i aso uma e mafai ai ona fesoasoani i le foiaina o faaifitauli, manumalo i faaososoga, ma tumau i le ala sao ma le vaapiapi e toe foi atu ai i le Tama Faalelagi ma maua le ola e faavavau.

Ia tufa atu kopi o pepa e tufatufaina atu i tamaiti taitoatasi. Fautua atu i ai e tuu i totonu o tusinga paia e avea o se faailoga tusi.

Tusi Fautuaina e
Faitau i le Aiga

Ia fautuaina tamaiti e susesue le Alema 37:33–47 ma le 38:1–12 i le fale e toe iloilo ai lenei lesona.

Tofi se tamaititi e faia le tatalo faaiu.

O TUSITUSIGA PAIA

O Lo'u Taiala e Toe Foi Atu Ai I Lou Tama Oi Le Lagi ma Maua Ai Le Ola e Faavavau

1. O le a ou faitau ma mafaufau i tusinga paia i aso uma.
2. O le a ou saili le fesoasoani a le Agaga ina ia malamalama ai.
3. O le a ou faatusatusaina tusinga paia i lo'u lava olaga ma tulaga uma.

O TUSITUSIGA PAIA

*O Lo'u Taiala e Toe Foi Atua Ai I Lou Tama Oi
Le Lagi ma Maua Ai Le Ola e Faavavau*

1. O le a ou faitau ma mataufau i tusitusiga paia i aso uma.
2. O le a ou saili le fesoasoani a le Agaga ina ia malamalama ai.
3. O le a ou faatusatusaina tusitusiga paia i lo'u lava olaga ma tulaga uma.

O TUSITUSIGA PAIA

*O Lo'u Taiala e Toe Foi Atua Ai I Lou Tama Oi
Le Lagi ma Maua Ai Le Ola e Faavavau*

1. O le a ou faitau ma mataufau i tusitusiga paia i aso uma.
2. O le a ou saili le fesoasoani a le Agaga ina ia malamalama ai.
3. O le a ou faatusatusaina tusitusiga paia i lo'u lava olaga ma tulaga uma.

O TUSITUSIGA PAIA

*O Lo'u Taiala e Toe Foi Atua Ai I Lou Tama Oi
Le Lagi ma Maua Ai Le Ola e Faavavau*

1. O le a ou faitau ma mataufau i tusitusiga paia i aso uma.
2. O le a ou saili le fesoasoani a le Agaga ina ia malamalama ai.
3. O le a ou faatusatusaina tusitusiga paia i lo'u lava olaga ma tulaga uma.

O TUSITUSIGA PAIA

*O Lo'u Taiala e Toe Foi Atua Ai I Lou Tama Oi
Le Lagi ma Maua Ai Le Ola e Faavavau*

1. O le a ou faitau ma mataufau i tusitusiga paia i aso uma.
2. O le a ou saili le fesoasoani a le Agaga ina ia malamalama ai.
3. O le a ou faatusatusaina tusitusiga paia i lo'u lava olaga ma tulaga uma.

Ua Aoaiina e Alema Lona Atalii o Korianetona

Faamoemoega Ina ia fesoasoani i tamaiti ina ia malamalama e i ai faaiuga lelei ma leaga ae fuafua lava i la tatou filifiliga.

- Sauniuniga**
1. Suesue ma le agaga tatalo le Alema 39. Ona aoao lea o le lesona ma fuafua pe faapefea ona e aoaoina i tamaiti faamatalaga o tusitusiga paia. (Tagai i le “Sauniaina o Au Lesona,” itulau vi ma le “Aoao mai i Tusitusiga paia,” itulau vii.)
 2. Filifili fesili talanoaina ma gaoioiga e faamauoa mai ai o le a aofia ai tamaiti ma sili ona fesoasoani mo i latou ina ia ausia le faamoemoega o le lesona.
 3. Fai se siata o mea o lo o lisiina atu i le gaoioiga e faatosina mai ai, poo le tusi foi i luga o le laupapa.
 4. O Mea e Faaoga : la tofu tamaiti ma se Tusi a Mamona
-

**Faalautelega
Fautuaina
o le Lesona**

Gaoioiga e
Faatosina Mai Ai

Tofi se tamaititi e faia le tatalo amata.

Fai atu i tamaiti e mafaufau faapea o lo o latou iai i luga o se vaa i le ogatotonu o le vasa loloa. Ua latou iloa e tataua ona faamāmā le uta a le vaa aua ua maualalo le vaa i le vai. E tataua ona lafo uma mea i le sami sei vagana ni mea se lua e moomia. Mai le lisi lenei, filifili mea e lua e tataua ona tuu.

Ofu faaola

O le pusa o fesoasoani muamua

Pusa Auro

O le 'ofe fagota, maunu ma isi mea mo le faiva

O le pusa o lo o iai le taseni fagu vai

Leitio e faaaoga ai ala leo e lua

Pusa faaleoleo o mea faailoilo.

O se apa lapoa o mea e faasosola ai malie

Lisi mea uma ua filifilia e tamaiti i le laupapa, ma fesili iai mo mafuaaga. O filifiliga i le gaoioiga lenei o le a maua ai se isi mea taua. Ia faailoa i ai, o le filifiliga e faigata aua latou te le iloa poo le a le mea e tupu i le lumanai; e le mailoa pe goto le vaa ona moomia lea o ofu faaola, fia feinu ma manaomia vai, fia aai ma mananao i le ofe fagota pe iloa foi malie ma taumafai e faasosola, manaomia le leitio e saili ai se fesoasoani, pe manua foi, ma manao e faaaoga mea mo togafitiga, poo mea faailoilo e faaaoga mo se laveai, ia po o le laveaiina oi latou i ni nai itula mulimuli ane ma mananao i pusa auro.

Ia faamalamalama atu o le olaga e tele faafitauli ma filifiliga e faia, ae ua tuuina mai e le Tama Faalelagi poloaiga e fesoasoani mo i tatou. O le lesona lenei e faatatau i le faia o filifiliga.

Tala o Tusitusiga Paia	<p>Aoao atu i tamaiti le tala ia Alema ma ana fautuaga i lona atalii o Korianetona, Alema 39. (Mo auala fautuaina e aoao ai tala o Tusitusiga Paia, tagai i le “Aoaoga mai Tusitusiga Paia,” itulau vii.) Faaaliga: Aua le aoaoina mea faapitoa o le Alema 39:3–6. Na ona faamatala lona aotelega i se ala faigofie i le faamalamalama atu lea iai o se agasala matuia na faia e Korianetona ao ia faia se misiona i tagata Sa Soramā. A fesiligia e tamaiti le agasala matuia a Korianetona, ona fautua lea iai e talanoa ma latou matua.</p>
Talanoaga ma Fesili e Faataata I Ai	<p>Suesue i fesili o lo o i lalo ma tusi o mau pe a sauni lau lesona. Faaoga fesili e te manatu o le a sili ona fesoasoani i tamaiti latou te malamalama ai i tusitusiga paia ma faaoga mataupu faavae i o latou olaga. O le faitauina o mau ma tamaiti i le vasega o le a fesoasoani latou te maua ai le malamalama i tusitusiga paia.</p> <ul style="list-style-type: none"> • O a ni faataitaiga lelei na faia e le uso o Korianetona mo ia? (Alema 39:1.) O ai e te vaai atu i ai mo ni faataitaiga lelei? O a filifiliga sao ua latou faia? • Aisea ua faanoanoa ai Alema ia Korianetona? (Alema 39:2.) O le a le uiga o le lē faalogo o Korianetona i upu a lona tama? (E lei usitai Korianetona ia Alema.) Aisea e tatau ai ona tatou usiusitai i o tatou matua? O le a le uiga o le mimita? (faaviivii poo le manatu faasausili) Aisea e leaga ai le mimita? • Aisea na faamanatu atu ai e Alema ia Korianetona lana agasala? (Alema 39:7–9.) Ia faamalamalama atu o lou “faafiti ia te oe i nei mea uma” (fuaiupu 9) o lou alo ese lava lea mai nei mea leaga.) O ai na te iloa uma a tatou agasala? (Alema 39:8.) E mafai faapefea e lagona o le tausalaina ona taitaiina atu i tatou i le salamō? • O ai lea na fai mai ai Alema e na te mafai ona tuuina atu se fautuaga lelei ia Korianetona i le faia o filifiliga? (Alema 39:10.) E faapefea ona fesoasoani atu ou matua ma lou aiga ia te oe mo le faia o filifiliga sao? O a nisi mea e mafai ona maua mai ai ni fautuaga sao? • Na faapefea ona aafia tagata Sa Soramā i amioga le sao a Korianetona? (Alema 39:11.) E faapefea ona aafia isi i a tatou filifiliga? • O a nisi o filifiliga e tatau ona e faia? E faapefea ona fesoasoani le Agaga Paia ia te oe ina ia e iloa ua e faia se mea sese? E faapefea ona fesoasoani le Agaga Paia ia te oe, mo le faia o filifiliga sao? Ia valaaulia tagata o le vasega e fetufaai mai ni mea na oo ia te i latou na fesoasoani atu ai le Agaga Paia i le faia o a latou filifiliga. • O le a le mea na aoaoina atu e Alema ia Korianetona e uiga i le salamō? (Alema 39:13.) O le a le uiga - Ia e liliu mai i le Atua ma lou manatu atoa, ma lou loto atoa, ma lou malosi atoa?” Aisea e tatau ai ona tatou faatoese atu i e ua tatou faatiga iai ona o filifiliga sese ua tatou faia? • O le a se fautuaga a Alema e tusa ai ma le sailia o ‘oa faalelalolagi (Alema 39:14.) O le a le mea e tupu i tagata pe a avea ia ‘oa ma mea pito i sili ona taua i o latou olaga? • O le a le aoaoga a Alema ia Korianetona e tusa ma le misiona a Iesu Keriso? (Alema 39:15.) O le a le mea sa tatau ona aoao atu e Korianetona? (Alema 39:16.) O le a se mea e mafai ona tatou faia ina ia fetufaai atu ai le talalelei i isi?

E mafai ona e faaaogaina ia gaoioiga e faamauoa mai ai 2 ma le 3 e fesoasoani ai i tamaiti ina ia malamalama i le faagasologa o filifiliga e tataua ona faia i o latou olaga.

Gaoioiga e

Faamauoa Mai Ai

Atonu e te manao e faaaoga se gaoioiga se tasi poo le sili atu foi o gaoioiga nei i le taimi o le lesona poo le avea ma iloiloga, aotelega, poo se lu'i.

1. Toe iloilo ma talatalanoa le mataupu o le faatuatua e 2 ma tauloto e tamaiti. Ia faamanino atu iai, o le a pau tonu lava i le tagata lava ia le mea ua ia faia.
2. Talatalanoa i filifiliga ua faia e tamaiti i mea ia ua taua. Faaaoga mea e ono maua ai faafitauli e tamaiti i totonu o le vasega. Fesili i ai po o a ituaiga filifiliga e finagalo lesu latou te faia. Fesoasani atu iai ina ia latou mafaufau i faaiuga o filifiliga eseese e mafai ona latou faia. O le gagana latou te faaaoga, Tausiaina o le paia o le Aso Sapatu, O ofu latou te faaaogaina, Usitai i o latou matua, O pese latou te faalogo iai, Gaoi, O ata tifaga, vitio, ma ata i televise e matamata ai, Tau le mea sao, O tusi ma mekasini e faitau iai
3. Faaaoga tamaiti e faia taga o tulaga ia e aofia ai filifiliga ma gasologa, e pei ona taua: Ua talapelo le uo i se isi. Ua manao lau uo e te matamata i se ata tifaga poo se vitio le talafeagai. Ua faamatala e lau uo le tala le talafeagai. Ua manao lau uo e te kopi i le aoga. Ua manao lau uo e te solia le Upu o le Poto. Ua ofoina mai e se tasi ia te oe se fualaau faasaina.
4. Talanoa ma tamaiti le faagasologa o filifiliga e pei ona taua e Peresitene Spencer W. Kimball: "Sa tonu i lou manatu ao ou laititi o le a ou le solia le Upu o le Poto. Sa ou iloa ina ua fai mai le Alii; o se mea lelei ia te ia pe a 'aloese tagata mai nei mea e faaleagaina ai i latou ma o le mea lena sa ou manao e fai, ia faafiafiaina lo'u Tama Faalelagi. Ma o lea na tonu ai i lo'u mafaufau, ou te le tago lava i nei mea e faaleagaina ai le tino. O le faamautuina la o lea manatu ia te au, ua ou iloa ai e le faigata ona ou tausia au folafolaga ia te au ma lou Tama Faalelagi" (in Conference Report, Apr. 1974, p. 127; poo le *Ensign*, May 1974, p. 88).
5. Fai se tamai pepa e tufatufa atu i tamaiti taitoatasi i lau vasega o upu ia - *O le a ou faia filifiliga sao*. Faafa'o pepa i lalo i luga o le laulau, ma fai i tamaiti e o mai taitoatasi i luma o le vasega ma filifili le tasi. Fesili i tamaiti taitoatasi e tali i fesili:
 - O le a se mea e te faaaogaina e taitaiina ai oe i le faia o filifiliga sao i lena vaiaso?
 - Faamata o le a se faaiuga o le faia o filifiliga sese?
 - Faamata o le a se faaiuga o le faia o filifiliga sao? I le faaiuga o le gaoioiga, ia faamamafa le taua o le mafaufau i faaiuga ao lei faia ni filifiliga.
6. Talatalanoa i mataupu e 11 o le faatuatua ma pe faapefea foi ona pau lava i le tagata lana lava ia filifiliga.
 - Aisea e le tataua ai ona tatou faamalosi se tasi ia talitonu i le talalelei?

- Aisea tatou te faamoemoeina ai isi tagata e tuu mai tatou ina ia tatou tapuai atu i le Atua e tusa ma o tatou lava manao? Fesoasoani i tamaiti e tauloto le mataupu e sefulutasi o le faatuatua.

7. Usu pe faitau upu o le “Filifili le Ala Sa’o” (*Liahona*, Iuni 1995) poo le “Fai Le Mea Tonu” (*Pese Faatasi Ma A’u*, B–81).

Faaiuga

Molimau	la molimau atu o le fuafua e mulimuli ia Iesu Keriso o le a taitaiina atu ai i le faia o filifiliga sa'o ma na o le pau lena o le auala e maua ai le fiafia moni.
Tusi Fautuaina e Faitau i le Aiga	la fautuaina tamaiti e suesue le Alema 39: 12–19 i le fale e toe iloilo ai lenei lesona. Tofi se tamaititi e faia le tatalo faaiu.

Ua Faatoilaloina e Kapeteni Moronae Sera'emia

Faamoemoega

Ina ia uunaia tamaiti taitoatasi ia ofuina le ofutau o le Atua e avea ma puipuiga mai le tiapolo.

Sauniuniga

1. Suesue ma le agaga tatalo le Alema 43–44 ma le Efeso 6:11, 13–18. Ona suesue lea o le lesona ma fuafua pe faapefea ona e aoaoina atu nei mau i tamaiti. (Tagai i le “Sauniaina o au Lesona,” itulau vi, ma le “Aoaoga mai Tusitusiga Paia,” itulau vii.)
2. Faitauga Tusi Faaopoopo: Mataupu Faavae ma Feagaiga 27: 15–18.
3. Filifili fesili talanoaina ma gaoioiga e faamau'oa mai ai o le a aofia ai tamaiti ina ia sili ona fesoasoani mo i latou ina ia ausia le faamoemoega o le lesona.
4. O Mea e Faaoga:
 - a. Ia tofi tamaiti ma se Tusi a Mamona.
 - e. Se Tusi Paia.
 - i. E fuafua i le auala e te manao e aoao ai tamaiti e uiga i le ofutau o le Atua, ia faia ni lisi o upu, ni tamai ofutau e tipi mai ni pepa ma se faatagata mo tamaiti taitoatasi, se ofutau atoa e tusi i luga o le laupapa, poo se ofutau e tipi mai se pepa malō e faaofu ai se tamaiti. (Tagai i le faataitaiga o lo o i le faaiuga o le lesona.)
 - i. Ata 4–37, O Fitafita a Kapeteni Moronae o lo o Tau ma Sa Lamanā, ma le 4–38, Ua Lafoaia e le Autau a Sera'emia a Latou Auupega.

Faalautelega Fautuaina o le Lesona

Tofi se tamaiti e faia le tatalo amata.

Gaoioiga e
Faatosina Mai Ai

- I aso anamua pe a o tagata e tau i a latou pelu ma tao, na faapefea ona latou puipuia o latou ulu, fatu, manava, ogalima, vae, ma lima? (E puipuia i le ofutau.)

Ia faamalamalama atu o lo o tatou iai uma lava i le taua ma le tiapolo. O faaososoga ma mana o Satani e matuai moni lava. E le finagalo le Tama Faalelagi ina ia tatou tauina le taua ma le tiapolo e aunoa ma le puipuia o i tatou. Ia faitauina e se tamaiti le Efeso 6: 11, 13–18. Ia talanoaina vaega taitasi o le ofutau i le faaaogaina o le lisi o upu poo pepa na tipiina. Ia faatusatusa vaega taitasi o le ofutau i auala e manaomia ona tatou ola ai ina ia puipuia mai le tiapolo o lo o siomia ai i tatou.

Tala o Tusitusiga
Paia

Aoao atu i tamaiti le tala i le faatoilaloina e le Kapeteni o Moronae o Sera'emia o lo o i le Alema 43–44. (Mo auala fautuaina e aoao ai le tala mai tusitusiga paia, tagai i “Aoaoga mai Tusitusiga Paia,” itulau vii.) Ia faamamafa atu e le gata ina ofuina e le autau a Moronae o ofutau e faia i lima o tagata ae sa malosi foi le puipuiga a le ofutau a le Atua. Ia faaoga ata i taimi e talafeaga ai.

Talanoaga ma
Fesili e Faatatau
I Ai

Suesue i fesili nei ma mau nei ao e sauniaina lau lesone. Faaaoga fesili e te manatu o le a sili ona fesoasoani i tamaiti latou te malamalama ai i tusitusiga paia ma faaoga mataupu faavae i o latou olaga. O le faitauina o mau ma tamaiti i le vasega o le a fesoasoani latou te maua ai le malamalama i tusitusiga paia.

- Aisea na tofia ai e Sera'emina le taitai Sa Lamanā ia Sa Amalekī ma Sa Soramā e ave ma kapeteni sili i tagata Sa Lamanā? (Alema 43: 6–7.) Aisea na mananao ai Sa Lamanā e tau ma Sa Nifaē? (Alema 43: 8, 29.)
- Aisea na naunau ai lava Sa Nifaē e tau? (Alema 43:45, 47.) Aisea e taua ai tele lo tatou tau mo o tatou aiga, fale, saolotoga, ma le Ekalesia? O le a le mea e taua ai ia te oe le tau?
- Na faapefea ona saunia e Kapeteni Moronae lana autau e feiloai ma Sa Lamanā i Seasona? (Alema 43: 18–19.) Aisea na fefefe ai Sa Lamanā i lea sauniuniga? (Alema 43: 20–21.) O a auala e mafai ai ona e ofuina le ofutau a le Atua ma saunia e tau atu mo le mea moni?
- Na faapefea ona silafia e Kepeteni Moronae le mea e tatau ona auina atu iai lana autau? (Alema 43: 23–24.) E faapefea ona fesoasoani mai perofeta i ai tatou i nei aso?
- E ui lava sa ofuina e le autau a Sa Nifaē ia ofutau, aisea na latou fefefe ai ma mananao e sosola ese mai tagata Sa Lamanā? (Alema 43:48.) Na faapefea ona musuia i latou e Moronae?
- O a mea na faia e le autau a Kapeteni Moronae ina ia latou maua ai le malosi ma le lototele e tau ai? (Alema 43:49–50.) E mafai faapefea e le tatalo ona fesoasoani ia te oe e ofuina le ofutau a le Atua? (Efeso 6:18.)
- Ina ua mavae ona siomia e Moronae ia Sa Lamanā, o le a le mea na ia faia e faaali atu ai e le o ia o se tagata faamaligitoto? (Alema 43:54; 44:1–2, 6.)
- Aisea na tuuina atu ai e le Alii ia Sa Lamanā i lima o le autau a Moronae? (Alema 44:3.) O le a le folafolaga na faia e le Alii i tagata Sa Nifaē ma i tatou pe afai tatou te faatuatua? (Alema 44:15.) O le a se mea na manatu Sera'emina o lo o puipuia ai Sa Nifaē? (Alema 44: 9.)
- O le a le mea na tupu ina ua le faia e Sera'emina le feagaiga o le filemu? (Alema 44: 12.) O le a le mea na tupu i tagata Sa Lamanā na osi feagaiga e le toe tau? (Alema 44:15.) Aisea e taua ai tele lo tatou tausia o folafolaga ma feagaiga?

Gaoioiga e Faamauoa Mai Ai

Atonu e te manao e faaoga se gaoioiga se tasi poo le sili atu foi o gaoioiga nei i le taimi o le lesone poo le ave ma iloiloga, aotelega, poo se lu'i.

1. Fai se taaloga faafetaui (tagai i le "Aoa mai Tusitusiga Paia," itulau vii). Ia tusi igoa o vaega nei e ono o le ofutau i luga o ni pepa malō se ono ma o latou faatusa i se isi vaega o pepa malō se ono. Ia faafetaui e tamaiti igoa o vaega o le ofutau i mea o lo o faatusa iai i lo tatou ofutau o le Atua.

Fusi — Faamaoni (Efeso 6:14)

Ufifatafata — Amiotonu (Efeso 6:14)


Seevae — Sauniga o le talalelei o le filemu (Efeso 6:15)

Talita — Faatuatua (Efeso 6:16)

Puloutau — Olataga (Efeso 6:17)

Pelu — Agaga o le Atua, poo le upu a le Atua (Efeso 6:17; MFF 6:2)

2. I le faaaogaina o le Efeso 6: 13–18, ia fesoasoani i tamaiti latou te taulotoina vaega taitasi uma o le faatusa o le ofutau o le Atua. Ia ta’u mai e le tamaititi se vaega o le ofutau pe a e togiina atu iai se taga fatupi poo se polo i le tamaititi. Ia tuuina mai e le tamaititi le uiga o lena vaega o le ofutau ma ta’u mai se isi vaega o le ofutau a’o e togiina atu le polo i se isi tamaititi, o lē o le a na ia tuuina mai le uiga o le vaega fou lea o le ofutau, ma faasolo ai lava faapena.
3. Fesili atu i tamaiti pe o a ituaiga mea o lo o faaaogaina e Satani i aso nei e fasiotia ai i tatou faaleagaga. Atonu latou te ta’uina mai mea e pei o ituaiga ata tifaga, polokalama o le televise, ata vitio, tusi, poo mekasini; faaosoosoga e soli le Upu o le Poto; faaosoosoga ia aua nei alu i le lotu; ma isi mea faapena. Ia talanoaina pe o a mea a tamaiti o lo o fai e faamalosia ai o latou ofutau faaleagaga, e pei o le faia o tatalo a le tagata lava ia ma tatalo faaleaiga, suesuega a le tagata lava ia i tusitusiga paia ma faaleaiga, faia o afiafi faaleaiga, alu i le lotu, ma isi mea faapena.
4. Ia talanoaina pe na faapefea ona faatogafitiina e Kapeteni Moronae ia le autau a Sa Lamanā, e pei ona ta’u mai i le Alema 43:31–42. Ia faaoga le laupapa e faailoa atu ai le vaega tonu na iai le autau a Sa Nifaē ma le mea na iai le autau a Sa Lamanā.



5. Usu pe faitau upu o le pese “Fai le Mea Sa’o” (*Pese Faatasi ma A’u B–81*) poo le “Filifili le Ala Sa’o (*O Le Liahona Luni 1995*).

Faaiuga


Molimau






Ia tuuina atu lau molimau i le taua o le ofuina o le ofutau a le Atua e puipuia ai i tatou mai le tiapolo.

Tusi Fautuaina e
Faitau i le Aiga

Ia fautuaina atu tamaiti e suesue le Alema 43: 41–54 ma le 44: 1–4 i le fale e toe iloilo ai lena lesona.

Tofi se tamaititi e faia le tatalo faaiu.





O Kapeteni Moronae ma le Tagavai o le Saolotoga

Lesona
26

Faamoemoega la aoaina tamaiti o le saolotoga moni e maua mai i le tetee atu o le tiapolo ae tausia poloaiga a le Tama Faalelagi.

Sauniuniga

1. Suesue ma le agaga tatalo le Alema 46, 48, ma le 49: 21–30. Ona suesue lea o le lesona ma fuafua pe faapefea ona e aoaina atu nei mau i tamaiti. (Tagai i le “Sauniaina o au Lesona,” itulau vi, ma le “Aoaoga mai Tusitusiga Paia,” itulau vii.)
2. Faitauga Tusi Faaopoopo: Alema 47, 49: 1–20.
3. Filifili fesili talanoaina ma gaoioiga e faamauoa mai ai o le a aofia ai tamaiti ina ia sili ona fesoasoani mo i latou ina ia ausia le faamoemoega o le lesona.
4. O Mea e Faaaoga:
 - a. Ia tofi tamaiti ma se Tusi a Mamona.
 - e. Se fasi ‘ie lautele (e mafai foi ona e faaogaina se pepa lautele poo le laupapa), se pou poo se laau, ma se mea faapipii (tape).
 - i. Ata 4–39, Ua Sisiina e Kapeteni Moronae le Fu’a o le Saolotoga (Taga Ata o le Talalelei 312; 62051).

**Faalautelega
Fautuaina
o le Lesona**

Tofi se tamaititi e faia le tatalo amata.

Gaoioiga e Faatosina Mai Ai Faaali atu le ata o Kapeteni Moronae. Fai atu i tamaiti e sue a latou tusitusiga paia i le Alema 46.

Ia faamalamalama atu i tamaiti o le a latou aoao e uiga i ni alii se toalua na avea ma taitai o ni vaegaau – o Kapeteni Moronae ma Amalekia. O Amalekia na soifua mai o ia o se Sa Nifaē, ae ua ia matuai faagaloina lava le Alii. Ona o lona pepelo, faa’ole’ole, ma lona fasioti tagata ua avea ai o ia ma tupu o Sa Lamanā. Na manao Amalekia e faatoilaloina Sa Nifaē i le taua ina ia avea ai o ia ma tupu ia Sa Nifaē ma Sa Lamanā.

O Kapeteni Moronae sa avea ma taitai au sili i le autau a Sa Nifaē. O ia o se alii malosi ma matautia o lē e alofa tele i le Alii ma alofa i ona tagata. Na ia faia se tautoga o le a na ia puipua ona tagata mai ia Amalekia ma lana autau o Sa Lamanā.

A’o sauniuni atu Amalekia ma lana autau e faatamaia Sa Nifaē, sa saunia foi e Kapeteni Moronae ona tagata ina ia puipua i latou lava.

Ia ‘u’u atu i luga le fasi ‘ie (poo le pepa), sasae ese se vaega lapoa, poo le tusi o se ata o le fasi ‘ie ua sasae ese i luga o le laupapa. Ta’u atu i tamaiti e faapea na sasae ese e Kapeteni Moronae se fasi ‘ie mai lona ofu tele ma ia faia e avea ma se fu’a poo le tagavai na ia ta’ua o le tagavai o le saolotoga. Ia

valaaulia tamaiti e faitau faatasi le Alema 46:12. Tusi upu nei i luga o se tasi o fasi 'ie poo le pepa na sasae ese. "O le mea lenei e faamanatuina ai lo tatou Atua, ma la tatou ekalesia, ma le saolotoga, ma lo tatou filemu, ma a tatou avā, ma a tatou fanau." Afai ua e faaogaina se fasi 'ie poo le pepa, fai atu i tamaiti e faapipii le fu'a i le pou. Fai atu i tamaiti e faatu le fu'a i luma o le potu aoga.

Tala o Tusitusiga Paia

Aoao atu i tamaiti le tala mai le Alema 46–49 o Kapeteni Moronae, o se alii malosi o le Atua na ia saunia ona tagata e puipua lo latou saolotoga ma le filemu. (Mo auala fautuaina e aoao ai le tala mai tusitusiga paia, tagai i "Aoaoga mai Tusitusiga Paia," itulau vii.)

Talanoaga ma Fesili e Faatatau I Ai

Suesue i fesili nei ma mau nei ao e sauniaina lau lesona. Faaoga fesili e te manatu o le a sili ona fesoasoani i tamaiti latou te malamalama ai i tusitusiga paia ma faaoga mataupu faavae i o latou olaga. O le faitauina o mau ma tamaiti i le vasega o le a fesoasoani latou te maua ai le malamalama i tusitusiga paia.

- O le a le mea sa tau faamata'u i le filemu o tagata Sa Nifaē? (Alema 45:24; 46:1–2.) Aisea na toatele ai tagata na mulimuli atu ia Amalekia? (Alema 46: 5.)
- O le a le mea na faia e Kapeteni Moronae ina ua ia faalogo i lea feeseeseaiga? (Alema 46: 11–12.) Ina ua uma ona faia e Kapeteni Moronae le fu'a o le saolotoga, o le a le mea na ia faia? (Alema 46: 13, 16.)
- O le a le mea na fai atu ai Kapeteni Moronae i tagata Sa Nifaē e fai? (Alema 46: 19–20.) Aisea e te manatu ai na musuia Sa Nifaē ona o upu na tusia i luga o le fu'a o le saolotoga?
- O le a le feagaiga na faia e tagata na mulimuli ia Moronae? (Alema 46: 21–22.) Aisea ua e manatu ai o le faia o lea feagaiga na fesoasoani i tagata e puipua lo latou saolotoga ma la latou ekalesia? O a nisi o feagaiga ua tatou faia?
- O le a le mea na manao Kapeteni Moronae e manatua e ona tagata? (Alema 46:23–24.)

la faamanino atu o fuaiupu nei o lo o faasino i le Feagaiga Tuai ia Iosefa ma lona ofu tele e felanulanuai.)

- Na faapefea ona eseese sauniuniga a Sa Nifaē mai sauniuniga a Sa Lamanā? (Alema 48:7.) Na faapefea ona taumafai Sa Nifaē e puipua o latou aai? (Alema 49: 2, 4.) E mafai faapefea ona saunia i tatou e tetee atu i aafiaga a Satani?
- O a mea na aoaoina ai Sa Nifaē e uiga i taua? (Alema 48:14.) O le a le mea na latou talitonu o le a faia e le Tama Faalelagi mo i latou? (Alema 48: 15–16.)
- O a ni lagona o le perofeta o Mamona, lē sa faamaumauina lenei tala e uiga ia Kapeteni Moronae? (Alema 48: 11–13, 17–18.) O a ni auala e te manao ai ia avea ai oe faapei o Kapeteni Moronae?
- E ui lava ina e lei mananao Sa Nifaē e o atu e tau, ae aisea na latou tau ai ma Sa Lamanā? (Alema 48: 23–24.)
- O le a le mea na tupu ia Sa Lamanā i le latou taua mulimuli i le Aai o Noa? (Alema 49: 21–15.) O le a se mea na e manatu sa faalototeleina ai Sa Nifaē latou te tauina le taua lea? O le a le mea na te tuuina atu ia te oe le lototele e puipua ai le amiotonu ma le saolotoga?

- Ina ua sosola ese Sa Lamanā ma ua faasaoina Sa Nifaē mai o latou fili, o le a le mea na faia e Sa Nifaē? (Alema 49: 28.) E mafai faapefea ona tatou faaali atu lo tatou agaga faafetai mo le saolotoga o lo o tatou fiafia ai nei?

Gaoioiga e Faamau'oa Mai Ai

Atonu e te manao e faaoga se gaoioiga se tasi poo le sili atu foi o gaoioiga nei i le taimi o le lesona poo le avea ma iloiloga, aotelega, poo se lu'i.

1. Ia vaavaai uma atu tamaiti i le ata o Kapeteni Moronae. Toe iloilo le taua o le ofuina o le ofutau o le Atua ina ia puipuia ai i tatou mai le tiapolo. Ia fautua atu i tamaiti na auina mai i latou taitoatasi e le Tama Faalelagi i lenei taimi e puipuia le amiotonu ma le upu moni. Fai atu i tamaiti e faailoa mai vaega taitasi o le ofutau o Moronae (Alema 46: 13) ma ta'u mai poo le a lona faatusa i le ofutau faaleagaga (tagai i le lesona 25 ma le Efeso 6: 11, 13–18).

Ofutau i le papatua: Upu moni. O lona uiga ia iloa le sa'o mai le sese, ia alofa i le upu moni, ia puipuia le ola mama, ma ia amio mama.

Ufifatafata: Amiotonu. O lona uiga ia filifili le sa'o e mulimuli ia Iesu Keriso.

Talipupuni: Faatuatua. O lona uiga ia faatuatua i le Alii o Iesu Keriso.

Puloutau: Olataga. O lona uiga ia agavaa mo le faamasinoina ina ia nonofo faatasi ma le Tama Faalelagi e faavavau.


Pelu: Le Agaga, poo le Agaga Paia. O lona uiga ia taitaiina e le Agaga Paia ma le talalelei a Iesu Keriso. Seevae: O sauniga o le talalelei o le filemu. O lona uiga ia malamalama i le talalelei ina ia tatou savavali ai i le ala sa'o ma le vaapiapi.

Ia tuuina atu i tamaiti taitoatasi se pepa e tufaina atu o lo o aofia ai i lenei lesona, ma galulue faatasi ma tamaiti e faatutumu avanoa i a latou pepa. Ia saini e tamaiti uma o latou igoa i lalo o a latou pepa. Ia valaaulia ni tamaiti se toalua e o atu i luma o le vaega ma sisiina le fu'a o le saolotoga lea sa faaoga i le taimi o le gaoioiga e faatosina mai ai. Ia faitauina leotele e tagata uma taitoatasi vaega mulimuli o faamatalaga o lo o i luga o a latou pepa, "Ua ou saunia e tu ma tetee atu i ū fanafana a e amioleaga," ma talanoaina le uiga o lona faamatalaga. Ia ave e tamaiti a latou pepa o le "Ofutau a le Atua" i o latou aiga e faaali atu iai.

2. Faaali atu le fu'a a lo outou atunuu. Ia faamalamalama atu o le fu'a o se faamanatu matagofie tele. O atunuu uma lava e iai a latou fu'a e avea o se faailoga i tagata poo ai i latou ma, pe o le a foi le uiga o lo latou atunuu. Tuuina atu i tamaiti ni fasi 'ie poo ni fasi pepa ma nisi mea e tusi ai ata ma fai atu e tusi mai se fu'a a le tagata lava ia e faailoa mai ai se mea e taua tele ia i latou, e pei o ai i latou, o mea e fiafia iai, o ai e mananao e foliga iai, ma poo le a le uiga o i latou. Atonu e te manao e ta'u atu nisi o faailoga e faatusatusa i ai nei mea.
3. Talanoaina faatasi ma tamaiti le mataupu e sefululua o le faatuatua, ma fesoasoani atu ia i latou e taulotoina.
4. Usu pe faitau upu o le pese "Keep the Commandments" (*Children's Songbook*, p. 146).

Faaiuga

Molimau	la tuuina atu lau molimau o le saolotoga o se faamanuiaga silisili. la molimau atu e tatou te mauaina le saolotoga pe a tatou tetee atu i le tiapolo ma usitai i poloaiga a le Tama Faalelagi.
Tusi Fautuaina e Faitau i le Aiga	la fautuaina tamaiti e suesue le Alema 48: 11–13, 17–18 i le fale e toe iloilo ai lenei lesona. Tofi se tamaititi e faia le tatalo faaiu.



O LE A OU OFUINA LE OFUTAU ATOATO A O LE ATUA

O le a ou tu atu ma o'u sulugatiti ua fusia uma i le _____.

O le a ou ufiufiina lo'u fatu i le ufifatafata o le _____.

O le a ou tu atu ma o'u vae ua faaseevaeina i le _____.

O le a ou 'u'uina i lo'u lima le talipupuni o le _____.

O le a ufiufiina lo'u ulu i le puloutau o le _____.

O le a ou aveina i lo'u lima le pelu o le _____.

Ua ou saunia ou te tu e tetee atu i ū fanafana a e amioleaga.

(Tagai i le Efeso 6: 11-17; Mataupu Faavae ma Feagaiga 27: 15-18.)

Faamoemoega

la aoaoina tamaiti o le mulimuli i faataitaiga ma aoaoga a matua amiotonu e mau ai le mana e puipuia ai le upu moni ma le sa’o.

Sauniuniga

1. Suesue ma le agaga tatalo le Alema 53: 10–23 ma le 56: 1–58: 27. Ona suesue lea o le lesona ma fuafua pe faapefea ona e aoaoina atu nei mau i tamaiti. (Tagai i le “Sauniaina o au Lesona,” itulau vi, ma le “Aoaoga mai Tususiga Paia,” itulau vii.)
2. Faitauga Tusi Faaopopo: Alema 24.
3. Filifili fesili talanoaina ma gaoioiga e faamauoa mai ai o le a aofia ai tamaiti ina ia sili ona fesoasoani mo i latou ina ia ausia le faamoemoega o le lesona.
4. O Mea e Faaoga:
 - a. la tofu tamaiti ma se Tusi a Mamona.
 - e. Ata 4–33, Ua Tanumia e Aneti-Nifae-Liae a Latou Pelu (Taga Ata o le Talalelei 311; 62565), ma le 4–40, Tagata Tau e Lua Afe (Taga Ata o le Talalelei 313; 62050).

**Faalautelega
Fautuaina
o le Lesona**

Tofi se tamaititi e faia le tatalo amata.

Gaoioiga e
Faatosina Mai Ai

la faaali atu le ata o Aneti-Nifae-Liae o lo o tanumia a latou pelu. Faamanatu atu i tamaiti sa latou aoao e uiga i nei tagata maoae i ni nai vaiaso ua te’a (tagai i le lesona 19). Fai atu fesili nei i tamaiti:

- O ai Aneti-Nifae-Liae? Aisea na latou tanumia ai a latou pelu?

la faitauina e se tamaititi le Alema 24: 19. la faamalamalama atu na faatuina e Aneti-Nifae-Liae se faataitaiga lelei mo a latou fanau.

la valaaulia tamaiti e fetufaai mai ni faataitaiga o aoaoga taua, e pei o le faamaoni, agaalofa, totogi sefuluai, tausia le Aso Sapatu ia paia, ma isi mea faapena, na latou aoaoina mai o latou matua ma, pe na faapefea ona faamanuaina ai latou i le usiusitai i na aoaoga.

la faamalamalama atu na tuuina mai e le Tama Faalelagi ni matua mo i tatou e alolofa, aoaoina, ma taitaiina i tatou i o tatou olaga. la faamalamalama atu o le a aoaoina e tamaiti i lenei lesona pe na faapefea e ni alii totoa se lua afe, o ni atalii o Aneti-Nifae-Liae, ona faaogaina aoaoga ma faataitaiga a o latou matua amiotonu e tausia ai a latou feagaiga o le puipuia o lo latou saolotoga.

(Faaaliga: Afai e iai ni tamaiti na tausia e matua o o latou matua, aiga, poo nisi, ia faafetaui le lesona ia aofia ai le taua o lo latou aafiaga.)

Tala o Tusitusiga Paia	I le faaaogaina o ata i le taimi e talafeagai ai, ia aoao atu i tamaiti le tala ia Helamana ma tagata totoa e lua afe mai le Alema 53, 56–58. (Mo auala fautuaina e aoao ai le tala mai tusitusiga paia, tagai i “Aoaoga mai Tusitusiga Paia,” itulau vii.)
Talanoaga ma Fesili e Faatatau I Ai	<p>Suesue i fesili nei ma mau nei ao e sauniaina lau lesona. Faaaoga fesili e te manatu o le a sili ona fesoasoani i tamaiti latou te malamalama ai i tusitusiga paia ma faaaoga mataupu faavae i o latou olaga. O le faitauina o mau ma tamaiti i le vasega o le a fesoasoani latou te maua ai le malamalama i tusitusiga paia.</p> <ul style="list-style-type: none"> • O le a le feagaiga na osia e matua o nei tagata totoa e lua afe? (Alema 53: 10–12.) Aisea na latou mafaufau ai i le solia o lenei feagaiga? (Alema 53:13.) Aisea na le manao ai Helamana e fesoasoani atu tagata e tetee ia Nifae ma Liae i le taua ma Sa Lamanā?(Alema 53: 14–15.) Aisea e taua tele ai lo tatou tausia o a tatou feagaiga? • Aisea na fuafua ai alii talavou nei e lua afe e tau? (Alema 53:16.) O a mea na osi feagaiga iai nei tagata totoa talavou latou te tau iai? (Alema 53:17.) • O ai e faatusa iai nei alii talavou? (Alema 53: 20–21.) O le a le uiga o le “faamaoni i aso uma i mea uma ua tuuina atu [ia te outou]”? O a nisi o auala e mafai ai ona tatou faamaoni ma savavali sa’o i luma o le Alii? • Na faapefea ona fesoasoani atu tamā i o latou atalii e aunoa ma lo latou solia o le latou feagaiga ia aua nei toe tau? (Alema 56:27.) O a nisi o auala e lagolagoina ai outou e o outou matua? • O le a le mea na ta’uina atu e Helamana ia Moronae e uiga i le malolosi ma le totoa o nei toa talavou? (Alema 56:45.) O a mea na aoaoina atu e o latou tina ia te i latou? (Alema 56: 46–48.) Aisea na latou le fefefe ai i le oti? O faapefea ona taumafai outou matua ia saunia outou ina ia outou maua le lototoa ma le faatuatua e faafetaiaia ai faigata? • O le a le mea na maua ai le malosi ma le totoa o nei tagata tau talavou e lua afe i le taua? (Alema 57: 26–27; 58: 39–40.) • Na faapefea ona mulimuli nei tagata tau ia Helamana? (Alema 57: 21.) O le a lona uiga o le mulimuli ma le “sa’o”? Aisea e taua ai le mulimuli ma le sa’o i fautuaga a o outou taitai ma matua? • O a mea na faia e nei tagata tau talavou e lua afe ina ua latou manaomia le malosi? (Alema 58:10.) Na faapefea ona tali mai la latou tatalo? (Alema 58:11.) Ia valaaulia tagata o le vasega e fetufaaai mai ni mea na tutupu i ai latou poo nisi o o latou aiga nauunaiina ai e le Agaga Paia. • Na faapefea ona tauia le faatuatua tele ma le totoa o nei alii talavou? (Alema 56: 56; 57: 25; 58: 39.) O le a le mana na faasaoina ai i latou mai le oti? (Alema 57: 26–27; 58: 40.)


**Gaoioiga
e Faamau’oa
Mai Ai**

Atonu e te manao e faaaoga se gaoioiga se tasi poo le sili atu foi o gaoioiga nei i le taimi o le lesona poo le avea ma iloiloga, aotelega, poo se lu’i.


1. la faia se kopi o le pepa e tufaina atu o lo o i le faaiuga o lesona mo tamaiti uma e ave i le fale.
2. la tuu atu i tamaiti e ofo mai e faauma faamatalaga nei:
 - E mafai ona ou avea faapei o tagata totoa talavou e ala i lo'u _____ .
 - E mafai ona ou avea faapei o tagata totoa talavou e ala i lo'u manatuaina na aoao mai o'u matua ina ia ou _____ .
 - Ou te matuai fiafia lava i le _____ o tagata totoa talavou.
 - O le vaega pito i sili ona ou fiafia iai o le tala i tagata totoa talavou e lua afe o le _____ .
3. la uunaiina tamaiti e faailoga i a latou tusitusiga paia nisi o fuaiupu e latou te fiafia iai e uiga i tagata totoa talavou e lua afe. Atonu latou te mananao e filifili mai nisi o nei faataitaiga:
 - Alema 53: 20–21
 - Alema 56: 45–48
 - Alema 57: 21, 25–27
 - Alema 58: 10–11
 - Alema 58: 39–40
4. Fesoasoani i tamaiti e tauloto le tulafono e lima (tagai i le Mosaea 13: 20).
5. Faitau pe usu upu o le pese “We'll Bring the World His Truth” (*Children's Songbook*, p. 172), “Fai Le Mea Sa'o” (*Pese Faatasi Ma A'u*, B–81), “Tala o le Tusi a Mamona” (*Pese Faatasi Ma A'u*, B–87), fuaiupu lona 6.

Faaiuga


Molimau	la fetufaai atu lau molimau i faamanuiaga na oo mai ia te oe e ala i lou mulimuli i aoaoga amiotonu ma faataitaiga a ou matua.
Tusi Fautuaina e Faitau i le Aiga	la fautuaina tamaiti e suesue le Alema 53: 16–21, 56:45–48, ma le 57: 25–27 i le fale e toe iloilo ai lenei lesona. Tofi se tamaititi e faia le tatalo faaiu. “O tama muli i latou, ma ua mau o latou manatu, ma ua latou faalagolago e le aunoa i le Atua.” Alema 57: 27




"O tama muli i latou, ma ua mau o latou manatu, ma ua latou faalagolago e le aunoa i le Atua." Alema 57: 27



"O tama muli i latou, ma ua mau o latou manatu, ma ua latou faalagolago e le aunoa i le Atua." Alema 57: 27



"O tama muli i latou, ma ua mau o latou manatu, ma ua latou faalagolago e le aunoa i le Atua." Alema 57: 27



"O tama muli i latou, ma ua mau o latou manatu, ma ua latou faalagolago e le aunoa i le Atua." Alema 57: 27

Faamoemoega Ina ia uunaiina tamaiti ia latou avea le Faaola ma faavae o o latou olaga e ala lea i le filifili e ola i ana aoaoga.

- Sauniuniga**
1. Suesue ma le agaga tatalo le Helamana 5. Ona suesue lea o le lesona ma fuafua pe faapefea ona e aoaoina atu nei mau i tamaiti. (Tagai i le “Sauniaina o au Lesona,” itulau vi, ma le “Aoaoga mai Tususiga Paia,” itulau vii.)
 2. Filifili fesili talanoaina ma gaoioiga e faamau’oa mai ai o le a aofia ai tamaiti ina ia sili ona fesoasoani mo i latou ina ia ‘ausia le faamoemoega o le lesona.
 3. O Mea e Faaoga:
 - a. la tofi tamaiti ma se Tusi a Mamona.
 - e. Se maa, oneone poo le masima, se tapuni o se pusa poo se apa mafolafola.
 - i. Ata 4–41, Nifae ma Liae i le Falepuipui
-

**Faalautelega
Fautuaina
o le Lesona**

Gaoioiga e
Faatosina Mai Ai

Tofi se tamaititi e faia le tatalo amata.

Ia faamalamalama atu a’o le’i fauina se fale, e fausia e le au faigaluega se faavae malosi mo le fale e faatu ai i luga. Ia tuuina atu i tamaiti e faatusatusa le mautu o se faavae e fauina i le oneone ma le maa. Tuu se maa faaleogalua ma le tapuni o se pusa poo le apa mafolafola faatasi ma le masima poo le oneone o lo o i totonu i luga o le laulau. Feula atu agai i le maa ona feula lea o le oneone poo le masima.

Fai atu i tamaiti afai latou te fauina se fale aisea latou te filifili ai le maa nai lo le oneone mo se faavae. Ia faamalamalama atu ua faatusatusa e tusitusiga paia Iesu Keriso i le maa e avea o se faavae e fausia ai i luga o tatou olaga. Tatou te fausiaina o tatou olaga i luga o le faavae o le papa o Keriso pe a tatou filifili e ola i ana aoaoga.

Usu le “The Wise Man and the Foolish Man” (Children’s Songbook, p. 281). Atonu e te manao e susū mai le taitai pese a le Peraimer i lau vasega e fesoasoani i tamaiti i le usuina o le pese. E mafai foi ona e taina le pese i se laau pueleo poo le taulotoina mai foi e le vasega upu.

I lenei tala na fausia e Nifae ma Liae o laua olaga i le faavae mautinoa o le Faaola, o lona uiga na iai ni a la molimau malolosi e uiga ia Iesu Keriso. Na la’ua fesoasoani i le toatele o Sa Lamanā ia latou maua foi ni molimau e uiga ia te la. E mafai foi ona tatou fausia o tatou olaga i luga lava o lenei faavae mautinoa e tasi, o Iesu Keriso.

Tala o Tusitusiga
Paia

Aoao atu i tamaiti le tala ia Nifae ma Liae o lo o maua i le Helamana e 5. (Mo auala fautuaina e aoao ai le tala mai tusitusiga paia, tagai i “Aoaoga mai Tusitusiga Paia,” itulau vii.) Ia faamamafa atu le auala na avea ai e nei alii faatuatua tele lesu Keriso ma faavae o o la’ua olaga.

Talanoaga ma Fesili
e Faatatau I Ai

Suesue i fesili nei ma mau ao e sauniaina lau lesona. Faaaoga fesili e te manatu o le a sili ona fesoasoani i tamaiti latou te malamalama ai i tusitusiga paia ma faaaoga mataupu faavae i o latou olaga. O le faitauina o mau ma tamaiti i le vasega o le a fesoasoani latou te maua ai le malamalama i tusitusiga paia.

- O ai Helamana? (Helamana 2: 2.) Aisea na faaigoa ai e Helamana ona atalii ia Nifae ma Liae? (Helamana 5: 6.)
- O le igoa o ai tatou te tauaveina i o tatou luga pe a papatisoina i tatou? (2 Nifae 31: 13.) E faapefea ona avea atili i tatou faapei o lesu Keriso?
- Aisea na teena ai e Nifae le avea o ia ma faamasino sili? (Helamana 5: 2–4.)
- Na faapefea ona mafai e lesu Keriso ona faasaoina i tatou mai a tatou agasala? (Helamana 5: 9–10.) O a mea e tatau ona tatou faia ina ia mafai ai ona togiolaina i tatou e lesu Keriso mai a tatou agasala? (Helamana 5: 11.)
- O le a lona uiga o le “i luga o le papa o lo tatou Togiola, o le Keriso lea, o le Alo o le Atua, e ao ina atinae ai lo oulua faavae”? (Helamana 5: 12.) Aisea ua na o lesu Keriso ai lo tatou faavae mautu? E mafai faapefea ona e avea lesu ma faavae o lou olaga?
- E faapefea ona “faaoo mai e Satani ana matagi tetele, . . . uato’a, [ma] . . . ana afā” i tagata taitoatasi ma aiga i aso nei? O le a se tele o le mana o le tiapolo e pulea ai i latou o ē faavaeina o latou olaga ia Keriso? (Helamana 5: 12.)
- Na faapefea ona aafia ia Nifae ma Liae i aoaoga a Helamana? (Helamana 5: 13–14.) O a mea na aoaoina atu e ou matua ia te oe ua fesoasoani tele i lou olaga?
- Faaali atu le ata o Nifae ma Liae i totonu o le Falepuipui. Na faapefea ona puipuia Nifae ma Liae a’o iai i totonu o le falepuipui? (Helamana 5: 22–23.) E mafai faapefea ona tatou fesoasoani atu pe afai o tatou agavaa?
- Na faapefea ona fesoatai lesu Keriso ma le au Sa Lamanā i le falepuipui? (Helamana 5: 29–30.) E faapei le leo? O le a le saunoaga a le Alii i le au Sa Lamanā? (Helamana 5: 29, 32.)
- O le a le mea na ta’u atu e Aminatapa i tagata Sa Lamanā e faia ina ia alu ese ai le ao o le pogisa? (Helamana 5: 41.) O le a le mea na tupu i tagata Sa Lamanā ina ua aveesea le ao o le pogisa? (Helamana 5: 43–47.) O le a sou manatu o le a ni ou lagona pe ana faapea o lea e te iai iina? O le a se faalogona pe a iai le Agaga i o tatou olaga? Ia tuu atu le avanoa i tamaiti e fetufaai mai ai ni mea na tutupu ia i latou ina ua latou lagonaina le Agaga i o latou olaga.
- O ai na faaali atu i le au Sa Lamanā? (Helamana 5: 48.) O a mea na faia e Sa Lamanā ina ua uma ona latou vaai i agelu? (Helamana 5: 50.)
- Na faapefea ona suia uiga o i latou na faaliliuina? (Helamana 5: 51–52.) O a nisi o auala e mafai ona tatou ola ai e faaali atu ai o lesu Keriso o le faavae o a tatou molimau?

**Gaoioiga
e Faamau'oa
Mai Ai**

Atonu e te manao e faaoga se gaoioiga se tasi poo le sili atu foi o gaoioiga nei i le taimi o le lesona poo le avea ma iloiloga, aotelega, poo se lu'i.

1. Fesoasoani i tamaiti e tauloto upu nei mai le Helamana 5: 12: "Ia manatua, ia manatua lava, e ao ina oulua atinae lo oulua faavae i luga o le papa o lo tatou Togiola o le Keriso lea, o le Alo o le Atua." Ia e lu'iina tamaiti e tauloto le fuaiupu atoa i le faagasologa o le vaiaso.
2. Toe iloilo le mataupu e fa o le faatuatua, ma fesoasoani i tamaiti e tauloto. Fesoasoani ia i latou ia malamalama pe faapefea ona fesoasoani mataupu ma sauniga o le talalelei e fausia o tatou olaga i luga o le faavae o Iesu Keriso.
3. Usu pe faitau upu o le "Follow the Prophet" (*Children's Songbook*, p. 110), "Keep the Commandments" (*Children's Songbook*, p. 146), poo le "Seek the Lord Early" (*Children's Songbook*, p. 108).

Faaiuga

Molimau

Ia tuuina atu lau molimau i le Faaola ma lona aafiaga i lou olaga. Ia fetufaai atu le auala na e maua ai le malosi ma le mana e tetee atu ai i faaosoosoga a Satani e ala mai i lau molimau. Ia tuu atu se lu'i i tamaiti ia avea Iesu Keriso ma faavae o o latou olaga i le filifili lea e ola i ana aoaoga ma taumafai e faaauau pea ona avea atili faapei o Ia.

Tusi Fautuaina e
Faitau i le Aiga

Ia fautuaina tamaiti e tauloto le Helamana 5: 12 i le fale e toe iloilo ai lenei lesona.

Tofi se tamaititi e faia le tatalo faaiu.

Faamoemoega Ina ia aoaina tamaiti na auina mai e le Tama Faalelagi perofeta e aoao i tatou e uiga i le Faaola, fesoasoani ia i tatou ia tatou salamō, ma lapatai i tatou i mea o le a oo mai.

Sauniuniga

1. Suesue ma le agaga tatalo le Helamana 6: 18–23 ma le 7–9. Ona suesue lea o le lesona ma fuafua pe faapefea ona e aoaina atu nei mau i tamaiti. (Tagai i le “Sauniaina o au Lesona,” itulau vi, ma le “Aoaoga mai Tusitusiga Paia,” itulau vii.)
2. Filifili fesili talanoaina ma gaoioiga e faamau'oa mai ai o le a aofia ai tamaiti ina ia sili ona fesoasoani mo i latou ina ia 'ausia le faamoemoega o le lesona.
3. O Mea e Faaoga:
 - a. Ia tofu tamaiti ma se Tusi a Mamona.
 - e. Fai ni kopi se fitu o tulaga vae o lo o i le faaiuga o le lesona. Ia tusi i luga o tulaga vae taitasi upu nei: *Mulimuli, i le, perofeta, na te, iloa, le, ala.*
 - i. Se kopi o se lauga na tuuina mai e se perofeta soifua (mai se lomiga o le konafesi i le *Liahona*, poo se tasi mekasini).
 - o. Se ata o le perofeta soifua.

**Faalautelega
Fautuaina
o le Lesona**

Gaoioiga e
Faatosina Mai Ai

Tofi se tamaitiiti e faia le tatalo amata.

A'o le'i amataina le vasega, ia faapipii tulaga vae pepa i le fola o le potu aoga, i soo se faasologa lava, faapito i luga le itu e le o tusia ai ni upu. Ia faapipii tulaga vae e agai atu i se ata o le perofeta soifua. Fai atu i tamaiti e mulimuli i le ala o tulaga vae; ona toe ao lea o tulaga vae ma faatulaga lelei i le faasologa e tatau ona iai. Ia faitau leo tele e le vasega faaupuga o lo o tusia ai i luga. Ia faamalamalama atu afai tatou te usitai i nei faaupuga, o le a mafai ona tatou iloa le mea moni ma aloese mai le faaseseina o i tatou. Ia faamalamalama atu o lenei lesona e faatatau i le perofeta o Nifae, le atalii o Helamana. E silafia lelei e Nifae se tasi ua fasiotia ma le tagata na ia fasiotia e aunoa ma le vaai iai i le taimi na tupu ai. Ta'u atu i tamaiti a'o latou aoao atili e uiga i le perofeta o Nifae, e mafai ona faamalosi lo latou talitonuga i upu a perofeta soifua.

Tala o Tusitusiga
Paia

Aoao atu i tamaiti le tala i lapatiga ma aoaoga a Nifae o lo o maua i le Helamana 7–9. (Mo auala fautuaina e aoao ai le tala mai tusitusiga paia, tagai i “Aoaoga mai Tusitusiga Paia,” itulau vii.) Ia faamamafa atu na auina mai e le Tama Faalelagi ia perofeta e aoao i tatou e uiga i le Faaola, fesoasoani ia i tatou ia maua le fiafia, fesoasoani ina ia tatou salamō, ma lapataina i tatou i mea o le a oo mai.

Talanoaga ma Fesili e Faatatau I Ai

Suesue i fesili nei ma mau ao e sauniaina lau lesona. Faaaoga fesili e te manatu o le a sili ona fesoasoani i tamaiti latou te malamalama ai i tusitusiga paia ma faaoga mataupu faavae i o latou olaga. O le faitauina o mau faatasi ma tamaiti o le vasega o le a fesoasoani latou te maua ai le malamalama i tusitusiga paia.

- O ai tagata faomea a Katianetona? (Helamana 6: 18.) O a feagaiga na osia e nei tagata? (Helamana 6: 21–22.) O a mea leaga na faia e tagata faomea a Katianetona? (Helamana 6: 23.)
- O le a le mea na faia e Nifae ona o le amioleaga o tagata? (Helamana 7: 6–7, 10.) O le a le mea na faia e tagata ina ua latou vaaia o ia i luga o le 'olo? (Helamana 7: 11–12.)
- O le a le saunoaga a Nifae i tagata? (Helamana 7: 13–18.) Aisea ua e manatu ai na tautala o ia e uiga i le salamō? O a mea e tatau ona tatou faia ina ia tatou salamō ai?
- O le a le mea e tupu i tagata pe afai e le salamō e pei ona fai mai ai Nifae? (Helamana 7: 19, 22.) Na faapefea ona silafia e Nifae o le a tutupu nei mea? (Helamana 7: 29.) O le a le mea e tupu ia i tatou pe afai tatou te le salamō e pei ona fai mai ai isi perofeta? E mafai faapefea e le faalogo i le perofeta soifua ona fesoasoani i o tatou olaga? (MFF 21: 4–6.)
- Na faapefea ona tali atu faamasino i aoaoga a Nifae? (Helamana 8: 1.) Na faapefea ona tetee atu nisi tagata ia Nifae? (Helamana 8: 7–9.) Aisea e manaomia ai le lototele i nisi taimi e tu atu ai mo le mea moni? O a mea e mafai ona tatou faia e lagolagoina ai le perofeta soifua?
- O le a le mea ua molimau uma mai ai lava perofeta paia? (Helamana 8: 14–16.) O a ni mea ua aoao mai e le perofeta soifua ia i tatou e uiga ia lesu Keriso? (Atonu e te manao e faamatala ootoo atu se tautalaga na tuuina mai e le perofeta soifua e uiga ia lesu.)
- O a mea na ta'u atu e Nifae i tagata e uiga i lo latou faamasino sili? (Helamana 8: 27–28.) Na faapefea ona iloa e Nifae le mea ua tupu?
- O a ni mea na mafaufau iai alii e toalima nei a'o latou taufetuli atu i le nofoa faamasino? (Helamana 9: 2.) E faapefea ona tatou iloa na matuai talitonu lava i latou nei i upu a Nifae? (Helamana 9: 4–5, 39.) O a ni mea e mafai ona tatou faia e faamalosia ai a tatou molimau e uiga i le perofeta soifua?
- Na faapefea ona taumafai isi faamasino e faatalitonu tagata o Nifae o se perofeta pepelo? (Helamana 9: 16.) O le a le tali a Nifae ia latou tu'ua'iga? (Helamana 9: 25–35.)
- O le a se aafiaga o le faaaliga a Nifae na iai i nisi o tagata? (Helamana 9: 39–41.) Pe ua faamanuiaina ea oe e ala i le mulimuli i perofeta? Atonu e te manao e faaoga le gaoioiga e faamauoa mai ai lona 3 e fesoasoani ai i tamaiti ia malamalama i tiute o le perofeta.

**Gaoioiga
e Faamauoa
Mai Ai**



Atonu e te manao e faaoga se gaoioiga se tasi poo le sili atu foi o gaoioiga nei i le taimi o le lesona poo le avea ma iloiloga, aotelega, poo se lu'i.

1. Ia faatinoina e tamaiti le tala mai le Helamana 8–9.

2. Faitau ma talanoaina le faamatalaga lenei mai ia Elder James E. Faust: "Ua folafolaina mai ia i tatou o le a mauaina e le Peresitene o le Ekalesia le taitaiga mo i tatou uma i le avea ai ma tali faaaliga o le Ekalesia. O lo tatou saogalemu o lo o iai lea i le ua'i atu i mea e saunoa mai ai ma mulimuli i ana fautuaga" (*Liahona*, Ianuari 1989, itulau 10; tagai foi i le MFF 21: 4–6).
3. Ia talanoaina pe faapefea ona faaauauina pea ona talia e perofeta o aso e gata ai le malamalama mai le Tama Faalelagi. Tuuina atu nisi o faataitaiga o faaaliga o aso e gata ai, e pei o le Upu o le Poto (tagai i le MFF 89), ma pe faapefea ona faamanuiaina ai olaga o i latou uma o ē mulimuli iai. Ia tuu atu nisi o saunoaga mai le perofeta soifua i se konafesi talu ai nei (tagai i le *Liahona*). Fai atu i tamaiti pe mafai faapefea ona faamanuiaina i latou i le mulimuli i fautuaga a le perofeta.
4. Toe iloilo le mataupu e iva o le faatuatua ma fesoasoani i tamaiti e taulotoina.
5. Usu pe faitau upu o le "Follow the Prophet" (*Children's Songbook*, p. 110).

Faaiuga

Molimau	Ia tuuina atu lau molimau e uiga i le perofeta soifua ma le moni o mea na te aoaoina mai. Ta'u atu i tamaiti pe na faapefea ona faamanuiaina oe e ala i lou mulimuli i aoaoga a le perofeta.
Tusi Fautuaina e Faitau i le Aiga	Ia fautuaina tamaiti e suesue le Helamana 8: 25–28, 9 i le fale e toe iloilo ai lenei lesona. Tofi se tamaititi e faia le tatalo faaiu.



Ua Maua e Nifae le Mana Uiga Ese

Lesona
30

Faamoemoega Ina ia aoaina tamaiti e faapea o le pule ma le mana o le perisitua e taitaiina ai ma faamanuiaina ai e lesu Keriso i latou o ē mulimuli ia te ia ma lana ekalesia.

Sauniuniga

1. Suesue ma le agaga tatalo le Helamana 10. Ona suesue lea o le lesona ma fuafua pe faapefea ona e aoaina atu nei mau i tamaiti. (Tagai i le “Sauniaina o au Lesona,” itulau vi, ma le “Aoaoga mai Tusitusiga Paia,” itulau vii.)
Faitauga Tusi Faaopoopo: Helamana 11: 1–18.
2. Filifili fesili talanoaina ma gaoioiga e faamau’oa mai ai o le a aofia ai tamaiti ina ia sili ona fesoasoani mo i latou ina ia ‘ausia le faamoemoega o le lesona
3. O Mea e Faaoga: la tofu tamaiti ma se Tusi a Mamona

**Faalautelega
Fautuaina
o le Lesona**

Tofi se tamaititi e faia le tatalo amata.

Gaoioiga e
Faatosina Mai Ai

la amataina lau vasega i le tapēina uma o moli o le potu. Fai atu i tamaiti pe latou te iloaina se mea e le masani ai. Fai atu i se tasi e ki moli. Talanoa e uiga i le malosiaga o le eletise o lo o maua mai ai le malamalama. la talanoaina poo a nisi mea e alu i le eletise o lo o i aiga o tamaiti (ogaumu, pusa aisa, ili, mea faigaluega, ma isi mea faapena). la faamalamalama atu o lenei lesona e faatatau i se isi ituaiga malosiaga, o se malosiaga e sili atu nai lo le eletise: le mana o le perisitua a le Atua.

Se Isi Gaoioiga

Mo potuaoga e leai se eletise, tagai i le gaoioiga e faamau’oa mai ai 1.

Tala o Tusitusiga
Paia

Aoao atu i tamaiti le tala mai le Helamana 10 i le mauaina e Nifae o le pule e faamaufaailogaina ai ma le puipuiga o le perisitua e faia ai le galuega a le Tama Faalelagi. (Mo auala fautuaina e aoao ai le tala mai tusitusiga paia, tagai i “Aoaoga mai Tusitusiga Paia,” itulau vii.)

Talanoaga ma Fesili
e Faatatau I Ai

Suesue i fesili nei ma mau nei ao e sauniaina lau lesona. Faaoga fesili e te manatu o le a sili ona fesoasoani i tamaiti latou te malamalama ai i tusitusiga paia ma faaoga mataupu faavae i o latou olaga. O le faitauina o mau ma tamaiti i le vasega o le a fesoasoani latou te maua ai le malamalama i tusitusiga paia.

- A’o agai atu Nifae i le ala e alu atu i lona fale, o le a le mea sa ia faia? (Helamana 10: 2–3.) O le a le uiga o le mafaufau loloto? (O le mafaufau i se mea poo le manatunatu loloto.) O le a le mea tatou te mafaufau pe manatunatu loloto iai?
- Aisea na lotovaivai ai Nifae a’o ia talaiina atu le talalelei i tagata Sa Nifaē? (Helamana 10:3.)
- O le a le mea o lo o ta’u mai iina na faafiafiaina ai le Tama Faalelagi ma lesu Keriso? (Helamana 10: 4.) E mafai faapefea ona tatou faafiafiaina i la’ua?

- O a faamanuiaga na folafolaina atu e lesu Keriso ia Nifae? (Helamana 10: 5.) O le a lona uiga ia aua nei toe tatalo atu Nifae i se mea e “feteenai ma le finagalo o Keriso”? E mafai faapefea ona tatou aoao ia mulimuli i le finagalo o lesu Keriso?
- O le a le mea na tuuina atu ai ia Nifae le pule na te faia ai? (Helamana 10: 6–10.)
- O le a le pule e faamaufaailogaina ai na tuuina atu ia Nifae? (Helamana 10:7; tagai foi i le MFF 132: 7.) E mafai faapefea e lenei pule e faamaufaailogaina ai o le perisitua ona faamanuiaina i tatou i aso nei? (E mafai ona faamauina faatasi o tatou aiga i totonu o le malumalu mo le faavavau.) E faapefea ona e lagonaina e mafai e lou aiga ona ola faatasi e faavavau? (Afai e iai ni tamaiti ua uma ona o atu i le malumalu ina ia faamauina, atonu e te manao e fesili atu iai pe o a ni o latou lagona ina ua faamauina i latou i o latou aiga.)
- O le a le mea na poloaiina ai e le Alii ia Nifae e ta’u atu i tagata? (Helamana 10: 11.) Na faapefea ona faaali atu e Nifae lona ususitai ina ua uma ona fetalai atu le Alii ia te ia? (Helamana 10: 12.) O a auala e fetalai mai ai le Alii ia i tatou? E faapefea ona tatou faaali atu lo tatou ususitai?
- Aisea na le suia ai olaga o tagata Sa Nifaē i le faaaliga na iloa e Nifae e uiga i le fasiotiga o le faamasino sili? (Helamana 10: 13.)
- Na faapefea ona puipuia Nifae ao ia folafolaina atu le afioga a le Atua i nei tagata? (Helamana 10: 15–17.) O le a sou manatu o le a le uiga o le “mana o le Atua sa faatasi” ma Nifae? E mafai faapefea e le perisitua ona faamanuiaina ma puipuia i tatou i aso nei?
- O le a se aafiaga o aoaoga a Nifae i nei tagata? (Helamana 10: 18.)
- Na faapefea ona faamanuiaina oe ma lou aiga e le mana o le perisitua?

Gaoioiga e

Faamau’oa Mai Ai

Atonu e te manao e faaaoaga se gaoioiga se tasi poo le sili atu foi o gaoioiga nei i le taimi o le lesona poo le avea ma iloiloga, aotelega, poo se lu’i.

1. Ta’u atu i tamaiti o lo o e mafaufau i se upu. Fai atu ia i latou e faalogologo i faamatalaga nei ma sii mai o latou lima pe a latou iloaina le upu.

O le mana o le Atua.

E ala mai i lenei mana e faamanuiaina ai e le Alii lana fanau ma lana ekalesia.

O i latou uma e umiaina lenei mana ua avea ma sui o le Alii o lesu Keriso.

O i latou uma e umiaina lenei mana ua tofia e faia mea ua finagalo iai le Faaola e faia.

- O le a le igoa o lenei mana? (O le perisitua.)

2. Faaali atu upu nei i luga o pepa: “Tiakono,” “Aoa,” “Ositaulaga,” “Toeaina,” “Sefululua,” “Sefulufa,” “Sefuluono,” “Sefuluvalu.”

Faitau atu faamatalaga nei i tamaiti, ia taitasi i le taimi, ma valaaulia i latou e su’e ni upu i luga o pepa se lua e fetau i lea faamatalaga ma faapipii i luga o le laupapa. E matuai avea lava ma se lu’i mo tamaiti matutua pe afai e le faatulagaina lelei faamatalaga. (O faamatalaga mo tiute a le Perisitua Arona o lo o maua i le Mataupu Faavae ma Feagaiga 20: 46–59. O faamatalaga mo

tofiga o se toeaina i le Perisitua Mekisateko o lo o maua i le Mataupu Faavae ma Feagaiga 20: 38–45; 107: 11–12.)

- a. Ua uma ona tuuina mai ia te au le Perisitua Arona. Ou te tufaina atu le faamanatuga. E mafai ona ou auauna atu o se avefeau mo taitai perisitua. Ou te aoina le taulaga anapogi. Ou te fesoasoani i le vaai o falelotu ma lotoa a le Ekalesia. O ai a'u? E fia o'u tausaga ona mafai lea ona faauuina a'u? (Upu olo o tusia i luga o le pepa: "Tiakono," "Sefululua")
- e. Ua ou umiaina le Perisitua Arona. E ia te a'u uma lava tiute ma mana o se tiakono ma ou te sauniaina le areto ma le vai mo le faamanatuga. Atonu e mafai ona tofiaina au e avea ma se faiaoga o aiga. O ai a'u? E fia o'u tausaga ona mafai lea ona faauuina a'u? (Upu o lo o tusia i luga o le pepa: "A'oa'o," "Sefulufa")
- i. Ua ou umiaina le Perisitua Arona. E ia te a'u tiute ma mana uma o se tiakono ma se a'oa'o, ma e mafai ona ou faamanuiaina le faamanatuga. E ia te au le pule e papatiso ai, fesoasoani i le faauuina o isi Perisitua Arona, ma faatautaia fonotaga pe afai e leai se tasi e umiaina le Perisitua Mekisateko o iai. Ou te fesoasoani i tagata o le Ekalesia ina ia ola e tusa ai ma poloaiga. O ai a'u? E fia o'u tausaga ona mafai lea ona faauuina a'u? (Upu o lo o tusia i luga o le pepa: "Ositaulaga," "Sefuluono")
- o. Ou te umiaina le Perisitua Mekisateko. E mafai ona ou auauna atu faamisiona. Ua valaauina au ou te aoao atu, folafola atu, apoapoai atu, papatiso, ma leoleo i le Ekalesia. E tuuina mai ia te au le meaaloa a le Agaga Paia, taitaia sauniga, faamanuia i fanau laiti, faamanuia e mamai, ma faamanuia tagata o aiga. O ai a'u? E fia ou tausaga ona mafai lea ona faauuina a'u? (Upu o lo o tusia i luga o le pepa: "Toeaina," "Sefuluvalu")

Fai atu i tamaiti e ta'u mai se mea se tasi ua latou aoaoina e uiga i tiute o nei tofiga e fa o le perisitua.

3. Faamatala atu le tala leni e uiga i le mana o le perisitua:

O Elder Hugh B. Brown sa avea ma se tasi o le Korama a le Au Aposetolo e Toasefululua. A'o laititi Elder Brown, sa avea o ia ma se tagata o le vaegaau a Kanata ma sa auina atu i Egelani e tau ai mo le Taua Muamua a le Lalolagi mo le tupu o Egelani.

Sa fiafia tele Elder Brown e avea o ia ma se tasi e auauna atu i le tupu, aua na te maua ai le pule e faia ai le tele o mea mo le tupu.

I se tasi taeao na maua ai e Elder Brown se telefoni. O se fitafita o lo o i le falemai o lo o manao e fia feiloai ia te ia. E toatele fitafita na mananao e asiasi atu ia Elder Brown ia i latou. Na latou iloa o le avea ai ma se tasi e auauna atu i le tupu, e ia te ia foi le pule e auina atu ai i latou i o latou aiga. A'o malaga atu Elder Brown i le falemai sa ia mafaufau i le pule o lo o ia te ia i le avea ai ma se auauna. Sa ia lagona le fiafia ona o lona mafai ona tautala atu mo le tupu ma filifili pe tatau ona nonofo pea fitafita poo le tuumuli atu i o latou aiga.

Ina ua ulufale atu Elder Brown i totonu o le potu o le fitafita lea, sa le'i augani atu le fitafita e auina atu o ia i le fale. Ua le o lena, ae ua ia faapea atu, "Brother Brown, e mafai ona e faamanuiaina a'u? Ua ou fefe ua lata ona ou oti, ma ou te manao ia e ole atu i le Atua ina ia faaolaina a'u."

Sa ofo tele Elder Brown. E lei manao le fitafita e alu atu o ia e faia le galuega a le tupu. Ae sa manao mai le fitafita ia te ia aua o lo o ia te ia le perisitua ma e mafai ona ia faia le galuega a le Atua. Na iloa e Elder Brown e le mafaia e le mana o le tupu ona faasaoina le ola o le fitafita. E manaomia ai le mana o le Tama Faalelagi e faasaoina ai le fitafita. A'o ia tuuina atu ona lima i luga o le ulu o le fitafita ma tuuina atu ia te ia se faamanuiaga, sa ia lagona le faamaualaloina o ia.

Ina ua tuua e Elder Brown le falemai, sa ia le mafaufau i le mana o lo o ia te ia o se auauna i le tupu. Ae sa ia mafaufau i le mana o lona perisitua. Na ia silafia ai e tatau i alii ona iai le perisitua e faia ai le galuega a le Tama Faalelagi i le lalolagi. Sa fiafia o ia ona ua ia maua le perisitua ma ua ia mafaia ona faia le galuega a le Atua. (Adapted from Hugh B. Brown, *Continuing the Quest*, pp. 26–27.)

4. Ia tuuina atu i tamaiti taitoatasi ata nei poo nisi ata e foliga iai i latou e umiaina le perisitua i lo latou faaaogaina. (E mafai ona e mauaina mai ata mai le potu tusi o le falelotu.) Ia valaaulia tamaiti e faaali atu a latou ata ma faamatala mai poo le a le sauniga o lo o faatinoina i ata taitasi ma poo le a foi le tofiga o le perisitua o lo o umiaina e lea alii.
 Se Alii o lo o Papatisoina (62018)
 Se Tamaitai o lo o Faamauina (62020)
 Tufaina o le Faamanatuga (62021)
 Faauuga i le Perisitua (62341)
 Faamanuiaina o e Mama'i (62342)
 Faamanuiaina o le Faamanatuga (62343)
5. Faitau ma talanoaina le Moronae 3, o lo o faamalamalama mai ai pe faapefea ona faauuina ositaulaga ma aoao e toeiaina.
6. Faitau ma talanoaina le mataupu e lima ma le ono o le faatuatua. Fesoasoani i tamaiti e tauloto mataupu o le faatuatua.
7. Usu pe faitau upu o le "O le Perisitua Ua Toefuatai" (*Pese Faatasi Ma A'u*, B–58).

Faaiuga

Molimau

Ia tuuina atu lau molimau e uiga i faamanuiaga o le mana o le perisitua i lou olaga. Ia valaaulia tamaiti e fetaufaai mai ni mea na tutupu ia i latou ina ua faamanuiaina o latou olaga e le perisitua.

Tusi Fautuaina e Faitau i le Aiga

Ia fautuaina tamaiti e suesue le Helamana 10: 1–12 i le fale e toe iloilo ai lenei lesona.

Tofi se tamaititi e faia le tatalo faaiu.

Faaaliga: Afai e te manao e faaoga le gaoioiga e faatosina mai ai mo le lesona o le vaiaso lea, ia tofia vave ni tagata se toatolu o le vasega e faatinoina le tala.

Faamoemoega Ina ia aoaina tamaiti i le valoaina e perofeta o le soifuaga ma le misiona a Iesu Keriso.

- Sauniuniga**
1. Suesue ma le agaga tatalo le Helamana 13–14, 16, ma le 3 Nifae 23: 9–13. Ona aoao lea o le lesona ma fuafua pe faapefea ona e aoaina i tamaiti faamatalaga o tusitusiga paia. (Tagai i le “Sauniaina o Au Lesona,” itulau vi, ma le “Aoao mai Tusitusiga Paia,” itulau vii.)
 2. Faitauga Tusi Faaopoopo: Helamana 15.
 3. Filifili fesili talanoaina ma gaoioiga e faamau'oa mai ai o le a aofia ai tamaiti ina ia sili ona fesoasoani mo i latou ina ia 'ausia ai le faamoemoega o le lesona.
 4. O Mea e Faaaoga:
 - a. Ia tofua tamaiti ma se Tusi a Mamona.
 - e. Ni pepa malō se tolu o tusia ai valoaga mai ia Nifae, Apinati, ma Alema (tagai i le gaoioiga e faatosina mai ai).
 - i. Mea faaopoopo laiti, e pei o sikafu, maea, poo ni pine o se igoa, mo tamaiti e faaaoga i le faatinoga o Nifae, Apinati, ma Alema.
 - o. Ata 4–42, Samuelu le Sa Lamanā i Luga o le Aupa (Taga Ata o le Talalelei 314; 62370).

**Faalautelega
Fautuaina
o le Lesona**

Tofi se tamaititi e faia le tatalo amata.

Gaoioiga e
Faatosina Mai Ai

Ia faatinoina e tamaiti o lau vasega ia Nifae, Apinati, ma Alema. E mafai ona fai ni a latou pine o igoa poo le faaeeseese o a latou teuga. E mafai ona latou faafoliga e pei o se masini o lo o latou o mai ai e asiasi mai i le vasega ma toe ta'u mai a latou valoaga e uiga i le soifuaga ma le misiona a Iesu Keriso.

“Na ou taunuu i le eleele na folafolaina pe tusa ma le ono selau tausaga ae le'i fanau mai Keriso. Sa ou fai atu i o'u tagata e uiga i le faaaliga na ou vaai ma aoaina ai a'u i le fanau mai ma le maliu o Keriso: 'Ona ou vaai ai lea ma ua toe iloa le taupou o sapaapai le tamameamea i ona lima. Ua fetalai mai foi le agelu ia te au: Faauta o le Tamai Mamoe a le Atua.' Ona ou 'iloga atu lea ua siitia o ia i luga i le satauro, ma ua fasiotia mo agasala a le lalolagi' (1 Nifae 11:20–21, 33). O ai a'u?" (Nifae.)

“Na ou ola pe tusa ma le selau limasefulu tausaga a'o le'i fanau mai Iesu Keriso. Sa le fiafia tagata ia te au ma sa le talitonu foi i mea na ou ta'uina atu ia te i latou. Na ou vavalo atu iai o Iesu Keriso o le a 'afio ifo o ia lava i le fanauga a tagata ma togiola lona nuu' e ala i le 'faasatauroina, ma le fasiotia' ma ave 'i ona luga a latou amioletonu' (Mosaea 15: 1, 7, 9). Na susunuina a'u ona o la'u molimau. O ai a'u?" (Apinati.)

“Ina ua maea ona ou vaايا se faaaliga faapitoa pe tusa ma le selau tausaga a’o le’i fanau mai lesu Keriso, sa ou iloa ai e na o le Togiola lava e mafai ona faasaoina ai a’u, o lē o le a afio mai. Sa ou femalagaa’i solo i lea mea ma lea mea e ta’u atu i tagata le mea ua ou aoaoina e faapea ‘o le Alo o le Atua . . . e afio mai, e onosai i mea tiga ma puapuaga ma tofotofoga uiga eseese. . . Na te ave foi le oti i ona luga, ina ia tatalaina noanoaga o le oti [ma] fesoasoani i lona nuu e tusa ma o latou vaivai’ (Alema 7: 10–12). O ai a’u?” (Alema)

la faamalamalama atu e le na o perofeta nei e toatolu na valoia lesu Keriso, ae sa faapena i perofeta uma lava. Toe tagai i le Mosaea 13: 33: “Na le vavalalo ea Mose ia te i latou i le afio mai o le Mesia, ma lea e togiola e le Atua lona nuu? loe, ma ua valoia foi e perofeta uma lava talu le amataga o le lalolagi - po ua le tautala ea i latou i nei upu e tele pe itiiti e uiga i nei mea?” la faamalamalama atu o le a latou aoaoina i lenei lesona se tasi o perofeta taua, o Samuelu le Sa Lamanā, o lē na aoao atu ma le lototoa tele ma le mana o le fanau mai o Keriso, o lona malii, ma lana misiona.

Tala o Tusitusiga Paia

Aoao atu i tamaiti le tala ia Samuelu le Sa Lamanā mai le Helamana 13–14, 16. (Mo auala fautuaina e aoao atu ai tala o tusitusiga paia, tagai i le “Aoaoga Mai i Tusitusiga Paia, itulau vii.) la faamamafa atu na matuai aoaoina atu lava e Samuelu ia lesu ma le Togiola.

Talanoaga ma Fesili e Faatatau I Ai

Suesue i fesili nei ma mau nei ao e sauniaina lau lesona. Faaoga fesili e te manatu o le a sili ona fesoasoani i tamaiti latou te malamalama ai i tusitusiga paia ma faaoga mataupu faavae i o latou olaga. O le faitauina o mau ma tamaiti i le vasega o le a fesoasoani latou te mau ai le malamalama i tusitusiga paia.

- O le a le savali na auina atu ai Samuelu le Sa Lamanā e faaali atu i tagata Sa Nifaē? (Helamana 13: 6–7.) O a tala fiafia na auina atu Samuelu e aoao atu? (Helamana 14: 9, 11–13. la faamalamalama atu o tala fiafia o lona uiga o le talalelei.) Aisea ua avea ai le talalelei a lesu Keriso ma tala fiafia mo tatou? (E mafai ona tatou salamō ma faamagaloina a tatou agasala.)
- O le a le mea na fai mai Samuelu e tupu i tagata Sa Nifaē pe afai e le salamō? (Helamana 13: 6, 8–10.) Aisea e taua ai tele le iai o le Agaga faatasi ma i tatou? Aisea e taua ai tele le aua ne’i aveesea le salamō? Helamana 13: 38.)
- O ai na mulimuli iai Sa Nifaē e ese mai le perofeta? (Helamana 13: 27–29.) O a nisi o ‘taitai faavalea ma le tauaso’ o lo o taitaiina tagata i nei aso? E faapefea ona taumafai isi tagata i nisi taimi e faaoso i tatou e faia mea sese?
- Aisea na teena ai e tagata aoaoga a Samuelu? (Helamana 14: 10.)
- Faaali atu le ata o Samuelu le Sa Lamanā i Luga o le Aupa. Aisea na oo ai Samuelu i luga o le aupa o le aai? (Helamana 14; 11–12.) O le a le mea na vavalalo atu ai Samuelu o le a tupu i le lima tausaga, ae o a foi faailoga? (Helamana 14: 2–6.) O a faailoga o le a iai i le taimi o le malii o Keriso? (Helamana 14: 20–28.) Aisea na faaali atu ai e le Alii nei faailoga i tagata Sa Nifaē? (Helamana 14: 12–13, 28.)
- O le a le mea na aoao atu e Samuelu e uiga i le Togiola? (Helamana 14: 15–18.) O a tiutetauave e ia i tatou pe a tatou malamalama i le Togiola? (Helamana 14: 19.) O a tiutetauave e ia i tatou mo a tatou amioga?

- O a mea na faia e tagata Sa Nifaē o ē na talitonu ia Samuelu ina ua uma ona ia lauga atu ia te i latou? (Helamana 16: 1.) Aisea e te manatu ai na filifili tagata e aua ne'i talitonu i perofeta? O a mea e mafai ona tatou faia e faamalosia ai a tatou molimau e uiga i perofeta?

Gaoioiga e Faamau'oa Mai Ai

Atonu e te manao e faaoga se gaoioiga se tasi poo le sili atu foi o gaoioiga nei i le taimi o le lesona poo le avea ma iloiloga, aotelega, poo se lu'i.

1. Su'e ni lauga lata mai nei lava mai le perofeta soifua (ia tagai faapitoa lava i le *Liahona*). Faitau ni faamatalaga pupuu mai lauga, ma tuuina atu i tamaiti pe o le a le mea o lo o aoao mai e le perofeta ia latou faia i aso nei. Tusi tali a tamaiti i luga o le laupapa. Ia tuuina atu i tamaiti e filifili se aoaoga se tasi e mananao e mulimuli iai, ma tuuina atu ia latou tusia i luga o se pepa malō.
2. Ia tusi ni koluma se lua i luga o le laupapa e faaulutalaina faapea: "Faailoga o le Fanau mai o Keriso" ma "Faailoga o le Maliu o Keriso." Tusi uma lava i lalo faailoga uma o le fanau mai ma le maliu o Keriso na talanoaina i lenei lesona i se isi fasi pepa, ma tuu i totonu o se fagu ma faafenumiai ai. Ia tuu atu i tamaiti e auauai e se'i taitasi mai se pepa a le tagata ia, ma faitau, ma tuu i lalo o se tasi o koluma ua uma o tusia.

Faailoga o le Fanau mai o Keriso (Helamana 14: 2–6)

E iai i le lagi malamalama tetele
O le ao e tasi ma le po e tasi ma le tasi ao ae leai se po
O le fetu fou

Faailoga e tele ma mea e ofo ai i le lagi

Faailoga o le Maliu o Keriso (Helamana 14: 20–28)

E faapouliuligia le la, masina ma fetu

E leai se malamalama mo aso e tolu

E iai le faititili ma le uila i aso e tele

E luluina ma tetemu le laueleele

E nutia foi papa i luga o mauga

E matofitofi foi luga o le fogaeleele

E faalaugatasia foi mauga e tele

E avea vanu ma mauga

E faaumatia ala tanu e tele

E faatafunaina foi aai e tele

E lagaina tuugamau e tele ma avae o latou tagata oti

3. Tauloto le mataupu e ono, fitu, poo le iva o le faatuatua.
4. Usu pe faitau upu o le "Tala o le Tusi a Mamona" (*Pese Faatasi Ma A'u*, itulau B–87), poo le "Mulimuli i le Perofeta" (*Tusipese a Tamaiti*, i. 110).

Faaiuga

Molimau Ia tuuina atu lau molimau i le faamaoni o mea e ta'uina mai e perofeta ia i tatou, e le gata i le taimi nei ae o aso anamua.

Tusi Fautuaina e
Faitau i le Aiga Ia fautuaina tamaiti e suesue le Helamana 14: 1–14, 20–31 i le fale e toe iloilo ai lenei lesona.

Tofi se tamaititi e faia le tatalo faaiu

O Faailoga Vaaia i Amerika o le Fanau Mai o Iesu Keriso

Faamoemoega

Ina ia aoaoina tamaiti e faapea a ia te i tatou le faatuatua, e mafai ona faamalasia e faailoga a tatou molimau ia Iesu Keriso.

Sauniuniga

1. Suesue ma le agaga tatalo le 3 Nifae 1–2. Ona aoao lea o le lesona ma fuafua pe faapefea ona e aoaoina i tamaiti faamatalaga o tusitusiga paia. (Tagai i le “Sauniaina o Au Lesona,” itulau vi, ma le “Aoa mai Tusitusiga Paia,” itulau vii.)
 2. Filifili fesili talanoaina ma gaoioiga e faamau’oa mai ai o le a aofia ai tamaiti ina ia sili ona fesoasoani mo i latou ina ia ‘ausia ai le faamoemoega o le lesona.
 3. O Mea e Faaaoga:
 - a. Ia tofu tamaiti ma se Tusi a Mamona.
 - e. O mea e fesoasoani i le lesona o lo o aofia i le faaiuga o lenei lesona (poo lou tusia o nai ata faigofie i luga o le laupapa).
-

**Faalautelega
Fautuaina
o le Lesona**

Tofi se tamaititi e faia le tatalo amata.

Gaoioiga e
Faatosina Mai Ai

Ta’u atu i tamaiti o le a e tuuina atu ia i latou ni faamaoniga e uiga i se mea na tupu i le tele o tausaga ua mavae. Fai atu iai e sii mai o latou lima pe afai ua latou iloa le mea na tupu e pei ona faamatala atu i faamaoniga. Ia valaaulia tamaiti e o mai i luma o le vasega ma uu ata (tagai i mea e fesoasoani i le lesona o lo o i le faaiuga o le lesona) o mea nei a’o e tufaina atu:

Agelu
Tootoo o le Leoleo Mamoe
Asini
Fetu
Falepovi
Pepe

Afai e mateina mai e tamaiti lenei mea na tupu o le fanau mai o Iesu Keriso, ona faaali atu lea o le fetu. Ia faamalamalama atu o lenei lesona o lo o aoao mai ai e uiga i se nofoaga e mamao lava ma Ierusalem lea na tulimatai iai tagata mo faailoga o le fanau mai o le Faaola ma vaaia se fetu.

Tala o Tusitusiga
Paia

Aoa atu i tamaiti le tala o lo o i le 3 Nifae 1–2 o tagata i Sara’emila i le taimi o le fanau mai o Keriso. (Mo auala fautuaina e aoao atu ai tala o tusitusiga paia, tagai i le “Aoaoga Mai i Tusitusiga Paia, itulau vii.) Ia faamalamalama atu o Nifae o lo o ta’ua mai i le tala lenei, o le atalii o Nifae le atalii o Helamana.

Talanoaga ma Fesili
e Faatatau I Ai

Suesue i fesili nei ma mau nei ao e sauniaina lau lesona. Faaaoga fesili e te manatu o le a sili ona fesoasoani i tamaiti latou te malamalama ai i tusitusiga paia ma faaoga mataupu faavae i o latou olaga. O le faituina o mau ma tamaiti i le vasega o le a fesoasoani latou te maua ai le malamalama i tusitusiga paia.

- O a ni mea na fai mai ai nisi tagata e uiga i valoaga a Samuelu le Sa Lamanā? (3 Nifae 1: 5–6.) O a uiga o tagata na talitonu sa faaali atu i tagata e le'i talitonu? (3 Nifae 1:7)
- O a faailoga na latou tulimatai iai? (3 Nifae 1: 8.) O le a se mea na tatou aoaoina mai e uiga i lo latou faatuatua ona o lo latou tutumau?
- O a faiga tau faamata'u na faia e tagata e le'i talitonu ia i latou na talitonu? (3 Nifae 1: 9.) O le a sou manatu aisea e feita ai isi tagata ia i latou o ē talitonu i le Atua?
- O le a le mea na faia e Nifae ina ua ia vaaia le amioleaga o tagata? (3 Nifae 1:12.) O le a le tali i le tatalo a Nifae? (3 Nifae 1: 13–14.) Aisea na fai mai ai lesu o le a sau i le lalolagi?
- Na faapefea ona faataunuuina le valoaga? (3 Nifae 1: 15, 19.) Aisea na fefefe ai i latou na lē talitonu ina ua latou vaaia faailoga ua faataunuuina le valoaga? (3 Nifae 1: 22–23.) O a ni ou lagona pe ana faapea o lea e te iai iina?
- O a faailoga na vaaia e Sa Nifaē na vaaia foi i Peteleema? (3 Nifae 1: 21.)
- O le a le mea na taumafai Satani e fai ina ia taofia ai tagata mai le talitonu i faailoga? (3 Nifae 1: 22.) Na faapefea ona faaali atu le talitonu o tagata i le Atua? (3 Nifae 1: 22– 23.)
- O le a le mea na tupu na faatupuina ai le faatuatua ma le lototetele o tagata? (3 Nifae 1: 29–30.) Aisea e taua ai tele le mulimuli i aoaoga ma faataitaiga amiotonu a o tatou matua? Na faapefea ona faamanuiaina oe i lou usitai i ou matua?
- O a ni uiga o tagata na faaalua agai i faailoga e tele na latou vaaia? (3 Nifae 2: 1–2.) O le a se mea na tatou aoaoina mai e uiga i le faamalosia o molimau ona o faailoga? O le a se mea e mafai ona tatou faia e faamalosia ai a tatou molimau?
- O a iuga o le lē talitonu o tagata Sa Nifaē? (3 Nifae 2: 3, 11.) O a mea na faia e tagata amiotonu o Sa Nifaē ma Sa Lamanā e puipuia ai i latou? (3 Nifae 2: 12.) E faapefea ona tatou tutupu a'e ma malolosi pe a tatou tapuai faatasi atu i le Tama Faalelagi ma isi tagata o le Ekalesia?
- O le a la le mea na tupu i tagata ona o lo latou amioleaga? (3 Nifae 2: 17–19.)
- E faapefea ona e iloa o le a faataunuuina valoaga e uiga i le Afio Faalua mai o lesu Keriso? (3 Nifae 1: 20.)
- O le a sou manatu o le a faapei le lalolagi pe a toe afio mai lesu Keriso? O le a le ituaiga tagata e te manao e te iai pe a toe afio mai o ia? O le a se mea e mafai ona tatou faia nei e saunia ai mo lona Afio Faalua mai?

**Gaoioiga e
Faamau'oa
Mai Ai**

Atonu e te manao e faaoga se gaoioiga se tasi poo le sili atu foi o gaoioiga nei i le taimi o le lesona poo le avea ma iloiloga, aotelega, poo se lu'i.




1. Fai atu i tamaiti e ta'u mai ni igoa o ni tagata lē faatuatua na latou aoaoina i

lesona ua tuanai atu o ē na mananao i ni faailoga ma talanoaina le aafiaga o faailoga i a latou molimau. Faaaoga faataitaiga nei pe a manaomia e tamaiti se fesoasoani: Lamana ma Lemuelu (1 Nifae 3: 28–31; 17:45) Serema (Iakopo 7: 13–20) Kori’oa (Alema 30: 43–56)

2. Fai atu i tamaiti e faafoliga o i latou o faiaoga o aiga poo faiaoga asi. Tuu atu ia i latou e ofo mai ma fetufaai mea o le a latou aoaoina atu i tagata e fesoasoani ai ina ia tumau le malosi o a latou molimau ia Iesu Keriso.
3. Fesoasoani i tamaiti e tauloto le 3 Nifae 1: 20, ma talanoaina pe faapefea ona faaaogaina i o latou olaga.
4. Fesoasoani i tamaiti e tauloto le mataupu e sefulu o le faatuatua.
5. Usu pe faitau upu o le “Na Auina Mai Lona Alo” (*Tusipese a Tamaiti*, i. 34), poo le “A Toe Afio Mai” (*Tusipese a Tamaiti*, i. 82).

Faaiuga

Molimau	la tuuina atu lau molimau o le a faataunuuina e le Tama Faalelagi valoaga uma lava na faia. la faamamafa atu le manaomia ona ola i ni olaga amiotonu ma ia saunia e feiloai ma le Faaola pe a toe afio mai o ia.
Tusi Fautuaina e Faitau i le Aiga	la fautuaina tamaiti e suesue le 3 Nifae 1: 4–15, 19–22 i le fale e toe iloilo ai lenei lesona. Tofi se tamaititi e faia le tatalo faaiu.



Faamoemoega

Ina ia faamalosiā molimau a tamaiti taitoatasi o Iesu Keriso o le Alo o le Atua, ma o ia o lo tatou Faaola, ma o lo o soifua o ia i le asō.

Sauniuniga

1. Suesue ma le agaga tatalo le 3 Nifae 8–11. Ona aoao lea o le lesona ma fuafua pe faapefea ona e aoaoina i tamaiti faamatalaga o tusitusiga paia. (Tagai i le “Sauniaina o Au Lesona,” itulau vi, ma le “Aoao mai Tusitusiga Paia,” itulau vii.)
2. Faitauga Tusi Faaopoopo: 3 Nifae 7.
3. Filifili fesili talanoaina ma gaoioiga e faamau’oa mai ai o le a aofia ai tamaiti ina ia sili ona fesoasoani mo i latou ina ia ‘ausia ai le faamoemoega o le lesona.
4. O Mea e Faaaoga:
 - a. Ia tofi tamaiti ma se Tusi a Mamona.
 - e. Ata 4–43, Ua Faaali Atu Keriso i Sa Nifaē (Taga Ata o le Talalelei 315; 62047); 4–44, Faafanua o le Lalolagi; ma le 4–45, O Iesu o Lo o Aoao Atu i le Itu Lalolagi i Sisifo (Taga Ata o le Talalelei 316; 62380).

Faalautelega Fautuaina o le Lesona

Tofi se tamaiti e faia le tatalo amata.

Gaoioiga e
Faatosina Mai Ai

Fai atu i tamaiti pe iai se tasi o i latou na iai i se afā matautia ma taufaafefe. Ia tofia ni tamaiti se toalua e fetufaai mai ni mea na tutupu ia te i la’ua, poo lou fetufaai atu foi e oe ia se mea na tupu ia te oe. Ia faamalamalama atu, i le taimi na faasatauroina ai Iesu Keriso i Ierusalemā, sa iai se afā matautia ma le malosi i Amerika. I le faaaogaina o le faafanua, ia faasino atu le mea na soifua ai ma maliu o ia ua faaigoaina nei o Isaraelu. Ia faamalamalama atu o leni lesona e faatatau i mea na tutupu i Amerika i le taimi na maliu ai Iesu Keriso.

Tala o Tusitusiga
Paia

I le faaaogaina o ata i le taimi e talafeagai ai, ia aoao atu i tamaiti le tala e uiga i faailoga o le maliu o le Faaola ma lana asiasiga i Sa Nifaē o lo o maua i le 3 Nifae 8: 5–11: 41. (Mo auāla fautuaina e aoao atu ai tala o tusitusiga paia, tagai i le “Aoao Mai i Tusitusiga Paia, itulau vii.)

Talanoaga ma Fesili
e Faatatau I Ai

Suesue i fesili nei ma mau nei ao e saunia lau lesona. Faaaoga fesili e te manatu o le a sili ona fesoasoani i tamaiti latou te malamalama ai i tusitusiga paia ma faaoga mataupu faavae i o latou olaga. O le faituaina o mau ma tamaiti i le vasega o le a fesoasoani latou te maua ai le malamalama i tusitusiga paia.

- O a mea na valoia atu e Samuelu le Sa Lamanā i tagata Sa Nifaē e uiga i le maliu o le Faaola? (Helamana 14: 20–27.) Aisea na ia taumafai ai e saunia i latou? (Helamana 14: 28–29.) Na faapefea ona faataunuina nei valoaga? (3 Nifae 8: 5–25.)

- O le a le fetalaiga a le Faaola i le mafuaaga na fasiotia ai tagata? (3 Nifae 9: 2, 12.) O le a lana fetalaiga i tagata e le'i fasiotia? (3 Nifae 9: 13–14.) O le a lona uiga o le o mai ia Keriso? O a faamanuiaga tatou te maua i lo tatou matuai avea faapei o le Faaola?
 - O a mea na aoao atu e lesu i tagata e uiga i lana misiona? (3 Nifae 9: 15–17.) Aisea e taua ai tele lo tatou iloa o lesu Keriso o le Alo o le Atua?
 - O le a le saunoaga a lesu i le mafuaaga na ia sau ai i le lalolagi? (3 Nifae 9: 21.) O a mea e tatau ona tatou faia e faasaoina ai i tatou mai a tatou agasala? (3 Nifae 9: 22.) O a ni lagona o tagata pe a latou malamalama i le Togiola? (3 Nifae 10: 10.)
 - E faafia ona faalogoina e tagata sa i le malumalu i le elelee o Nuumau le leo mai le lagi ae latou te le malamalama iai? (3 Nifae 11: 3–4.) O a mea na faia e tagata ina ia latou malamalama ai i le leo? (3 Nifae 11:5–6.) O le a le uiga o le “ua'i atu o latou taliga e faalogologo ai?” (E tatau ona tatou faalogo ma ia saunia e talia mea o lo o finagalo le Tama Faalelagi tatou te faalogo iai.)
 - O a mea na faalogoina e tagata i le taimi lona tolu o ta'u mai e le Tama Faalelagi ia te i latou? (3 Nifae 11: 6–7.) O a mea taua ua tatou aoaoina mai i lenei faatomuaga? (Ua tatou aoaoina o lesu Keriso o le Alo o le Atua, o i laua o ni tagata mavaevae se toalua, e alofa le Tama i le Atalii, ma e tatau ona tatou lagona, poo le faalogo atu foi i le Atalii.) O a mea e mafai ona tatou faaleleia ai la tatou faalogo ma le malamalama i afioga a lesu Keriso?
 - O a mea na vaaia e tagata a'o latou vaai atu i le lagi? (3 Nifae 11: 8.) Ina ua ta'u atu e le Faaola poo ai ia, o le a sou manatu aisea na faapau ai tagata i le elelee? (3 Nifae 11: 10–12.) O le a sou lagona pe ana faapea o lo o e iai iina? Aisea na manao ai Keriso e fetagofi atu tagata i manu'a o lo o i lona tino? (3 Nifae 11:14–15.)
 - O a lagona na oo i tagata Sa Nifaē ma latou faaali atu ai le faafetai ma le alofa mo le Faaola? (3 Nifae 11: 16–17.) E mafai faapefea ona tatou faaali atu le alofa ma le faafetai mo ia ma mea ua ia faia mo i tatou?
 - O le a le sauniga faapitoa na tuuina atu ai e lesu Keriso le pule i tagata Sa Nifaē latou te faia? (3 Nifae 11: 19–21.) E faapefea ona faataunuuina le papatisoga? (3 Nifae 11: 22–27.)
 - O le a le saunoaga a le Faaola e uiga i finauga ma feeseeseaiga? (3 Nifae 11: 28–30.)
 - O le a le mea na ia saunoa mai e faia e i tatou uma lava ina ia maua ai le ola e faavavau? (3 Nifae 11: 33–38.)
 - Ia faamalamalama atu o le tala matautia i nei ona po e faapea o lo o soifua lesu Keriso. E toatele tagata e mafaufau sa soifua o ia i aso anamua ma sa maliu o ia i luga o le satauro. O le a se malamalama o i tatou o tagata o lana ekalesia e mafua ai ona tatou lagona le latalata atu i le Faaola? (Tatou te iloa na tigaina o ia ona o a tatou agasala ma ia tuuina mai lona ola mo i tatou ma o lo o soifua o ia ma o lo o ia taitaiina lana ekalesia i aso nei.)
- Ia valaaulia tamaiti e faaali mai o latou lagona e uiga ia lesu Keriso.

**Gaoioiga e
Faamau'oa
Mai Ai**

Atonu e te manao e faaaoga se gaoioiga se tasi poo le sili atu foi o gaoioiga nei i le taimi o le lesona poo le avea ma iloiloga, aotelega, poo se lu'i.

1. Faitau ma talanoaina le mataupu muamua, lua, ma le fa o le faatuatua. Fesoasoani i tamaiti e tauloto.
2. Talanoa le uiga o le maua o se molimau. O se tasi o mea pito sili ona taua e mafai ona maua e se tagata i lenei olaga o se molimau e uiga ia lesu Keriso, o ia o se tagata moni ma o ia o le Alo o le Atua, ua mamalu ma paia ai o ia. O se molimau o se lagona faaleagaga ma o se talitonuga maumaututu ma e avea o se malamalamaaga. Afai e amata ona e mauaina se molimau, e te faalogoina i totonu ia te oe e moni lava le talalelei. O lea faalogona e tupu pea ma faamalosia a'o e fafagaina pea e ala i lou suesue, tatalo, ma le usitai. O le a amataina ona e faia filifiliga sa'o ona o lou faatuatua ma le alofa ua ia te oe mo le Tama Faalelagi ma lona Alo o lesu Keriso. Pe a tuuina atu a tatou molimau, ua tatou faaali atu i isi o tatou lagona ma a tatou tautinoga i le Tama Faalelagi ma lesu Keriso. Tatou te tuuina atu foi a tatou molimau i le auala o lo o tatou ola ai, oofu ai, ma amio ai. Pe a tatou filifili le sa'o, ua tatou faaali atu i isi o lo o ia te i tatou se molimau ia lesu Keriso ma lana talalelei.
3. Ia talanoaina pe aisea e taua ai le faaauauina pea ona tatou aoao e uiga ia lesu Keriso. Ia faamalamalama atu o lo o tatou taumafai ina ia avea i tatou faapei o isi tatou te iloa, moomoo iai, ma faaaloalo iai. E mafai ona tatou faalatalata atu ia lesu Keriso ma avea faapei o ia ao tatou aoao ia te ia ma taumafai e mulimuli i ana faataitaiga.
4. Usu pe faitau upu o le "Na Auina Mai Lona Alo" (*Tusipese a Tamaiti*, i. 34).

Faaiuga

Molimau	Ia tuuina atu lau molimau i le moni ma le paia o lesu Keriso.
Tusi Fautuaina e Faitau i le Aiga	Ia fautuaina tamaiti e suesue le 3 Nifae 11 i le fale e toe iloilo ai lenei lesona. Tofi se tamaititi e faia le tatalo faaiu.

Ua Aoao Atu e Iesu Keriso ia Sa Nifaē le Lauga Faa-Amuia

Lesona
34

Faamoemoega

Ina ia aoaoina tamaiti o le lauga faa-amuia ma isi upu moni na aoaoina atu e Iesu Keriso i Sa Nifaē e mafai ona fesoasoani ina ia tatou avea atili ai faapei o le Tama Faalelagi ma lona Alo.

Sauniuniga

1. Suesue ma le agaga tatalo le 3 Nifae 12 ma le 13. Ona aoao lea o le lesona ma fuafua pe faapefea ona e aoaoina i tamaiti faamatalaga o tusitusiga paia. (Tagai i le “Sauniaina o Au Lesona,” itulau vi, ma le “Aoao mai Tusitusiga Paia,” itulau vii.)
2. Filifili fesili talanoaina ma gaoioiga e faamau'oa mai ai o le a aofia ai tamaiti ina ia sili ona fesoasoani mo i latou ina ia 'ausia ai le faamoemoega o le lesona.
3. O Mea e Faaoga:a. Ia tofu tamaiti ma se Tusi a Mamona.e. Ata 4–45, O Iesu o Lo o Aoao Atu i le Itu Lalolagi i Sisifo (Taga Ata o leTalalelei 316; 62380).

Faalautelega Fautuaina o le Lesona

Gaoioiga e
Faatosina Mai Ai

Tofi se tamaititi e faia le tatalo amata.

Ia vaevaeina tamaiti ia taitoalua. Afai e le fetauti le numera o tamaiti ia avea oe ma paga a se tasi o tamaiti. Fai atu i tamaiti e faalogo lelei muamua lava i faatonuga uma lava ona taumafai lea e manatua ma faia i le faasologa e pei ona fai atu ai.

1. Faatalofa ma lau paga, ma ta'u atu iai lou igoa atoa.
2. Tu i luga ma ta'u atu i lau paga se mea e te fiafia ai lava ia te ia.
3. Faataamilo tasi ma ta'u atu i lau paga se mea e tasi e te fiafia ai ia te oe.
4. Ia sue poo ai le perofeta e sili ona fiafia iai lau paga i leTusi a Mamona.
5. Nofo i lalo, ma piilima ou lima.

Fai atu i tamaiti e amata. Afai e faigata i tamaiti ona manatua uma mea na ta'u atu, ia toe faalau atu faatonuga ma toe taumafai. Ia famalamalama atu afai e toe faamatala atu pea le gaoioiga o le a mafai ona manatua uma e tagata mea na fai atu latou te faia. A'o tatou filifili e mulimuli i aoaoga a Iesu Keriso i o tatou olaga atoa, o le amata lava lea ona tatou avea faapei o lo tatou Tama Faalelagi ma lona Alo.

Ia faamalamalama atu na asiasi atu Iesu Keriso i Amerika ina ua mavae lona toetu. Na ia filifilia ona soo e toasefululua ma aoaoina Sa Nifaē i aoaoga lava e tasi ia na ia tuuina atu i le Lauga i luga o le Mauga i Ierusalem (tagai i le Mataio 5–7). O nei aoaoga, ua lauiloa o Faa-amuia, ma e taua mo i tatou e ola ai. O le upu *faa-amuia* o lona uiga o le fiafia poo le faamanuiaga.

Tala o Tusitusiga
Paia

Faaali atu le ata o Iesu O lo o Aoao Atu i le Itu Lalolagi i Sisifo, ma aoao atu i tamaiti le tala mai le 3 Nifae 12 ma le 13 o Iesu Keriso o lo o Aoao atu ia Faa-amuia. (Mo auala fautuaina e aoao atu ai tala o tusitusiga paia, tagai i le

“Aoaoga Mai i Tusitusiga Paia, itulau vii.) la faamamafa atu na aoaoina i tatou e le Faaola pe faapefea ona avea i tatou faapei o ia ma lona Tama.

Talanoaga ma Fesili
e Faatatau I Ai

Suesue i fesili nei ma mau nei ao e sauniaina lau lesona. Faaaoga fesili e te manatu o le a sili ona fesoasoani i tamaiti latou te malamalama ai i tusitusiga paia ma faaoga mataupu faavae i o latou olaga. O le faitauina o mau ma tamaiti i le vasega o le a fesoasoani latou te maua ai le malamalama i tusitusiga paia.

- O ai na fai iai lesu Keriso i tagata Sa Nifaē e tatau ona latou faalogo ma usitai iai? (3 Nifae 12: 1.) Aisea e taua ai lo tatou faalogo ma usitai i o tatou taitai o le Ekalesia i aso nei?
- O a faamanuiaga tatou te maua pe a tatou papatiso? (3 Nifae 12: 1.) O a mea e tatau ona tatou faia pe a tatou mananao e fesoasoani mai le Agaga Paia ia i tatou?
- O le a lona uiga o le “matitiva i le Agaga”? (3 Nifae 12: 3. Aoaogofie, lē faaviivii poo le lē mitamitavale.) E mafai faapefea ona tatou faaali atu i le Tama Faalelagi e aoaogofie i tatou? la faamanino atu ia upu o le “o ē o mai ia te au” o lo o i le fuaiupu e 3 e le oi totonu o le Tusi Paia ae ua fesoasoani tele ina ia tatou malamalama ai i Faa-amuia. O le “mativa i le Agaga” e le lava lea sei vagana ua tatou o atu i le Faaola. E faatatau le vaega lea i isi uma Faa-amuia.

Na aoaoga mai le Faaola e tatau ona tatou salamō ma o mai ia te ia “faapei o se tamaititi” (3 Nifae 9: 22). la faamanino atu ni uiga o se tamaititi ua e vaai iai e avea ma faataitaiga. la faamamafa atu le taua o le faaaloalo i le vasega, taumafai e aoaoga, ma le fesoasoani atu i isi e aoaoga.

Faitau le 3 Nifae 12: 4. Fetufaai atu se taimi na faamafanafanaina ai oe e le Agaga. la valaaulia tamaiti e faamatala mai ni mea na tutupu ina ua faamafanafanaina i latou.

- O le a le uiga o le faaali atu o le agamalu? (3 Nifae 12: 5. la lē gaoia ma agaalofo ma faaali atu le pulea o oe lava.) E faapefea ona faamanuiaina oe ma isi pe a tatou agamalu?
- O le a le uiga o le fia aai ma fia feinu i le amiotonu? (E tatau ona tatou mananao ina ia tatou lelei e pei ona tatou mananao i meaai ma vai.) O le a le mea ua folafolaina mai ia te i tatou pe a tatou fia aai ma fia feinu i le amiotonu? (3 Nifae 12: 6.)
- O le a lona uiga o le alolofa atu? (3 Nifae 12: 7. O le naunau e faamagalō atu, ia agalelei ma alofa.) O le a le mea ua folafola mai pe a tatou faaali atu le alofa? Atonu e te manao e fetufaai atu se mea na tupu ia te oe ina ua e filifili e faamagalō atu i se tasi ae poo a ni ou lagona ina ua e faia faapea.
- O le a le uiga o le loto mamā? (3 Nifae 12: 8. la faamaoni ma ia moni, o le mama o mafaufauga ma loto, o le fiafia i mea lelei, o le 'aloese mai mafaufauga ma aga a le tiapolo poo amioga leaga.) O a nisi o faataitaiga o le filifilia o gaoioiga lelei ae le o gaoioiga leaga? E faapefea ona fesoasoani le usitai i aoaoga o le talalelei ina ia tatou loto mamā?

- O le a le uiga o le avea ma faatupu filemu? (3 Nifae 12: 9.) O a nisi o tulaga e mafai ona e suia i le avea ma faatupu filemu? O a ni lagona e oo ia te oe pe a o oe o se tagata faatupu filemu?
- O le a le folafolaga a le Faaola ia te i latou o ē sauaina (tauemuina, ulagia, faasaua) ona o a latou molimau ia te ia? (3 Nifae 12: 10–12.) Tou te iloa se tasi na tumau i faasauaga ona o le Faaola? Atonu e te manao e fetufaai atu se taimi na tu atu ai se tasi poo oe foi mo le mea moni e tusa lava poo a ni faitioga.
- O le a le uiga o le avea ma masima o le lalolagi? (3 Nifae 12: 13.) Tagai i le gaoioiga e faamau'oa mai ai lona 4.) E mafai faapefea e au faataitaiga amiotonu i isi ona faatusatusa i le masima?
- O le a se tele o le malamalama e maua mai i se moli ga'o pe afai o lo o i lalo o se pakete poo se apa? (3 Nifae 12: 14–16.) O a ni auala e mafai ai ona e faasusuluina atu lou malamalama (poo au faataitaiga)? Na faapefea ona avea faataitaiga a se tasi ma malamalama i lou olaga?
- E mafai faapefea ona avea lo tatou tausia o poloaiga ma auala e fesoasoani ai ia i tatou ia avea ai faapei o le Tama Faalelagi ma Iesu Keriso? (3 Nifae 12: 48.)
- O le a le taua o lo tatou faamagalo atu i isi? (3 Nifae 13: 14–15.)
- O le a se mea e mafai ona tatou aoaoina e uiga i le anapogi mai le 3 Nifae 13: 16–18?
- O le a sou manatu o le a le uiga o le “Aua tou te toloa'i 'oa mo outou i le lalolagi. . . a ia outou toloa'i 'oa mo outou i le lagi”? (3 Nifae 13: 19–20.) O a 'oa e mafai ona tatou o atu ma tatou mai le olaga lenei i le isi olaga? O a 'oa e foliga mai e taua ia i tatou e le mafai ona tatou aveina?
- Aisea na tuuina mai ai e Iesu Keriso poloaiga ia te i tatou? (3 Nifae 12: 20.) O le a se mea ua e aoaoina mai i Faa-Amuia ma isi upu moni o le a fesoasoani ia te oe i lenei vaiaso ina ia avea faapei o le Faaola?

Gaoioiga e Faamau'oa Mai Ai

Atonu e te manao e faaaoga se gaoioiga se tasi poo le sili atu foi o gaoioiga nei i le taimi o le lesona poo le avea ma iloiloga, aotelega, poo se lu'i.

1. Tusi i luga o le laupapa ia ulutala *Amuia* ē ma le *Folafolaga*. Tusi le 3 *Nifae 12: 3*, 3 *Nifae 12: 4*, ma faapena atu lava seia oo i le fuaiupu e 10 i luga o ni fasi pepa eseese ma tufa atu i tagata o le vasega. Ia faitauina e tamaiti fuaiupu o lo o i luga o a latou fasi pepa ma ta'u atu ia te oe poo le a le folafolaga o lo o i Faa-Amuia taitasi. Tusi a latou tali i le koluma e fetau iai. (Ia faamamafa atu le taua o le “o mai ia Keriso” pe a talanoa e uiga i Faa-Amuia taitasi.) A maea, e tatau ona i luga o le laupapa le lisi lenei:

<u>AMUIA E</u>	<u>FOLAFOLAGA</u>
ē matitiva i le Agaga e o mai ia Keriso	latou te mauaina le malo o le lagi
faanoanoa	e faamafanafanaina
agamalu	e fai mo latou tofi le lalolagi
fia aai ma fia feinu i le amiotonu	aua e maooa i latou i le Agaga Paia
alolofa atu	aua e alofaina mai
loto mamā	aua e ta'ua i latou o fanau a le Atua
faatupuina le filemu	
faasauaina ona o le Faaola	aua e o latou le malo o le lagi

2. Talanoaina ma fesoasoani i tamaiti e tauloto le mataupu e sefulutolu o le faatuatua.
3. Fai atu i tamaiti pe mafai faapefea ona latou ola i se Faa-Amuia se tasi, ma lisi o latou manatu i luga o le laupapa. Ia uunaiina tamaiti e filifili se Faa-Amuia se tasi e galue iai i lenei vaiaso. Atonu e te manao e tuuina atu i tamaiti se pepa o lo o iai le fuaiupu “O le vaiaso lenei o le a ou matua’i _____” o lo o tusia ai i luga. Ia faatumuina e latou le avanoa ma ave a latou pepa i le fale.
4. Faaali atu i tamaiti ni masima. Ia faamalamalama atu sa faaaogaina le masima mo le fia selau tausaga e faamanogi ai meaai ma faasaoina ai meaai mai le leaga. E pei lava ona faasaoina e le masima ia meaai e faapena foi ona faasaoina lo tatou sootaga ma le Tama Faalelagi ma le Faaola pe a tatou usitai i a la aoaoga ma tausia a tatou feagaiga. E pei ona faaopoopoina e le masima le manaia o se meaai i le tofo, e mafai foi ona tatou faaopoopo atu le lelei i le lalolagi e ala lea i lo tatou ola amiotonu. Fai atu i tamaiti fesili nei:
 - O a nisi o aafiaga lē mamā a le lalolagi e mafai ona aafia ai lo tatou sootaga ma le Faaola?
 - E pei lava ona le toe aoga le masima pe a faaleagaina, o le a se mea e tupu ia i tatou pe a tatou faatagaina ni mea leaga (mafauauga lē mamā, aafiaga, ma gaoioiga) i o tatou olaga?
5. Afai e te le faia le lesona lenei i se Aso Sa anapogi, ia saunia se meaai e pei o ni popcorn e ave iai ni masima ma le isi ia aua le ave iai ni masima (feutagai ma matua pe afai e iai se tamaititi e ono aafia ai), ma fai atu i tamaiti e tofo le eseese. Ia faamalamalama atu le taua o le masima i nisi o ituaiga meaai. Fesoasoani atu i tamaiti ina ia malamalama o le faatusatusaina i le masima o le lalolagi e tatau ona tatou atinae ni uiga faa-Keriso ma tuuina atu le auunaga i isi.

6. Faitau atu le mau lenei. Fai i tamaiti e sii i luga o latou lima i soo se taimi lava latou te faalogo ai i le upu *faia*.

“O la’u talalelei lenei; ua outou iloa foi mea e tatau ona outou *faia* i la’u ekalesia; aua o galuega na outou vaai iai ua ou *faia*, ia *faia* foi e outou; aua o mea ua outou vaai mai ua ou *faia*, o mea lava ia tou te *faia*;

“O lenei afai tou te *faia* nei mea, amuia outou aua e faaeaina outou i le aso gataaga” (3 Nifae 27: 21–22).

Ia faamalamalama atu afai tatou te faia mea ua poloaiina ai i tatou e le Faaola e fai, o le a ia faamanuiaina i tatou. O se tulafono e faavavau le oo mai o faamanuiaga pe a tatou usiusitai. Atonu e te manao e faitau ma talanoaina le MFF 130: 20–21.

7. Faaali atu se ata o Peresitene Spencer W. Kimball, le Peresitene lona sefululua o le Ekalesia, ma ta’u atu i tamaiti se tasi o ana faaupuga e fiafia tele iai: “Faia loa.” Na silafia lelei e Peresitene Kimball e le gata ina taua le iloa o aoaoga a Iesu ae taua foi lona faatinoina. Faamatala atu le tala lenei e uiga ia Peresitene Kimball ma le pese “O A’u O Se Atalii o le Atua.”

“I le 1957 na talosagaina ai e le Au Faatonu Aoao a le Peraimeri . . . Naomi W. Randwall ma Mildred T. Pettit . . . Ia te tusiaina [se pese e faatatau i le manaomia e tamaiti le aoaoina atu o le talalelei ia te i latou]. Na ta’ua e Naomi e faapea: ‘I lona afiafi, na ou tootuli ifo ai i lalo ma tatalo leotele, ma olega atu ina ia tuuina mai e lo tatou Tama Faalelagi ia te au upu sa’o. Poo le 2:00 i le vaveao na ou ala ai i luga ma amata ona ou toe mafaufau e uiga i le pese. Na oo mai i lou mafaufau ia upu. . . . ma ou tu atu loa i luga ma amata ona tusi i lalo upu e pei ona oo mai ia te au. E lei umi ae maua ni fuaiupu se tolu ma le tali. Sa ou toe vaavaai faalelei i upu, ma iloa le savali o lo o ta’u mai i upu, ma ou toe foi atu i lo’u potumoe ma ou tootuli ai i luma o lo’u Tama oi le Lagi i lo’u faapea atu “Faafetai lava!”’ . . .

“O upu moni lava o le tali e faitauina faapea, ‘Aoao uma mai ia te au mea e ao ona ou *iloa*/ Ina ia ou ola ai ma ia i se aso oi luma.’ I nai tausaga mulimuli ane na lomina ai loa le pese, o le taimi lona o lo o avea ai Spencer W. Kimball ma se tasi o le Korama a le Au Aposetolo e Toasefululua, sa auai atu i se konafesi . . . sa peseina ai e le au faipese a tamaiti o le Peraimeri le pese lenei. Na faapea mai Naomi: ‘I lana faigamalaga e toe foi atu ai i lona aiga sa ia talanoa atu ai i se tasi o sui o le Au Faatonu Aoao a le Peraimeri [ma] faaali atu iai lona fiafia tele i le pese, ona ia faapea mai lea e tasi lava le upu i le pese atoa o lo o atugalua iai. O lona manatu pe mafai e Sister Randall ona suia le laina lea e faapea mai “Aoao uma mai ia te au mea e ao ona ou *iloa*” i le “Aoao uma mai ia te au mea e ao ona ou *fai*.” Na ou taliaina ma le fiafia lana fautuaga.

“ ‘Na ou maofa pe aisea na ou le tuuina ai lona manatu i le taimi na tusiaina ai muamua fuaiupu. Ae ina alu atu lea taimi ma lea taimi na ou lagonaina ai ma le agaga faamaoni o le ala lea na finagalo iai le Alii e tusia ai le pese, aua ua avea ma aoaoga i tagata uma o le Ekalesia ma ua matuai fiafia tele iai o latou manatu i lo latou iloa e le na o le talalelei e manaomia; o le *faia* lea o le finagalo o le Alii i lea aso ma lea aso ma le tausiga o poloaiga e fesoasoani ai ia i tatou e ausia a tatou sini e faavavau’ ” (in Karen Lynn Davidson, *Our Latter-day Hymns*, pp. 303–4).

la tusia uma e tamaiti i luga o a latou pepa malō le “faia nei loa” e ave i le fale.

8. Usu pe faitau le “Ou Te Fia Ola I Le Talalelei” (Pese Faatasi Ma A’u, B–65.), “O A’u O Se Atalii O Le Atua” (Pese Faatasi Ma A’u, B–76). “Fai Mea Tonu” (Viiga, itulau 148).

Faiiuga

Molimau

la molimau atu o le ola ai i Faa-Amuia ma isi poloaiga o le a faamanuiaina ai i tatou ma o le a tatou avea atili ai faapei o lo tatou Tama Faalelagi.

Tusi Fautuaina
e Faitau i le Aiga

la fautuaina tamaiti e suesue le 3 Nifae 12:3–24, 39–48 i le fale e toe iloilo ai lenei lesona.

Tofi se tamaititi e faia le tatalo faaii.

Ua Faamaloloina e Iesu Keriso ē Mama'i ma Faamanuiaina Tamaiti

Lesona
35

Faamoemoega Ina ia aoaina tamaiti e alofa Iesu Keriso ia i tatou uma taitoatasi ma ia uunaiina i latou ina ia latou iloina le olioli e maua e ala i le faatuatua ia te ia.

Sauniuniga

1. Suesue ma le agaga tatalo le 3 Nifae 17. Ona aoao lea o le lesona ma fuafua pe faapefea ona e aoaina i tamaiti faamatalaga o tusitusiga paia. (Tagai i le "Sauniaina o Au Lesona," itulau vi, ma le "Aoao mai Tusitusiga Paia," itulau vii.)
2. Filifili fesili talanoaina ma gaoioiga e faamau'oa mai ai o le a aofia ai tamaiti ina ia sili ona fesoasoani mo i latou ina ia 'ausia ai le faamoemoega o le lesona.
3. O Mea e Faaoga:
 - a. Ia tofi tamaiti ma se Tusi a Mamona.
 - e. Masima.
 - i. Ata 4–46, O lo o Faamaloloina e Iesu Sa Nifaē (Taga Ata o le Talalelei 317;62541); 4–47, O Iesu o Lo o Tatalo ma Sa Nifaē (62542); ma le 4–48, O Iesu o Lo o Faamanuiaina Fanau a Sa Nifaē.

**Faalautelega
Fautuaina
mo le Lesona**

Tofi se tamaiti e faia le tatalo amata.

Gaoioiga e
Faatosina Mai Ai

Ia tofina e tamaiti uma le masima, ma fai atu iai pe faapefea ona latou faamatalaina atu i se tagata e le'i tofo muamua lava i le masima pe faape'i lona tofo. Atonu e manaomia lou faamanatu atu i tamaiti e le mafai ona latou faamatalaina atu e faapea e "oona" lana tofo aua o se tagata na te le'i tofina muamua lava se masima e na te le iloa poo le a le uiga o lona upu. Ia faamalamalama atu o nisi taimi e faigata ona faamatala atu ni mea ua e iloa i ni upu e mafai ona malamalama ai isi. Na matuai fiafia Sa Nifaē ina ua faaai atu Iesu Keriso ia te i latou na latou faapea mai ai, "E le mafai ona tautala atu le laulaufaiva, e le mafai foi ona tusia e tagata, e le mafai foi ona ofi i loto o tagata mea e faapea ona tetele ma ofoofogia na matou vaaia ma faalogoina" (3 Nifae 17: 17). Ta'u atu i tamaiti afai latou vaai faalemafau fau iai i mea na tutupu o le a latou faalogoina i lenei lesona, atonu o le a latou mafai ona lagona ma malamalama ma o latou agaga nisi o mea moni e le mafai e upu ona faamatala.

Tala o Tusitusiga
Paia

I le faaogaina o ata i taimi e talafeagai ai, ia aoao atu i tamaiti le tala i le faamaloloina e Iesu Keriso o ē mama'i ma le faamanuiaina o tamaiti o lo o maua i le 3 Nifae 17. (Mo auala fautuaina e aoao atu ai tala o tusitusiga paia, tagai i le "Aoaoga Mai i Tusitusiga Paia, itulau vii.) Ia faamamafa atu o le alofa o le Faaola mo tagata na tulaga ese e le mafai e upu ona faamatalaina.

Talanoaga ma Fesili
e Faataua I Ai

Suesue i fesili nei ma mau nei ao e sauniaina lau lesona. Faaoga fesili e te manatu o le a sili ona fesoasoani i tamaiti latou te malamalama ai i tusitusiga

paia ma faaaoga mataupu faavae i o latou olaga. O le faitauina o mau ma tamaiti i le vasega o le a fesoasoani latou te maua ai le malamalama i tusitusiga paia.

- O le a le mea na saunoa mai ai lesu Keriso e tatau ona faia e tagata e fesoasoani ai ia te i latou ina ia malamalama i mea na ia aoaoina atu ia te i latou? (3 Nifae 17: 3.) O le a le uiga o le mafaufau? (O le mafaufau loloto i se mea.) Aisea e taua ai le mafaufau ma tatalo e uiga i mea ua aoaoina ai i tatou e o tatou faiaoga ma taitai o le Ekalesia?
- O fea na saunoa mai le Faaola o le a alu iai ina ua mavae lana asiasiga i Sa Nifaē? (3 Nifae 17:4.) E faapefea ona faaalii mai i lea vaega le alofa tele o lesu i fanau uma a le Tama Faalelagi?
- O a mea na faia e tagata ina ua fetalai mai le Faaola o le a toe alu o ia? (3 Nifae 17: 5.) O le a le mea na ia faia e faaali atu ai lona alofa ia i latou? (3 Nifae 17: 6–8.)
- O le a le fetalaiga a lesu Keriso i le mafuaaga ua mafai ai ona faamaloloina ia tagata? (3 Nifae 17: 8.) O le a le mafuaaga tonu lava e ala ai ona le tutupu ni vavega i nisi taimi? (Eteru 12: 12, 18.)
- Na faapefea ona faaali atu le faafetai a Sa Nifaē ia lesu Keriso ina ua ia faamaloloina ē mama'i? (3 Nifae 17: 10.) O a taimi e tatau ona e faafetai atu ai i le Tama Faalelagi ma lesu Keriso? E mafai faapefea ona e faaali atu lau faafetai mo faamanuiaga o lo o e maua?
- Ina ua mavae ona faamaloloina e lesu Keriso ē mama'i, o le a le mea na ia poloaiina ai i latou e faia? (3 Nifae 17: 11.) O le a le mea na ia faia ina ua aumaia tamaiti ia te ia? (3 Nifae 17: 13–15.) Aisea na le tusiaina ai upu na ia tatalo atu ai i le Tama Faalelagi? (3 Nifae 17: 16–17.)
- Aisea na tagi ai lesu? (3 Nifae 17: 20–21.) O faapefea ona aumaia e le talalelei ia te oe le fiafia? Na faapefea ona ia faaali atu lona alofa mo tamaiti? (3 Nifae 17: 21.) O a ni ou lagona pe a faapea e sapaia oe e lesu i ona aao, faamanuia oe, ma tatalo i le Tama Faalelagi mo oe?
- Ina ua ta'uina atu e le Faaola i matua e vaai a latou fanau, o le a le mea na iloa e matua? (3 Nifae 17: 23–24.) O le a le uiga o le *auauna*? (O le fesoasoani atu poo le auauna atu.) O le a se mea e mafai ona tatou faia e auauna atu ai i isi?

Gaoioiga e Faamau'oa Mai Ai

Atonu e te manao e faaaoga se gaoioiga se tasi poo le sili atu foi o gaoioiga nei i le taimi o le lesona poo le avea ma iloiloga, aotelega, poo se lu'i.

1. Faitau ma talanoaina le faamatalaga lenei mai ia Peresitene Ezra Taft Benson, le Peresitene lona sefulutolu o le Ekalesia:

“Ou te folafola atu ia te outou le fanau pele e, o le a auauna atu foi agelu ia te outou. Atonu tou te le mafaia ona vaai i latou, ae o le a latou iai iina e fesoasoani ia te outou, ma o le a outou faalogoina lo latou faatasi atu. . . .

“Le fanau pele e, ua auina mai outou e lo tatou Tama Faalelagi i le lalolagi i lenei taimi aua o outou o nisi o Ana fanau sili ona totoa. Na ia silafia o le a matuai tele le amioleaga i le lalolagi i aso nei, ma ua la silafia o le a outou faatuatua ma usiusitai” (O *Le Liahona* Iulai, 1989 itulau 83).

2. Faitau faatasi le 3 Nifae 17: 20–21. Fai atu i tamaiti e filifili se upu poo ni upu mai fuaiupu nei latou te manatu e taua tele, ona tuuina atu lea ia i latou e fetufaai mai ni o latou lagona e uiga i upu ua latou filifilia.
3. Fai atu i tamaiti e mafaufau i ni taimi i o latou olaga na matuai sili ona fiafia ai. Fai atu fesili nei ia i latou e uiga i na taimi:

- O a au mea sa fai?
- O le a le mea na e fiafia ai?
- Aisea e ala ai ona tatou fiafia pe a tatou ola i mea na aoaoina ai i tatou e Iesu?
- Aisea e ala ai ona e fiafia i nisi o au uo ma tagata o lou aiga?

Ia faamalamalama atu e tatou te mananao lava ina ia tatou faatasi ma i latou o ē tatou te alolofa iai ma e alolofa foi ia i tatou. Afai tatou te usiusitai i poloaiga, e mafai ona tatou toe faatasi ma le Tama Faalelagi ma Iesu ma o tatou aiga e faavavau. O le a maua ai e i tatou le fiafia silisili e mafai ona tatou iloa.

4. Talu ai ona o tagata Sa Nifaē sa faapotopoto i Nuumau e le'i lava saunia i latou, o lea e le'i mafai ai ona ta'uina uma atu e le Faaola ia te i latou mea o lo o finagalo le Tama Faalelagi latou te iloa. O le a le mea na fetalai atu ai Iesu i tagata latou te faia? Ia faatumuina e tamaiti avanoa mai le 3 Nifae 17: 3.)

O le mea lea, ia outou o atu ai i o outou aiga, ma mafaufau i mea uma ua uma ona ou fai atu, ma ole atu i le Tama i lo'u igoa, ina ia malamalama ia te outou. (3 Nifae 17: 3.) Pe a uma le konafesi, sauniga faamanatuga, po o le peraimeri, o le a le mea e tatau ona e fai e fesoasoani ai ia te oe ia malamalama i mea na e faalogo i ai?

5. Usu pe faitau upu o le pese “When He Comes Again” (*Childrens Songbook*, p.82).

Faaiuga

Molimau	Ia molimau atu e alofa Iesu Keriso ma le Tama Faalelagi i tamaiti uma ma afai e ia te i tatou le faatuatua ia Iesu Keriso ma usiusitai i poloaiga, o le a tatou iloa le olioli i le toe mau faatasi ma i laua.
Tusi Fautuaina e Faitau i le Aiga	Ia fautuaina tamaiti e suesue le 3 Nifae 17 i le fale e toe iloilo ai lena lesona. Tofi se tamaititi e faia le tatalo faaiu.

Ua Tuuina Atu e Iesu Keriso le Faamanatuga i Sa Nifaē

Faamoemoega la uunaia tamaiti ina ia manatua pea e le aunoa Iesu Keriso ina ia mafai ona maua lona agaga e faatasi ma i latou.

- Sauniuniga**
1. Suesue ma le agaga tatalo le 3 Nifae 18:1–14. Ona aoao lea o le lesona ma fuafua pe faapefea ona e aoaoina i tamaiti faamatalaga o tusitusiga paia. (Tagai i le “Sauniaina o Au Lesona,” itulau vi, ma le “Aoaao mai Tusitusiga Paia,” itulau vii.)
 2. Filifili fesili talanoaina ma gaoioiga e faamau’oa mai ai o le a aofia ai tamaiti ina ia sili ona fesoasoani mo i latou ina ia ‘ausia ai le faamoemoega o le lesona.
 3. Tusi upu o lo o i lalo i ni fasipepa (po o le tusia o ia upu i luga o le laupapa):
Pogisa
Faafanoga
Siufofoga
Faailoga i ona manua
Agelu
 4. O Mea e Faaoga:
 - a. la tofu tamaiti ma se Tusi a Mamona.
 - e. Ata 4–43, Ua Faaali Atua Keriso i Sa Nifaē (Taga Ata o le Talalelei 315: 62047); 4–46, Ua Faamaloloina e Iesu Sa Nifaē (Taga Ata o le Talalelei 317: 62541); 4–47, O Lo o Tatalo Iesu Faatasi ma Sa Nifaē (62542); ma le 4–49, O Iesu Keriso Toetu (Taga Ata o le Talalelei 239:62187).

**Faalautelega
Fautuaina
o le Lesona**

Tofi se Tamaititi e faia le tatalo amata.

Gaoioiga e Faatosina Mai Ai Fesili atu i tamaiti po o a mea taua na tutupu o lo o latou manatua mai o latou olaga. Ia fesili atu ia i latou po o a mea na fesoasoani ia i latou ia manatua ai nei mea.

Faaali atu taitasi ata o lo o tusia i le vaega o “Sauniuniga” faapea ma upu na e saunia. Fesili atu i tamaiti po o le a le mea na fesoasoani ai ata taitasi po o upu po o fuaitau ia i latou ina ia manatua ai le asiasiga a Iesu. Ia faamatala atu o lena lesona e faatatau lea i mea na fai e Iesu ina ia fesoasoani ia i tatou ia manatua o ia e le aunoa.

Tala o Tusitusiga Paia Aoaao atu i tamaiti le faamatalaga mai le 3 Nifae 18:1–4. (Mo auala fautuaina e aoaao atu ai tala o tusitusiga Paia, tagai i le “Aoaoga Mai i Tusitusiga Paia” itulau e vii).

Talanoaga ma Fesili
e Faatatau I Ai

Suesue i fesili nei ma mau nei ao e sauniaina lau lesona. Faaaoga fesili e te manatu o le a sili ona fesoasoani i tamaiti latou te malamalama ai i tusitusiga paia ma faaoga mataupu faavae i o latou olaga. O le faitauina o mau ma tamaiti i le vasega o le a fesoasoani latou te maua ai le malamalama i tusitusiga paia.

- O le a le mea na fetalai atu ai lesu i ona soo e aumai? (3 Nifae 18:1). O le a le mea na fai e lesu i le areto? (3 Nifae 18:3–4). O le a le mea na ia fai i le uaina? (3 Nifae 18:8–9).
- O le a le mea e tatau ona maua e se alii talavou a o le i mafai e ia ona saunia pe faamanuia pe tufa le faamanatuga i tagata o le Ekalesia? (3 Nifae 18:5). O ai e saunia, tufaina, ma faamanuiaina le faamanatuga i la tatou uarota?
- O le a le mea e mafai e le areto ona fesoasoani mai ia i tatou ina ia manatua? (3 Nifae 18:7). O le a le mea e fesoasoani mai le vai o le faamanatuga ia i tatou ina ia manatua? (3 Nifae 18:11).
- O ai tatou te osi feagaiga pe afai tatou te fetagofi atu i le faamanatuga? (3 Nifae 18:7).
- O le a se mea na folafola mai e lesu Keriso ia i tatou pe afai tatou te manatua o ia e le aunoa? (3 Nifae 18:7). O le a le uiga o le maua o lona Agaga faatasi ma i latou? (E taitaiina ma fesoasoani mai ia i tatou le Agaga Paia). O le a le mea e mafai ona tatou fai i le faagasologa o le vaiaso ina ia manatua ai e le aunoa le Faaola ina ia maua e i tatou lona Agaga e faatasi ma i latou?
- Pe a aai tagata o le Ekalesia i le faamanatuga, o le a le mea o lo o latou molimau atu ai i le Tama Faalelagi? (3 Nifae 18:10). O le a le uiga o le loto e fai le mea ua ia poloaiina ai i latou? O a nisi o poloaiga o lo o finagalo le Tama Faalelagi ina ia tatou tausia ma le loto i ai? Atonu e te fai atu i tamaiti ina ia filifili lemu se poloaiga latou te mananao e usiusitai atili i ai.
- Pe a tatou fetagofi atu i le faamanatuga, o le a le feagaiga ua tatou manatua ma faafouina? (3 Nifae 18:11). Pe faapefea ona fesoasoani mai ia i tatou le mafaufau i taimi uma e uiga i feagaiga tatou te osia i le taimi o le papatisoga ina ia tatou ola ai i ni olaga sili atu ona lelei? (Mosaea 18:10). Ia tuuina atu i tamaiti se lui ina ia faalogologo lelei i tatalo o le faamanatuga ma ia mafaufau i auala e tausia ai a latou feagaiga e osia i le taimi o le papatisoga i le faagasologa o le vaiaso a sau.
- Pe faapefea ona faamanuiaina i tatou pe a tatou fetagofi atu ma le mama i le faamanatuga? (3 Nifae 18:12–14).

Gaoioiga e Faamauoa Mai Ai

Atonu e te manao e faaoga se gaoioiga se tasi poo le sili atu foi o gaoioiga nei i le taimi o le lesona poo le aveva ma iloiloga, aotelega, poo se lu'i.

1. Ia faitau e tamaiti le tatalo o le faamanatuga mai le Moronae 4:3 ma le 5:2. Fai atu i tamaiti e fautua mai ni auala e mafai ai e i latou ona saunia e fetagofi atu i le faamanatuga. Atonu e te faaogaina fautuaga o lo o i lalo pe a manaomia e tamaiti se fesoasoani:

Usu upu o le viiga faamanatuga.

Faalogologo i upu o le tatalo o le faamanatuga

Mafaufau e uiga i le alofa, puapuaga, maliu, toetu, ma aoaoga a lesu.

Mafaufau e uiga ia tatou feagaiga e osi ma le Tama Faalelagi

2. la faamatala atu se mea e talafeagai lelei na oo ia te oe na e lagona ai le Agaga. Afai e i ai se tamaititi e i ai se mea na tupu ia te ia na ia maua ai le Agaga o lo o latou mananao e faamatala mai, ia valaauina i latou e faia lea mea. la fesoasoani atu i tamaiti ina ia malamalama e finagalo Iesu Keriso ina ia saili ma ia lagona e le aunoa lona Agaga i o latou olaga. la talanoaina le saunoaga lenei na faia e Peresitene Ezra Taft Benson, le Peresitene lona sefulutolu o le Ekalesia: “Tatou te lagona upu a le Alii i le tele o taimi e ala i se lagona e oo mai. Afai tatou te lotomauualalo ma gauai atu i ai, o le a fesoasoani mai le Alii ia i tatou i le tele o taimi e ala i o tatou lagona. O le pogai lena e uunaiina ai i tatou e musumusuga faaleagaga i nisi taimi ina ia maua le olioli silisili, o nisi taimi e maligi ai loimata.” (*The Teachings of Ezra Taft Benson*, itulau 77).
3. Filifili se viiga e iloa lelei po o se pese a le Peraimeri e hamu ao tusia e tamaiti se mea e fesoasoani ia i latou e manatua ai le Faaola i le faagasologa o le faamanatuga. O nisi o mea e filifilia atonu o le i ai o Iesu Keriso i le togalaau o Ketesemane, Iesu Keriso faatasi ma tagata Sa Nifae, o se faamanuiaga o lo o faafetai ai tamaiti ona ua oo mai i o latou olaga, ma isi mea. la uunaina i latou ina ia faasagasaga tonu o latou mafaufau e uiga i le Faaola i le faagasologa o le sauniga faamanatuga.
4. la usu pe faitau upu o le pese “Ia Migao, Filemu” (*Pese Faatasi Ma A’u*, B-9), “Na Auina Mai Lona Alo” (*Tusipese a Tamaiti*, i. 34).

Faaiuga

Molimau

Faali atu le ata o Iesu Keriso Toetu. la tuuina atu lau molimau afai tatou te manatua Iesu ma tausi i ana poloaiga, tatou te maua le Agaga Paia e faatasi ma i tatou.

Tusi Fautuaina e
Faitau i le Aiga

la fautuaina tamaiti e susesue le 3 Nifae 18:1–14 i le fale e toe iloilo ai lenei lesona.

Tofi se tamaititi e faia le tatalo faaii.

Ua Aoao Atu Iesu Keriso i Sa Nifaē Ina ia Tatalo

Lesona
37

Faamoemoega la uunaiina tamaiti ina ia tatalo ina ia le oo atu i latou i le faaososoga.

- Sauniuniga**
1. Suesue ma le agaga tatalo le 3 Nifae 18:15–25; 19; 20:1. Ona aoao lea o le lesona ma fuafua pe faapefea ona e aoaoina i tamaiti faamatalaga o tusitusiga paia. (Tagai i le “Sauniaina o Au Lesona,” itulau vi, ma le “Aoao mai Tusitusiga Paia,” itulau vii.)
 2. Faitauga Tusi Faaopoopo: Alema 13:28–29, Mataio 26:41, ma le Mataupu Faavae ma Feagaiga 31:12, 61:39.
 3. Filifili fesili talanoaina ma gaoioiga e faamauoa mai ai o le a aofia ai tamaiti ma sili ona fesoasoani mo i latou ina ia ausia le faamoemoega o le lesona.
 4. O Mea e Faaaoga:
 - a. la tofu tamaiti ma se Tusi a Mamona.
 - e. Ata 4–47, O Iesu o Lo o Tatalo Faatasi ma Sa Nifaē (62542), ma le 4–50, Tatalo Faaleaiga (62275).

**Faalautelega
Fautuaina
o le Lesona**

Gaoioiga e
Faatosina Mai Ai

Tofi se tamaititi e faia le tatalo amata.

Faamatala atu le tala o lo o i lalo mai ia Elder Rex. D Pinegar e uiga i se tatalo faaleaiga faapitoa:

“I se tasi taeao i ni nai tausaga ua mavae sa matou o ai ma lou aiga i se taavale (mo se tafaoga). Sa matua fiafia le ma fanau teine laiti e toafa ina ua matou oo atu i le afega o le auala e tau atu i se malae tautau. Ae ui i lea sa uma faafuasei le taliē ma le talanoa fiafia ina ua tau pe le matou taavale i le afega o le ala i se tulaga sa le faamoemoeina. Sa feoi saosaoa i o matou tafatafa ane le tele o taavale a o ou taumafai e toe faaola la matou taavale. Mulimuli ane, ina ua matou iloa e leai se isi mea e mafai ona matou faia, sa matou feosofi i lalo mai le taavale ua pe ma faapotopoto faatasi i tafatafa o le ala ma fai la matou tatalo.

“A o matou vaai ae i luga mai la matou taavale, sa matou vaaia se tamaloa aulelei o lo o ataata ma sa ave e lona atalii le la taavale ma sosolo ane i le ala i o matou tafatafa. I le taeao atoa lava e oo atu i le aoauli, sa faamalieina e nei alii o matou tulaga manaomia i le tele o auala agalelei ma le loto fesoasoani. Sa ave e i laua i matou ma a matou meatotino i le . . . malae . . . sa fesoasoani mai i laua ia te au i le sailiina o se taavale e tosoina le taavale ua pe; sa la ave atu au i le la taavale i le mea e maua mai ai taavale totogi mo le maua o se isi taavale e sui ai . . . sa faatau e i laua ni meaai mama mo lo’u aiga ma sa faatali faatasi ma i latou seia oo ina ou toe foi mai i le tele o itula mulimuli ane.

“Sa matou lagona o nei alii o i laua moni o se tali o a matou tatalo, ma sa faapea ona matou tau atu ia i laua a o matou faatofa ma taumafai e faafetai atu ia i laua. Sa tali mai le tama, “O taeao uma ou te tau atu i le Alii lelei afai o i ai se tasi o lo o manaomia se fesoasoani i le aso nei, faamolemole ia taitai atu au ia i latou”. (In Conference Report, October, 1991, itulau 54–55; po o le Liahona, Ianuari 1992).

Fai atu i tamaiti e faamatala mai ni mea na oo ia i latou e tusa ma tatalo faaletagata lava ia ma le aiga.

Tala o Tusinga Paia

Ao faaaogaina ata i le taimi e tatau ai, ia aoao atu i tamaiti le tala e uiga i le aoaoina e lesu Keriso o le motu o tagata Sa Nifaē mai le 3 Nifae 18:15–25; 19; 20:1. (Mo auala fautuaina e aoao atu ai faamatalaga o Tusinga Paia, tagai i “Aoaoga mai i Tusinga Paia”, itulau 7).

Talanoaga ma Fesili e Faatatau I Ai

Suesue i fesili nei ma mau nei ao e sauniaina lau lesona. Faaoga fesili e te manatu o le a sili ona fesoasoani i tamaiti latou te malamalama ai i tusinga paia ma faaoga mataupu faavae i o latou olaga. O le faitauina o mau ma tamaiti i le vasega o le a fesoasoani latou te mau ai le malamalama i tusinga paia.

- Aisea e finagalo ai lesu ina ia tatou tatalo e le aunoa? (3 Nifae 18:15–18.)
- O ai tatou te tatalo atu i ai? O le suafa o ai tatou te tatalo atu ai? (3 Nifae 18:19; 19:6– 8).
- A o tatou tatalo i le faatuatua mo le mea e sili ona lelei mo i tatou, o le a le folafolaga ua tatou maua? (3 Nifae 18:20.) Ia fesoasoani atu i tamaiti ina ia malamalama e silafia e le Tama Faalelagi e le aunoa le mea e sili ona lelei mo i tatou. O nisi taimi e ese ai lenei mea nai lo le mea tatou te mananao ai.
- Aisea e taua ai le tatalo faaleaiga? (3 Nifae 18:21.) E mafai faapefea ona e fesoasoani i lou aiga ina ia faia tatalo faaleaiga e le aunoa?
- O le a le mea na fetalai mai ai lesu Keriso e tatau ona tatou faia mo i latou e le o ni tagata o le Ekalesia? (3 Nifae 18:22–23.)
- O le a le uiga o le “sisii ai i luga lo outou malamalama, ina ia pupula atu ai i le lalolagi”? (3 Nifae 18:24.) Pe mafai faapefea ona tatou fesoasoani atu i isi ina ia malamalama i le taua o le tatalo?
- O le a le mea sa aoao atu e soo e toasefululua o lesu Keriso i Sa Nifaē o e na faapotopoto mai? (3 Nifae 19:6.) O le a le taimi e te tootuli ai ma tatalo? Pe faapefea ona faaalua i le tootuli le faaaloalo i le Tama Faalelagi? O a nisi o auala e mafai ona tatou faaalua ai le faaaloalo a o tatou tatalo i o tatou aiga ma potu o vasega?
- A o tatalo le au soo, o le a le mea sa sili ona latou mananao ai? (3 Nifae 19:9.) Pe sa faapefea ona tuuina mai lenei meaalofo ia te i tatou? (3 Nifae 19:13–14.)
- O le a le mea sa fetalai ai lesu a o tatalo atu o ia i le Tama Faalelagi? (3 Nifae 19:20– 28.) Pe aisea ua outou manatu ai o le faaalua o le agaga faafetai o se vaega taua tele o a tatou tatalo? O a nisi o mea ua e faafetai atu ai?
- Pe mafai faapefea ona tatou tatalo atu e le aunoa? (3 Nifae 20:1.) Aisea e tatau ai ona i ai e le aunoa se tatalo i o tatou loto? (3 Nifae 18:15–18.) Pe mafai faapefea ona fesoasoani mai le tatalo ia te i tatou ina ia alo ese mai faaosoosoga?

Gaoioiga e Faamauoa Mai Ai

Atonu e te manao e faaaoga se gaoioiga se tasi poo le sili atu foi o gaoioiga nei i le taimi o le lesona poo le avea ma iloiloga, aotelega, poo se lu'i.

1. la tusi mau nei mai tusitusiga paia i luga o ni fasipepa, ma ia tuuina atu i tamaiti e ala i le tufa atu i tamaiti taitoatasi po o le tuuina atu i ni vaega toaititi. la faitau e tamaiti mau, ma ia sailia mea sa aoao atu e Iesu Keriso e uiga i faamanuiaga e oo mai i ai tatou e ala i le tatalo. Ona lipoti mai lea e tamaiti i le vasega mea na latou aoaoina.
 - 3 Nifae 18:15, 18 (O le a mafai e i tatou ona aloese mai faaosoosoga.)
 - 3 Nifae 18:20 (O le a faamalieina o tatou manaoga lelei.)
 - 3 Nifae 18:24 (O le a avea i tatou ma faataitaiga i isi.)
 - 3 Nifae 19:30 ma le 27:30 (O le a fafia le Tama Faalelagi ma Iesu Keriso i ai tatou.)
2. Saili ni tala mai mekasini a le Ekalesia po o ni lauga o le konafesi e faatatau i le tatalo, ma ia faamatala atu ia tala i tamaiti.
3. Faitau ma talanoaina le faamatalaga lenei mai ia Peresitene Ezra Taft Benson, le Peresitene lona sefulutolu o le Ekalesia. "E mafuli tele i tatou ia tatou tatalo ma a tatou olega i le Alii i le ole atu mo faamanuiaga faaopoopo. Peitai o nisi taimi ou te lagona ai e manaomia lo tatou tuuina atu o le tele o a tatou tatalo e uiga i le faaalua o le agaga faagaetia ma le faafetai atu mo faamanuiaga ua uma ona maua" (*God, Family, Country*, itulau 199).

la valaauina tamaiti ina ia latou taua mai i se minute e tasi le tele o ni mea e mafai ona latou mafaufau i ai latou te faafetai atu ai. la tusia se aotelega o a latou tali i luga o le laupapa.
4. la talanoaina ma fesoasoani atu i tamaiti i le taulotoina o se vaega o le Alema 13:28: "A ia outou faamaulalo outou lava i luma o le Atua, ma ia valaau atu i lona suafa paia, ma ia mataala ma tatalo e le aunoa ina ia le tofotofoina outou e sili i mea e mafai ona outou onosai i ai, ma ia faapea ona taitaiina e le Agaga Paia."
5. la talanoaina vaega autu o se tatalo:
 - a. Ta'u le suafa o le Tama Faalelagi . . .
 - e. Faafetai atu ia te ia mo . . .
 - i. Ole atu ia te ia mo . . .
 - o. Faaiu i le suafa o Iesu Keriso, Amene.

la tusi i luga o le laupapa "Ou te faafetai atu ia te oe mo . . ." la valaaulia tamaiti e ta'u mai poo a ni mea latou te faafetai atu ai i le Tama Faalelagi ma tusi i luga o le laupapa le aotelega o a latou tali. la faia foi le faiga lava lea e tasi i le "Ou te ole atu i lau afio mo. . ."
6. la usu pe faitau upu o le pese "A Childs Prayer" (*Childrens Songbook*, p. 12), "Children all over the World" (*Childrens Songbook*, p. 16), "Tatalo Faaleaiga" (Pese Faatasi Ma A'u, D-9), po o le "Love Is Spoken Here" (*Childrens Songbook*, p. 190).

Faaiuga

Molimau

la tuuina atu le molimau e uiga i le taua o le tatalo i aso uma ma afai tatou te tatalo atu e pei ona sa aoao mai Iesu, o le a puipuia i tatou mai aafiaga a Satani.

Tusi Fautuaina e
Faitau i le Aiga

la fautuaina tamaiti e suesue le 3 Nifae 18:18–25 ma le Alema 13:28–29 i le aiga e avea ma se mea e toe faamanatu ai lenei lesona.

Tofi se tamaititi e faia le tatalo faaiu.

Faamoemoega Ina ia uunaiina tamaiti taitoatasi ia saili i le filemu ma le fiafia e maua mai le ola i le talalelei a Iesu Keriso.

Sauniuniga

1. Suesue ma le agaga tatalo le 3 Nifae 28:1–16, 23–40 ma le 4 Nifae. Ona suesue lea i le lesona ma filifili pe faapefea ona e aoaoina tamaiti e tusa ma le mau. (Tagai i le “Sauniaina o Au Lesona,” itulau e vi, ma le “Aoa atu mai Tusitusiga Paia,” itulau e vii).
2. Filifili fesili talanoaina ma gaoioiga e faamauoa mai ai o le a aofia ai tamaiti ma sili ona fesoasoani mo i latou ina ia ausia le faamoemoega o le lesona.
3. O Mea e Faaoga: la tofu tamaiti ma se Tusi a Mamona

**Faalautelega
Fautuaina
o le Lesona**

Tofi se tamaititi e faia le tatalo amata.

Gaoioiga e
Faatosina Mai Ai

Fai atu i tamaiti ia mafaufau po o le a le tulaga e ono oo i ai pe a nonofo faatasi ma le Faaola i lo latou aiga mo se vaiaso. Ia fesili atu ia i latou po o le a lo latou manatu i le tulaga e i ai pe a faatasi ai i lo latou aiga i lene vaiaso. Ia alu ane se tamaititi e faitau le 4 Nifae 1:15–16. Ia faamatala atu o nei fuaiupu o lo o faamatala mai ai le mea na faia e le isi tagata i Amerika ina ua mavae le asiasiga a Iesu Keriso. Ia fesoasoani atu i tamaiti i le talanoaina o le tulaga e ono oo i ai pe a ola i lalo o nei tulaga.

- O le a se tulaga e ono oo i ai o tatou olaga pe afai e usiusitai tagata uma i poloaiga? (Semanu tatou te le manaomia ni loka, ki, leoleo, ma isi). Fesoasoani atu i tamaiti ina ia malamalama o se tasi o ki sili ona taua e maua ai le fiafia o le aualea lea tatou te faia atu i isi tagata. O le ola i aoaoga a Iesu Keriso, o le a tatou agalelei atu ai atili i o tatou aiga ma uo ma faaitiitia le manatu faapito, ma o le a tatou maua le filemu ma le fiafia e sili atu.

Tala o Tusitusiga
Paia

Aoa atu i tamaiti le tala o lo o i le 3 Nifae 28:1–16, 23–40 ma le 4 Nifae e uiga i soo Sa Nifae faapea ma le filemu ma le fiafia sa maua e Sa Nifae i le tausia o poloaiga. (Mo aualea fautuaina e aoa atu ai le Tala mai Tusitusiga Paia, tagai i le “Aoa atu mai Tusitusiga Paia,” itulau e vii).

Talanoaga ma Fesili
e Faatatau I Ai

Suesue i fesili nei ma mau nei ao e sauniaina lau lesona. Faaoga fesili e te manatu o le a sili ona fesoasoani i tamaiti latou te malamalama ai i tusitusiga paia ma faaoga mataupu faavae i o latou olaga. O le faitauina o mau ma tamaiti i le vasega o le a fesoasoani latou te maua ai le malamalama i tusitusiga paia.

- O le a le mea na mananao ai soo o Iesu Keriso e maua mai ia te ia? (3 Nifae 28:2, 4–7.) Aisea na tuuina atu ai le faatagaga i soo e toatolu e ola pea i le lalolagi seia oo i lona iuga? (3 Nifae 28:6, 9.) O a suiga na faia i o latou tino na mafai ai e i latou ona faia lea mea? (3 Nifae 28:38–39.)

- Pe na faapefea ona puipuia soo e toatolu ao latou aoao atu i tagata? (3 Nifae 28:18–22.) O le a le mea na faamaumauina e Mamona e uiga i nei soo e toatolu? (3 Nifae 28:24– 26.) Ia faamalamalama atu na ola Mamona mo le tusa o le 350 tausaga ina ua mavae Iesu Keriso).
- O le a le mea na faia e soo ina ua tuua i latou e le Faaola? (3 Nifae 28:18.) O le a le mea na fai e tagata ina ua faalogo atu i latou i upu a soo? (4 Nifae 1:1–2.) Pe toafia ni tagata na faaliliuina? Ia faamalamalama atu sa le toe faailogaina tagata o Sa Nifaē ma Sa Lamanā ae sa tuufaatasia i latou.
- O le a le uiga o le *fefinauaiga* ma *feupuaiga*? (4 Nifae 1:2. O le tauaimisa po o le finau.) Pe na faapefea ona faamanuiaina oe ma lou aiga ina ua le toe i ai le fevaevaeai? Pe mafai faapefea ona avea oe ma se tagata e faatupuina le filemu ma fesoasoani atu i lou aiga ina ia aloese mai le fevaevaeai?
- O le a le uiga o le “tuu tele foi a latou mea uma”? (4 Nifae 1:3.) O le a le mea ua e manao ai ina ia e ola i lenei auala? Aisea ua e manatu ai atonu e faigata?
- O a vavega na faia e soo o Iesu Keriso? (4 Nifae 1:5.)
- Pe sa faapefea ona faamanuiaina tagata? (Tagai i le gaoioiga e faamauoa mai ai 1.)
- Aisea na leai ai se fefinauaiga i le laueleele? (4 Nifae 1:15.) O le a le uiga o le maua o le “alofa o le Atua” i o tatou loto? O le a le taimi na e lagona ai le alofa o le Atua i lou olaga? Pe mafai faapefea ona tatou tufatufa atu lenei alofa i isi?
- O le a le mea na pogai ai se suiga i nei tagata fiafia? (4 Nifae 1:23–29.) Na faapefea ona tausia e tagata le au soo? (4 Nifae 1:30–34.) O le a le faamaualuga? Pe mafai faapefea ona tatou manumalo mai le faamaualuga i o tatou olaga?
- O le a le uiga o le “fouvale ma le loto i ai i le talalelei a Keriso” e pei ona sa faia e nei tagata? (4 Nifae 1:38.)
- O le a se tulaga sa i ai tagata i le tolu selau tausaga talu ona mavae le asiasiga a Iesu Keriso? (4 Nifae 1:45–46.)

Gaoioiga e Faamauoa Mai Ai

Atonu e te manao e faaaoga se gaoioiga se tasi poo le sili atu foi o gaoioiga nei i le taimi o le lesona poo le avea ma iloiloga, aotelega, poo se lu'i.

1. Ia saunia ni fasipepa o upu e tusia ai nei fuitau mai le 4 Nifae 1:2–3, 5, 15–17:
 - “Ua faamaoni tagata uma o le tasi i le isi.”
 - “Ua tuu tele foi a latou mea uma.”
 - “Ua latou faia vavega uiga eseese.”
 - “Ua oo foi ina leai ni finauga i le nuu.”
 - “O le alofa o le Atua . . .ua mau i loto o le nuu.”
 - “Ua leai foi se mataua.”
 - “Ua leai foi ni . . .faanunununu (fouvalega).”
 - “Ua leai foi ni . . .pepelo.”
 - “Ua leai foi ni tagata fao mea.”
 - “Ua leai foi . . .ni fasioti tagata.”
 - “A ua tasi lava i latou, o fanau latou a Keriso.”

Tuu fasipepa o upu i se atigi pusa, ma ia o ane tamaiti taitoatasi ma sei se pepa e tasi ma faaali mai i le vasega. O nei fuaitau mai le 4 Nifae o lo o faamatala ai le pogai na ola ai tagata i le filemu ma le fiafia.

2. Faitau ma talanoaina le faamatalaga o lo o i lalo mai ia Peresitene Ezra Taft Benson, le Peresitene Iona sefulu ma le tolu o le Ekalesia:

“Ua lapataiina tatou e le Alii i le Mataupu Faavae ma Feagaiga, ‘Ia taumamao i le mitamitavale, nei faapei outou o Sa Nifaē anamua’ (MFF 38:39)”.

(Liahona, Iulai 1989). Sa aoao mai Peresitene Benson ia i tatou e mafai ona tatou manumalo i le mitamitavale i o tatou olaga ma ia loto mauualalo, agamalu, ma gauai atu e ala i le —

Alofa i le Tama Faalelagi ma faamuamua o ia i o tatou olaga.

Ia aua le popole e uiga i le mea e manatu ai isi e uiga ia i tatou a ia tau o le mea e finagalo ai le Tama Faalelagi .

Ia aua le faitatala pe faitio.

Aua le mataua po o le ola e sili atu ma mea tatou te maua.

Aua le finau pe tauaimisa i o tatou aiga.

Fesoasoani atu i isi ia maua se lagona lelei e uiga ia i latou lava.

Talia fautuaga mai o tatou taitai.

Faamagalo ia i latou o e faatiga mai ia i tatou.

Ia le manatu faapito. Ia auauna atu i isi.

E mafai ona saunia nei faamatalaga i ni fasipepa o upu ma tuu i totonu o se taga. E mafai e tamaiti ona sei se fasipepa o upu e tasi ma talanoaina le auala e mafai ai ona fesoasoani lea mataupu faavae ia i tatou ina ia manumalo i le mitamitavale i o tatou aiga.

3. Faitau, talanoaina, ma fesoasoani atu i tamaiti i le taulotoina o se vaega po o le mau atoa o le 4 Nifae 1:15–16.
4. Ia faia e tamaiti taga o ni tulaga o mea moni e aliali mai ai le fevaevaeai. Ia faia e tamaiti taga o le tulaga e i ai pe ana fai o lo o latou ola i ona po o Sa Nifaē sa “leai ni fevaevaeaiga.” (Fautuaga: E toatolu tamaiti ua tau fai mananao e muamua i le laina, e toalua le auuso ua tau fai mananao e taaalo i le meataalo e tasi, ma isi.)
5. Faitau ma talanoaina le faamatalaga o lo o i lalo mai ia Elder Marvin J. Ashton: “Pe mafai faapefea ona e iloa ua e faaliliuina se tasi ia Iesu Keriso? . . .’O le auala sili ma le muamua e mafai ai ona tatou iloa o lo o ua tatou agai i luma faaleagaga ma o atu ia Keriso o le auala lea tatou te faia i isi tagata” (Liahona, Iulai 1992).
6. Fesoasoani atu i tamaiti i le taulotoina o le mataupu e sefulutolu o le faatuatua. Ia talanoaina le auala e faatatau iai lenei mataupu o le faatuatua. Ia talanoaina le auala e faatatau ai lenei mataupu o le faatuatua i le auala na ola ai Sa Nifaē ina ua mavae le asiasiga a Iesu Keriso ia i latou ma le auala e mafai ai ona tatou ola ai i le taimi nei.
7. Faitau ma talanoaina le Mataupu Faavae ma Feagaiga 19:23.
8. Usu pe faitau upu o le pese “I feel My Saviors Love” (*Childrens Songbook*, p. 74) po o le “Keep the Commandments” (*Childrens Songbook*, p. 146).

Faaiuga

Molimau

la tuuina atu lau molimau e mafai ona tatou maua le filemu ma le fiafia pe afai tatou te ola ma le lotomauualalo i le auala na aoao mai e le Faaola ia i tatou e ola ai. Tusi Fautuaina e Faitau i le Aiga

la fautuaina tamaiti e suesue le 4 Nifae 1:1–18 i le fale e toe iloilo ai lenei lesona.

Tofi se tamaititi e faia le tatalo faaiu.

Ua Molimauina e Mamona le Faatafunaina o Sa Nifaē

Lesona
39

Faamoemoega Ina ia faamalosi le manao o tamaiti taitoatasi ina ia tumau i le faamaoni i aoaoga a Iesu Keriso e ui lava ina i ai faatosinaga a le tiapolo o lo o siomia ai i tatou.

Sauniuniga

1. Suesue ma le agaga tatalo le Mamona 1–6. Ona suesue lea i le lesona ma filifili pe faapefea ona e aoaoina i tamaiti faamatalaga o tusitusiga paia. (Tagai i le “Sauniaina o Au Lesona,” itulau e vi, ma le “Aoa mai i Tusitusiga Paia,” itulau e vii.)
2. Filifili fesili talanoaina ma gaoioiga e faamauoa mai ai o le a aofia ai tamaiti ma sili ona fesoasoani mo i latou ina ia ausia le faamoemoega o le lesona.
3. O Mea e Faaoga:
 - a. Ia tofu tamaiti ma se Tusi a Mamona.
 - e. Faamatalaga tusia e ono a Mamona e pei ona faamatalaina i le gaoioiga e faatosinamai ai.
 - i. Ata 4–1, O Le Tusi Faapuupuaina e Mamona o Papatusi (Taga Ata o le Talalelei 306;62520), ma le 4–51, Ua Faamavae Atu Mamona i Se Nuu Sa Tautaua (Taga Ata o le Talalelei 319; 62043).

**Faalautega
Fautuaina
o le Lesona**

Gaoioiga e
Faatosina Mai Ai

Tofi se tamaititi e faia le tatalo amata.

Tusi le upu *Mamona* i luga o le laupapa.

- O le a se mea e te mafaufau i ai pe a faalogo i lenei upu?

Pe a uma ona talanoaina e tamaiti le mea o lo o latou mafaufau i ai, ia faamatala atu o le aso lenei o le a latou aoa ai e uiga i le Perofeta o Mamona. Ia tuuina atu ia tofu tamaiti e toaono ma se faamatalaga se tasi o lo o i lalo e uiga ia Mamona ao avea ma se alii talavou mo le faitauina atu i le vasega:

Sa ou fanau i le tusa o le 321 T.A.

Ina ua sefulu tausaga o lou matua, sa tau mai e le Perofeta o Amaronia ia te au o le a tuuina mai ia te au papatusi lapopoa a Nifae pe a atoa le luasefulu ma le fa tausaga o lou matua (Mamona 1:2–4.)

Ina ua sefulutasi tausaga o lou matua, sa ou alu atu ma nofo i Saraemila, o se aai tele e nonofo ai le toatele o tagata, faatasi ma lou tama. O le tausaga lena sa amata ai taua. (Mamona 1:6–8.)

Ina ua sefulu ma le lima tausaga o lou matua, sa asiasi mai ai Iesu Keriso ia te au ma sa ou faalogoina lona alofa ma lona agalelei. (Mamona 1:15.)

Ina ua sefulu ma le ono tausaga o lou matua, sa tofia au e taitaiina vaega autau uma a Sa Nifaē. (Mamona 2:1–2.)

Talu ai ona o le amio leaga o ou tagata, o le mea lea sa tatau ai ona ou malosia i le tausaga o poloaiga ma le faalagolago i le Tama Faalelagi.

Faamatala atu i tamaiti pe a tatou suesue e uiga i le olaga o Mamona, e mafai ona tatou iloa le auala e mafai ai ona tatou ola i ni olaga amiotonu e tusa lava pe i ai faatosinaga a le tiapolo e siomia ai i tatou.

Tala o Tusinga
Paia

Ia aoao atu tala e uiga ia Mamona a o ia tusia faaotooto papatusi lapopoa a Nifae faapea ma le faafanoga o Sa Nifaē mai le Mamona 1–6. Faaaoga ata i le taimi ua tata ai. (Mo auala fautuaina e aoao atu ai tala mai Tusinga Paia, tagai i le “Aoao mai i tusinga paia”, itulau e vii).

Talanoaga ma Fesili
e Faatatau I Ai

Suesue i fesili nei ma mau nei ao e sauniaina lau lesona. Faaaoga fesili e te manatu o le a sili ona fesoasoani i tamaiti latou te malamalama ai i tusinga paia ma faaoga mataupu faavae i o latou olaga. O le faitauina o mau ma tamaiti i le vasega o le a fesoasoani latou te mau ai le malamalama i tusinga paia.

- Pe sa faapefea ae po o le a foi le pogai na filifilia ai Mamona e tausia tala faamaumau? (Mamona 1:2–4.) O le a sou manatu i le lagona e ono oo ia te oe pe a tuuina mai ia te oe tiute tauave lava ia e tasi e pei ona sa tuuina atu ia Mamona i le amataga lava o lou olaga? Pe faapefea ona e saunia oe lava mo se tiute tauave paia faapena?
- O le a le mea na tupu i Sa Nifaē ma Sa Lamanā i lea taimi? (Mamona 1:13.) O a faamanuiaga faaleagaga sa faafitia e Sa Nifaē ona o lo latou amioleaga? (Mamona 1:13–14.) Aisea e taua ai le ola ina ia mafai ona tatou maua le agaga paia faatasi ma i tatou?
- Aisea na le faatagaina ai Mamona e aoao atu le talalelei i Sa Nifaē? (Mamona 1:16–17.) O a ni auala e faigata ai le ola i se lalolagi amioleaga?
- O le a le mea na amata ai e Sa Nifaē ona salamō? (Mamona 2:10–11.) Atonu e te faamanatu atu i tamaiti le valoaga a Samuelu o lo o tusia i le Helamana 13:18.) Aisea na liua ai le fiafia o Mamona i le salamō o tagata ma avea ma faanoanoaga? (Mamona 2:12–15.) Pe mafai faapefea ona tatou salamō faamaoni?
- O le a le mea na faia e Mamona i papatusi lapopoa a Nifae i le faagasologa o taua? (Mamona 2:16–18.) Fesoasoani atu i tamaiti ina ia malamalama o lo o faaigoa le Tusi a Mamona i le igoa o Mamona aua sa avea o ia ma perofeta o le na ia tusia faaotooto pe aoteleina faamatalaga o papatusi lapopoa a Nifae. Faaali atu le ata o Mamona a o ia tusia faaotooto papatusi lapopoa a Nifae. O lenei ootoga e pei ona sa faia e Mamona; o mea na faaopoopo i ai e lona atalii, o Moronae; faapea ma papatusi laiti a Nifae o papatusi auro ia na maua e Iosefa Samita mai ia Moronae i le mauga o Kumora.
- Aisea sa le faamanuiaina ai taumafaiga a Sa Nifaē i le taua e pei o le tulaga sa tata ai i ai i latou? (Mamona 2:26–27.) O le a se mea e mafai ona tatou faia ina ia maua ai le “malosi mai le Atua” i o tatou olaga?
- O le a le mea na tupu ina ua aoao atu Mamona i Sa Nifaē e uiga i le salamō? (Mamona 3:2–3.) Aisea e le faalogo ai le toatele o tagata i le Tama Faalelagi ma ana perofeta?
- O le a le mea mulimuli na faia e Mamona ona o le amioleaga o tagata? (Mamona 3:11.) O le a le mea na fai ina ia faaalia ai le tele o lona popole e uiga ia i latou? (Mamona 3:12.) Aisea e tata ai ona tatou tatalo mo tagata e le o tausia poloaiga a le Tama Faalelagi?

- O ai perofeta na vavalu e uiga i le faatafunaina o Sa Nifaē? (Mamona 1:19; 2:10.) O a nisi o faigata sa mafatia ai tagata, ona o lo latou amioleaga, na faataunuuina ai nei valoaga? (Mamona 2:8, 20; 4:11, 21; 5:16, 18; 6:7–9.) Ana fai e te vaai atu i nei faigata o tutupu i au uo ma tuaoi, o le a se mea semanu e te manao e fai mo i latou? O le a se mea e mafai ona tatou faia e fesoasoani atu ai i isi ia iloa ona tausī poloaiga a le Tama Faalelagi? (Tagai i gaoioiga e faamauoa mai ai 2.)
- Pe toafia tagata na fasiotia i nei taua? (Mamona 6:10–15. Tagai i le gaoioiga e faamauoa mai ai 3.) O le a le lagona na oo ia Mamona e uiga i le faatafunaina o ona tagata? (Moronae 6:16–22.)

Gaoioiga e Faamauoa Mai Ai

Atonu e te manao e faaaoga se gaoioiga se tasi poo le sili atu foi o gaoioiga nei i le taimi o le lesona poo le avea ma iloiloga, aotelega, poo se lu'i.

1. Ia talanoaina le faamoemoega sa i ai ia Mamona mo le tausī o tala faamaumau (Mamona 3:20–22; 5:14–15). Ia tofiaina tamaiti taitoatasi e faitau mai na o le tasi le fuaiupu a le tagata mo le sailia o tali.
2. Fai atu i tamaiti taitoatasi e tau mai se poloaiga ma ia tau mai se eseese e ono tupu i Saraemila po o lo latou nuu pe ana fai e ola uma tagata i lena poloaiga e tasi.
3. Ia talanoa e uiga i aofaiga e tele o tagata o e sa faaumatia. Ia faatusatusa lea aofaiga i se aai e nonofo ai le 230, 000 o tagata ma sa fasiotia ai tagata uma vagana tagata e luasefulufa.
4. Ia toe faamanatu atu i tamaiti faamanuiaga tatou te maua ona o le faatuatua tele sa i ai ia Mamona faapea ma le lototele i lona faamaoni i lona tiute tauave. Ia taua ai mea nei:
 - Sa faia e ia se faataitaiga e ala i lona faaalua mai ia i tatou o le auala e tumau ai i le faatuatua pe a siomia i tatou e le tiapolo.
 - Sa faamaumau e ia le tala faasolopito o ona tagata.
 - Sa tusia ootoo e ia le tala faasolopito o Sa Nifaē.
 - Sa tusia e ia tusi i lona atalii, o Moronae, ua maua ai e i tatou le fautuaga poto ma se mataupu faavae.
 - Pe mafai faapefea ona tatou faaalua lo tatou agaga faafetai mo nei tala faamaumau paia?
5. Usu pe faitau upu o le pese “I Feel My Savior’s Love” (*Childrens Songbook*, p. 74), “I Will Follow God’s Plan” (*Childrens Songbook*, p. 164), po o le “Filifili Tau o Mea Tonu” (*Viiga*, itulau 149).

Faaiuga

Molimau

Tuuina atu lau molimau e uiga i le Tusi a Mamona ma le auala e mafai ona fesoasoani mai ai lea tusi ia i tatou ina ia tumau i le faamaoni ia Iesu Keriso e tusa lava po o a faatosinaga a le tiapolo ua siomia ai i tatou.

Tusi Fautuaina e
Faitau i le Aiga

Ia fautuaina tamaiti e suesue le Mamona 1:1–7, 13–19 i le fale e toe iloilo ai lenei lesona.

Tofi se tamaititi e faia le tatalo faaiu.

Ua Taitaiina Sa laretō i le Laueleele o le Folafolaga

Faamoemoega

Ina ia uunaiina tamaiti ia saili atu mo le taitaiga a le Agaga Paia i o latou olaga atoa.

Sauniuniga

1. Suesue ma le agaga tatalo le Eteru 1:1–4, 33–43; 2; 3; 6:1–13; ma le Kenese 11:1–9. Ona suesue lea i le lesona ma filifili le auala e te manao e aoao ai tamaiti i faamatalaga o tusitusiga paia (Tagai i le “Sauniaina o Au Lesona,” itulau vi, ma le “Aoao mai i Tusitusiga Paia”, itulau vii).
2. Filifili fesili talanoaina ma gaoioiga e faamauoa mai ai o le a aofia ai tamaiti ma sili ona fesoasoani mo i latou ina ia ausia le faamoemoega o le lesona.
3. Tusi le fuaitau lea “Tu i luga, liliu faasaga i tua, ma nofo filemu” i luga o se fasipepa. Ona faia lea ia lava ni kopi o le fuaitau i gagana eseese ina ia mafai ona maua se kopi a le tamaititi e ala i le faaaogaina o gagana o lo o i lalo.
 - Siamani: Steh auf, dreh dich um, und sitz still.
 - Italia: Alzati, girati, siediti, e stai tranquillo.
 - Tenimaka: Rejs dig op, vend dig omkring, saet dig stille ned.
 - Suiti: Stalla upp, vand dig omkring, satt dig stilla ned.
 - Falani: Leve-toi, tourne-toi, et assieds-toi tranquillement.
 - Potukale: Levante-se, vire-se, e sente-se silenciosamente!
 - Sipaniolo: Ponte de pie, date una vuelta, y sientate en silencio.
4. O Mea e Faaaoga:
 - a. Ia tofi tamaiti ma se Tusi a Mamona.
 - e. O se Tusi Paia.
 - i. Ata 4–44, Faafanua o le Lalolagi; 4–52, O le Uso o laretō o Lo o Vaai i le Tamatamaiaao o le Alii (Taga Ata o le Talalelei 318;62478); 4–53, O Vaa o Sa laretō; ma le 4–9, o Iesu le Keriso (Taga Ata o le Talalelei 240; 62572).

Faalautelega Fautuaina o le Lesona

Tofi se tamaititi e faia le tatalo amata.

Gaoioiga e Faatosina Mai Ai

Tuuina atu i tamaiti taitoatasi se pepa e tasi o lo o tusia ai le fuaitau “Tu i luga, liliu faasaga i tua, ma nofo filemu” i gagana eseese. Ia fai atu i tagata o le vasega e mulimuli i faatonuga o lo o ia latou pepa.

- Aisea ua outou le mafai ai ona mulimuli i faatonuga?

Ia faamatala atu faapuupuu le tala e uiga i le Olo o Papelu mai le Kenese 11:1–9.

- O le a se tulaga e i ai pe afai tou te le mafai ona malamalama i tagata o lo o siomia ai outou? Ia faamatala atu o le aso nei o le a aoao ai tamaiti e uiga i se aiga sa nonofo i le taimi o le Olo o Papelu.

Tala o Tusitusiga
Paia

I le faaaogaina o ata i taimi e tatau ai, ia aoao atu i tamaiti le tala mai le Eteru 1–3 ma le 6:1–13 e uiga i le taitaiina atu o Sa laretō i laueleele o le folafolaga. (Mo auala fautuaina e aoao atu ai le tala o tusitusiga paia, tagai i le “Aoaoga mai Tusitusiga Paia,” itulau , e vii).

Talanoaga ma Fesili
e Faatatau I Ai

Suesue i fesili o lo o i lalo ma mau ao e saunia lau lesona. Faaaoga fesili ua e manatu o le a sili ona fesoasoani i tamaiti e malamalama ai i tusitusiga paia ma faatino mataupu faavae i o tatou olaga. O le faitauina o mau faatasi ma tamaiti i totonu o le vasega o le a fesoasoani ia i latou e maua ai le malamalama i tusitusiga paia.

- O ai tagata Sa laretō? (Eteru 1:33.) Aisea na le faaeeseeseina ai e le Alii (suia pe fenumiai) a latou gagana? (Eteru 1:34–37.)
- O le a le mea na ole atu ai le uso o lareto i le Tama Faalelagi? (Eteru 1:38.)
- O a sauniuniga sa faia e Sa laretō mo la latou malaga? (Eteru 1:41, 2:2–3; 6:4.)
- O le a le uiga o le upu *tesereta*? (Eteru 2:3.)
- Pe sa faapefea ona taitaiina e le Tama Faalelagi ma lesu Keriso tagata Sa laretō i la latou malaga i le vasa? (Eteru 2:4–6.) Pe mafai faapefea ona tatou maua le taitaiga mai le lagi i o tatou olaga? (Tali i tatalo, auala mai i le Agaga Paia, auala mai i perofeta ma isi taitai, auala mai i tusitusiga paia).
- Aisea na taitaiina atu ai Sa laretō i se laueleele filifilia? (Eteru 1:42–43.)
- Aisea na le fiafia ai le Alii i le uso o lareto? (Eteru 2:14.) O le a le mea na faia e le uso o lareto ina ua uma ona aoaiina o ia e le Alii? (Eteru 2:15.) la faamatala atu o le uiga o le aoaiina o le ta'u atu lea o lo o e faia se mea sese ina ia e iloa ai po o le a le mea sao e fai.
- Ina ua toetoe lava uma ona fausia vaa, o a faafitauli e lua na manaomia ai e le uso o lareto le fesoasoani? (Eteru 2:19.) O le a le mea sa faamoemoe le alii e faia e le uso o lareto e foia ai le faafitauli o le faamalamalamaina o vaa a o le i tuuina atu ia te ia se taitaiga? (Eteru 2:23, 25; 3:1.) O le a se mea e mafai ona tatou aoao mai mea na tutupu i le uso o lareto e uiga i le foiaina o o tatou faafitauli?
- Ona o lona faatuatua tele ia lesu Keriso, o le a le mea na faia e le uso o lareto ina ia maua ai se malamalama mo vaa? (Eteru 3:1, 4–5.) Pe sa faapefea ona fesoasoani lesu Keriso ia te ia? (Eteru 3:6.) E mafai faapefea ona tatou faataitaiina lo tatou faatuatua ia lesu Keriso?
- O le a le mea na vaaia e le uso o lareto ina ua faamūmūina ia maa? (Eteru 3:6–8.) Aisea na mafai ai ona vaaia e le uso o lareto ia lesu Keriso? (Eteru 3:9–15.) O le a le mea na iloa e le uso o lareto e uiga i le tino o lesu Keriso? (Eteru 3:6, 15–17.) Fesoasoani atu i tamaiti ina ia malamalama sa vaai le uso o lareto i le tino faaleagaga o lesu Keriso, lea sa foliga i le tino faaletino na maua e lesu ina ua afio mai o ia i le lalolagi.
- O a faafitauli na feagai ma Sa laretō a o latou sopoia le vasa? Pe sa faapefea ona fesoasoani le Alii ia i latou? O le a le mea na faia e Sa laretō? (Eteru 6:5–9.)
- O le a le mea na faia e Sa laretō i le taimi lava na latou tu laueleele ai i le matafaga o le laueleele o le folafolaga? (Eteru 6:12–13.) O a faamanuiaga o lo o e faafetai i ai? Pe mafai faapefea ona tatou faaalua i le Tama Faalelagi o lo o ia i tatou le agaga faafetai mo faamanuiaga ua tatou maua?

**Gaoioiga e
Faamauoa
Mai Ai**

Atonu e te manao e faaaoga se gaoioiga se tasi poo le sili atu foi o gaoioiga nei i le taimi o le lesona poo le avea ma iloiloga, aotelega, poo se lu'i.

1. Ia faaali atu ni mea fai tino po o ni ata o mea faitino e pei o se faafanua, tapasa, moliuila, ma isi mea. Ia talanoaina e tamaiti le auala e fesoasoani ai mea faitino taitasi i le taitaiina o i tatou. Faaali atu le ata o Iesu Keriso ma ia talanoaina le auala e maua ai e i tatou le taitaiga faaleagaga i o tatou olaga.
2. Toe faamanatu ma talanoaina le mataupu e fa o le faatuatua. Faaali atu le ata o Iesu Keriso, ma ia fesili atu i tamaiti pe aisea ua latou manatu ai o le faatuatua i le Alii o Iesu Keriso o le mataupu faavae muamua lea o le Talalelei. Ia talanoaina le pogai e tatau ai ona tatou maua le faatuatua a o le i mafai ona tatou salamō, papatisoina, ma maua le meaalofoa o le Agaga Paia. Tuu atu i tamaiti e tauina mai ni faataitaiga o le auala e faaleleia ai atili a latou mea e fai ma amioga ona o le faatuatua ia Iesu Keriso. Ia faamamafa atu le mana tele e mafai ona tatou maua a o tatou faatupuina le faatuatua ia te ia.
3. I le faaaogaina o le laupapa po o se pepa malo, ia tusia ai se taaloga pei se paso. Ia vaeluaina le vasega i ni vaega se lua, ma e faaaogaina e le tasi vaega le x a o le isi vaegao le o . Afai e sao le tali mai i le fesili e te tuuina atu, e filifili lena vaega po o fea e tuu ai le x po o le o . O le faamoemoega o lenei gaoioiga o le maua lea o ni x sosoo se tolu po o ni o . Afai e sese mai se tali i se fesili, e maua e le isi au le avanoa e tali mai ai i lena lava fesili e tasi. (Tagai i le lesona 18 mo faatonuga). O lo o i lalo ni fesili e toe aamanatu ai le lesona e uiga i Sa laretō (o le a tatau ona e faaopoopo i ai ma nisi fesili):

Pe fia maa na tuu i vaa taitasi? (Lua.)

O le a le umi o le taimi o le malaga a lareto, lona uso, ma o latou aiga ma uo i le vasa? (Toeitiiti lava atoa le tausaga.)

O le a le igoa o le Olo Maualuga sa fausia e tagata amioleaga? (O le Olo o Papelu.)

Aisea na saunia ai e le uso o lareto maa laiti e sefulu ma le ono? (Ina ia maua se mea e maua ai se malamalama mo la latou malaga.)

Sa faapefea ona faasusulu le malamalama o maa e Iesu Keriso? (E ala i lona mana i le pai atu o ona tamatamai aao i maa).

4. Usu pe faitau upu o le pese "O Au O Se Atalii O Le Atua" (*Pese Faatasi Ma Au*, B-76).

Faaiuga

Molimau

Tuuina atu le molimau e mafua ona maua e tamaiti taitoatasi le taitaiga mai le Agaga Paia pe afai latou te ola mama mo le mauaina o le Agaga i o latou olaga.

Tusi Fautuaina e
Faitau i le Aiga

Ia fautuaina tamaiti e suesue le Eteru 3:6-16 i le fale e toe iloilo ai lenei lesona. Tofi se tamaititi e faia le tatalo faaiu.

Ua Teena e Sa laretō Perofeta

Lesona
41

Faamoemoega Ina ia fesoasoani i tamaiti taitoatasi ina ia mananao e faatoilalo le tiapolo i lona lava olaga e ala i le filifili e faalogo ma usiusitai i perofeta.

Sauniuniga

1. Suesue ma le agaga tatalo le Eteru 2:10–12; 11:1–5; 12:1–5; 13:13–22; 14:1–2; 21; 15:1–6; 18–34; ma le Ominae 1:20–21. Ona suesue lea i le lesona ma filifili le auala e te manao e aoao ai tamaiti i faamatalaga o tusitusiga paia. (Tagai i le “Sauniaina o Au Lesona,” itulau e vi, ma le “Aoao mai Tusitusiga Paia”, itulau e vii).
2. Filifili fesili talanoaina ma gaoioiga e faamau'oa mai ai o le a aofia ai tamaiti ina ia sili ona fesoasoani mo i latou ina ia 'ausia ai le faamoemoega o le lesona.
3. O Mea e Faaaoga:a. Ia tofi tamaiti ma se Tusi a Mamona.e. Ata 4–54, Ua faamaumau e Eteru le Tala Faasolopito o Sa laretō.

**Faalauetelega
Fautuaina
o le Lesona**

Gaoioiga e
Faatosina Mai Ai

Tofi se tamaititi e faia le tatalo amata.

Ia tuuina atu fesili e pei o nei:

- O le a le mea e ono tupu pe afai e te filifili e tui se pine i se paluni ua feula faamaona?
- O le a le mea e ono tupu pe afai e filifili lou aiga e aua le toe fuia se laau i le tou fale?
- O le a se mea e ono tupu pe afai e te filifili e tuai ona e moe ma le lava ai lau moe?

Faamatala atu i tamaiti o a latou filifiliga uma e i ai ni taunuuga. O taunuuga o mea ia e tutupu ona o filifiliga tatou te fai. Ua aoaoina i tatou e tusitusiga paia ma o tatou perofeta i taunuuga o mea tatou te filifilia aua ua finagalo le Tama Faalelagi ina ia tatou faia ni filifiliga lelei. O lenei lesona e faatatau lea i tagata Sa laretō ma le perofeta o Eteru. Sa tau atu e Eteru i Sa laretō afai latou te filifili ina ia aua le salamō, o taunuuga o le a i ai o le faaumatia lea o tagata uma.

Tala o Tusitusiga
Paia

Ia aoao atu i tamaiti le tala e uiga i le faatafunaina o Sa laretō mai tusitusiga paia o lo o tusia i le vaega o “Sauniuniga”. (Mo auala fautuaina e aoao ai tala mai tusitusiga paia, tagai i le “Aoaoga mai Tusitusiga Paia,” itulau e vii). Ia faamalamalama atu sa aoao atu e perofeta tagata ina ia maua le faatuatua ia Iesu Keriso ma ia salamō, ae ona o le tetee o tagata ma fasiotia perofeta, o le mea lea na oo ai ina faaumatia tagata uma o Sa laretō. Faaaoga le ata i se taimi e tata ai.

Talanoaga ma Fesili
e Faatatau I Ai

Suesue i fesili o lo o i lalo ma mau a o e saunia lau lesona. Faaaoga fesili e te manatu o le a sili ona fesoasoani i tamaiti e malamalama ai i tusitusiga paia ma faatino mataupu faavae i o latou olaga. O le faitauina o mau faatasi ma tamaiti i le vasega o le a fesoasoani lea ia i tatou e maua ai se malamalamaaga i tusitusiga paia.

- O le a le mea e ta'u o le filifiliga saoloto? (O le mafai lea ona filifili.) Aisea na tuuina mai ai e le Tama Faalelagi ia i tatou le filifiliga saoloto? Fesoasoani atu i tamaiti ina ia malamalama tatou te tutupu ae ma aoao pe a tatou faia filifiliga. Sa silafia e le Tama Faalelagi o le faamalositia o i tatou e faia ni mea o le a le fesoasoani lea ia i tatou e aoao e avea ai faapei o ia.
- O le a le mea na faia e Sa laretō i perofeta o e na vavalo mai e uiga i lo latou faafanoga? (Eteru 11:1–5.) O le a se mea semanu e faia e Sa laretō e puipuia ai lo latou faafanoga? Ia faamatala atu e mafai ona tatou filifili e le aunoa ina ia salamō ma aloese mai taunuuga o le faaaauu pea ona agasala.
- O ai Korianetuma? (Eteru 12:1.) O ai Eteru? (Eteru 12:2.) O le a le mea na fai mai ai Eteru i tagata Sa laretō? (Eteru 12:3–4.)
- O le a le mea na fai e tagata e tali mai ai i aoaoga a Eteru? (Eteru 13:13.) O fea sa lafi ai Eteru? (Eteru 13:14.) O le a le mea na ia faia a o i ai o ia i totonu o le ana? O le a le pogai ua outou manatu ai ua le fia faalogo nisi o tagata i perofeta?
- O le a le mea sa faatonuina ai e Iesu Keriso ia Eteru e ta'u atu ia Korianetuma? (Eteru 13:20–21.) Pe sa faapefea ona tali mai Korianetuma ma tagata Sa laretō ia Eteru? (Eteru 13:22.)
- O le a le malaia uiga ese na oo mai i le laueleele ona o le amioleaga o tagata? (Eteru 12:1–2, 21; 15:2.) O le a se mea e te manatu e ono tupu i le ola ai ma nei faafitauli? O a taunuuga o le faaaogaina o la tatou filifiliga saoloto e faia ai filifiliga sao? Ia fai atu i tamaiti e tau mai ni faataitaiga o filifiliga sao ma taunuuga e oo i ai. O a taunuuga e oo i ai pe afai tatou te faia filifiliga sese? Ia tuuina mai ni faataitaiga o filifiliga sese ma taunuuga e oo i ai.
- O le a le mea na tusia e Korianetuma i se tusi na ia auina atu ia Sesa, le taitai tetee o le vaegaau? (Eteru 15:4.) O le a le tali na tuuina mai e Sesa? (Eteru 15:5.) O le a le mea na fai e Korianetuma ma ona tagata i tagata o Sesa? (Eteru 15:6.) Aisea na tau ai pea tagata? (Eteru 15:18–19.) O le a se mea semanu e tupu pe a na usiusitai tagata Sa laretō i le perofeta o Eteru? (Eteru 13:20.)
- O ai tagata tau mulimuli e toalua o Sa laretō? (Eteru 15:29.) O ai na faasaoina? (Eteru 15:30–32.) O ai na ia maua Korianetuma? (Ominae 1:20–21.) O le a le mea na faia e le perofeta o Eteru i tala faamaumau na ia tusia e uiga ia Sa laretō? (Eteru 15:33.) O le a le molimau mulimuli a Eteru? (Eteru 15:34.) O le a le sini sili ona taua e tataua ona i ai i o tatou olaga?
- O le a sou manatu i le lagona semanu e te maua pe ana faapea o oe o Eteru ma sa e vaai atu i tagata o faaumatia ona o lo latou le usiusitai?
- O le a se mea sa tataua ona faia e Sa laretō e aloese ai mai lenei mala uiga ese? Pe mafai faapefea ona fesoasoani le mulimuli i perofeta soifua ia i tatou i aso nei? O a nisi o aoaoga a perofeta soifua i aso nei? O a faamanuiaga o le a oo mai pe afai tatou te mulimuli i lenei fautuaga?

Atonu e te faaaogaina le gaoioiga e faamauoa mai ai lona 3 e avea ma se mea e toe faamanatu ai lenei lesiona.

Gaoioiga e Faamauoa Mai Ai


Atonu e te manao e faaaoga se gaoioiga se tasi poo le sili atu foi o gaoioiga nei i le taimi o le lesona poo le avea ma iloiloga, aotelega, poo se lu'i.

1. Faamatala atu ni savali mai ni konafesi talu ai nei a le Au Peresitene Sili ma le Korama a le Au Aposetolo e Toasefululua e mafai ona faatatau i tamaiti i lau vasega. Ia fesili atu i tamaiti pe mafai faapefea ona latou mulimuli i perofeta soifua, ma ia tusia mea latou te tauina mai i luga o le laupapa. Ia filifili e tamaiti se auala e tasi e mafai ona latou mulimuli ai i perofeta i le faagasologa o le vaiaso a sau.
2. A o le i amataina le vasega, tusi mataitusi o le upu *usiusitai* i ni fasipepa eseese, ma ia nana faataamilo i le potu o le vasega. Ia faamatala atu i tamaiti e i ai ni mataitusi ua e nanāina i totonu o le potu. Ia tuuina atu ni faatonuga patino e maua ai mataitusi taitasi. Pe a maua mataitusi uma, ia tuu i luga o le fola o le fale po o se laupapa mo le maua ai o le upu *usiusitai*. Ia fesili atu pe sa faapefea ona mafai e i latou ona maua mataitusi uma. Aoao atu i tamaiti e finagalo le Tama Faalelagi ia i tatou ina ia filifili ia usiusitai. O le aoao ina ia usiusitai o se tasi lea o pogai autu ua tatou i ai iinei i le lalolagi. E finagalo le Tama Faalelagi ia i tatou ina ia faaaoga la tatou filifiliga saoloto ma ia filifili e usiusitai i le fautuaga a taitai o le Ekalesia. Fesili atu i tamaiti po o le a se mea ua latou manatu e sili ona taua e mafai ona latou faia e maua ai le fiafia. Ia toe faasino mataitusi e sipela mai ai le upu *usiusitai*. Ia faamalamalama atu ua tau mai e le Tama Faalelagi ia i tatou i tusitusiga paia ma auala mai i ana taitai o le ekalesia le mea ua finagalo o ia tatou te fai. Afai tatou te faaaogaina la tatou filifiliga saoloto e usiusitai ai ma faia mea ua ia fetalai mai ai, o le a fesoasoani mai o ia ia i tatou i le maua o le fiafia.
3. Ia saunia fasipepa o upu nei:
 - Amiotonu
 - Faamanuiaga
 - Faatamaoigaina
 - Faamaualuga
 - Amioleaga
 - Mafatiaga po o le faafanoga
 - Lotomauualalo
 - Salamō

Ia faamatala atu i le tala faasolopito atoa lava, afai e amiotonu tagata, e faamanuiaina i latou e le Tama Faalelagi e ala i le faatamaoigaina. O le mea e faanoanoa ai e mafai ona avea lenei faatamaoigaina ma mea e taitai atu ai i le faamaualuga ma le amioleaga ma o nisi taimi o le matua faafanoina lava.

Ia faamatala atu o le mea lenei na tupu i tagata Sa laretō. O le taimi muamua sa avea i latou ma ni tagata amiotonu ma sa faamanuiaina ma faatamaoigaina. (Tusi se lio lapoa i luga o le laupapa, ma ia fai atu i tamaiti ia faapipii i luga o le laupapa le fasipepa o upu “Amiotonu,” “Faamanuiaga,” ma le “Faatamaoigaina” i tulaga e tata ai i luga o le lio [tagai i le ata o lo o i lalo]). Ona avea ai lea o tagata Sa laretō ma tagata faamaualuluga ma teena perofeta. Sa avea tagata ma tagata matua amioleaga ma o le mea lea na faaumatia ai i latou uma. (Ia tuu e tamaiti fasipepa o upu “Faamaualuga,” “Amioleaga,” ma le “Mafatiaga po o le Faafanoga” i tulaga e tata ai i le lio.) Ia faamatala atu ana fai e lotomauualalo tagata Sa laretō ma salamō a o le i

oo mai le taimi e faaumatia ai, semanu e mafai ona toe foi atu i latou e olioli i faamanuiaga o le ola amiotonu. (Ia faapipii e tamaiti i luga o le laupapa fasipepa o upu “Lotomauualalo” ma le “Salamō” i tulaga e tatau ai i luga o le lio.) Ia fesoasoani atu i tamaiti ina ia malamalama o lenei taamilosaga e masani ona tupu mai i o tatou lava olaga e faapea foi i le talafaasolopito o atunuu.



4. Ia faia e tamaiti a latou lava kopi o le lio o le talafaasolopito e ave ma faamatala i o latou aiga. E mafai ona faia e tamaiti a latou lio i se tulaga patino e ala i le faaopopo i ai o mea e pei o le “faalogo i perofeta”, “usiusitai i ou matua,” “tatalo i aso taitasi,” “faaalua o le agaga faafetai”, “auna atu i isi,” ma isi mea.
5. Usu pe faitau upu o le pese “Follow the Prophet” (*Children’s Songbook*, p. 110), “Tausia Poloaga” (*Liahona*, Setema 1994), po o le “We’ll Bring the World His Truth” (*Children’s Songbook*, p. 172).

Faaiuga

Molimau

Ia molimau atu afai tatou te filifili e faalogo ma usiusitai i perofeta a le Tama Faalelagi, o le a faamanuiaina i tatou ma mafai ona tatou faatoilaloina le tiapolo.

Tusi Fautuaina e
Faitau i le Aiga

Ia fautuaina tamaiti e suesue le Eteru 13:13–22 ma le 15:33–34 e toe iloilo ai lenei lesiona.

Tofi se tamaititi e faia le tatalo faaiu.

O Moronae Ma Ana Tusitusiga

Lesona
42

Faamoemoega

la fesoasoani i tamaiti ina ia mananao e filifili le lelei ae le o le leaga ina ia faamanuiaina latou i le alofa foai, o le alofa mama lea o Keriso.

Sauiniuniga

1. Suesue ma le agaga tatalo le Mamona 8:2–6 ma le Moronae 1:7–8. Ona suesue lea i le lesona ma filifili le auala e te manao e aoao ai tamaiti i le faamatalaga o tusitusiga paia. (Tagai i le “Sauniaina o Au Lesona,” itulau e vi, ma le “Aoao mai i Tusitusiga Paia”, itulau e vii).
2. Filifili fesili talanoaina ma gaoioiga e faamau’oa mai ai o le a aofia ai tamaiti ina ia sili ona fesoasoani mo i latou ina ia ‘ausia ai le faamoemoega o le lesona.
3. O Mea e Faaaoga:a. la tofu tamaiti ma se Tusi a Mamona. e. Ata 4–51, Ua Faamavae Atu Mamona i Se Nuū Sa Tautaua (Taga Ata o le Talalelei 319; 62043).

Faalautelega Fautuaina o le Lesona

Tofi se tamaititi e faia le tatalo amata.

Gaoioiga e
Faatosina Mai Ai

Faali atu le ata Ua Faamavae Atu Mamona i Se Nuū Sa Tautaua ma ia fesili atu i tamaiti po o ai alii o lo o i le ata.

la faamatala atu sa tuuina atu e Mamona se vaega o tala faamaumau paia i lona atalii o Moronae ina ia puipua ia tala faamaumau mai Sa Lamanā ma ia faaumaina e Moronae le tala faamaumau. la faitau e tamaiti upu a Moronae o lo o i le Mamona 8:2–5.

la fesoasoani atu i tamaiti i le filifiliga pe tusa o le a le umi o le taimi sa tuua ai na o Moronae e ala i le sailia o le tausaga o le taua mulimuli a Sa Nifaē o lo o taua i lalo o le itulau o le Mamona 6. Ona toese lea e tamaiti lena aso mai le tausaga ua tusia i le pito i lalo o le itulau mulimuli o le Moronae 10. (421–385=36 tausaga).

la fesili atu i tamaiti po o le a le umi o se taimi na tuua ai na o i latou. la fesoasoani atu ia i latou ina ia mafaufau po o le a se tulaga e ono oo i ai pe a tuua na o i latou mo le tolu sefulu ma le ono tausaga.

la faamatala atu na ola Moronae i le tele o faigata mo le faamaeaina o papatusi auro ina ia mafai ona oo mai ia papatusi i augatupulaga o lumanai e aveia ma Tusi a Mamona ma fesoasoani ai ia i tatou ia aveia ai faapei o lesu Keriso.

Atonu foi e te manao e faaaoga le gaoioiga e faamauoa mai ai 1 e aveia ma se gaoioiga e faatosina mai ai.

Tala o Tusitusiga
Paia

la aoao atu i tamaiti le tala e uiga i le ola toatasi o Moronae i le vaomatua ma tusia upu a lona tama i papatusi, e pei ona taua i le Moronae 8:2–6 ma le Moronae 1,7–8, (Mo auala fautuaina e aoao atu ai tala o tusitusiga paia, tagai i le “Aoaoga mai Tusitusiga Paia” itulau e vii).

Talanoaga ma Fesili e Faatatau I Ai

Suesue i fesili o lo o i lalo ma mau a o e saunia lau lesona. Faaaoga fesili o le a e manatu o le a sili ona fesoasoani i tamaiti e malamalama ai i tusitusiga paia ma faatino mataupu faavae i o latou olaga. O le faitauina o mau faatasi ma tamaiti i le vasega o le a fesoasoani lea ia i tatou e mau ai se malamalamaaga i tusitusiga paia.

- Sa tusia foi e Moronae se talafaasolopito puupuu o nisi tagata e ese mai le faamaeaina o le tala faamaumau a Sa Nifaē. O ai na tagata? (Moronae 1:1.)
- O le a se lagona sa i ai ia Moronae e uiga ia lesu Keriso? (Moronae 1:2–3.) Atonu e te manao e tuuina atu lau molimau e uiga ia lesu Keriso. Pe mafai faapefea e le maua o se molimau e uiga ia lesu Keriso ona fesoasoani ia i tatou i le filifilia o le mea sao?
- O le a le mea na tusia e Moronae e uiga i le faia o galuega lelei? (Moronae 7:6–8.) Aisea ua taua ai le faia o galuega agalelei faatasi ma le i ai o le lagona sao? O a nisi o meaalofa ua poloaiina ai i tatou e tuuina atu i le avea ma tagata o le Ekalesia a lesu Keriso? (Auauna atu, alofa, usiusitai, sefuluai, taulaga anapogi).
- O le a le mea na tusia e Moronae e tusa ma le auala e tataua ona tatou tatalo ai? (Moronae 7:9.) O le a se mea e mafai ona tatou faia e avea ai a tatou tatalo ma ni tatalo e faia ma le loto faamaoni?
- O le a le agaga ua tuuina mai ia i tatou uma e fesoasoani ia i tatou e iloa ai le lelei mai le leaga? (Moronae 7:15–18. Ia faamatala atu o le malamalama o Keriso e masani lava ona taua o le lotofuatiaifo o le tagata.) O le a se isi fesoasoani e auina mai e le Tama Faalelagi pe a papatisoina i tatou? (O le meaalofa o le Agaga Paia.) O le a se auala e mafai ai ona tatou faaaoga lenei malamalama i le faia o filifiliga? (Tagai i le gaoioiga e faamauoa mai ai 2.)
- O le a le mea na tusia e Mamona e uiga i le alofa moni? (Moronae 7:45, 47, tagai i le gaoioiga e faamauoa mai ai 3 ma le 4). Aisea ua taua ai ia i tatou le maua o le alofa moni? (Moronae 10:21.)
- O le a se mea e mafai ona tatou faia e maua ai le alofa mama o Keriso (Alofa moni)? (Moronae 7:48.) O a faamanuiaga ua folafola mai ia i tatou pe afai e maua e i tatou le alofa mama o Keriso?
- O le a le mea na tusia e Moronae e uiga i le papatisoina o tamaiti laiti? (Moronae 8:8–10.) O le a le uiga o le malamalama? (O le mafai lea ona iloa le lelei ma le leaga ma o tatou lava e pa'ū iai a tatou filifiliga.) O le fia o o tatou tausaga tatou te malamalama ai i mea tatou te fai? (Valu tausaga le matua; vaai MFF 68:25–27.)
- O le a sou manatu i le tulaga e ono ese ai le talafaasolopito o Sa Nifaē ma Sa Iaretō pe ana fai latou te faatinoina mataupu faavae o le alofa moni i o latou olaga?

**Gaoioiga e
Faamauoa
Mai Ai**

Atonu e te manao e faaaoga se gaoioiga se tasi poo le sili atu foi o gaoioiga nei i le taimi o le lesona poo le avea ma iloiloga, aotelega, poo se lu'i.

1. O le a e manaomia se fasi apa ma se fao i lenei gaoioiga. (Atonu e lelei pe a i ai se tapuni lautele e fai ma fasi apa. Ia ufiufi pito maamaai uma i se mea faapipii.) Ia auauai mai tamaiti e faaaoga se fao e 'osi'osi ese ai se mataitusi pe lua o upu nei: *O lenei o au, o Moronae. . . .* mai le fasi uamea po o le apa.

la tuuina atu lau faafetai mo tagata na tausia tala faamaumau a le Tusi a Mamona, o e sa tusia togitogi upu a le Atua i papatusi uamea.

2. la faaaoga faataitaiga o lo o i lalo po o ni faataitaiga faapea o filifiliga e ono fetai ma lau vasega. la faaaoga e tamaiti le Moronae 7:16 e fesoasoani ia i latou i le filifiliga o le lelei mai le leaga.

O lo o e taalo i le polo faatasi ma au uo a ua manao nei se tamaititi e le lelei lana taalo ia i ai i la outou au. Ua tau atu e au uo ia te oe afai e taalo lenei tagata i lau au o le a faiaina lau au i le taaloga. Ua e mafaufau nei e le taalo le tamaititi faatasi ma oe. la fesili ifo ia te oe lava, "Pe o le a avea ea lenei filifiliga ma mea e valaauina ai au ia faia mea lelei ma ia talitonu ia Iesu Keriso?"

"O lo o e matamata i se tifaga o lo o i ai se vaaiga le mamā e na o ni nai sekone e alu ai. Ua e lagona le maasiasi e alu ese atu mai le tifaga. Fesili ifo ia te oe lava, "Pe avea ea le matamata pea i lenei tifaga ma mea e valaauina ai au ia faia se mea lelei ma ia talitonu ia Iesu Keriso?"

O lo o e i ai i totonu o se faleoloa ma ua faia e le tagata o lo o faia lau faatau se mea sese ma ua le sao le aofaiga o le tupe ua fai mai o ia e totogi mo le mea o lo o e faatauina. Ua e iloa e sili atu le tau o le mea nai lo le tau ua fai mai le faatauoloa e totogi, peitai ua faia e le faatauoloa se mea sese. la fesili ifo ia te oe lava, "Pe avea ea le totogiina o le tau sese ma mea e valaauina ai oe e faia se mea lelei ma ia talitonu ia Iesu Keriso?"

"Ua faatonuina oe e lou Epikopo ina ia faitau le Tusi a Mamona i aso uma. O nisi taimi e faigata ai ia te oe ona malamalama i upu mai tusitusiga paia. Fesili ifo ia te oe lava, "Pe avea ea le faitauina o tusitusiga paia i aso uma ma mea e fesoasoani mai ai ia te au ia faia mea lelei ma faatauina au ina ia talitonu ia Keriso?"

3. la faamatala atu uiga lelei o le alofa moni e pei ona tusia i le Moronae 7:45 ma ia faaaoga upu e mafai ona malamalama atu ai i tamaiti. E mafai ona e fai atu i tamaiti e faafetai faamatalaga a Moronae ma au faamatalaga:

E onosai: E faapalepale

Agamalu: E le saua pe fasi tagata, ae alofa

E le losilososi: E le lotoleaga

E le faafefeteina: E loto mauualalo, e le mitamita vale

E le sailia e ia ana lava mea: E le manatu faapito

E le faaitaita gofie: E faatuatua lona ita, ma e vave faamagalalo atu

E le mafaufau i le leaga: E faalagolagoina, e saili i le lelei

E fiafia i le faamaoni: E faamaoni

E faato'ato'a i mea uma: E usiusitai

E talitonu i mea uma: E faatuatua

E faamoemoe i mea uma: E faamoemoe, faalagolago

E onosai i mea uma: E onosai, galue punouai

4. Sa i ai ia Moronae le alofa mama o Keriso. la fesoasoani atu i tamaiti ina ia maua nisi o faataitaiga o lo o i lalo o le alofa moni o Moronae, pe faaaoga nisi o faataitaiga o lo o i lalo a o e faamatala atu i tamaiti le tala e uiga ia Moronae.

E onosai: Sa ola Moronae na o ia mo le silia i le tolusefulu ma le ono tausaga ma le onosai tele i le tausia o tala faamaumau. (Mamona 8:5.)

E agamalu: Sa tatalo Moronae mo i tatou, ma sa alofa o ia i ona uso. (Eteru 12:36–38.)

E le losilosu: Sa vaai e Moronae o tatou nei aso ma fautua mai ia i tatou ina ia le losilosu pe mitamita. (Mamona 8:35–37.)

E le faafefeteina: Sa lotomauualalo Moronae ona o lona vaivai e tusitusi. (Eteru 12:23–25.)

E le sailia e ia ana lava mea: Sa galue Moronae ma le le manatu faapito ma sa tatalo mo i tatou ina ia tatou maua se malamalamaga e uiga ia Iesu Keriso. (Mamona 9:36; Eteru 12:41.)

E le itaita gofie: Sa faamagalo e Moronae ona fili ma galue malosi e tusia mea sa ia faamoemoe o le a taua mo i latou. (Moronae 1:4.)

E le mafaufau i le leaga: Sa apoapoai mai Moronae ia i tatou ina ia pipii pea i le faia o mea lelei ma ia aua le pai atu i mea leaga. (Moronae 10:30.)

E fiafia i le faamaoni: Sa faamaoni Moronae. (Moronae 10:27.)

E faato'ato'a i mea uma: Talu ai ona sa le faafitia e Moronae Iesu Keriso, o le mea lea sa i ai ia te ia le femalaga'ai solo na o ia mo lona saogalemu. (Moronae 1:2–3.)

E talitonu i mea uma: Sa uunaiina i tatou e Moronae ina ia talitonu ia Iesu Keriso. (Mamona 9:21.) Sa matua uiga ese le faatuatua o Moronae ma o le mea lea sa mafai ai e ia ona vaai ma faafesagai ma le Keriso. (Eteru 12:32.)

E faamoemoe i mea uma: Sa malamalama Moronae i le taua o le faamoemoega. (Eteru 12:32.)

E tumau i mea uma: Sa faatuatua Moronae e oo i le iuga. (Moronae 10:34)

5. Sa maua e Moronae se tusi mai lona tama ina ua valaauina Moronae i le taimi muamua lava i le galuega faamisiona. O se tasi o vaega o le tusi sa faaalua ai e Mamona lona alofa, agaga faafetai, ma le manatu mamafa mo lona atalii (tagai i le Moronae 8:2–3). A o lei amataina le vasega ia tusia e se matua, po o se tagata matua o le aiga po o se uo, a tamaiti taitoatasi i lau vasega se tusi o le alofa ma le agaga faafetai. Ia tuuina atu nei tusi i tamaiti a o e faamatala atu le alofa sa ia Mamona mo lona atalii o Moronae. Ia faamalamalama atu sa faatau e Moronae lenei tusi; sa fealua'i ma ia a o sola ese o ia mai ona fili. Ia fautua atu ina ia teu lelei e tamaiti a latou tusi e avea ma mea e faamanatu ai ia i latou ina ia faaa'uau pea ona faia mea lelei o le a fiafia ai o latou matua faapea ma le Alii.
6. Ia toe faamanatu le mataupu e sefulutolu o le faatuatua.
7. Usu pe faitau upu o le pese "I'm trying to be like Jesus" (Children's Songbook, p. 78).

Faaiuga

Molimau	Ia faaalua lou agaga faafetai mo Moronae ma tuuina atu lau molimau e uiga i le moni o ana tusitusiga. Ia molimau atu e mafai e i tatou uma ona faasolosolo e avea e faapei o Keriso.
Tusi Fautuaina e Faitau i le Aiga	Ia fautuaina tamaiti e suesue le Moronae 1:7; 5–9, 43–48 i le fale e toe iloilo ai lenei lesona. Tofi se tamaititi e faia le tatalo faaii.

Ua Aoao Atu e Moronae ia Faatuatua ia Iesu Keriso

Lesona
43

Faamoemoega la uunaiina tamaiti taitoatasi ina ia maua le faatuatua ia Iesu Keriso.

- Sauniuniga**
1. Suesue ma le agaga tatalo le Eteru 12:6–41 ma le Moronae 7:21–28, 33–34. Onaaoao lea o le lesona ma fuafua pe faapefea ona e aoaoina i tamaiti faamatalaga o tusitusiga paia. (Tagai i le “Sauniaina o Au Lesona,” itulau vi, ma le “Aoao mai Tusitusiga Paia,” itulau vii.)
 2. Filifili fesili talanoaina ma gaoioiga e faamau’oa mai ai o le a aofia ai tamaiti ina ia sili ona fesoasoani mo i latou ina ia ‘ausia ai le faamoemoega o le lesona.
 3. Saunia fasipepa e iva o lo o i lalo e tusia ai upu (mai i le Eteru 12:6) mo le gaoioiga e faamauoa mai ai:
O le faatuatua
o le
mea
ua
faamoemoe
i ai
ae
le o
vaaia
 4. O Mea e Faaaoga:
 - a. la tofu tamaiti ma se Tusi a Mamona.
 - e. Ata 4–9, O Iesu le Keriso (Taga Ata o le Talalelei 240:62572).

**Faalautelega
Fautuaina
o le Lesona**

Gaoioiga e
Faatosina Mai Ai

Tofi se tamaititi e faia le tatalo amata.

A o le i amataina le vasega, ia tuu le fasipepa o upu “O le faatuatua o le” ma le ata o Iesu Keriso i luga o le laupapa po o le puipui o le fale. Ia tuu isi pepa taitasi e valu o fasipepa o upu mo le faamatalaga o le faatuatua i lalo o nofoa o tamaiti.

Ia sue e tamaiti fasipepa o upu ma aumaia ia fasipepa o upu i luma o le vasega ma taumafai e tuu i le faasologa e tatau ai.

Ia faitau ma talanoaina le mau ua uma ona faatulaga (Eteru 12:6).

- O a mea tou te le o vaaia o lo o outou mananao e vaavaai i ai? Pe faapefea ona e iloa o lo o i ai ia mea?
- E ui lava ina tatou te le i vaai ia Iesu Keriso i o tatou lava mata, ae pe faapefea ona tatou iloa o lo o soifua o ia?

- O le a le uiga o le faatuatua ia Iesu Keriso? (O le maua lea o se talitonuga e lava lona malosi e uiga ia Iesu Keriso ma o le mea lea tatou te usiusitai ai ia te ia ma taumafai e avea faapei o ia).
- O a nisi auala e mafai ona fesoasoani mai ai Iesu Keriso ia te oe pe afai e ia te oe le faatuatua ia te ia? (E mafai ona ia tuuina mai ia te oe le faamafanafanaga, faatonuga, filemu, malosi, faamalologa).

la faamatala atu o lo o aoao mai le Tusi a Mamona e uiga i le tele o tagata o e na maua faamanuiaga silisili ma latou faia vavega ona o lo latou faatuatua ia Iesu Keriso.

Tala o Tusitusiga Paia

la aoao atu i tamaiti e uiga i aoaoga a Mamona ma Moronae e uiga i le faatuatua mai le Moronae 7:21–28, 33–34 ma le Eteru 12:6–41. (Mo auala fautuaina e aoao atu ai tala o tusitusiga paia, tagai i le "Aoaoga mai Tusitusiga Paia," itulau e vii). la faamatala atu sa tusia e Mamona ma Moronae ni faamatalaga e uiga i le toatele o tagata o e na faamanuiaina ona o lo latou faatuatua (tagai i le gaoioiga e faamauoa ai lona 2).

Talanoaga ma Fesili e Faatatau I Ai

Suesue i fesili nei ma mau nei ao e sauniaina lau lesona. Faaaoga fesili e te manatu o le a sili ona fesoasoani i tamaiti latou te malamalama ai i tusitusiga paia ma faaoga mataupu faavae i o latou olaga. O le faitauina o mau ma tamaiti i le vasega o le a fesoasoani latou te maua ai le malamalama i tusitusiga paia.

- O le a le mea na fetalai mai ai Iesu Keriso o le a tatou maua pe afai e ia i tatou le faatuatua ia te ia? (Moronae 7:33) (Tagai i le gaoioiga e faamauoa mai ai 1).
- O le a le mea sa aoao mai e Moronae e uiga i le auala e maua ai se molimau, po o se mau, e uiga i le talalelei? (Eteru 12:6). O le a le uiga o le "tofotofoina o lo outou faatuatua"? (O le tofotofoina lea o lou faatuatua i se auala).
- la faamatala atu e i ai i tagata uma vaivaiga. O a ni auala e mafai ai e le iai o le faatuatua ia Iesu Keriso ona fesoasoani ia i tatou e manumalo i o tatou vaivaiga? (Eteru 12:27.)
- O a nisi o mea o le a fesoasoani ai le faatuatua ia Iesu Keriso i tatou te faia? (Tatalo, maua tali i tatalo, salamō, ia papatisoina, mulimuli i uunaiga a le Agaga Paia, auuina atu i isi, teena faaosoosoga, totogi le sefuluai, faafetaiaia lui, faapea atu "faamagalō mai au," auai i le lotu, usiusitai i le upu o le potu, ma isi mea).
- O le a se folafolaga e uiga i le tatalo ua tuuina mai e le Tama Faalelagi ia i latou o e o i ai le faatuatua? (Moronae 7:26.) Pe sa faapefea ona maua ni tali i au tatalo?

la faaavanoa se taimi mo tamaiti e faaali mai ai o latou lagona e uiga ia Iesu Keriso. la faamatala atu o nei lagona e faaalai ai ua ia i latou le faatuatua ia te ia.

Gaoioiga e Faamauoa Mai Ai

Atonu e te manao e faaoga se gaoioiga se tasi poo le sili atu foi o gaoioiga nei i le taimi o le lesona poo le avea ma iloiloga, aotelega, poo se lu'i.

1. la tusia igoa o tagata taitoatasi o lo o i lalo i ni fasipepa eseese ma tuu i totonu o se atigipusa. la auuina mai tamaiti i le filifiliga o se fasipepa, ma

i le faaaogaina o le ata e tatau ai, ia faamatala manino mai le auala na faamanuia ai tagata o lo o taua i le pepa i le mana ona o lo latou faatuatua ia Iesu Keriso.

Na lulu le falepuipui ona o Alema ma Amoleka. (Alema 14:26–28.) Faaali atu le ata 4–29, Ua Savavali Mai i Fafu Alema ma Amoleka mai le Falepuipui ua Soloia i lalo.

Sa tuu Nifae ma Liae i le falepuipui ma sa siomia i laua i le afi. (Helamana 5:44–52). Faaali atu le ata 4–41, O Nifae ma Liae i le Falepuipui.

Sa faasaoina e Amona Lafumanu a le Tupu o Lamona. (Alema 17:29–18:3; 26:12.) Faaali atu le ata 4–30, Ua Puipuia e Amona Lafumanu a le Tupu o Lamona (Taga Ata o le Talalelei 310;62535).

Sa vaaia e le uso o lareto le tino faaleagaga o Iesu Keriso ma sa siitia eseina se mauga. (Eteru 3; 12:30.) Faaali atu le ata 4–52, Ua Vaaia e le Uso o lareto le Tamatamai aao o le Alii (Taga Ata o le Talalelei 318;62478).

Sa faasaoina ola o le luaafe o fitafita i le taua. (Alema 56:44–56.) Faaali atu le ata 4–40, O Tagata Totoa Talavou e Lua afe (Taga Ata o le Talalelei 313;62050).

Ua maua e Nifae papatusi apamemea. (1 Nifae 4:1–31.) Faaali atu le ata 4–8, O le toe foi atu o Nifae ia Liae ma Papatusi Apamemea.

Sa taitaiina atu Liae ma lona aiga e le Liahona i le laueleele o le folafolaga. (1 Nifae 16:28–29; 18:23.) Faaali atu le ata 4–20, O Le Taunuu o Liae ma ona tagata i le Laueleele o le Folafolaga (Taga Ata o le Talalelei 304;62045).

Sa faaali atu Iesu Keriso i ona soo i se mana uiga ese. (Eteru 12:31.) Faaali atu le ata 4–45, O Iesu o lo o Aoa atu i le Itu Lalolagi i Sisifo (Taga Ata o le Talalelei 316;62380).

Sa i ai ia Apinati le naunau ina ia oti mo lana molimau e uiga ia Iesu Keriso. (Mosaea 17:7–20.) Faaali atu le ata 4–22, O Apinati i luma o le Tupu o Noa (Taga Ata o le Talalelei 308;62042).

2. Ia faia le taaloga Po o Ai A'u? faatasi ma tamaiti. Ia tuuina atu ia i latou mea nei e faigofie ona iloa ai tali, ma ia mate mai e i latou le tagata o lo o e talanoa e uiga i ai.

Sa ou tatalo i le ao ma le po atoa, i le faaaogaina o lou faatuatua ia Iesu Keriso. (Enosa.)

Ona o le faatuatua, o le mea lea na faaali mai ai se agelu i lou atalii ma atalii e toafa o Mosaea e valaauina ai i latou ina ia salamō. (Alema.)

Sa ou faaaogaina se fu'a faapitoa e uunaia ai ou tagata ina ia maua le faatuatua ia Iesu Keriso ma ia tau mo lo latou saolotoga ma o latou aiga. (Kapeteni o Morona.)

Ona o lo'u faatuatua, o le mea lea na ou filifilia ai e ave lou aiga ma o atu faatasi ma Liae ma lona aiga i le vao. (Isamaeli.)

Sa ia te a'u le faatuatua e toe foi atu i Ierusalem e aumai papatusi apamemea. (Nifae.)

O lo'u faatuatua ia Iesu Keriso na mafai ai e au ona vaai i lona tamatamai aao ma sosoo ai ma lona tino atoa. (Uso o lareto.)

O lo matou faatuatua ia Iesu Keriso, e pei ona aoaoina e o matou tina, na faasaoina ai o matou ola i le taua. (Tagata Totoa e 2,000.)

O lo'u faatuatua ia Iesu Keriso ma lo'u naunau e talai lana talalelei sa fesoasoani lea ia te au i le taua faasaga atu i se vaega o tagata faomea o e na mananao e fasimateina mamoe a le Tupu o Lamonae. (Amona.)

O lo maua faatuatua na luluina ai le faapuipui. (Alema ma Amoleka.)

A o i ai maua i le falepuipui, sa siomia i maua i se afi ona o lo maua faatuatua. (Nifae ma Liae.)

Ona o lo matou faatuatua ia Iesu Keriso, o le mea lea o le a le tofo ai i matou i le oti. (Sa Nifaē e toatolu.)

Sa taitaiina i matou e le Liahona i le laueleele o le folafolaga e tusa ma lo matou faatuatua ia Iesu Keriso. (Liae ma lona aiga.)

3. Ia talanoaina le auala e mafai ai ona fesoasoani gaoioiga o lo o i lalo ia i tatou e faamalosia ai lo tatou faatuatua ia Iesu Keriso:

Suesue i Tusitusiga Paia: A o e aoao e uiga ia Iesu Keriso ma le mea na ia fai, o le a e faatupuina le alofa e sili atu ona tele atoa ma le faatuatua ia te ia.

Tatalo: E mafai ona tatou ole atu i le Tama Faalelagi e fesoasoani mai i le faamalosia o lo tatou faatuatua ia Iesu Keriso. Usiusitai i aoaoga a Iesu Keriso: O le usiusitai i ana poloaiga e aumaia ai le fiafia ma le filemu.

4. Ia talanoaina ma tauloto le mataupu lona fa o le faatuatua, ma ia faamamafaina le faatuatua ia Iesu Keriso e avea ma uluai mataupu o le talalelei.
5. Ia faamatala atu o le faatuatua e maua mai le iloa ma le faamoemoe. Ina ia faatupuina le faatuatua ia Iesu Keriso e tataua ona tatou iloa o la. Ia tau mai e tamaiti ia te oe mea ua latou iloa e uiga ia Iesu Keriso ma le auala e avea ai le iloa o mea taitasi ma mea e fesoasoani ai i ai latou ia maua le faatuatua ia te ia. Ia tusia ia mea i luga o le laupapa. O nisi o tali e mafai ona tuuina mai atonu e i ai le, o ia o le Alo o le Atua, o lo o soifua o la, e alofa o la ia i tatou, sa maliu mo i tatou, o la o lo tatou Faaola, e ia te la le loto faamagalalo atu, ua ia te la le mana e pulea ai elemene o le lalolagi, e silafia e la le mea e sili ona lelei mo i tatou, e finagalalo o la e fesoasoani mai ia i tatou ia toe foi atu i lona afioaga, sa faaali atu o la ma le Tama Faalelagi ia Iosefa Samita.
6. Ia saunia le fasipepa e tusi ai upu nei "tatou te faatupuina lo tatou faatuatua e ala i le usiusitai i poloaiga a le Alii" ma ia tuu lea pepa i luga o le laupapa po o le puipui o le fale. Ia valaauina tamaiti e tau mai ni taimi na latou usiusitai ai i poloaiga. Ia fesoasoani atu ia i latou ia malamalama o ia filifiliga e faaalua ai le faatuatua ia Iesu Keriso. Ia faapipii ni fasipepa avanoa i luga o le laupapa po o le puipui ma ia faapipii le isi fasipepa i luga ae o le isi ia foliga mai o lo o e fausia se puipui (pe tusia ia mea i luga o le laupapa). Ia tusia e tamaiti i luga o fasipepa taitasi se mea latou te faia e faatupuina ai lo latou

faatuatua ia Iesu Keriso, e pei o le tatalo, faitauina o tusitusiga paia, totogi o le sefuluai, avea ma faataitaiga o filifiliga amiotonu, usiusitai i o latou matua, taumafa i le faamanatuga, usiusitai i poloaiga a le Tama Faalelagi, ma isi mea.

7. Usu pe faitau upu o le pese “Faatuatua” (*Liahona*, Setama 1995), “Ekalesia a Iesu Keriso” (*Liahona*, Fepuari 1990), po o le “Ua Ou Iloa O Lo’u Faaola” (*Viiga*, itulau 73).

Faaiuga

Molimau	la tuuina atu le molimau e uiga i le i ai moni o Iesu Keriso ma o le faatuatua ia te ia tatou te maua ai le mana e avea ai faapei o ia. A o tatou suesue, tatalo, ma usiusitai i ana poloaiga, o le a faamalositia lo tatou faatuatua.
Tusi Fautuaina e Faitau i le Aiga	la fautuaina tamaiti e suesue le Eteru 12:6–22, 41 i le fale e toe iloilo ai lenei lesona. Tofi se tamaititi e faia le tatalo faaiu.

Moronae ma le Folafolaga o le Tusi a Mamona

Faamoemoega

Ina ia uunaiina tamaiti ia maua se molimau a le tagata lava ia e uiga i le Tusi a Mamona ma suesue iai ma ola i ana aoaoga i o latou olaga atoa.

Sauniuniga

1. Suesue ma le agaga tatalo le Moronae 10 ma le Joseph Smith - History 1: 30–35, 59–60. Ona aoao lea o le lesona ma fuafua pe faapefea ona e aoaoina i tamaiti faamatalaga o tusitusiga paia. (Tagai i le “Sauniaina o Au Lesona,” itulau vi, ma le “Aoaο mai Tusitusiga Paia,” itulau vii.)
 2. Faitauga Tusi Faaopoopo: Mamona 8: 1–4, 16 ma le itulau tomua o le Tusi a Mamona. Faaaliga: O le itulau tomua o se faaliliuga mai le itulau mulimuli o papatusi auro (tagai i le *History of the Church*, 1: 71).
 3. Filifili fesili talanoaina ma gaoioiga e faamau’oa mai ai o le a aofia ai tamaiti ina ia sili ona fesoasoani mo i latou ina ia ‘ausia ai le faamoemoega o le lesona.
 4. Tusi le upu *Molimau* i se pepa.
 5. O Mea e Faaaoga:
 - a. Ia tofi tamaiti ma se Tusi a Mamona.
 - e. Ata 4–2, Ua Nanaina e Moronae Papatusi i le Mauga o Kumora (Taga Ata o le Talalelei 320; 62462); 4–55, Ua Faaali atu Moronae ia Iosefa Samita i lona Potumoe (Taga Ata o le Talalelei 404; 62492); 4–3, Ua Mauaina e Iosefa Samita Papatusi Auro (Taga Ata o le Talalelei 406; 62012); ma le 4–56, O le Agelu o Moronae i Luga o le Malumalu.
-

Faalautelega Fautuaina o le Lesona

Tofi se tamaititi e faia le tatalo amata.

Gaoioiga e
Faatosina Mai Ai

Faaali atu le ata o Moronae o lo o Nanaina Papatusi i Luga o le Mauga o Kumora. Ia faamanatu atu o lenei ata o lo o faamatalaina mai ai ua latalata ona uma aso o le olaga o Moronae i lenei lalolagi. Ia faamanatu atu foi i tamaiti o le latou suesuega a le latou vasega i le Tusi a Mamona ua latalata foi i lona faaiuga.

Toe faamanatu vaega nei e uiga i le olaga o Moronae:

Na faamaeaina e Moronae ona tusia tusitusiga paia. Ua fasiotia lona tama o Mamona; o ona aiga ua maliliu uma; ua lei ni ana uo. O aū, pelu, ma talitā o le taua o lo o iai pea i nofoaga na faia ai le taua. Ua faaleagaina vaega uma. Na tuua toatasi na o Moronae mo le tele o tausaga, i lona lafi mai tagata Sa Lamanā ma le puipuiga o tusitusiga paia. Na ia faapuupuuina ia itulau e luasefulufa o papatusi auro (tusi o Eteru) ma faaumaina ana lava tusitusiga i luga o papatusi na tuuina atu e lona tama ia te ia.

Toe tagai i le ata, ma faamalamalama atu o le a alu atu Moronae e tuuina papatusi auro i totonu o se pusa ma'a i luga o le mauga o Kumora. Na faia e Moronae se folafolaga faapitoa ia i latou uma lava e faitauina le Tusi a Mamona. O lenei folafolaga o se tasi lea o vaega mulimuli lava na tusia e Moronae i luga o papatusi auro. O se folafolaga e uiga i le mauaina o se molimau i le Tusi a Mamona.

Faaali atu le upu "Molimau." Ta'u atu i tamaiti o le a latou suesueina i lenei lesona auala e uia ina ia maua ai se molimau o le Tusi a Mamona (tagai i le gaoioiga e faamau'oa mai ai 1.) O le a latou aoaoina foi e uiga i le folafolaga na tuuina mai e Moronae ia te i tatou.

Tala o Tusitusiga Paia

Aoao atu le tala i le faataunuaina e Moronae o le poloaiga a lona tama ina ia faamaeaina le tusiaina o tusitusiga paia, o lana folafolaga i ē faamaoni ma lana faamavaega o lo o maua i le Moronae 10, o lona nanāina o tusitusiga i le elelee, ma lona faaali mai i le 1,400 tausaga na lumanai ai ia Iosefa Samita, o lo o maua i le Iosefa Samita 2: 33–42. (Mo auala fautuaina e aoao atu ai tala o tusitusiga paia, tagai i le "Aoaoga Mai i Tusitusiga Paia, itulau vii.) Ia faaaogaina ata i taimi e talafeagai ai.

Talanoaga ma Fesili e Faatatau I Ai

Suesue i fesili nei ma mau nei ao e sauniaina lau lesona. Faaoga fesili e te manatu o le a sili ona fesoasoani i tamaiti latou te malamalama ai i tusitusiga paia ma faaaoga mataupu faavae i o latou olaga. O le faitauina o mau ma tamaiti i le vasega o le a fesoasoani latou te maua ai le malamalama i tusitusiga paia.

- O a mea na manao iai Moronae tatou te manatuaina? (Moronae 10: 3.)
- O a mea na fai mai ai Moronae e tatau ona tatou faia ina ia sailia ai pe moni le Tusi a Mamona? (Moronae 10: 4.)
- O ai e fesoasoani mai i ai tatou ia tatou iloa e moni le Tusi a Mamona? (Moronae 10:5.)
- O le a le folafolaga a Moronae ia i tatou? (Tagai i le gaoioiga e faamau'oa mai ai lona 4.)
- E mafai faapefea ona tatou iloaina le mana o le Agaga Paia pe a ia molimau mai ia i tatou o le Tusi a Mamona e moni? (Ia faamalamalama atu e masani ona uunaiina i tatou e le Alii e ala i o tatou lagona. E masani ona tuuina mai e le Agaga Paia ia i tatou se lagona o le filemu i se mea e sa'o ma lelei. Atonu o se lagona mafanafana e i totonu ia i tatou.)
- O le a le mea sili ona taua e mafai ona e aoaoina mai le suesueina o le Tusi a Mamona? (O Iesu o le Keriso. [Tagai i le itulau tomua o le Tusi a Mamona.]])
- O le a le tala a Moronae e uiga i le oo mai o le Tusi a Mamona? (Moronae 8: 16.) O le a le mana o le a faaoina maia le Tusi a Mamona?
- O ai na mauaina papatusi auro ma faaliliuina i le Tusi a Mamona?
- O lea ua maea nei le galuega a perofeta o le Tusi a Mamona ma le perofeta o Iosefa Samita, o le a so tatou tiutetauave o iai i le Tusi a Mamona? (Ia suesue iai, maua iai se molimau, ola i ana aoaoga, ma fetufaai a tatou molimau ma isi.)

**Gaoioiga
e Faamauoa
Mai Ai**

Atonu e te manao e faaoga se gaoioiga se tasi poo le sili atu foi o gaoioiga nei i le taimi o le lesona poo le avea ma iloiloga, aotelega, poo se lu'i.

1. Fai ni fasipepa e tusi ai upu nei: "Faitau," "Manatua," "Mafaufau," "Tatalo."
Tuu atu le avanoa i tamaiti e auua'i ai i le liliuina i luga o fasipepa o lo o i ai upu ma iloiloia ia auala na tuuina mai e Moronae mo i tatou ina ia maua ai se molimau. Ia talanoaina ma tamaiti pe faapefea ona mafai ona faaogaina e tamaiti nei auala ia maua ai ni a latou molimau:

Ia maua se Molimau o le Tusi a Mamona

Faitau (Ia faamalamalama atu o le auala muamua lava i le mauaina o se molimau a le Tusi a Mamona o le faitau ma suesue iai.)

Ia manatua (Na saunoa mai Moronae e tatau ona tatou manatua le alofa ma le agalelei o Iesu Keriso ma e tatau ona tatou faatumuina o tatou loto i le faafetai mo ia. O Ienei alofa ma le faafetai o le a saunia ai i tatou mo le agaga o faaaliga.)

Maufaufau (E tatau ona tatou mafaufau poo le manatunatu i o tatou loto ma mafaufau i mea na tatou aoaoina e uiga ia Iesu Keriso ma ana aoaoga o lo o i totonu o le Tusi a Mamona.)

Tatalo (E tatau ona tatou tatalo ma le faamaoni, ma fesili atu i le Atua, le Tama Faavavau, i le suafa o Iesu Keriso, pe moni le Tusi a Mamona.)

2. Fetufaa'i ma tamaiti le faamatalaga Ienei mai ia Peresitene Ezra Taft Benson, le Peresitene Iona sefulutolu o le Ekalesia:

"E tolu mafuaaga tetele lava e mafua ai ona tatau ona avea e tagata o le Au Paia o Aso e Gata Ai le suesueina o le Tusi a Mamona o se gaoioiga o le olaga atoa.

"*Muamua*, o le Tusi a Mamona o le ma'a 'au'au o lo tatou talitonuga. . . . O se ma'a 'au'au o se ma'a lea e i le ogatotonugalemu o se faitotoa . E na te taofia uma isi ma'a, ma afai ae aveeseina, o le a solo loa i lalo le faitotoa.

"E tolu auala ua avea ai le Tusi a Mamona o le ma'a 'au'au o lo tatou talitonuga. O le ma'a 'au'au i a tatou molimau ia Iesu Keriso. O le ma'a 'au'au i a tatou aoaoga. O le ma'a 'au'au o le molimau. . . .

"O le mafuaaga lona *lua* . . . na tusia mo o tatou aso

"O le mafuaaga lona *tolu* . . . e fesoasoani ia i tatou ina ia tatou latalata atu ai i le Atua

"E iai le mana i totonu o le tusi o le a amata ona sosolo atu i o outou olaga i le taimi lava e amata ona e suesue ai ma le faamaoni i le tusi. O le a e iloaina se mana uiga ese e tetee atu ai i faaosoosoga. O le a e mauaina le mana e aloese mai ai i taufaasese. O le a e mauaina le mana e te tumau ai i le ala sa'o ma le va apiapi" (*O Le Liahona* Ianuari, 1987).

3. Faaali atu le ata o le Agelu o Moronae i luga o le Malumalu. Ia faamalamalama atu tatou te aoaoina mai le Faaaliga 14: 6 ma le Mataupu Faavae ma Feagaiga e 133: 36 le toe foi mai o le agelu (Moronae) ma le "talalelei e faavavau" i le lalolagi. Ia valaaulia tamaiti e vaai i le faatagata auro

o Moronae i luga o nisi o a tatou malumalu ma manatua Moronae, e le'i faatamala lava o ia i lana molimau ia Iesu Keriso: "Ma o a'u o Moronae, ou te le faafitia lava le Keriso" (Moronae 1: 3).

4. la valaaulia tamaiti e faitauina ma taulotoina vaega poo folafolaga uma o le Tusi a Mamona (Moronae 10: 4–5) poo le mataupu e valu o le faatuatua.
5. la faamalamalama atu a tatou maua se molimau o le Tusi a Mamona, ua tatou maua foi se molimau -
 - O Iesu o le Keriso
 - O Iosefa Samita o se perofeta a le Atua
 - O le Ekalesia a Iesu Keriso o le Au Paia o Aso e Gata Ai o le ekalesia moni lea a le Atua.
6. la valaaulia tamaiti e fetufaai atu ni tala latou te fiafia iai mai le Tusi a Mamona. (Atonu latou te mananao e faatino nisi o nei tala.) Fai atu iai poo a ni lesona taua na latou aoaoina mai nei tala.
7. Usu pe faitau upu o le "Search, Ponder, and Pray" (*Childrens Songbook*, p. 109).

Faaiuga

Molimau	la molimau atu i le moni o le folafolaga a Moronae o lo o i le Moronae 10: 3–5 ma o tamaiti taitoatasi uma lava i lau vasega e mafai ona maua e ia sana molimau i le moni o le Tusi a Mamona. la valaaulia tamaiti e tuuina atu ni a latou molimau i le Tusi a Mamona.
Tusi Fautuaina e Faitau i le Aiga	la fautuaina tamaiti e suesue le Moronae 10: 1–5 i le fale e toe iloilo ai lenei lesona. Tofi se tamaititi e faia le tatalo faaiu.

O Le Tusi a Mamona O Se Molimau I Le Toetu O Iesu Keriso (Eseta)

Faamoemoega

Ina ia aoaina tamaiti o le Tusi a Mamona o se tasi lea o molimau tusitusia o le toetu o Iesu Keriso.

Sauniuniga

1. Suesue ma le agaga tatalo le Alema 11:40–45; ma le 3 Nifae 11:1–17. Ona aoao lea o le lesona ma fuafua pe faapefea ona e aoaina i tamaiti faamatalaga o tusitusiga paia. (Tagai i le “Sauniaina o Au Lesona,” itulau vi, ma le “Aoao mai Tusitusiga Paia,” itulau vii.)
2. Filifili fesili talanoaina ma gaoioiga e faamau’oa mai ai o le a aofia ai tamaiti ina ia sili ona fesoasoani mo i latou ina ia ‘ausia ai le faamoemoega o le lesona.
3. O Mea e Faaoga:a. Ia tofu tamaiti ma se Tusi a Mamona.
 - e. Se Tusi Paia.
 - i. Se totini lima poo se totini.
 - o. Ata 4–49, O Iesu Keriso Toetu (Taga Ata o le Talalelei 239; 62187), ma le 4–45, O Lo o Aoao Atu Iesu i le Itu Lalolagi i Sisifo (Taga Ata o le Talalelei 316; 62380).

Faalautelega

Fautuaina

o le Lesona

Tofi se tamaititi e faia le tatalo amata.

Gaoioiga e
Faatosina Mai Ai

(Afai e le maua ni totini lima poo ni totini e faaoga i vae, atonu e te manao e faaoga le gaoioiga e faamau’oa mai ai lona 2 e avea ma gaoioiga e faatosina mai ai.)

Ia sii i luga lou lima, ma faamalamalama atu o lo o faatusa iai le agaga o lo o i totonu o o tatou tino. E mafai e le agaga ona gaoioi. Ia faaali atu foi le totini lima, ma faamalamalama atu o lo o faatusa iai le tino faaletino. Pe a tatou fananau mai, ua tuufaatasia mo se taimi lē tumau le tino ma le agaga, ma e tuuina atu e le agaga i le tino le ola. E le mafai e le tino ona gaoioi na o ia. E pei lava ona tuuina o le totini lima i le lima, ua mafai ona ola ma gaoioi le tino pe a ulu atu iai le agaga. (Faamaulu le totini lima i lou lima.) E tofu uma lava tatou ma tino ma agaga. Ia faamalamalama atu a tatou oti, ua tuueseese le agaga mai le tino. (Aveese le totini lima mai le lima.) Pe mafai e le tino ona gaoioi e aunoa ma le agaga? Pe a tatou oti, faamata o ola pea le agaga ma mafai ona gaoioi? (Faagaoioi ou tamailima e faaali atu ai.) I le taimi o le Toetutū o le a toe faatasi ai le tino ma le agaga. (Toe faamaulu le totini lima i lou lima.) O tagata uma lava e nonofo i le lalolagi o le a toetutū mai pe a mavae le oti. O Iesu Keriso ua na o ia lea ua ia mafai ona faia le toetutū mo i tatou. (*O Le Liahona*, Fepuari 1974.)

O le a le uiga o le avea ma molimau? (O le molimau o se tagata poo se mea lea e avea ma faamaoniga o ni mea moni.) O le Feagaiga Fou i le Tusi Paia o se molimau tusitusia lea na toetu mai lesu Keriso ma aumaia le toetutū mo tagata uma. O le a le tusi ua avea ma molimau lona lua o le Toetu?

Tala o Tusitusiga Paia

Aoao atu tala o le Tusi a Mamona mai le Alema 11:40–45; ma le 3 Nifae 11:1–17 e uiga i le Toetu. (Mo auala fautuaina e aoao atu ai tala o tusitusiga paia, tagai i le “Aoaoga Mai i Tusitusiga Paia, itulau vii.) la faamamafa atu o le Tusi a Mamona o se molimau tusitusia lea o le toetu mai o lesu Keriso.

Talanoaga ma Fesili e Faatatau I Ai

Suesue i fesili nei ma mau nei ao e sauniaina lau lesona. Faaoga fesili e te manatu o le a sili ona fesoasoani i tamaiti latou te malamalama ai i tusitusiga paia ma faaoga mataupu faavae i o latou olaga. O le faitauina o mau ma tamaiti i le vasega o le a fesoasoani latou te maua ai le malamalama i tusitusiga paia.

- Na faapefea ona maliu lesu Keriso? (Luka 23:33; 2 Nifae 10:3.) Fesoasoani i tamaiti ina ia malamalama, talu ai ona o lona alofa tele mo i tatou, o lea na ofo ai e lesu Keriso o ia e avea ma o tatou Faaola i le muai olaga. Na ia silafia e maliu o ia mo le fuafuaga a le Tama Faalelagi e galue mo i tatou.
- O le a le mea na tupu ia lesu Keriso i le aso lona tolu ina ua mavae lona maliu? (1 Korinito 15:4; Mosaea 3:10.) O fea sa iai lona agaga i aso na e tolu? (1 Peteru 3:18–19; MFF 138:11–12, 18.) O fea e o iai o tatou agaga pe a tatou oti? (Alema 40:12.)
- O le a le uiga o le *toetu*? (Alema 11:43; 40:18.) Toe foi i tua i le gaioiga e faatosina mai ai, ma faamalamalama atu o le toetu o le toe tuufaatasia lea o le tino ma le agaga ma o le a le toe tuua lava e le agaga le tino.
- Na faapefea ona iloa e tagata i Ierusalemua ua toetu lesu Keriso? (1 Korinito 15:5–7.) Na faapefea ona iloa e tagata sa Nifaē na ola i Amerika ua toetu lesu Keriso? (3 Nifae 11:8–10.) Ina ua faatoa vaai lava sa Nifaē ia lesu Keriso, o ai lea na latou manatu iai o ia lea? (3 Nifae 11:8.) Aisea na finagalo ai lesu e pa'i atu sa Nifaē i faailoga o fao o lo o i ona lima ma ona vae? (3 Nifae 11:14–15.) O le a sou lagona pe ana faapea o oe lea e te iai faatasi ma i latou na vaai i le Keriso toetu?
- E mafai faapefea ona e iloa ua toetu lesu Keriso? (E ala i lou sailia ma le mauaina o se molimau.)
- E faapei le tino o le Faaola toetu ina ua ia asiasi atu i sa Nifaē? (3 Nifae 11:15.)
- O ai isi o le a toetutū? (1 Korinito 15:20–22; Alema 40:4.) E faapei o tatou tino pe a tatou toetutū? (Alema 11:43–45; 40:23.) Atonu e te manao e ta'u atu o a nisi tulaga o le lē atoatoa poo faaletonu o lo o ia te i tatou, o le a na o le olaga nei. O le a tatou atoatoa ma lelei i le Toetutū.
- E faapefea ona avea le Tusi a Mamona ma molimau tusitusia o le toetu o lesu Keriso? Aisea e finagalo ai le Tama Faalelagi ina ia tatou mauaina uma le Tusi Paia ma le Tusi a Mamona (2 Nifae 29:8.)
- Talu ai ona o le toatele o i tatou e le'i vaai i le toetu mai o lesu Keriso e pei o le Au Aposetolo ma Sa Nifaē, e faapefea ona mafai ona tatou maua se malamalamaaga e uiga i le Toetu? Mai tusitusiga paia ma le Agaga Paia. [Tagai i le Moronae 10:4–5.]

**Gaoioiga
e Faamau'oa
Mai Ai**

Atonu e te manao e faaaoga se gaoioiga se tasi poo le sili atu foi o gaoioiga nei i le taimi o le lesona poo le avea ma iloiloga, aotelega, poo se lu'i.

1. Ia faamalamalama atu e finagalo lesu Keriso ina ia iloa uma e i tatou taitoatasi na ia toetu mai ma o lo o soifua pea o ia e oo mai i le asō. Fai atu i tamaiti pe aisea latou te manatu ai e finagalo lesu ia tatou iloa lea mea. O a latou tali e tai tutusa ma tali nei: Ina ia aumaia le filemu o le iloaina a mavae le oti o le a faaaauu pea ona tatou ola ma o le a iai le aso e toe tuufaatasia ai o tatou tino ma o tatou agaga. Ina ia faagauaiina tagata e usitai i poloaiga ina ia latou fialia moni ai ma ola faatasi ma le Tama Faalelagi i le isi olaga. Ina ia faamafanafanaina i tatou i le malamalamaaga e faapea a oti se tasi tatou te alolofa iai, o le a tatou toe faatasi ma ia i se aso.
2. Tusi i luga o le laupapa se upu e oo ane i lou mafaufau i se tala mai se nusipepa talu ai nei lava poo se ulutala o se nusipepa. Faamatala atu lou fialia i le tala. Fai atu i tamaiti e mafaufau i se tala uiga ese ua faasalalauina i le lalolagi. Tusi tali a tamaiti i luga o le laupapa. Ia talanoaina poo le a le eseesea pe afai e le tutupu nei mea. Aisea ua avea ai le tala i le toetu mai o lesu Keriso ma tala uiga ese ua ta'uina mai? O le a se mea e tupu pe ana fai e leai se Toetu? Faitau ma talanoaina le 2 Nifae 9:19–22.
3. Faitau pe usu upu o le “He Sent His Son” (*Children's Songbook*, p. 34), “Did Jesus Really Live Again?” (*Children's Songbook*, p. 64), poo le “Ua Toetu lesu” (*Pese Faatasi Ma A'u*, F–17).

Faaiuga

Molimau

Ia molimau atu o le Tusi a Mamona o se molimau tusitusia o le toetu mai o lesu Keriso. Ia molimau atu talu ai ona o le alofa o le Faaola ia te i tatou, ua ia tigaina ai ma maliu mo i tatou uma taitoatasi. O lona toetu ua mafai ai e tagata uma ona toe ola.

Tusi Fautuaina e
Faitau i le Aiga

Ia fautuaina tamaiti e suesue le 3 Nifae 11:8–17 i le fale e toe iloilo ai lenei lesona.

Tofi se tamaititi e faia le tatalo faaiu.

O Le Tusi a Mamona: O se Tasi Molimau Ia Iesu Keriso (Kerisimasi)

Lesona
46

Faamoemoega Ina ia aoaina tamaiti o le Tusi a Mamona o se molimau lona lua ia Iesu Keriso.

Sauniuniga

1. Suesue ma le agaga tatalo le 1 Nifae 10:4; 11:13, 15, 18; 2 Nifae 25:19; 29:8; Mosaea 3:5; Alema 7:10; Helamana 14:2–5; Isaia 7:14; Mataio 1:21; 2:1–2, 9–10; 20:19; Luka 1:35; 2:8, 10–12; ma le Ioane 3:16. Ona aoao lea o le lesona ma fuafua pe faapefea ona e aoaina i tamaiti faamatalaga o tusitusiga paia. (Tagai i le “Sauniaina o Au Lesona,” itulau vi, ma le “Aoao mai Tusitusiga Paia,” itulau vii.)
2. Filifili fesili talanoaina ma gaoioiga e faamau'oa mai ai o le a aofia ai tamaiti ina ia sili ona fesoasoani mo i latou ina ia 'ausia ai le faamoemoega o le lesona.
3. O Mea e Faaaoga:
 - a. Ia tofu tamaiti ma se Tusi a Mamona.
 - e. Se Tusi Paia.
 - i. Ni pine o igoa poo ni sikafu ma ni pulupulu mo tamaiti e faaaoga i le taimi o gaoioiga e faatosina mai ai.
 - o. Ata 4–9, O Iesu Keriso (Taga Ata o le Talalelei 240; 62572); 4–10, O Le Fanau Mai o Iesu (Taga Ata o le Talalelei 200; 62116); 4–21, O Le Lauga a le Tupu o Peniamina i Ona Tagata (Taga Ata o le Talalelei 307; 62298); 4–42, O Samuelu le Sa Lamanā i Luga o le Aupa (Taga Ata o le Talalelei 314; 62370); 4–44, Faafanua o le Lalolagi; ma le 4–45, O Iesu o Lo o Aoao Atu i le Itu Lalolagi i Sisifo (Taga Ata o le Talalelei 316; 62380).

Faalautelega

Fautuaina

o le Lesona

Tofi se tamaititi e faia le tatalo amata.

Gaoioiga e
Faatosina Mai Ai

Faaali atu le ata o le Fanau Mai o Iesu. Ia faamalamalama atu o lo o faamaumauina e le Feagaiga Tuai le fanau mai o Iesu i Ierusalem. O le Tusi a Mamona o se molimau lona lua tusitusia lea o Iesu Keriso ma o lo o ta'u mai ai mea na tutupu i Amerika ina ua fanau mai o ia.

Ia faamatalaina e ni tamaiti se toafa vaega a Liae (600T.L.M.), le Tupu o Peniamina (124T.L.M.), Alema (83T.L.M.), ma Samuelu le Sa Lamanā (6T.L.M.). Ia faitauina e tamaiti valoaga a perofeta taitasi e uiga i le fanau mai o Iesu Keriso mai faamaumauga nei: Liae, 1 Nifae 10:4; Tupu o Peniamina, Mosaea 3:5; Alema, Alema 7:10; ma Samuelu le Sa Lamanā, Helamana 14: 2.

A'o faailoaina mai perofeta taitasi, ia uuina atu i luga le ata o le perofeta a'o faitauina atu e se tasi tamaititi le mau.

- O a faailoga o le fanau mai o Iesu Keriso na vaaia i Peteleema? (Luka 2:6–14; Mataio 2:1–2.) O a faailoga na vaaia i Peteleema ma vaaia foi i Amerika? (3 Nifae 1:21.) O a isi faailoga na tuuina atu i Amerika? (3 Nifae 1:15, 19.)

Tala o Tusitusiga Paia

I le faaaogaina o ata i taimi e talafeagai ai, ia aoao atu tala o le fanau mai o Iesu Keriso e pei ona faamatalaina mai i totonu o le Tusi Paia ma le Tusi a Mamona. (Mo auala fautuaina e aoao atu ai tala o tusitusiga paia, tagai i le “Aoaoga Mai i Tusitusiga Paia, itulau vii.) Ia faamamafa atu o le Tusi Paia sa tusia i autafa ma totonu lava o Ierusalem a e o le Tusi a Mamona sa tusia i totonu o Amerika pe tusa ma le fia afe maila mai Ierusalem.

Ia faamalamalama atu o le Tusi Paia ma le Tusi a Mamona na tusiaina e le tele o perofeta eseese. A’o faitauina fuaiupu e faatatau iai, fesili atu i tamaiti pe na tusia e perofeta i le Aai Paia e pei ona faamaumauina i le Tusi Paia poo perofeta o le Tusi a Mamona mai Amerika.

Talanoaga ma Fesili e Faatatau I Ai

Suesue i fesili nei ma mau nei ao e sauniaina lau lesona. Faaaoga fesili e te manatu o le a sili ona fesoasoani i tamaiti latou te malamalama ai i tusitusiga paia ma faaaoga mataupu faavae i o latou olaga. O le faitauina o mau ma tamaiti i le vasega o le a fesoasoani latou te maua ai le malamalama i tusitusiga paia.

- I le ono selau tausaga a’o lumanai le fanau mai o le Faaola, o ai le igoa o le Alo o le Atua o le a iai e pei ona fai mai ai Nifae? (2 Nifae 25:19.) O le a le valoaga a Nifae ma Isaia e uiga i le tina o le Faaola? (1 Nifae 11:13, 18; Isaia 7:14.) O le a le valoaga a Alema o ai le igoa o le tina o le Alo o le Atua? (Alema 7:10.)
- O ai le tama o Iesu? (Luka 1:35. O le Tama Faalelagi.) O ai Iosefa? (O Iosefa o le toalua o Maria. Ia faamalamalama atu e ui lava o le Tama Faalelagi o le Tama lena o le tino ma le agaga o Iesu, ae sa tausiana pea e Iosefa Iesu ma avea o ia ma ona tama e pei o tausi i sona atalii.) A’o lumanai le fanau mai o Iesu, o le a le tala a le agelu ia Iosefa o ai le igoa o le pepe? (Mataio 1:21.)
- O a faailoga e uiga i le fanau mai o Iesu na tuuina atu e Samuelu le Sa Lamanā? (Helamana 14:2–5.) O a faailoga na tuuina atu i Ierusalem? (Luka 2:8, 10–12; Mataio 2:1–2, 9–10.)
- Aisea e taua ai lo tatou mauaina o ni molimau tusitusia se lua i le fanau mai ma le misiona a Iesu Keriso? (2 Nifae 29:8.)
- Aisea na auina mai ai e le Tama Faalelagi Iona Alo o Iesu Keriso i le lalolagi? (2 Nifae 9:21–22; 3 Nifae 27:13–14; Ioane 3:16.)
- O a auala tatou te faaali atu ai o tatou agaga faafetai mo Iesu Keriso e pei ona finagalo iai le Tama Faalelagi? (Alema 7:23–24.)

Gaoioiga e Faamau’oa Mai Ai

Atonu e te manao e faaaoga se gaoioiga se tasi poo le sili atu foi o gaoioiga nei i le taimi o le lesona poo le avea ma iloiloga, aotelega, poo se lu’i.

1. Ia tuuina atu i tamaiti e mulimuli i faataitaiga a Iesu Keriso i lo latou filifili lea o se meaalofoa a le tagata lava ia e ala lea i le auauna atu i se tasi mo le Kerisimasi. Ia tuuina atu ia tofua tamaiti uma ma se pepa ma se penitala e tusi ai i lalo a latou meaalofoa ma pe faapefea ona latou tuuina atu a latou galuega fesoasoani.

2. Fai atu i tamaiti e fetufaai mai ni tu faaleaiga e faamanatu ai ia te i latou le fanau mai o Iesu Keriso. O tamaiti laiti atonu latou te mananao e tusi ni ata o lo latou aiga o lo o auai atu i lea tu faaleaiga.
3. Faaali atu le ata 4–9, O Iesu le Keriso (Taga Ata o le Talalelei 240; 62572). Ia tuuina atu i tamaiti uma e faamatala mai se mea na tupu i le Kerisimasi na fesoasoani ai ia te ia ina ia ona manatua ai pea Iesu Keriso i le tausaga atoa.
4. Faatusatusa nisi o aoaoga a le Faaola o lo o i totonu o le Tusi Paia ma isi o lo o i totonu o le Tusi a Mamona, e pei o nei: Mataio 5:16 ma le 3 Nifae 12:16; Mataio 7:12 ma le 3 Nifae 14:12; ma le Mataio 5:44 ma le 3 Nifae 12:44.
5. O le kalena o lo o i le faaiuga o le lesona e mafai ona faaaoga mo se auala se tasi poo le sili atu foi i auala nei: Fai se kopi o le kalena mo tamaiti taitoatasi e valivali ma ave i le fale o se meaalofoa mo le aiga. O lenei kalena e mafai ona faaaoga i le faagasologa o le tausaga e avea ma faamanatu e mulimuli ia Iesu Keriso. Faitau atu manatu nei i tamaiti ma tuu atu ia latou filifili nisi o vaega latou te mananao iai. Fai se kopi o le kalena ma tipi ese vaega taitasi. E mafai e tamaiti ona filifili auala latou te mananao e ave i le fale e avea ma faamanatu. I le faaogaina o le kalena e avea ma ata faaitai, ia tuuina atu i tamaiti e fai lava ni a latou kalena. Tusi le kalena i luga o se pepa lautele e faaali atu ai i totonu o le potuaoga.
6. Usu pe faitau upu o le “Mamao I Se Fale o Manu” (*Pese Faatasi Ma A’u*, F-1) poo le “Na Auina Mai Lona Alo” (*Tusipese a Tamaiti*, i. 34).

Faaiuga

Molimau

Ia fetufaai atu lau molimau o Iesu Keriso o le Alo o le Atua. Ia faaali atu lou agaga faafetai mo le mauaina o le Tusi Paia ma le Tusi a Mamona o ni molimau i le soifuaga o Iesu Keriso ma lana misiona.












Tuu atu le avanoa i tamaiti e faaali mai ai o latou lagona e uiga i le Faaola ma lona uiga ia te i latou. Ia luliina tamaiti e faaaoga le vaitaimi o le Kerisimasi e mafaufau ai e uiga ia Iesu Keriso ma mea uma ua ia faia mo i tatou.

Tusi Fautuaina e
Faitau i le Aiga

Ia fautuaina tamaiti e suesue le 1 Nifae 11:12–24 ma le 2 Nifae 29:8 i le fale e toe iloilo ai lenei lesona.

Tofi se tamaititi e faia le tatalo faaiu.

Tuuina Atu o le Auaunaga Alofa

ASO SA	ASO GAFUA	ASO LUA	ASO LULU	ASO TOFI	ASO FARAILE	ASO TOONAI
	la valaaulia atu nisi o uo mo se afiafi faaleaiga 	Asiasi i ē mama'i 	Faalogo lelei i se tasi 	Faamagalo atu i se tasi 	Tuuina atu se faamatalaga faamaoni 	Valaau atu pe faamalosi i se tasi 
Tusi atu i se faifeautalai 	Ofo atu e fufulu ipu 	Fai se mea lelei mo le au epikopo 	'Ata 'ata atu 	Auina atu se tusi i se tasi 	Mafaufau i ni mafauauga lelei i se tasi 	Avatu se meaai i se tasi o lo o ma 'i 
Ti 'eti 'e faatasi ma se tasi i lau taavale agai i le lotu 	Fetufaai atu se taleni 	Ia kuka se 2 ae avatu le 1 	Ia fusi atu i se tasi 	Faitau atu se tusi i se tamaititi 	Taumafai e malamalama i lagona o se tasi 	Faia se uo fou 
Faafelloai atu i se tagata fou ua sau i le lotu 	Fetufaai se mea lelei mo le afiafi faaleaiga 	Ta 'u atu i sau uo se mea e te fiafia ai ia te ia 	Fai se mea o lo o manao ai se tasi 	Faaali atu ou lagona e te popole mo se tasi 	Ata 'ata atu i se tasi o faauū 	Asiasi atu i se tagata matua tou te tuaoi 
Fesoasoani atu i se tina o lo o pisi i le vaaiga o lana fanau i le lotu 	Ia faapea atu "Ou te alofa ia te oe" 	Faamamā lou potu e 				

E Mafai e le Perisitua Ona Faamanuiaina o Tatou Olaga (Lesona Sauniuni mo le Perisitua)

Faamoemoega O lenei lesona ua tusiaina ina ia fesoasoani ai i tamaiti ua ta'isefulutasi tausaga le matutua ina ia malamalama i faamanuiaga ma tiutetauave o le perisitua. E tatau ona aoaina atu lenei lesona a'o le'i aulia e le tamaititi muamua o lau vasega le sefululua o ona tausaga.

- Sauniuniga**
1. Suesue ma le agaga tatalo le "Molimau a le Perofeta o Iosefa Samita" i le faatomuaga o le Tusi Mamona poo le Talafaasolopito o Iosefa Samita 2:29–54, 59, 66–72; Mataupu Faavae ma Feagaiga 13, e aofia ai le faaulutala; Mataupu Faavae ma Feagaiga 121:34–46.
 2. Suesue le lesona ma fuafua pe faapefea ona e manao e aoao atu i tamaiti le tala faatusi paia (tagai Saunia o Au Lesona," i. vi, ma le "Aoao Atu mai Tususiga Paia," i. vii). Filifili ia fesili e talanoaina ma gaoioiga e faamauoa mai ai na o le a sili ona fesoasoani i tamaiti e maua ai le faamoemoega o lenei lesona.
 3. Mea e manaomia:
 - a. Se Tusi a Mamona mo tamaiti uma.
 - e. Se Mataupu Faavae ma Feagaiga.
 - i. Se mea e maua mai ai le malamalama e pei o se moliuila, se matauila, poo se moli matagi.
 - o. O ata 4-9, O Iesu le Keriso (Taga Ata o le Talalelei 240;62572); Faauga i le Perisitua (62341); ma loane le Papatiso o Loo Tuina Atu le Perisitua Arona (Taga Ata o le Talalelei 407; 62013).

Faalautelega Fautuaina o le Lesona

Tofi se tamaititi e faia le tatalo amata.

Gaoioiga e
Faatosina
Mai Ai

Faaali atu se mea e maua mai ai le malamalama.

- O le a se mea e moomia ina ia maua ai e lenei mea le malamalama? Afai e iai sau moliuila, ia faaali atu e moomia ni maa, o se matauila, ma se ki e mafai ona galulue uma ina ia maua ai se malamalama. O se matauila e tatau ona lelei ona totoga ma e tatau ona faamau i se soketi lea e faapipii atu i le mea e maua mai ai le malosiaga. E tatau foi ona faaola le ki ina ia mafai ai ona sosolo atu le eletise.

Fai atu i tama o le vasega e tutu i luga. O nei tamaiti o loo iai le faamoemoega latou te mauaina le perisitua, o se malosiaga lea e sili atu nai lo le eletise aua o le mana lea ma le pule e galue ai i le suafa o le Atua. O lenei mana e mafai ai ona papatisoina fanau a le Tama Faalelagi ma mauaina isi sauniga o le Ekalesia. Ae ina ia mafai ona mauaina lenei mana ma faaaogaina e pei ona faamoemoeina e le Atua, e tatau i se tama ona agavaa ma saunia lelei.

I le faaaogaina o ata i taimi e talafeagai ai, ia aoao atu le tala i le mauaina e Iosefa Samita o papatusi auro ma le faauuina i le Perisitua Arona mai le “Molimau a Iosefa Samita” poo le Talafaasolopito o Iosefa Samita 2:29–54, 59, 66–72. Atonu e moomia lou iloilo ina faapuupu faatasi ma le vasega ia mea na tutupu na taitaiina atu ai i le mauaina e Iosefa o papatusi auro.

Talanoaga ma Fesili e Faatauaia

Suesue i fesili nei ma mau mai tusitusiga paia ao e saunia lau lesona. Faaoga fesili e te lagonaina o le a sili ona fesoasoani i tamaiti ia malamalama ai i mau ma faatauaia mataupu i o latou olaga. O le faitauina ma talanoaina faatasi ma tamaiti i lau vasega o le a fesoasoani ia i latou e maua ai so latou malamalama.

- Aisea na le mafai ai e Iosefa Samita ona faaliliu papatusi auro, maua le perisitua, ma faavaeina le Ekalesia i le taimi lava na uma ai ona maua le Uluai Faaaliga? (E lei saunia o ia; sa moomia lona tuputupuae i le potu ma le malamalama.)
- O le a le galuega taua muamua lava na tau atu e le Alii ia Iosefa na te faia? (Ia faaliliuina ia papatusi auro ina ia mafai ona tatou mauaina le Tusi a Mamona.)
- O le a le mea a Iosefa sa faia i le po na faaali muamua atu ai le agelu o Moronae ia te ia? (Talafaasolopito o Iosefa Samita 2:29–30.) Na faafia ona faaali atu Moronae ia Iosefa Samita a’o lei vaai Iosefa i papatusi auro mo le uluai taimi? (Talafaasolopito o Iosefa Samita 2:30, 44–49; e faafa.) O le a sou manatu aisea na ta’u faatolu atu ai e Moronae lana savali?
- O a isi faatonuga na mauaina e Iosefa ao lei mafai e ia ona amata le faaliliuga o papatusi auro? (Talafaasolopito o Iosefa Samita 2:53–54.) Na faapefea ona fesoasoani leni faatonuga e saunia ai Iosefa Samita mo isi mea ofoofogia o le a ia faia? O le a se mea o loo e faia e te saunia ai mo le lumanai?
- O a ni tiute faapitoa e tauaveina e le toatele o alii talavou o le Au Paia o Aso e Gata Ai i le sefululua o o latou tausaga? (Latou te mauaina le Perisitua Arona ma faauuina o ni tiakono.)
- Na faapefea ona mauaina e Iosefa Samita le Perisitua Arona? (Talafaasolopito o Iosefa Samita 2:68–70.) E faapefea ona mauaina e se alii talavou le Perisitua Arona i aso nei? (E faatalanoaina o ia mo le agavaa ma faauuina e ala i le faaee atu o lima e se alii ua iai le pule e faauuina ai o ia.)
- E tatau faapefea ona saunia tama laiti e mauaina le perisitua? E tatau faapefea ona saunia teine laiti ina ia mauaina faamanuiaga o le perisitua? (O tama ma teine e saunia uma i le auala lava e tasi. Latou te tatalo, ia faatuatua, aoao le talalelei mai matua ma faiaoga, ola agavaa, usitai i poloaiga, auauna atu i isi, faaaloalo i isi, ma ia faamaoni.) (Tagai i le gaoioiga e faamauoa mai ai lona 4.)
- O a tiutetauave o tiakono o iai i le Ekalesia? (MFF 20:59.) E faapefea ona latou faataunuaina nei tiutetauave? (Tufaina o le faamanatuga, aoina o le taulaga anapogi, avea o se avefeau a le epikopo i sauniga faamanatuga, ma faia se faataitaiga lelei.)
- O ai le tagata muamua lava na ia tufaina atu le faamanatuga? (O Iesu Keriso.) Aisea e matuai paia ai lava le faamanatuga? (O se sauniga e faailoa ai le taulaga na faia e Iesu Keriso mo i tatou.)

Faitau e oe pe tuu atu i se tasi o le vasega e faitauina le upusii lenei mai ia Elder Jeffery R. Holland: “Matou te faapea atu ia te outou alii talavou o le Perisitua Arona ina ia saunia ma faamanuia ma tufaina atu nei faatusa o le taulaga a le Faaola ma le agavaa ma le faaaloalo. E maeu lenei avanoa ofoofogia ma se faatuatuaga paia ua tuuina atu i se talavou! E le mafai ona ou manatuaina se isi faamatalaga sili atu e mafai e le lagi ona fai atu ia te outou. Matou te alolofa ia te outou. Ia outou ola i se olaga e sili atu, ma ia sili ona outou aulelei pe a outou auai i le faamanatuina o le Talisuaga a le Alii” (*Liahona* Ianuari, 1996. i. 80).¹

- E mafai faapefea ona tatou faamamaluina ma lagolagoina uma le perisitua? (Ia taliaina valaauga mai taitai o le perisitua; auauna atu i isi; tautala ma le faaaloalo i taitai o le Ekalesia; ma tatalo mo tama, uso, tagata o le aiga, ma isi o loo umiaina le perisitua.) (Tagai i le gaoioiga e faamauoa mai ai lona 3.) E mafai faapefea e lou faia o nei mea ona fesoasoani i lou tama poo lou tuagane e faamamaluina lona perisitua? E mafai faapefea ona latou fesoasoani ia te oe ia e mauaina le perisitua poo faamanuiaga o le perisitua?

Gaoioiga e Faatosina Mai Ai

E mafai ona e faaaogaina se gaoioiga se tasi poo le sili atu foi o nei gaoioiga i soo se taimi o le lesona e avea o se iloiloga, aotelega poo se lu’i.

1. Tusi i luga o ni fasi pepa eseese ia faamanuiaga nei e ala mai le perisitua:

Mauaina o se igoa ma se faamanuiaga
Papatisoina
Mauaina o le meaalofa o le Agaga Paia
Mauaina o se faamanuiaga pe a mai
Taumafa i le faamanatuga
Auauna atu faamisiona
Faaipoipo i le malumalu

Vaevae le vasega i ni vaega ma tuu atu iai ni pepa taitasi. Ia valaaulia tamaiti i vaega taitasi e fetufaai mai ni tulaga faaleaiga poo le faaletagata lava ia e faatatau i le faamanuiaga o loo tusia i luga o a latou pepa.

2. Fai atu i tamaiti e mafaufau i se taimi sa latou iai i se nofoaga pogisa lava. Ona faamatala atu lea o le tala i se vaega o tagata tafafao o e na malaga atu i totonu o se ana pogisa lava. Ina ua latou oo i totonu o le ana, sa tape loa e le tagata taiala ia moli, ma latou faatali mo ni nai minute, ona fai atu lea i tagata uma e tusi o latou lima i le auala e toe foi ai i fafo. Ina ua toe ola ia moli, sa tofu uma lava tagata ma itu eseese sa tusi atu iai o latou lima.

Faamatala atu le upusii lenei mai ia Elder Robert D. Hales: “Afa’i ana leai le mana o le perisitua i luga o le fogaeleele, semanu o le a maua e le tiapolo lona saolotoga e fesavaliai ma nofotupu ai e aunoa ma se faalavelavea. Semanu o le a le iai se meaalofa o le Agaga Paia e taitaiina ma faamalamalamaina i tatou; e leai ni perofeta e tautatala mai i le suafa o le Alii; e leai ni malumalu e mafai ai ona tatou osia ai ni feagaiga paia ma faavavau; leai se pule e faamanuia poo le papatiso ai, poo le faamalolo ma faamafanafana ai. . . . Semanu o le a le iai se malamalama, leai se faamoemoe—ae na o le pogisa” (*Liahona* Ianuari, 1996, itulau 39).

3. Pe faamatala atu le tala lenei i se mea na faia e se tasi aiga e lagolagoina ai lo latou tama i lona valaauga faaperisitua:

“Sa matou nonofo[i se Konafesi Aoao i tausaga ua mavae] faatasi ma le fanau e toaono a Elder Ezra Taft Benson, o se tasi o i latou sa ma potu faatasi i le kolisi. Sa faateleina lo’u naunau ina ua tulai i luga Peresitene McKay ma faailoa mai le failauga o le a sosoo ai. Sa ou vaai atu ma le faaaloalo ia Elder Ezra Taft Benson, o le ou te le i feiloai iai, o savali ane i le masini faaleotele leo. O ia o se tagata maualuga, e silia ma le ono futu lona umi. O ia o se tagata o loo iai se faailoga maualuga, o se alii ua lauiloa i le atunuu atoa o le Failautusi o Faatoaga a le lunaite Setete ma o se molimau faapitoa a le Alii, o se alii e foliga mai e manino ma mautinoa, o le ua lauga atu i le lalolagi atoa. E le’i pine ae tago mai se tasi i lo’u lima. Na punou mai se teine laititi ma musumusumu mai ia te au ma le gauai, ‘Tatalo mo Tama.’

“Sa ou le mautonu, o lo’u manatu lea, ‘O lenei savali e tuufaasolo atu seia soo le laina, ma e tatau ona ou tuuina atu i le isi. E tatau ea ona ou faapea atu, “Tatalo mo Elder Benson”? Pe tatau ea ona ou faapea atu, “E tatau ona e faia se tatalo mo lou tama?” ’ Na ou lagonaina le tatau ona ou vave gaoioi, o lea na ou punou atu ai ma musumusumu atu ma le faigofie, ‘Tatalo mo Tama.’

“Na ou vaai lea musumusuga ua agai atu i le laina seia oo lava i le mea o loo nofo ai Sister Benson, ua taufai punonou uma.

“I le tele o taimi talu mai lena aso ou te manatuina ai lava le savali—Tatalo mo Tama, o se peteriaka o le aiga. Tatalo mo ia ao avea o se peresitene o le itu poo se faiaoga o aiga. Tatalo mo ia pe a avea ma se failautusi faapitoa o se faalapotopotoga faalemalo, pe afai e faamanuiaina sana pisinisi, pe afai foi e tipi lona totogi. Tatalo mo ia pe a ia tuuina atu se fautuaga i le afiafi faaleaiga. Tatalo mo Tama o loo galue i ni itula uumi ina ia mafai ona alu Jerold i se misiona ma mafai ona alu atu Diane i le kolisi. Tatalo mo ia pe a lauga atu i le sauniga faamanatuga poo le tuuina atu foi ia Tina o se faamanuiaga ina ia mafai ona toe malosi o ia. A oo i le afiafi, pe a foi mai o ia ua vaivai, ma le fiafia, ia tatalo mo ia. Tatalo mo Tama i mea uma o le a ia faia—o mea laiti ma mea tetele.

“Ao tuanai atu tausaga, ua tuanai atu foi ia konafesi aoao, ma soo se taimi lava e tulai ai i luga Peresitene Benson e lauga, ou te mafaufau lava, ‘I lana fanau, o loo salalau solo i lenei konitineti, o loo afaatasi i lenei taimi i le tatalo mo lo latou tama.’

“Ma ua ou talitonu ai o si savali puupuu na tuuina atu i le laina o tagata i tausaga e tele ua mavae o se savali sili lena e mafai e se aiga ona fetuفاai ai. O se mana ma se faatuatua faaopoopoina e mafai ona maua e soo se alii na te faafetaiaia ai luitau o aso taitasi o lenei olaga pe afai o sona atalii poo sona afafine i soo se vaega o le lalolagi o iai o loo musumusumu ane faapea, ‘Tatalo mo Tama’ ” (Elaine McKay, “Pray for Dad,” *New Era*, June 1975, p. 33).

4. Afai tatou te ola i le talalelei o le a tatou saunia e taliaina tiutetauave ma olioli i faamanuiaga o le perisitua. Faitau le “O O’u Tulaga o le Talalelei” (Tamaitusi *O O’u Aso o Faataunuuga* [35317 890], faavaa pito i tua), taofi pe a mavae ia tulaga taitasi ma tuu atu i tamaiti e mafaufau poo le a lo latou ola agavaa o iai i le tausiga o lena tulaga. A maea ona e faitauina le lisi, atonu o le a e manao e iloilo e ala lea i lou faia o taga poo le tauina atu o upu autu.

O O’u Tulaga o le Talalelei

1. O le a ou manatua a’u feagaiga o le papatisoga ma faalogo i le Agaga Paia.
2. O le a ou faamaoni i le Tama Faalelagi, o isi, ma a’u lava.

3. O le a ou saili ni uo lelei ma tausii i isi i le agalelei.
 4. O le a faia faalelei o'u lavalava ina ia faaali atu ai lo'u faaaloalo i le Tama Faalelagi ma a'u lava.
 5. O le a ou faitau ma matamata na o mea e logoleleia i le Tama Faalelagi.
 6. O le a na o musika e logoleleia i le Tama Faalelagi ou te faalogo iai.
 7. O le a ou faaogaina le suafa o le Tama Faalelagi ma lesu Keriso ma le faaaloalo. Ou te le tauto pe ou te faia ni upu eleelea.
 8. O le a ou tausia lo'u tino ia mama ma paia.
 9. Ou te le 'ai pe inu lava i soo se mea e oona.
 10. O le a ou faia i le Aso Sapati na o mea ou te lagonaina ai lo'u latalata atu i le Tama Faalelagi.
 11. O le a ou filifili le sa'o. Ou te iloa e mafai ona ou salamo pe a ou faia se mea sese.
 12. O le a ou ola nei ina ia ou agavaa e alu atu i le malumalu ma faia se misiona.
 13. O le a ou mulimuli i le fuafuaga a le Tama Faalelagi mo a'u.
5. Faamatala atu le upusii lenei mai ia Peresitene Gordon B. Hinckley, le Peresitene lona sefululima o le Ekalesia: O lenei ekalesia e le o se ekalesia a le Peresitene. O lona ao o le Alii o lesu Keriso, o lona suafa lea e tauaveina i o tatou luga uma i le taimi o le papatisoga. O loo tatou iai faatasi uma lava i lenei galuega ofoofogia. Ua tatou iai iinei ina ia tatou fesoasoani i lo tatou Tama i Lana galuega ma Lona mamalu, 'o le faaofuina lea o le tagata i le tino ola pea ma le ola e faavavau' (Mose 1:39). O lo outou tiute e tutusa lona taua e pei foi o lo'u tiute. E leai se valaauga i lenei ekalesia e laititi pe faatauavaa. O i tatou uma lava i le faataunuaina o o tatou tiute e aafia ai olaga o isi" (*Liahona*, Iulai 1996, i. 76).
6. Usu pe faitau upu o le "O Loo Tautalagia linei le Alofa" (*Tusipese a Tamaiti*, i. 190).

Faaiuga

Molimau	Atonu e te manao e tuuina atu lau molimau e faapea o le perisitua na toefuataiina mai ma o le pule lena e galue ai mo le Atua. Ia uunai alii ina ia ola agavaa nei e umia le Perisitua Arona ma tagata uma o le vasega ina ia ola agavaa e mauaina faamanuiaga uma o le perisitua. Ia uunai tamaiti e faamamalu ma lagolagoina o latou taitai perisitua.
Fetufaaiga Fautuaina mo le Aiga	Ia uunai tamaiti taitoatasi e fetufaai ma o latou aiga se vaega patino o lenei lesona, e pei o se tala, fesili, poo se gaoioiga, poo le faitau faatasi foi ma o latou aiga ia le "Tusi Fautuaina e Faitau i le Fale."
Tusi Fautuaina e Faitau i le Fale	Ia fautuaina tamaiti e suesue le Mataupu Faavae ma Feagaiga e 121:34–46 i le fale e avea o se toe faamanatu o lenei lesona. Tofi se tamaititi e faia le tatalo faaii.

O LE EKALEZIA A
IESU KERISO
O LE AU PAIA O ASO
E GATA AI

